

DE CAESARIBVS
GERMANICIS.

LIBER I.

CAROLVS MAGNVS.

Carolus antiquis Francorum regibus ortus,
Imperij meruit iudice sceptrum manu,
Cum Desiderij fera contudit arma tyranni,
Finibus Aufonij qui metuendus erat.
Cumq; rebellantes per multos Saxones annos,
Traiecto domuit flumine Moene tuo.
Excisis Auarum compescuit urbibus Hunnos,
Gens quibus asperior cognita nulla fuit.
Condidit & septem deductis castra colonis,
Pæoniæ celsis aspicienda iugis.
Atq; Saracenos ab Iberi depulit undis,
Irrigat Hesperios huc ubi Bætis agros.
Astrorum cursus, & fata regentia mundum,
Scrutari solitus tempore pacis erat.
Addictusq; fuit concessa per ocia Musis,
Doctus in alternos cogere uerba pedes.
Carmina, morte quibus Rolandum fleuit ademptum,
Quattuor hæc eius nomine uulgus habet,
Tu patriam repetis, tristi nos orbe relinquis,
Te tenet aula nitens, nos lachrymosa dies.
Sed qui lustra geris binos octo super annos,
Ereptus terris, iustus ad astra redis.

Teutones

GERMANICI

Teutones arctois etiam quibus utimur oris,
Nomina bisseis mensibus ipse dedit.
Cum quater, à decimo, tria lustra peregerat, anno
Vltima longæuum fata tulere senem.

LVDOVICVS PIVS.

Filius imperij cœpit Ludouicus habenas,
Nomen ab insigni qui pietate tulit.
Hic studium pacis cum bella perosus amaret,
Marte tamen clarus militiaq; fuit.
Cymbrica sedato pacauit regna tumultu,
Exitium fratri fratre mouente suo.
Compulit & sumptis absistere Britonas armis,
Stricta iubens sæua ponere tela manu.
Expulit Aufonios & Tybridis urbe Quirites,
Qui caput exortæ seditionis erant.
Fœlix, si sterili sobolem natura negasset,
Nullus & uxoris cognitus esset amor.
Quos genuit natos, crudeles repperit hostes,
A quibus heu captus uincula sæua tulit.
Mox tamen ereptus fatali carceris antro,
Cœpit honorata reddita sceptrum manu.
Emeritam clausit supremo fine senectam,
Mogus ubi Rheni cornua miscet aquis.

LOTHARIVS I.

Laude nihil dignum famaq; Lotharius egit,
Intulit iniustus fratribus arma suis:

A qui



Menander.

Ἀριστὸν βεῖ τι καὶ ἐπιδοῦσθαι καλόν.
Optimū est oīa sine pulchra.

Omnium rerum satiabile verum Dej;

Mirus athenicus sana conscientia.

Met.

Estreicher XXVII, 6

7
GEORGII
SABINI BRANDE
BURGENSIS POEMATATA ET
NUMERO LIBRORVM AVCTA,
ET EMENDATIVS IMPRES
SA, QVAM ANTEA
FVERVNT.



LIPSIÆ
IN OFFICINA VALEN
TINI PAPAE.

Anno

M. D. LVIII.

CATALOGVS EO-
RVM QVAE HOC VO-
lumine continentur.

Elegiarum libri VI.

Cæsares Germanici.

De nuptijs Regis Poloniae carmen Heroicum, conti-
nens præcipuas omnium Polonicorum Regum
historias.

Ecloga de Gallo ad Ticinum capto.

Ecloga de nuptijs illustrissimi principis Alberti
Marchionis Brandeburgensis, primi Ducis
Prussiae.

Epigrammatum & Hendecasyllabarum libri II.

Liber carminum Adoptivus.

Additæ sunt aliquot epistolæ, cum ipsius Sabini: tum
Petri Bembi, aliorumq; eruditorum, et Caroli V.
Imperatoris, de Sabino scriptæ.



ILLVSTRIS

SIMO ET REVE

RENDISSIMO PRINCIPI AC

DOMINO, DOMINO SIGISMUNDO,

Archiepiscopo Madeburgensi, Primate Germanie,

administratori Halberstatensi Ecclesie, Mar-

chioni Brandeburgensi, Stetiniensium, Po-

meranie, Cassubiorum, Vandalorum, &

Crosne in Silesia Duci: Burggra-

uio Norimbergensi, ac Ru-

gie principi:

GEORGIVS SABINVS

S. P. D.



T alij motus heroici, quibus ceu flammis accenduntur excellentes uirtutes, sunt singularia Dei opera in hominū natura, ut Herculis, Achillis, Alexandri fortitudo: ita nō dubium est, uim ingenij excellentem ad fundendum carmen sonorum, co-

A 2

pio

EPISTOLA

piofum, dulce mentibus auribusq; eruditorum, proprie Dei opus eſſe, ac ſingulare & mirandum naturæ humanæ decus. Lucet autem magis, cum res ſapienter cogitatæ, & illuſtratæ uerborum luminibus, numeroſa oratione exponuntur: ~~quod ſine multarũ artium ac rerum cognitione effici non poteſt.~~ Quid enim excogitari pulchrius in natura humana poteſt tali ſeu muſica ſeu poëtica, quæ inſtructa ſapientia & cognitione rerum optimarum, fundit ceu flumen, illam magnarum rerum expoſitionem dulciſſima harmonia numeroſæ orationis. Talis eſt Homeri, Virgilij & Ouidij Poëtica: & fortaiſſis talia fuerũt multorum aliorum excellentium uirorum ſcripta, Orphei, Amphionis, Linij, Muſæi, Ennij: quorum etſi non extant integra uolumina, tamen cum tã honorifica de eis iudicia facta ſint, ut alij feras, & ſaxa traxiſſe ferantur, alij ſummis uiris familiares fuerint, & fragmenta oſtendãt eos res maximas carmi-

carminibus complexos esse:credibile est uim naturę in eis & sapientiam fuisse maiorem, quàm qualis est in mediocribus hominibus. Itaq; de uera Poëtica cogitans,magnum quiddam & diuinum,eam esse affirmare nō dubito. Ac saepe doleo non solum Reges & principes,qui non sunt exculti doctrina,pulchritudinem huius facultatis non considerare: sed hos etiam quorum ingenia non abhorrent ab hac musica,adeo negligentes esse, ut naturę facultatem nō studeant augere & ornare doctrina, & imitatione optimorum exemplorum, Aliqui etiā, uim ingenij in materijs indignis lectu, in maledictis, aut obscœnitate consumunt. Sed profecto aliqua est & principum in ea re culpa, qui si & eligerent,& fouerēt ingenia, plures ad uerum decus tenderent. Nam quantulūcunq; est, quod studio ad naturam adijci potest,tamen postulat tempus, otium,animum uacuū sordidis curis, rerum multarum doctrinam, collati-

EPISTOLA

onem iudiciorum cum doctioribus,
 emendationem: nec quicquam præ-
 clarum subito nascitur. Hæc autem
 fieri non possunt, nisi principum sa-
 pientia & discernantur ingenia, &
 liberalitate adiuuentur. Cum ineptus
 quidam Poëta olim in conuiuio pete-
 ret ab Archelao Macedonum rege
 munus magni precij: in eodem ue-
 ro conuiuio Euripides quoq; adest:
 rex iubet mox afferri munus, ac
 dari Euripidi: addens sui iudicij sig-
 nificationem, his uerbis: iste dignus
est qui petat, Euripides dignus est
 qui accipiat. Si hoc modo & discer-
 nerentur & alerentur ingenia, tum li-
 teris tum reipublicæ melius consule-
 retur. non haberet hæc ætas tam
 multum perniciosorum librorum, qui
 spargunt errorum & seditionum se-
 mina, si graui autoritate ad diligen-
 tiam in scribendo bona ingenia in-
 uitarentur, & naturæ distortæ, mon-
 stræ, seditiosæ, uenenatæ, reprimeren-
 tur. Mores ciuitatum mutari dixit
 uetus

uētustas, mutata musica : uerius est,
quod nos uidimus, mores hominum
mutari, scriptis sine delectu editis.
Et sepe fit, ut clamores tribunitij, quia
alludunt ad populi adfectus, uin-
cant. Fluius rei cū hęc ætas habeat in-
signia exempla, commonefieri certe
principes gemitibus bonorum om-
nium debebant, ut studia doctrina-
rum maiore cura inspicerent, & re-
gerent: discernere ingenia, inuita-
rent bonas mentes ad diligentiam,
compescerent audaciam temere scri-
bentium sine cura ueritatis, & sine
cura publicæ salutis. Scio tantum
autoritatis in oratione mea non es-
se, ut his tantis malis publicis mede-
ri queam: nec profecto unus illam
infinitam turbam malorum scripto-
rum pellere potest. Sed tamen cum
hęc mea scripta ederem, dolor qui mi-
hi cum omnibus bonis communis
est, me impulit, ut hanc querelam ef-
funderem. Equidem fateor me &
amare & magnifacere Poëticam, &

optare ut eius pulchritudinem plures intelligerent : sed excellentibus scriptoribus nequaquam me infero, & propter ingenij imbecillitatem, & propterea quia in hac confusione temporum non licuit mihi tribuere huic arti tantum studij, quantum magnitudo rei poscit. conspici tamen in carminibus meis, & uoluntatem honestam & mediocrē diligentiam existimo : materias enim utiles sumpsi, & recte loqui studeo.

Cæterum hæc scripta, qualiacumque sunt, tibi dedico Sigismunde princeps illustrissime, propter memoriam tuorum maiorum, qua nihil tibi sanctius nihil antiquius esse debet. nam plerique eorum, à quibus paternum & maternum genus ducis, his ingenij mei monumentis celebrantur : nec dubito te, ut principem egregia indole præditum decet, imitaturum esse exempla uirtutum quas in tuo auo, patre, & agnatis laudo. Ferunt Q. Maximum Publium Scipionem, ueremene

hementissime ad uirtutem incensum
 fuisse conspectis maiorum imaginibus:
 nec fieri potest, quin tuus quoque
 animus uere generosus ad uirtutem
 & gloriam incendatur lectis maiorum
 præconijs, quæ uersibus mandauimus.
 Cum uero in Germania (quod pace aliorum dixerim) magis à Marchionibus
 Brandenburgensibus ornatae sint musæ quàm ab alijs: præclare facies,
 si huius gloriæ hæreditatem conseruaueris. Petiui olim iuueniliter à Cardinale Alberto,
 Archiepiscopo Moguntino Mecœnate meo ad quem extat prima elegia in his
 Poëmatibus à me scripta, *ἄνθ' ἰδ' ὧγον*: idque ioco feci, non tam impudentia,
 à qua ingenium meum fuit semper alienum, quàm ipsius facilitate & humanitate
 adductus: erat enim princeps omnium humanissimus, meque inter aulicos
 & familiares suos singulari benignitate complectebatur. Sed nunc ætate
 prouectior, serio abs te hoc peto ac flagito, quo nihil honestius neque

EPIST. NVNC.

à me peti, neq; abs te præstari potest,
nempe ut bonarum artium studia,
quæ à plerisq; fastidiuntur, exemplo
maiorum tuorum benigne ac libera-
liter foveas: ea tamen ratione, ut
(quemadmodum monui) inge-
nia discernantur.

Data Idibus Nouemb. Anno
Christi M. D. LVIII.
Francofordiæ ad
Oderam.

GEOR.

GEORGII

SABINI BRAN-

DEBURGENSIS ELE-

giarum liber primus.

AD LIBRVM,

Elegia I.

Parue liber uiridi nobis confectus in æuo,
Quo procul à domino te iuuat ire tuo?
Hei mihi, quam uereor, si limina nostra relinques,
Plurima ne tristi sorte dolenda feras.
Inuidiæ morus, & acerbæ uulnera lingue
Cogeris, populo te lacerante, pati.
Turpia non æquus faciet conuitia lector,
Et pedibus uitium dicet inesse tuis.
Culpatos numeros inducet mille lituris:
Ac tua suffusis polluet ora notis.
Forsitan infelix & proijceris in ignem
Barbariæ critico te peragere reum.
At quæcunq; tamen fors euentura manebit
Te liber: ipse tuum non remorabor iter.
Vade bonis auibus: iuuenes totumq; per orbem
Consortes longæ posteritatis adi.
Ex his inuenies aliquos, qui forsan amabunt,
Gaudebuntq; suos te subiisse lares.
Nam quibus est præsens ætas minus æqua libellis:
Posteritas illis æquior esse solet.

At non

ELEGIA RV M

At non Sidonio te purpura uelat amictu:

Ex humeris pendet trita lacerna tuis.

~~Nec tibi sunt nummi, quorum uagus indiget hospes:~~

~~Sepe laborabis frigore, sepe fame.~~

” Hospitis esse grauem fuluo decet ære crumenam:

” Non bene longinquum carpit egenus iter.

Fallor? an expectas, ad principis atria cuius

More uiatoris pauper egentis eas?

Subsidiumq; uiæ, pro uersibus æra dicatis,

Ipse uerecundo sed tamen ore petas?

Est sacer Antistes, magnæ qui præsidet urbi,

Nobile cui nomen Mogus habere dedit:

Is licet ante tibi multum donauerit auri,

Eius adhuc largas experiere manus.

Nam uelut ærij manans è uertice montis

Præbet inexhaustam uena perennis aquam:

Sic largitur opes, & in illos munera confert:

A quibus æternæ munera laudis habet.

Ergo magnificas Antistitis huius ad ædes,

Ne dubita uultu supplice ferre pedem.

Cumq; tibi coram dicendi copia fiet:

Talia curuato poplite uerba refer.

Hos tibi magne leues elegos quos afferro præsul,

Inuenies plenos laudibus esse tuis.

Nomina in his extant maiorum clara tuorum:

Sæpe tibi frater, sæpe legetur auus.

Musa sed in primis hic te mea laudibus effert:

Nobile crebra tuum pagina nomen habet.

Nam

LIBER I.

7

Nam tua maiores uirtus quæ præterit omnes,
 Altius in cœlum laude uehenda fuit.
 Si quis Erythreas gemmas donarit & aurum,
 Haud meliora tibi carmine dona dabit.
 Carmine laudati uiuunt post funera reges:
 Carmine notitiam posteritatis habent.
 Quis nunc Aeacidae mauortia nosset Achillis
 Facta, nisi illustri carmine nota forent?
 Dulichio nomen regi famamq; perennem
 Smyrnæi tribuit nobile uatis opus.
 Ut tua morte carens uiuat post funera uirtus,
 Nostra tibi princeps & monumenta dabunt.
 His mihi pro meritis quæ præmia digna rependes,
 Gratia si Musis est referenda meis?
 Hæc sacer audierit cum uerba precantia præsul:
 Illo (ni fallor) munera dante feres.
 Iamq; graues auro oculos ubi diues habebis,
 Quo te cunq; iuuat pergere, carpe uiam.

AD EOBANVM HESSVM
 de aduentu Caroli V. Cæsaris.

ELEGIA II.

QVod legis, Augusta tibi mittit ab urbe Sabinus
 Carmen, amicitie deditus Hesse tuæ,
 Hinc, ubi uicinos Lycus irrigat alpibus agros,
 Sueuaq; Boiorum separat arua solo.

Accipe,

ELEGIARVM

Accipe, si qua tenet rerum te cura nouarum,
 Quæ fuit hic isto pompa peracta die,
Carolus Ausonijs quo uenit Cæsar ab oris :
 Digna quidem res est cognitione tua.
 Concaua syderei quo tempore brachia Cancrī
 Ceperat adductis urere phœbus equis,
 Arctabatq; dies, noctis, longissimus, umbras
 Sole Lycaonio iam propiore polo :
Et noua maturis instabat fructibus æstas.
 Actaq; purpurei tempora ueris erant :
 Cæsar ab Italia per Norica iugera tendens,
 Mœnibus huc nostris adproperabat iter.
 Vix bene contigerat præmissus nuncius urbem,
 Certa q; Principibus fama relata fuit :
 Mox coit imperij cum nobilitate Senatus,
 Omnis in occursum turbaq; leta ruit,
 Haud secus, ac uictis cum dicitur hostibus olim
 Excepisse suos obuia Roma Duces.
Mille bis electi iuuenes è ciuibus ibant,
Nota quibus seui prælia Martis erant :
 Hi patriæ solito frameas de more gerebant,
 Transuerso cincti militis ense latus.
 Cætera cornipedum pars terga premebat equorum,
 Ordine quæ ciues pone sequuta fuit.
 Vrbs stat in excelsa procul edita uertice montis,
 Incola Fridburgum nomine turba uocat :
 Campus odoratis nitidissimus adiacet herbis,
 Mollis & aprico gramine terra uiret :

Obuius

Obuius hic factus cum Caesar euntibus esset,
 Omnes, quotquot erant, de siluere Duces.
 Tunc, tuus excipiens illum Moguntia præsul,
 Hæc dedit ornatis uerba diserta modis.
 Felix ille dies, nostris quo redditus oris,
 Hesperio incolumis Caesar ab orbe uenis:
 Quo repetita tuos iterum Germania uultus
 Conspicit, et fruitur numine leta tuo,
 Tantus es inuicto qui pectore, tantus et armis,
 Quantus ab Augusti tempore nemo fuit.
 Nam mihi si rerum percurrere gesta tuarum,
 Si licet hoc coram te memorare loco:
 Insignes omni superas uirtute Monarchas,
 Quos dedit, aut unquam Teutonius ora dabit.
 Quæ toties Aquilas iniustis terruit armis,
 Concidit ante tuos Gallia uicta pedes:
 Captiuumq; pati conspexit uincula Regem,
 Qui summus nostri nominis hostis erat.
 Debellata tuis accessit Roma triumphis,
 Iniussu quanquam capta sit illa tuo:
 Quiq; suis orbem Tiberinus subdidit undis,
 Te dominum domitis esse fatetur aquis.
 Paret, et Adriacus stabili leo foedere iunctus,
 Cesareas rapidis unguibus horret aues,
 Qui pelago terraq; potens, hostilibus armis
 Acriter imperio restitit ante tuo.
 Sentit adhuc obsessa tuas Florentia uires,
 Iamq; tibi uictas porrigit illa manus.

Ergo

ELEGIARVM

Ergo tot aduersos cum debellaueris hostes,
Cognite laudato Carole maior auo!
 Nos tibi gratamur reduci, superosq; precamur,
Tempora quo uite sint diuturna tue:
 Victor ut à nostro depellas limine Turcas,
 Teutona qui ualido milite regna petunt,
 Mœstaq; dant sæuo grassantes funera ferro,
 Pannoniæ miseros dum populantur agros.
 Quod nisi crudeles tua dextera uicerit hostes,
 Nos sumus infestis præda futura Getis.
 At nisi me ueterum fallunt oracula uatum,
 Sentiet ultrices impia turba manus.
 Tempus enim Solymā quo castra locabis ad urbem
 Adfore, fatidici præcinuere senes:
 Quoq; Saracenum coges uictoricibus armis
 Subdere Cæsareo barbara colla iugo.
 Hanc utinam nobis optato Lucifer ortu
 Prouocet, hanc roseo mox ushat axe diem,
 Talia facundo postquam dedit ore: sequutum
 Vltima sermonis murmur equestre fuit,
 Audijt ut quando Ciceronem Roma loquentem,
 Clamose fremuit concio tota fero.
 Principibus uero paucis pro tempore uerbis,
 Ipse suo grates nomine Cæsar ait.
 Et quia se prono condebat lumine Titan,
 Ocylus inceptum carpere pergit iter.
 Iamq; propinquant ut mœnia celsa subibant,
 Pulsa sub ærijs turribus æra sonant:

Intonat

Intonat ex altis & machina bellica muris,
 Sulfureo rapidos quæ iacit igne globos.
 Compita spectantis populi stant plena uiarum,
 Angustumq; frequens turba coarctat iter.
Saxonie proceres intrabant ordine primi,
Proximus his socios Marchio iunxit equos.
 Pone sequebantur, latis quibus Hæstia terris
 Imposuitq; suis nomina Rhenus aquis.
 Quiq; colunt patrijs flauentem sedibus Istrum:
 Quiq; tenent Francis ædita rura iugis.
 Præterea celebri quos alluit amne Visurgis,
 Vestphala cæruleis qui rigat arua uadis.
Quid tibi commemorem, qui nobile flumen Iberi
Diuitis & ripas deseruere Tagi?
 Incomperta mihi quorum nec nomina constant,
 His neq; conueniunt uersibus apta meis.
 Innumeri iuuenes mixto clangore tubarum,
 Quassabant agili tympana pulsa manu:
 Binaq; Cæsarei gestabant sceptrâ ministri,
 Imperij summos qui præiere Duces:
 E quibus auratum septemuir prætulit ensen,
Saxoniam placida qui modo pace regit.
 Hac igitur longa procerum stipante caterua,
 Atq; Ducum tanta concomitante manu,
 Ipse figurata picti sub imagine cæli,
 Inuectus niueo Carolus ibat equo.
Omnis in hunc oculos defixos turba tenebat,
Omnibus hic populis solus in ore fuit.

E L E G I A R V M

Inde Bohemorum qui regna uetusta gubernat,
Proximus à Diuo Cesare frater erat.
Ultimus Orator Romani præsulis ibat,
Nomine Campeium se uocat ille suo,
Insignis Tyrrio quem murice mula uehebat:
Mos ut in Hesperijs urbibus esse solet.
 Tempora puniceus cingebat operta galerus,
 Cardinei qualem nominis ordo gerit.
 Tunc iter, Austriaci proceres Heduiq; sequuti,
 Atq; Tridentinus continuabat eques:
 Vindeliciq; suo redeuntes agmine ciues,
Qui prius egressi moenibus urbis erant.
Ardua sublimis spectatur culmine turris,
Hic ubi stat medio curia iuncta foro,
Que Germanorum ueteres ex ordine Reges,
Pictaq; clarorum continet acta Ducum.
 Hic fera robusti miscent ubi prælia Cimbri,
 Attonito pauidus milite Carbo fugit.
 Nexa gerit Scaurus captiuo uincula collo,
Cæsus ex hostili Manlius ense cadit,
 Impiger Arminius Romanos exuit armis,
 Quo duce libertas nostra redempta fuit.
 Parte alia Scythicis egressum finibus Hunnum,
Primus Ottho forti pectore uictor agit.
 Multus ad hanc turrim longo stetit ordine clerus,
 Cæsare contigua prætereunte uia:
Omnibus abrafo detonsi uertice crines,
Omnibus ex humeris candida uestis erat.

Inde

Inde sacram diuæ subeuntes uirginis ædem,
Carmine solenni concinuere preces.
Arboreis stabant decorate frondibus aræ,
Sparsaq; iactatis templa fœre rosis.
Interea toto subducta crepuscula cœlo,
Ortaq; roriferæ tempora noctis erant.
Dinassis igitur Ducibus, cum fratre subibat
Carolus hospitij tecta propinqua sui:
Atq; ita, quàm celebri res tota sit acta triumpho,
Omnia descriptis ordine rebus habes.
Cætera præsentì coram sermone loquemur,
Tempore quo repetam mœnia uestra: Vale.

AD IOANNEM ET HENRICUM
 Silberborneros, de spectro Spirensi.

ELEGIA III.

O Mihi præcipuos inter dilectæ sodales,
 O mihi Thesæa cognite Iane fide:
 Tuq; nouenarum studijs Henrice Sororum
 Dedite: pars animæ dulcis uterq; meæ.
 Ecquid adhuc memores ueteris remanetis amici? AS
 Longus an è uestro pectore fugit amor?
 Nos ad Saxonicum procul hic qui uiuimus Albim,
 Immemores uestri non uidet ulla dies.
 Siue soporiferis terræ nox incubat umbris,
 Seu nitido Phœbus lumine lustrat humum:

ELEGIARVM

Vestra meis praesens quasi uultibus haeret imago,
Estq; frequens uestrum nomen in ore meo.
 Plurima uobiscum studijs collata recordor,
 Plurima iucundis seria mixta iocis :
Quodq; dedi uobis mea carmina, quodq; dedistis
Carmina iudicio uestra probanda meo.
 Quarum nulla mihi uenient obliuia rerum,
 Donec in hoc aliquis corpore sensus erit.
 Vos utinam nostri memorem seruetis amorem,
 Semper ego hic uestri commemuisse uolo.
 Atq; prius, Ligeri gelidus miscebitur ister,
 Aruaq; caeruleis Gallica findet aquis,
 Influet huc nostrum Rhenusq; bicornis Haelum,
 Quam meus in uobis diminuetur amor.
 At procul hinc longa dum uos regione locorum
 Detinet à patrio terra remota solo :
Fervidus aestiuos ubi nuper Iulius ortus
Mouerat, et flauae tempora messis erant,
Incomperta prius, res nostris accidit oris :
Carminibus uobis nec reticenda meis.
Vrbs antiqua iacet, celebri contermina Rheno,
Vangionum longe non ea distat humo :
 Nescio qui Nemetes hanc incoluisse feruntur :
 Sunt ibi Francorum busta quaterna ducum.
 Caesareis sedes fuit illa cohortibus olim,
 Nomen ob id Graium, Spira uocata, tenet.
 Hic humili modicis à stirpe parentibus ortus,
 Exiguæ quidam nauita puppis erat :

Qui

Qui calamo pisces linoq; madente solebat
 Fallere, iam radios sole tegente suos.
 Is dum forte leues hamos ac retia tractat,
 Non procul à ripa lubricæ Rhene tua:
 Ecce per obscuræ tenebrosa crepuscula noctis,
 Obtulit ignoti se noua forma uiri.
 Atro tectus erat monachum simulante cucullo,
 Vtq; solent, raso uertice tonsus erat.
 Nauta propinquantem consueto more salutans,
 Ecquid agis sero tempore noctis? ait.
 Ille sub hæc, adsum longinquis missus ab oris
 Nuntius, ipse tua me rogo lintre uehas,
 Vt cito transmissso contingam flumine ripam:
 Dixerat, assumptum nauita lintre tulit.
 Iamq; ferè medios cursus nox atra tenebat,
 Flexaq; lenta pigri plaustra Bootis erant:
 Cum procul in uiridi uenientes margine ripæ,
 Quinq; cuculligeros rursus adesse uidet,
 Exoptatq; illis piscator, ut ante, salutem,
 Quòq; uelint media pergere nocte rogat.
 E quibus unus, ait, nos magna pericula cogunt,
 Obscura tutas carpere nocte uias.
 Omnibus inuisi sumus: intentatq; nefandam
 Sacrificis nobis turba profana necem.
 At te si quis amor, tangit si cura piorum,
 Transuehe nauigio corpora nostra tuo:
 Vt tumidas lati superemus fluminis undas,
 Neue moraturis impediamur aquis.

E L E G I A R V M

Sic optata tuis fortuna laboribus adsit,
 In tua sic multus retia piscis eat.
 Annuit, & remo propellens nauita cymbam,
 Mox iubet adducta scandere puppe ratem.
 Sed mihi quis, dixit, soluet mercede laborem?
 Alter ad hæc, nullas scis quod habemus opes:
 Raraq; percipimus discordi munera uulgo,
 Non tamen ingratos nos habiturus eris.
 Si nos in solido rursus fortuna locabit,
~~Premia pro tali digna labore feres.~~
 Soluerat extremo piscator margine nauem,
 Iamq; ferè medias illa secabat aquas:
 Sydereas remouent subeuntia nubila stellas,
 Precipiti fertur puppis & icta noto.
 Incipiunt nigris horrescere fluctibus undæ,
 Seuq; tempestas imbribus orta furit.
 Ipse repentino fissus pallore timorem
~~Nauta, quid hæc, inquit, uult noua causa mali?~~
 Nulla tamen pluuiæ uenturæ signa notabam,
 Sol ubi flagrantem equore merfit equos:
 Nulla lacus usquam circumuolitabat hirundo,
 Vlla nec est oculis ardea uisa meis.
 Tum neq; Luna nigro surgebat pallida uultu,
 Clarus & occiduo lumine phœbus erat.
 Talia iactanti, disturbant uerba procellæ,
 Impediuntq; graues ora loquentis aquæ.
 Penè procellosi subuersaq; turbinis ictu
 Nauis, & insanis fluctibus hausta fuit.

Ardua

Ardua sublatas tendens ad sydera palmas,
 A superis orans nauita poscit opem.
 Quid facis? c̄ monachis ait unus: & improbe dixit,
 Desine uoce tua sollicitare Deum.
 Moxq; graui tollens immanem pondere contum,
 Nauta parum felix quo prius usus erat:
 Illius hoc humeros pulsataq; terga fatigat,
 Casus ad extremam dum fuit usq; necem.
 Proditus est tandem peruersi demonis astus,
 Detectusq; fuit fraude patente dolus.
 Vana recesserunt in inanes corpora uentos:
 Mansit & ingratus naue relictus odor.
 Mox quoq; purgato fugerunt nubila cœlo,
 Et redijt pulsas aura serena notis.
 Territus hoc monstro, gelidū sine sanguine corpus
 Tollit, & ad ripam nauita puppe redit.
 Istic in uiridi procumbit languidus herba,
 Donec ab Eois sol fuit ortus aquis.
 Mane, sub Oceanum pulsas Hyperione stellis,
 Ducitur à puero prætercunte domum:
 Omnia commemorans præsentibus æger amicis,
 Clausit adhuc illo fata suprema die.
 Postera cum croceis fulgens auro a quadrigis,
 Protulerat roseas ore nitente genas. 143.
 Accidit & similis diuerso tempore casus,
 Acta sed euentu res meliore fuit.
 Summa procul radijs feriente cacumina Phœbo
 Carpebat solus mane uiator iter,

E L E G I A R V M

Qui Nemetum postquam digressus finibus esset,
 Primus ubi positus distat ab urbe lapis:
 Aduentare nigro tectum uelamine currum
 Conspicit, hic monachis currus onustus erat,
 Ordine quem iuncti septem traxere iugales:
 Quarta sed ablato defuit axe rota.
 Quiq; manu flexas auriga tenebat habenas,
 Terribili naso conspiciendus erat.
 Attonitus curru stat prætereunte uiator,
 Nec monachos illos, spectra sed esse uidet.
 Euolat ex templo sublatus ad æthera currus,
 Mixtaq; cum fumo flamma sequuta fuit,
 Tristis et infaustum belli mortalibus omen
 Horrida per nubes arma dedere sonum.
 Ille statim rediens, quæ uiderat indicat urbi:
 Est ea res certa cognita uera fide.
 Hæc igitur uobis, alius quos sustinet orbis,
 Carminibus duxi significanda meis.
 Expositorus eram, si res interprete egeret,
 Spectra quid infesti demonis ista uelint.
 Effera Germanos agitat discordia reges,
 Proq; cuculligeris impia bella parant.
 Hæc, ea tempestas, hic impar ordo rotarum,
 Hæc et cum fumo lucida flamma fuit.
 Sed Deus est nobis orandus, ut arma quiescant,
 Ille precaturis mitia fata dabit.

GERMA.

LIBER I.
GERMANIA AD CAESAREM
Ferdinandum.

13

ELEGIA IIII.

Hanc afflictæ tibi Germania mitto salutem,
Quæ mihi non tribui, te nisi dante, potest.
Vsa diu rebus quæ sum tranquilla secundis,
Hoc iaceo multis tempore pressa malis:
De quibus ipsa tuum supplex cum numen adoro,
Ferre mihi solus qui potes, adfer opem.
Ecce uides rerum quàm tristis forma mearum,
Qualis & imperij sit status iste mei.
Omnia disidijs sunt omnia plena tumultu:
Illa fuit quanti res mihi causa mali?
Seruiles acies sumptis heu uidimus armis
Nuper, & agrestes rure coisse manus.
Testis adhuc extat miserandæ Francia cladis,
Tota cadaueribus squalida facta suis:
Ipsaq; fertilibus laudata Alsatia campis,
Quæ fuit in multis cæde cruenta locis.
At pars ulla meo ne possit abesse dolori,
Insuper externo nunc & ab hoste petor.
Turca ferox nostras descendere fertur in oras,
Alterius nobis altera causa mali:
Qui prope cuncta suis cum regna subegerit armis,
Possesse suo sperat me quoq; Marte capi.
Ergo si qua meæ remanet tibi cura salutis,
Adfer in aduersis his mihi rebus opem:

ELEGIARVM

Ne toties clavis quæ sum prius aucta triumphis,
 Hostibus hoc fiam tempore præda meis.
 Nam tibi si rerum sunt cognita gesta mearum,
 Cognita quæ cunctis Regibus esse puto :
 Semper adhuc inuicta fui, nullosq; per annos,
 Vilius inuenies me subiisse iugum.
 Roma suis totum domuit quæ uiribus orbem,
 Nominis est nunquam laudibus aucta mei:
 Meq; laceßiuit quoties hostilibus armis,
 Hanc liquet incepti pœnituisse sui.
 In me nil potuit uirtus animosa Neronis,
 Funere qui Rheni nobilitauit aquas.
 Nil potuere tuæ præstantes Vare cohortes,
 Quas meus Arminius depulit ense suo.
 Nec maris Adriaci tota cum plebe senatus
 Nostra suo potuit subdere colla iugo.
 Deniq; nec magni potuerunt lilia Galli :
 Lilia sepe mea languida facta manu,
 Quin neq; Turcarum nos iam superabimur armis,
 Auxilio si me iuueris ipse tuo.
 Ducat in exemplum celebris te fama Camilli:
 Nam patriæ uindex & fuit ille suæ.
 Secula nulla tuum nomen uentura silebunt,
 Inferiorq; tua laude Camillus erit :
 Tu modo pro nobis & libertate meorum,
 In Mahometigenas suscipe bella Getas,
 Esse redemptoris nostri quos nouimus hostes :
 Impiaq; aduersus bella mouere Deum.

Hac de gente fera, Danielis scripta Prophetæ
Multa canunt: paucis hic memoranda mihi.
Viderat is quatuor sub imagine regna ferarum:
Aspice, uera tibi, non ego ficta loquor.
Regibus Assyrijs, primis fera prima monarchis,
Altera sed Persis assimilata fuit.
Tertia Graiorum referebat bestia sceptrum.
Quarta potestatem Martia Roma tuam:
Huius dira feræ facies truculentior illis,
Dissimilisq; tribus conspicienda fuit.
Ferratos dentes, bis cornua quinque gerebat,
Et pedibus plodens concutiebat humum.
Exiguum uero cornu sub fronte latebat,
De medijs ortum cornibus illud erat:
In quo terrificis oculis, uultuq; minaci,
Humani capitis forma uidenda fuit.
Hoc cum cœlitibus diuis uiolenta gerebat
Prælia, blasphemos ore loquente sonos.
Turca ferox autem caput est immane, quod audis
Impia cœlesti bella parare Deo.
Hoc tibi frangendum caput est, hoc concute cornu:
Succumbat manibus bellua uicta tuis.
Ergo age, Rex, animo præsentis suscipe bellum:
Hei mihi quas poenas impie Turca dabis.
Non tibi consuetæ mitti post terga sagittæ,
Non tibi uelocis proderit usus equi.
Aut ultra Tanaim patrijs eiectus ab oris,
Ludibrium cunctis gentibus exul eris:

Aut

ELEGIARVM

Aut tua submittens iniectis colla cathenis,
 Ante triumphales Regis obibis equos.
 Inclyta gaudebit conuersis Græcia rebus,
 Præbuit inuitas quæ tibi uicta manus:
 Exultansq; suis letabitur amibus Ister,
 Quem tuus infestum reddidit ante furor.
 Hoc precor esse ratum cœlesti numine Christus,
 Hoc uelit omnipotens, Rexq; paterq; Deus.
 At prius externos quàm progrediaris in hostes,
 Certa tibi pax est constituenda domi:
 Sedandiq; graues de religione tumultus:
 Hoc Regem tantum, quantus es ipse, decet.
 Nec minor ingenuas studijs florentibus artes,
 Ac fouisse nouem sit tibi cura deas,
 Quæ sprete, sine honore iacent hoc tempore passim:
 Hac re nulla tibi gloria maior erit.
 Tunc Deus indomitas, tibi Marte fauente, cohortes
 Turcarumq; dabit uincere posse manus:
 Tunc, quas nulla tibi poterit delere uetustas,
 Laudes semper erunt, gloria semper erit.
 Pluribus uberius ne crescat epistola uerbis,
 Desino: tu felix incolumisq; uale.

AD ILLVSTREM PRIN-
 cipem Magnum Ducem Megala-
 burgensem.

ELEGIA V.

Non

Non humili quanq̃ uirtus tua carmine Princeps
Sed grauiore mihi uoce canenda fuit,
Qua ueteri regum laudes de more solemus,
Digna q̃ clarorum facta referre Ducum:
Grande tamen paruis Elegis committere pondus,
Me iubet ingenij conscia culpa mei.
Debilis in fulua sic ut gladiator arena,
Non leue difficilis cum mouet artis opus:
Si nequit inualidis contendere uiribus hastam,
Exiguo cautas instruit ense manus.
Attamen, ut spero, mea non ingrata uoluntas,
Officiu m̃q̃ tibi carminis huius erit.
In magnis uoluisse sat est, & parua uidemus.
Munera cœlestes sæpe probare deos,
Quos non icta magis taurorum corpora centum,
Quam data sincero pectore thura iuuant.
Vnde sed incipiam dignas te Principe laudes?
Nomine quo meritum te super astra feram?
Si quis imaginibus, si nobilitate parentum
Clarus, ab antiquo sanguine iactat auos:
Non tibi nobilitas, non clarum nomen auorum,
Nec celebri dignum Principe stemma deest.
Quem fugit, insigni ueteres ab origine Cimbros
Gentis & authores sanguinis esse tui?
Quorum nota uiget terrarum fama per orbem,
Qua rubet Eo candida sole dies:
Quaq̃ sub occiduo condens iubar æquore Titan
Aurea luciferis frena resoluit equis.

Non

E L E G I A R V M

Non gens æriæ transgressa potentior Alpes,
 In Latium tantis uiribus arma tulit:
 A q; tuos toties deuicit Roma Quirites,
 Compulit in turpem uersaq; terga fugam.
 Vix ubi conspexit uenientes Carbo cohortes,
 Deseruit trepido castra relicta metu.
 Manlius infaussto committens omine pugnam,
 Ante diem stygias penè subiuit aquas.
 Degeneriq; suo captus cum milite Scaurus,
 Comperit inuictas hostibus esse manus.
 Diffugiunt Aquilæ, uestri formidine Tauri,
 Martia qua torua cornua fronte tulit.
 Sic, Lybici poterant quas non terrere leones,
 Infolito pavidas terruit ille metu.
 Iamq; bis à nostris duo secula condidit annis
 Phœbus, & innumeri præteriere dies:
 Cum domitis Asiæ populis, laudabile nomen
 Maiores etiam promeruere tui.
 Inq; Saracenos uictricia signa mouentes,
 Gesserunt ualida prospera bella manu:
 Atq; subegerunt euersis turribus arces,
 Inq; peregrinis oppida multa locis.
 Corneus infestis non profuit hostibus arcus,
 Qui celer aut uentos uincere possit equus:
 Non similes curuis Saturni falcibus enses,
 Quæq; uenenofo spicula felle madent.
 Sed quid longa tuæ repeto primordia gentis?
 Sola quid immensis laudibus illa ueho?

Detineoq;

Detineoq; tuas priscis annalibus aures?

Cum uestrae memoro fortia facta domus:

Quæ si cuncta uelim dignis extendere uerbis,

Ilias est operis longa futura mei.

Quin et multa tuus genitor uirtute peregit,

Vita nec illius gloria laude caret:

Principe quo nemo longis prudentior annis,

Nemo toga maior iusticiaq; fuit.

Hic sine ui, mitis, regnum sine cæde gubernat,

Muneris officium certus id esse sui:

Et nisi cum iustis delicta ulciscitur armis,

Commoda tranquillæ tempora pacis amat.

Sparsit adhuc nusquam funesti semina belli,

Turbauitue suos irrequietus agros:

Vt pleriq; duces alij, qui sanguine gaudent,

Qui fera plus æquis legibus arma colunt.

Talis et ipsius memoratur gratia lingue

Esse, fuit Pylij qualis in ore senis:

Mæonij cuius perhibetur carmine uatis,

Dulcior Hybleis sermo fuisse fauis.

Te quoq; præterea matris commendat origo,

Cuius ab Alberto gloria splendet auo:

Quo non leta minus se Francia iactat alumno,

Ipsaq; piscosis Marchia cincta uadis,

Quam claro gaudens letatur Apolline Delos,

Quamq; superba suo Gnosia terra Ioue.

Militiæ quisquam uix calluit aptius artes

Cum fuit armata res peragenda manu:

Pluraq;

E L E G I A R V M

Pluraq; nemo suis commisit praelia signis,
 Plus neq; diuerso laudis ab hoste tulit.
 Belliger unde tuus Germania dictus Achilles,
 Omnibus inuicto nomine terror erat.
 Norica testatur memori respublica clade:
 Illius hæc nouies milite uicta fuit.
 Pallet adhuc trepidus fuluis Pegnesus arenis,
 Mœnia qui gelida perfluit urbis aqua,
 Cum subit hæc illi tristissima lucis imago,
 Qua patrio totus sanguine tinctus erat.
 Testis & est ueteri tellus regnata Borusso,
 Prussia quæ nostro tempore nomen habet:
 Hæc quoq; cæde sua letos auctura triumphos,
 Principis hostili concidit icta manu.
 Illius ualidas experta Bohemia uires,
 Sensit in Hercinijs nil opis esse iugis.
 Diceris & supplex mœsto Pomerania uultu,
 Ante triumphantis procubuisse pedes.
 Fortia quid memorem facientes bella Polonos?
 Strenuus in celerem quos dedit ipse fugam.
 Silesias pulsus seruârit ut hostibus urbes,
 Extat & in multis cognita fama locis.
 Deniq; cœruleus qua flectit cornua Rhenus:
 Turbidus immensis qua fluit Ister aquis:
 Balthica finitimos qua Saxonas Amphitrite
 Pulsat, & arctoam fluctibus ambit humum:
 Vix locus est ullus, quo non uestigia Martis
 Huius, in hunc restent & monumenta diem.

Hic

Hic utinam uiuus, nostroq; superstes in æuo
 Esset, & indigna non tumultus humo :
 Helladibus nobis non Turca minatus ab undis,
 Austriacos esset depopulatus agros.
 Non foret amissum Pelopis sine uindice regnum,
 Captaq; crudeli nuper ab hoste Rhodus.
 Iste suo diros cohiberet marte latrones,
 Nos quibus hoc facti tempore præda sumus.
 Aemonias arces, altasq; Propontidis urbes,
 Subderet, infestis eriperetq; Getis.
 Ergo tot egregijs maiorum clara triumphis,
 Tam uetus & generis cum sit origo tui :
 Editus illustri magnorum sanguine Regum,
 Exuperas quosuis nobilitate Duces.
 Se fortuna tuis etiam natalibus æquat:
 Ampla pater censu diuite regna tenet.
 Imperioq; iacet uestro quæ subdita tellus,
 Omnibus utilium rebus abundat opum.
 Fertilis uberibus gaudet Turingia campis,
 Miratur fluuios Pannonis ora suos,
 Altaq; se iactat proceris Hæstia syluis :
 Hæstia montanis uix adeunda iugis.
 At neq; fluminibus nemorumq; uirentibus umbris,
 Læta nec agrorum fertilitate caret.
 Irrigui passim labuntur murmure riui :
 Tota paludosis amnibus uda madet,
 Retibus unde trahunt uarios ad littora pisces,
 Qui liquidis habitant rura propinqua uadis.

E L E G I A R V M

Florida per ripas depascunt prata iuuenti,
 Lanigeræ tondent fratile gramen oues.
 Tum uirides circum pandunt sua brachia syluæ:
 Lignaꝫ dant auidis materiemꝫ focis.
 Chaonis hinc duris curuatur glandibus arbor:
 Hinc uiret hirsutis pinus odora comis:
 Nauibus hinc abies, hinc commoda fraxinus hastis
 Surgit, & irrigui fontis amica salix:
 Atq; ubi cultus ager pressis renouatur aratris,
 Fertilibus uestit messibus arua Ceres:
 Et sua respondent operoso uota colono,
 Cum cadit immissa falce resecta seges.
 His tua si terris non munera Bacche negasses,
 Omnibus hæc opibus terra beata foret.
 Respicit ad gelidam qua parte Lycaonis Arcton,
 Vtile mutandis mercibus æquor habet.
 Adde tot excelsis inuictas mœnibus urbes,
 Tot circumfusus oppida fluminibus:
 Annua quæ uobis aut uectigalia soluunt,
 Aut patris agnoscunt sceptrâ uerenda tui.
 Sed licet hæc habeas fortune dona secundæ,
 Sisꝫ tot ac tantis dotibus auctus opum:
 Nec tua uulgarem mereatur gloria famam,
 Plus tamen hoc uno nomîne laudis habes,
 Quod non ingenuas musarum negligis artes,
 Quod sacra Pegasei numina fontis amas:
 Et celebres merito dignaris honore camœnas,
 Hoc rude quas odio tempore uulgus habet.

Quare

Quare sera tuum laudabunt secula nomen,
Et te posteritas omnis in ore feret.
Dumq; terunt alij sub inertī tempora luxu,
Plenaq; dum uanis ocia rebus agunt:
Hic dum gaudet equis, dum saltus ille ferarum
Lustrat, & immanes cuspide figit apros.
Alter ab occasu solis, dum solis ad ortum
Immensi siccāt pocula plena meri:
Aut nocturna leues quassans ad lumina talos,
Damnoſo patrias dum cane perdit opes:
Intendens animum studijs ac rebus honestis,
Ocia tu uitæ desidioſa fugis.
Tunc legis aut ueterum præclara poëmata uatum,
Aut uersas auida, scripta soluta, manu,
E quibus humanæ præcepta salubria uitæ
Discis, & ornato cultius ore loqui.
His quæ digna tuis reddam præconia factis?
Aut ita quem studijs incubuisse feram?
Terribiles inter lituos, sonitusq; tubarum,
Rex Macedum legit carmen Homere tuum:
Fessaq; nocturna cum membra quiete leuaret,
Dicitur hoc stratis supposuisse suis.
Scipio, qui uicta meruit Carthagine nomen,
Fregit & Ausonia punica sceptrā manus,
Sedulus in medio belli discrimine legit,
Quod Xenophon Cyri nomine scripsit opus.
Hos igitur Reges imitatus amore studendi,
Voluis & authorum perlegis omne genus:

ELEGIARVM

Vt cum floriferis in odoræ uallibus Hyblæ,
 Cecropiæ nitido uere uagantur apes,
 Omnia nobilium populantur germina florum,
 Ipsa parens rerum se quibus ornat humus.
 Nunc Thyma delibant, nunc & Meliloton, & albas
 Sanguine tinxisti quas Cytherea rosas:
 Atq; sub aprico uernantia lilia campo,
 Lilia Scythonia candidiora niue.
 Ausonia quicquid retulerunt uoce camœnæ,
 Ingenuum solers callet id omne tuum.
 Nec facunda deest Graiæ tibi copia linguae,
 Cognita quæ hic nullis Regibus ante fuit:
 Quæ prius innumeros iacuit neglecta per annos,
 Nuper ab obscuro uix reparata situ.
 Hinc sunt nota tibi clarorum facta uirorum,
 Nullaq; te prisca temporis acta latent:
 Siue sub Augusto quæ Cæsare gesta leguntur,
 Roma triumphati cum caput orbis erat.
 Siue sub antiquis cum Græcia floruit annis,
 Cinxit & Hectoreas obsidione domos.
 Quid loquar acceptas primis à patribus artes,
 Quas quoq; nosse tui muneris esse putas:
 Qualia sublimi niteant animalia cœlo,
 Sintq; sub æthereo lucida signa polo:
 Scandere cliuosum quo tramite Phoebus Olympum,
 Aemula qua soleat currere Luna uia:
 Et quibus emittat uentos Rex Aeolus antris:
 Pertinet ad magnos hæc quoq; cura duces.

Tum

Tum uero studijs adiungis sacra prophanis,
Atq; Deum summa religione colis:
Qui te diuitijs tantis & honoribus auxit,
Cuius habes solo munere quicquid habes.
Maeste tuis animi uirtutibus inclyte Princeps,
Ingenij felix indole maeste tui:
Cuius ob insignem doctrinae, gloria, famam
Laudibus implebit solis utraq; domum:
Cuius honos omni mansurus tempore uiuet,
Semper & aeterno nomine clarus erit:
Dum uiridi doctae ludent Helicone sorores,
Dum fluet è sacro Pegasis unda iugo.
Tu modo perge tua quo te uocat indole uirtus,
Perge, nec à cepta dimoueare uia:
Quodq; facis, doctas hoc assere tempore musas,
Quae sine nunc omni prorsus honore iacent.
Aspice nam quantis oppressae cladibus artes,
Ingenij cultu depereunte, ruant.
Non fuit Aonidum maior contemptus ab illo
Tempore, cum cecidit culmine Roma suo.
Exulat ingratas facundia spreta per urbes,
Vlla nec ingenuis artibus aula uacat.
Ergo nouem uiridi praecinctas fronde puellas,
Hic te luminibus finge uidere tuis:
Cum fidibus cytharisq; suis, à plebe fugatas
Procubuisse tui numinis ante pedes.
Hacq; grauem querula testantes uoce dolorem,
In dubijs abs te poscere rebus opem.

E L E G I A R V M

Si qua tuam nostri tangit miseratio mentem,
 Vnica, dux, huius spesq; salusq; chori:
 Respice contemptas studijs pereuntibus artes,
 Quas odio cunctis gentibus esse uides.
 Hac nisi tu solus nos tempestate iuuabis,
 Humana prorsus destituemur ope.
 Incertæ toto sine sedibus orbe uagamur,
 Sorte nihil nostra durius esse potest.
 Fraterna Eoi postquam discordia regni,
 Excitos patrio traxit ab orbe Getas,
 Impius Argolicis nos expulit urbibus hostis:
 Ausonis hinc nostra terra petita fuga est.
 Sed nimis hic feruent dum tristibus omnia bellis.
 Cessimus hostili territa turba metu,
 Inq; tuas tandem Germania uenimus oras,
 Hic ubi iam nullo nos in honore sumus.
 Tu nisi quod solus nostras amplecteris artes,
 Ipse iacet nostri nominis omnis honos.
 Pro quibus officijs tibi, præmia digna, rependent
 Inclyte Dux grato carmina nostra sono:
 Perpetuamq; tuis famam uirtutibus addent,
 Quam poterunt nulli diminuisse dies:
 Quæ tibi uenturos semper durabit in annos,
 Donec erit cœlum, sydera donec erunt.
 Omnia nam toto quæcunq; sub æthere mundus
 Continet, exigua sunt peritura mora:
 Legibus hæc atræ sunt omnia subdita mortis:
 Sola sed extremo gloria fine caret.

Quæq;

Quæq; semel nostra celebrari uoce meretur,
 Viuit & æterno tempore fama manet.
 Sic Ithacus, sic Aeacides, sic Troius Hector,
 Perpetuum nostro munere nomen habent:
 In cinerem quamuis illos mutauerit ætas,
 Ac tegat obducto cespite putris humus.
 Perge fauere sacris igitur Dux inclyte musis,
 Ut sublime tuum nomen in astra ferant:
 Et quas, à teneris miratus es hactenus, artes
 Nullius impulsu destituisse uelis.
 Sic tua speratam contingat uita senectam,
 Nestoreos superent sic tua fata dies.

AD IOANNEM CARIONEM
 Principis Electoris Brandeburgensis
 Mathematicum.

ELEGIA VI.

QUA pater excepit redeuntem Marchio natum,
 Cum referenda mihi carmine pompa foret:
 Et tamen istius non posse subire triumphum
 Imbelles elegos grande uererer onus:
 Inclyta quo memorant Heroum facta Poëta,
 Mæonio cœpi nectere uerba pede.
 Longa sed imparibus quæ carmina uersibus addit,
 Nos affata leuis sic Elegia fuit.
 Si duce me ueterum cecinisti prælia regum,
 Qui sacra Cæsarea sceptrata tulere manu;

ELEGIARVM

Tunc neq; commissio magnarum pondere rerum,
 Grande meas vires debilitauit onus:
 Nil nisi quæ molles elegos cantare solebat,
 Cur opus affectat nunc tua musa nouum?
 Dixit, & imparibus numeris exorsa triumphum.
 Apposuit longis uersibus ipsa breues.
 Si mea principibus tamen hæc placitura putabis,
 Commendata iuues scripta fauore tuo.
 Hoc te, Pegasidum per numina casta sororum,
 Per, quibus intentus semper es astra, rogo.

DE REDITV IOACHIMI II.

Marchionis Brandeburgensis depulsis Turcis.

Anno M. D. XXXII.

ELEGIA VII.

A Vstriacis postquam sæuissimus hostis ab oris
 Auspice depulsus Cæsare Turca fuit:
 Iamq; domum referens uictricia signa parentis,
 Marchio uenturus cum Ioachimus erat:
 Nuntia, quem belli ductorem, fama ferebat
 Millia Turcarum multa dedisse neci:
 Exultabat ouans animis, plau'usq; fremebat,
 Principis aduentu Marchia lata sui,
 Ut cum magnanimos excepit Roma Quirites,
 Si qua triumphandi gloria parta fuit.
 Marchiacis fama iacet urbs celeberrima terris,
 Quæ ducis Arminij nobile fertur opus:

Vicinaq;

Vicinaq; gerit præclarum nomen ab arcto:
Hic est Marchiaci Regia celsa Ducis.
Labitur irriguo per mœnia flumine Sueuus,
Vandalicum dictus qui Sprea nomen habet.
Magnificos nato pater exhibiturus honores,
Eductis illinc obuius ibat equis.
Ponè sequebatur cum fida plebe Senatus,
Pompa sacerdotum quos comitata fuit.
Fœmineus pariter chorus, innuptæq; puella,
Florida quæ passis ferta tulère comis.
Omnis at huc postquam progressa frequentia uulgi
Esset, ubi Princeps excipiendus erat:
Iamq; propinquassent uictricibus agmina signis,
Agmina depulsis quæ rediére Getis:
Desiliebat equo fulgentibus impiger armis
Filius, insidens quo faciebat iter.
Nec mora, quadrupedis descendens terga reliquit,
Militibusq; pater frena tenenda dedit.
Fusus in amplexum post hæc tulit oscula nato,
Lætâq; testatus gaudia mentis, ait:
O prædulce meum decus, o mea nate uoluptas,
O animi uotis mille petite mei,
Quo duce grassantes compescuit Austria Turcas
Nostrâq; libertas uindice tuta fuit:
Comprecor, hic fœlix aduentus ut auspice Christo
Sit tuus. Hæc postquam pauca locutus erat,
Effusis uultum lachrymis, & utrunq; rigabat.
Lumen, in humentes imbre cadente genas.

ELEGIARVM

Astitit orator de sanguine natus equestri,
 Dicere qui coram principe iussus erat:
 Is sua facundis tum uocibus ora resoluens,
 Hæc sermone graui uerba diserta dedit.
 Anxia quod cupidis optabat Marchia uotis,
 Incolumem gaudet te rediisse domum:
 Huncq; tibi leto decernit honore triumphum,
 Parta quod est belli gloria Marte tuo.
 Laudibus auxisti patriam, fama; perenni:
 Notus ad Euxinas nomine factus aquas.
 Nam licet adfuerint diuersa tot agmina regum,
 Te confecta tamen res duce tota fuit:
 Ore quod affirmant uno, quicumq; secuti
 Prospera militiæ signa fuere tuæ.
 Scilicet Illyricis ubi iungitur Austria terris,
 Et cohibent fines Pannona regna suos:
 Norica qua summis æquant iuga nubibus Alpes,
 Quæ niue perpetua frigoribusq; rigent:
 Dicitur immani grassatus cæde tyrannus,
 Funera crudeli seua dedisse manu.
 Dissecuit raptas ad stupra nefanda puellas:
 Et quod adhuc multo plus feritatis habet,
 Sæuior infixit pueros Busiride palis,
 Cuncta quibus belli parcere iura solent.
 At prope Cæsareus quamuis exercitus esset,
 Ferre tot afflictis qui potuisset opem:
 Quamuis iunctus erat forti Germanus Ibero,
 Qua sita sublimi turre Vienna iacet,

Ex his,

Ex his, nemo tamen uiolento restitit hosti,
 Nemo, latrocinium qui foret ultus, erat,
 Donec es eductas hortatus ad arma cohortes
 Et grauis exarsit pectoris ira tui.
 Nanq; tot occidi miseros sine uindice ciues,
 Totq; puellarum millia capta trahi:
 Funditus euerti crudelibus oppida flammis,
 Haud poteras animo dissimulante pati.
 Et quia bella gerit fugiendo, mor e latronum,
 Confidens celeri Turcicus hostis equo:
 Te cum militibus properantem, nulla quietis,
 Nulla uoluptatum cura morata fuit
 Noctes atq; dies, per inhospita saxa, per alpes
 Diceris assiduam continuasse uiam:
 Absq; cibo magnos potuq; tulisse labores,
 Ne fugiens retro uertere posset iter.
 Turca propinquantur turmas ut uidit equestres,
 Inclyte tu quarum Marchio ductor eras,
 Conspectiq; uiros, non quos nigra sole colorat
 India, uel quales Græcia mollis habet,
 Arma sed ex solido totum quibus ære tegebant
 Corpus, et obductus casside uultus erat:
 Ipse Scythas quanquam secum Parthosq; trahebat,
 Versa repentino terga pauore dedit
 Inq; latebrosas se territus abdidit Alpes,
 Ceu lupo a præda quem canis pastor agit.
 Nec tamen elabi trepidæ petuere cohortes,
 Nil fuga, nil celeris profuit usus equi:

Sed

E L E G I A R V M

Sed quocunq; uagas pauor & metus acer agebat,
 Faucibus occlusis non patuere uiae.
 Deniq; paucorum post interualla dierum,
 Spes ubi, nulla fugæ, nulla salutis erat:
 Barbarus ex latebris erupit, & aspera tecum
 Prælia, funestas conseruitq; manus.
 Tum uerò patuit sæuos tuus ardor in hostes,
 Cum tibi pugnandi copia facta fuit.
 Intrepidus dubij discrimina martis adibas,
 Quæ cum militibus sunt adeunda duci.
 Nec similes rigidis metuebas falcibus enses,
 Nec quæ mortiferum spicula uirus habent.
 Atq; tot inferior numero licet hostibus esses,
 Tu conferre manus cum quibus ausus eras:
 Hiq; tuerentur se fortibus acriter armis,
 Tanquàm uita quibus marte tuenda fuit:
 Interfecta tamen bis millia quina uirorum,
 Ex Mahometigenis occubuere Getis:
 Nec Germanus eques fuit ullus ab hoste peremptus:
 Tam fortuna tuis partibus æqua fuit.
 Victor ademisti captivæ uincula plebi,
 Hostili fuerat quæ peritura manu.
 Hic tua cum multos seruârit dextera ciues,
 Ciuica danda fuit iure corona tibi.
 Iudice laudata est igitur tua Cæsare uirtus,
 Qui tibi militiæ splendida dona dedit,
 Auratas phaleras, auratum calcar, & ensem:
 Quo tibi nil tribui maius honore potest.

Nuntia,

Nuntia, Turcarum fuit ut perlata tyranno,

Fama, trucidatos damna tulisse suos:

Exitioq; datas à paucis esse cohortes,

Præcipuè quarum robore fissus erat:

Sic tua de generem uictoria terruit hostem,

Vt dare sit uerso terga coactus equo:

Inq; Propontiacas sine laude recesserit oras,

Qui sua iuratus sceptrâ, deosq; fuit,

Quod nisi castra prius Rheni mouisset ad undas,

Ipse relaturus non foret arma domum.

His tuus ex rebus pater, inclyte Marchio, gestis

Mille uoluptates, gaudia mille capit:

Exhibet ac reduci similes tibi lætus honores,

Vt proauis natis exhibuere tui.

Sic patris exceptus pater est, ab Achille, Iohannes

Cum redijt populo uictor ouante domum,

Arma Bohemiaci quo tempore fregerat hostis,

Et fera pugnacis robora Lusaciæ:

Silesiæq; suis adiecerat oppida terris,

Per quas irriguis Odera tendit aquis.

At plus una tibi peperit uictoria laudis,

Quàm tot auo gestæ res peperere tuo.

Nam quibus ille suos uictor compescuit hostes

Pro patrijs tantum ciuibus arma tulit.

A Mahometigena, tua dextra, tyrannide cunctos

Afferuit Christum qui pietate colunt:

Totiusq; feros prædones contudit orbis,

Nemo sua poterat quos cohibere manus.

Nomi

ELEGIARVM

Nominis æterna uicturus laude parasti
 Immortale tibi perpetuumq; decus,
 Nulla tuas unquàm uirtutes, nulla silebit
 Posteritas famam, sit modo grata, tuam.
 Scilicet à magnis quoties Heroibus olim
 Clarorum fuerit mentio facta ducum,
 Pro populo Christi, pro relligione tuenda,
 Qui pia gesserunt uindice bella manu:
 Ex seris referens tua facta nepotibus unus,
 Non minor hic magno, dicet, Othone fuit.
 Cesare pugnaces hic contudit auspice Turcas:
 Armigeros Hunnos tradidit ille neci.
 Sic tua uirtutum memorandaq; gloria rerum
 Omnis in ore frequens posteritatis erit:
 Historiciq; tuas laudes annalibus addent,
 Qui patriæ condent facta legenda suæ.
 Nunc tibi det plures utinam fortuna triumphos,
 Semper & in bellum sic rediturus eas:
 Id pater, id cupiens cum plebe senatus, id optat
 Nobilitas, tota qui tibi mente fauent.
 Hæc & plura graui fuit ut sermone locutus,
 Ista uerecundi uerba fuere Ducis:
 Grata mihi læti patris officiosa uoluntas,
 Acceptus populi debet & esse fauor.
 At quòd parta fuit nostro uictoria ductu,
 Gratia non nobis est sed habenda Deo:
 Qui mihi Cesareo pro nomine bella gerenti
 Affuit, & reduci prospera fata dedit.

His ubi

His ubi respondit paucis : conuersus ad urbem
Cum patre, cum tota nobilitate, fuit.
Vulgus Io Pæan, omnesq; triumphæ canebant,
Per loca, per cunctas uoce sonante uias.
Progrediens inter fratrem charumq; parentem
Marchio Turcarum uictor ouabat equo.
Innumeri circum custodes corporis ibant,
Bellica qui forti Gesa tulere manu.
Vt fuit ingressus portas exercitus urbis,
Tympana cum raucis signa dedere tubis.
Pendula sacratis in turribus æra sonabant,
Vndiq; sublatus plausus ad astra fuit.
Machina sulfureas iaciebat ahenea glandes,
Cuius humi sternens mœnia pulsat onus:
Vnde res ultabat cœlum, ceu fulmine misso
Cum uenit æthereo magnus ab axe fragor.
Humida Nympharum perterritus atria Sueuus
Clausit & è medijs sustulit ora uadis.
Alga uirens barbam, crines uligo tegebat,
Densus in undoso corpore muscus erat.
Vt noua conspexit sed ouantis gaudia turbæ,
Et ducis agnouit signa relata sui:
Intorquens madido rorantia lumina uultu,
Fatidico tales edidit ore sonos.
Salue magnanimum genus armipotentis Achilles,
O decus o patriæ spes Ioachime tuæ:
Vindice quo pulsus Thracum regnator ab Istro
Cessit, & amisso milite terga dedit.

Olim

E L E G I A R V M

Olim tempus erit, Solymorum ductor ad urbem

Cæsaris auspicio cum pia bella geres :

Et tua cum uacuas submittet ad arma pharetras,

Tota triumphanti Turcia capta manu.

Dixit, & ima petens flauum caput abdidit antro:

Vtraq; dissultans ripa fremebat aquis.

A leua geminas ubi separat alueus urbes,

Fuluaq; conspicuum signat arena locum,

In quo nobilitas contendit equestribus armis,

Ludicra cum ficto prælia Marte facit:

Ardua spectantur bipatentis limina templi,

Marchio Romanus condidit autor opus.

Huc ubi peruentum : sacra limina pompa subibat,

Suntq; pijs precibus uota soluta Deo.

Ipse salutat princeps est nomine cleri,

Hic orante graui uerba latina uiro :

Callet enim geminæ discrimina Marchio linguae,

Ausonio nouit doctus & ore loqui.

Cum patre digrediens fuit hinc deductus in arcem,

Non procul è templi quæ regione iacet:

Hic quoq; multiplici tormenta fragore sonabant,

Sulphure fumantes eiacula globos.

In media stabat comitantibus arce puellis,

Ipsa sua coniunx obuia facta uiro,

Quæ reducem teneris ulnis complexa maritum,

Principis è collo dulce pependit onus.

Taliter Andromache cum uirgineo comitatu

Fertur in amplexum coniugis isse sui :

Priamides

Priamides quando fugientibus Hector Achiuis,
Dardana conuersis tecta subibat equis.
Tum pater inuitans cum coniuge Marchio natum
Ad thalami duxit limina celsa sui.
Plaudere ceperunt ad tympana mota choreæ:
Atria festiuis perstrepuere tubis.
Mollia formosæ pro dono ferta puellæ
Principis ornatis imposuere comis:
Quod pro fœmineo sexu, castisq; tuendis
Virginibus, belli grande subisset onus:
Totq; redemisset captivæ millia plebis,
Quæ ferus exitio prædo daturus erat.
Hæc ita, cum uictis rediisset Marchio Turcis,
Ducta triumphanti Principe pompa fuit.

D GEORGII

GEORGII
SABINI BRAN-
DEBURGENSIS ELE-
giarum, Liber se-
cundus.

HODOEPORICON ITI-
neris Italici.

Cynthius emensus Nemeæi fulua Leonis
Terga, per Astrea signa, regebat equos,
Italiam quando digressus ab urbe petebam,
A duce quæ Brenno condita nomen habet:
Coeruleus tardis ubi flexibus errat Haueus,
Cuius ad instabiles mons iacet altus aquas,
Qui iuga pampineis adopertus summa racemis
Gignit arenoso dulcia uina solo:
Qualia spumantis Rheni producit ad undas
Vangionum pingui consita uitis agro.
Mœstus uterq; parens amplectebatur euntem,
Anxia mens quorum plena doloris erat:
Humida manantes lachrymæq; per ora fluebant,
Iam mihi cum uellent dicere: nate uale.
Vt loca contigeram siccis arentia glebis,
Saxones Albi tuum quæ prope flumen arant:
Vallata aggeribus me Vittenberga recepit:
Sol erat Hesperias tum subiturus aquas.

Protinus

Protinus ingenui me conueniēre sodales,
Cum fuit aduentus cognita fama mei:
Seraq; ducentes patrio conuiuia ritu,
Longa fefellerunt tempora mille iocis:
Arctophylax donec uertisset plaustra Bootes:
Inde toro fessus membra leuanda dedi.
Postera uix nitidos aurora reduxerat ortus,
Vmbra soporiferæ pulsaq; noctis erat:
Ingressurus iter, peronibus induo plantas:
Alligo ferratum calcar utriq; pedi:
Impono tegimen quod crinibus arceat imbres:
Armatum ualido cingitur ense latus.
Posthæc ingredior docti conclauē Philippi,
Discipulus pariter cuius et hospes eram.
Hunc, ubi facta fuit coram mihi copia fandi,
Alloquor: ac tales profero uoce sonos.
Quas tibi doctæ tuæ pro sedulitate Melanchton,
Pro meritis grates, hinc abiturus, agam?
Qui rude formasti, teneris præceptor ab annis,
Artibus ingenium per duo lustra meum.
Non hæc labra sacro persusa liquore rigasset,
Pegaseæ fons est qui mihi potus aquæ:
Si mea non esset primæ lanuginis ætas
Tradita præceptis erudienda tuis.
Ardua conscendi Parnasi culmina montis
Te duce Nasonis molle secutus iter.
Ergo quod annumerat me Teutona terra poetis,
Notaq; principibus quod mea musa placet:

ELEGIARVM

Me debere tibi fateor, semperq; fatebor,
 Dum mea uitalis spiritus ossa reget.
 Hinc sed ad Euganeam cum nunc Antenoris urbem,
 Præceptore meo te cariturus eam:
 Viue tuaq; uale saluis cum coniuge natis,
 O mihi uir chari patris amate loco.
 Ipse sub hæc, pleno singultibus ore locutus:
 Carpe Deo felix auspice, dixit, iter.
 Quæ cum fatus erat pro tempore pauca: minister
 Cornipedem frenis impediabat equum.
 Tum formosa mihi patre nata Melanthone uirgo
 Serta profecturo, matre iubente, dedit:
 Castaq; demittens pudibundo lumina uultu,
 Hoc tibi sit nostri pignus amoris ait.
 Dulcia suscipiens innuptæ dona puellæ,
 Ipse resolebam talibus ora iocis:
 Mollia si dextro me sydere fata reducent,
 Anna tori consors efficiere mei.
 Iam sed arenoso postquam digressus ab Albi
 Attigeram ripas aduena Molda tuas,
 Nomen ubi paruæ, quam præterlaberis, urbi
 Campus & asperitas fecit amara loci:
 Ecce coloratum signans in nubibus arcum,
 Nuntia Iunonis concipit Iris aquas:
 Carceribus clausos emittit & Aeolus austros,
 Crebraq; cum tonitru fulgura uentus agit.
 Me fera tempestas & cœli compulit imber,
 Rustica uicinæ tecta subire casæ.

Liminis

Liminis horrebant atri fuligine postes:
Cesspite gramineo stabat operta domus.
Excipiens madidis me uestibus exiit hospes,
Datq; fatigato pabula iussus equo.
Instructura dapes, riguo prope limen in horto,
Collectum folijs hospita truncat olus,
Atq; cauam lymphis implet fluuijalibus ollam:
Admouet hanc plenam caulibus illa foco.
Tempus erat saturæ redeunt cum nocte capellæ,
Balantemq; solent claudere septa gregem:
Sternitur arte carens ac diuite mensa paratu,
Agricolæ qualis pauperis esse solet.
Sistitur è rigida tornatus cantharus orno,
Illitus hercinea qui pice totus erat.
Hunc neq; Rhenanus Bacchi neq; Francicus humor,
Cum lupulo coctæ sed liquor implet aquæ:
Nectare quo gelidam Boreæ spirantis ad Arcton,
Gens solet arentem pellere dura sitim.
Deniq; post epulas amor ut compressus edendi,
Fessaq; iam somno membra daturus eram:
In quibus ante focum sopitus nocte quieui,
Straminibus uilem composuere torum.
Ortus mane nouo cum sol dimouerat umbras,
E stipulis surgens ingrediebar iter.
Mons procul ostentat, Galilæi nomine Petri
Dictus, in excelso condita fana iugo.
Hunc ubi transieram, fumantibus Halla salinis
Cernitur, urbs oculis facta propinqua meis:

ELEGIARVM

Cuius amœna uirent, ut Tempe, pascua: cuius
 Seminibus multis foetus abundat ager.
 Huc ubi peruentum: consulti tecta subibam,
 Hospitio cuius non semel usus eram.
 Dulcia securis hic ocia rebus agentem
 Continuos tenuit me mora quinque dies.
 Interea templum memorabile, celsaque uidi
 Principis egregium regia quidquid habet.
 Scilicet ad zephyri flatus, solemque cadentem,
 Qua Sala contiguus mœnia stringit aquis:
 Erigitur miris lapidum compagibus ædes,
 Condidit Albertus nobile præsul opus,
 Mauritio, diuæque sacrum, quæ uidit adorans
 Prima, resurgentis numen et ora Dei,
 Quando sub hortorum cultoris imagine Christus
 Ad tumultum flenti, quid lachrymaris? ait.
 Vestibulum sculptis insignibus, area templi
 Strata pauimento uersicolore nitet.
 Cingitur aulæis paries festisque tapetis,
 Quæ gens artificum Belgica pinxit acu:
 In quibus elucent fuluo radiante metallo,
 Aurea solerti stamina ducta manu.
 Organa marmoreo pendent sub fornicis arcu:
 Aemula cantantes hæc imitantur aues,
 Ac si uere nouo frondentibus abdita syluis,
 Mille daret uolucrum turba canora modos.
 Hæc eadem raucis clangoribus æra tubarum,
 Et referunt sonitu tergora tena bouum:

Tergora

Tergora tensa, quibus uiolentos incitat hostes,
Bellicus insani martis ad arma furor.
Quid loquar insignes, ad quas collata, tabellas,
Cedat Apelleo picta colore Venus?
Nulla sed effigies istic obscena, nec ullum
Spurca locum turpis mater amoris habet.
Casta repræsentat tabulis pictura, luerunt
Quam graue supplicium turba professæ fidem.
Vtq; pia natus de uirgine rector Olympi,
Nos docuit summi iussa uerenda patris:
Et datus ipse neci, genus hoc mortale redemit,
Quod uoluit precium sanguinis esse sui.
Qualis & extremo uenturus tempore mundi,
Ad nigra damnatos tartara Christus aget.
Nec quod imaginibus tantummodo lumina pascit,
Diues in hunc usum talia præsul habet:
Inde sed ut discant exempla sequenda piorum,
Historiæ si qui cognitione carent.
Est locus in medio qua iactat ad æthera templo
Sedulus alterna carmina uoce chorus,
Ferreæ cancellis ignobile ianua uulgus
Arcet, ibi magnæ conspiciuntur opes.
Plenaq; collucent rutilis altaria flammis,
Fulget ut astrorum lucidus igne polus.
Omne quod argentum fodit, omne quod eruit aurum
Tota metallistris Pannonis ora iugis:
Quodq; Tagus, diuesq; uerbit Pactolus: in unum
Hoc ibi congestum dixeris esse locum.

E L E G I A R V M

Aurea nam gazas & opes æquantia Cræsi,
 Stant super extructis hic simulachra tholis.
 Carolus insigni spectandus imagine Cæsar,
 Hic stat, & Augustum fert diadema comis,
 Quale gerit, summa cum maiestate uerendus,
 Regia principibus dicere iura solet:
 Fulgentemq; manu gladium, suspensaq; collo,
 Aurea phryxæ uellera gestat ouis.
 Astat, & Albertus, qui talia sumptibus emit,
 Hæc quibus est ædes condecorata: suis.
 Grandibus hic duplicem gemmis auroq; coronam,
 Fronte gerit, dextra pontificale pedum.
 Talibus innumeris simulachris ara repletur:
 Ara ter excelsos quattuor alta gradus.
 At super effigies argenteus eminet omnes,
 Qui patrio ritu stat cataphractus eques.
 Mauritijq; refert procero corpore formam,
 Cuius clausa pij militis ossa tenet.
 Multus & extremo lapis hic oriente petitus
 Est, in Erythreis lectaq; gemma uadis.
 Istibus infragiles Adamantes: totq; Smaragdi,
 Quot uix diue tuus marce senatus habet.
 Albaq; concharum pretiosæ germina bacce,
 Est quibus ingentis forma rotunda globi.
 Hæc ego defixis oculis dum singula lustrō,
 Miror & immensas obstupefactus opes:
 Principe magnificam pompam ducente sacrorum,
 Tympana cum lituis mota dedere sonos.

Festus

Festus agebatur, qui te paritura tonantem,
Edidit in lucem, uirgo beata, dies.
Longa sacerdotum qua templum turba subibat,
Lato pandebat limite uulgus iter.
Ipse sub insigni preciosis tegmine gemmis,
Ductus regali præses honore fuit.
Intertexta, genus patrium trahit unde, nitebant
Incluta Marchiæ signa uidenda domus:
Terribiles aquilæ, formidandiq; Leones,
Et quos semiferos India Gryphas alit.
Magnanimos inter procures, equitesq; secutos,
Quorum turba frequens ac populosa fuit:
Principis orando qui summa negocia tractat,
Vir celebri dictus nomine Turcus erat:
Cuius ab ore, uelut resoluti nubibus imbres,
Verba Pericleo culta lepore fluunt.
Iste mihi uacuum monstrans ex ære sepulchrum,
Hæc ea sunt, dixit, quæ monimenta uides,
In quibus Antistes post ultima fata quiescet,
Tunc ubi uentura morte solutus erit.
Digna sacro tumbam sententia præfule signat
Quæ, quod uita breuis sitq; caduca, docet:
Morte nec intereat uirtus, quæ sola perennis
Effugit extremi tristia fata rogi.
Talia iussit enim, Viuit post funera uirtus,
Grandibus inscribi uerba legenda notis.
Hæc ubi uidissem, culti sacraria templi
Ingredior docto me comitante uiro:

ELEGIARVM

Pharmaca quo nemo miscente peritius ægris
 Pæonia medicas applicat arte manus.
 Innumeros calices hic aurea uasâq; uidi,
 Aptâ ministerijs, usibus apta pijs.
 Ac plures chlamides gemmis auroq; rigentes,
 Quàm quot luciferos integer annus habet.
 Mollia prætereo quæ Seres uellera quondam
 Nêre, sed Ausonides iam didicere nurus.
 Nec refro tinctas concha Sidonide uestes:
 Nemo sacerdotum quas numerare potest.
 Aedituus decies centenis nullibus auri
 Aestimat, hoc templum nobile quicquid habet.
 At nihil in tantis opibus conspectus ipso
 Præfule, rem sacram dum faciebat, erat.
 Is pia solenni seu carmina uoce canebat,
 Siue precabatur supplice uoce Deum:
 Omnes quotquot erant magnates, omne uideres
 Vulgus ad hunc oculos composuisse suos:
 Nam quas principibus multis natura negauit,
 Innumeras dotes corporis unus habet.
 Grandibus accedit facies Heroica membris,
 Qua uetus Heroum se genus esse probat:
 Et patrijs magnum uirtutibus æquat Achillem,
 Egregia cuius laude superbit aui.
 Elucet pietas uultu: certissimus index
 Vultus enim taciti pectoris esse solet.
 Nulla patent oculis metuendi signa tyranni:
 Mitior hoc unquam principe nemo fuit.

Ipse

Ipse suos populos sine ui, sine caede, gubernat:
Aspera nec præfert laudibus arma togæ.
Huius adhuc semper ciuilia bella diremit
Cognitus in dubio tempore pacis amor.
Nec sibi diuitias & auarus possidet aurum:
Largus habet promptas ad pia dona manus.
Fœlices ò Roma tuos omnesq; futuros,
Ausonium quotquot nomen in orbe colunt:
Tempora triplicibus gesturus cincta coronis,
Si regat hic lacerum pastor ouile Dei.
Que modo palantes sine curatoribus errant,
Nullæ præda lupo destituentur oues.
Dura coërcebunt inclusum uincula Ianum,
Ne tristi referet condita bella manu.
Aurea restituet solidam concordia pacem:
Priscaq; falciferi secula regis erunt.
At prope delubrum fossis munita profundis
Arx stat, & ærium tollit in astra caput.
Bucchemerus erat qui me comitatus euntem,
Hanc quoq; uisuri, nunquid eamus? ait.
Nec mora, festino me duxit in atria gressu,
In foribus quorum picta tabella fuit,
Ambigua referens ipsius imagine uultus,
Qui regit immensi Carolus orbis opes.
Per teres inspicias nisi luminis orbe foramen,
Hanc similem curuæ dixeris esse rati.
Quin etiam nostris ignotam uidimus oris
Exiguam pennæ uersicoloris auem.

Hec

ELEGIARVM

Hæc allata procul, Nabathæis uenit ab Indis :
 A pedibus, quibus est orba, uocatur Apus.
 Ipse gerit simili raras ex alite pennas
 Thracius in coni uertice Turca sui.
 In medijs aulæ penetralibus, ænea moles,
 Pyramidis factum surgit & instar opus :
 Id septena mouet reuolutis sydera sphaeris,
 Quæ uagus ambiguus cursibus error agit.
 Talis erat stellas imitataq; machina cœlum,
 Facta Syracusij quæ fuit arte senis.
 Quid memoranda tibi referam simulachra deorum ?
 Quæ uetus artificum duxit in ære labor:
 Et quibus exhibuit sacrum rude uulgus honorem,
 Mundus adhuc expers cum pietatis erat.
 Extrahit hærentem mœrens è uulnere spinam,
 Indoluit fixum qua Cytheræa pedem,
 Tunc ubi purpureum rosa, quæ fuit alba, colorem
 Duxit, Acidaliæ sanguine tincta deæ.
 Prompta pharetratus iaculatur tela Cupido :
 Aegida coelatam Gorgone Pallas habet.
 Thyrsifero pendent Lenæo fronte corymbi :
 Mercurius oculis condita lucra gerit :
 Amplexiq; ligant spiris ingentibus angues,
 Troia sacerdotem Laocoonta tuum :
 Iliacos intra muros arcemq; locari,
 Completum Danaïs qui prohibebat equum.
 Aurea conspicias nec non Idola, neparum,
 Quæ leuis aut formam papilionis habent :

Aut

37

LIBER II.

Aut imitantur aues, dapibus quæ Phinea fraudant:

Hec Anthropophagum gens simulachra colit.

Vidimus Arminij gladios ensesq; uetustos,

Quintilio Varo quæ peperere necem.

Deq; rudi saxo factas lothoq; secures,

Dura quibus nudum prælia uulgus init.

Belliger extremo quod Iberus in orbe subegit,

Vltra gemmiferæ littora Taprobanes.

Ramus & Assyrij mihi monstrabatur Amomi:

Longaq; Niliaco canna resecta lacu,

Dulcia producens quæ condimenta ciborum

Intus natiui semina mellis habet.

Tum quibus unguntur magnorum corpora regum,

Pingua Iudæo Balsama nata solo:

Exuuiæq; leues auium, quibus India uestit,

Membraq; feruenti sole perusta tegit.

Et quæ proueniunt hybernis poma diebus,

Tempore quo nullas educat hortus opes.

Scilicet extremo cum Bruma decembre reducit,

Annua natalis tempora Christe tui:

Nudaq; frigoribus pomaria Caurus adurit,

Aruaq; candenti sub niue tecta latent:

Qua uicina iacet lato Moguntia Rheno,

Fructus insolito crescere more solent.

Præterea clypeum cœlatum mille lapillis

Vidimus, ipse quibus nomina Turca dedit.

Is fuit Eoi gestamen nobile regis,

Dives ubi Phariam Nilus inundat humum.

Nauti'on

E L E G I A R V M

Nautilon & rarum sub nauis imagine piscem,
 Qui secat æquoreas more triremis aquas :
 Quæq; gerunt instar pictarum rostra uolucrum,
 Nata procelloso monstra stupenda mari.
 Regis Amynthiadæ quid prisca numismata dicam,
 Ac tua, cornigero qui Ioue natus eras ?
 Quidue figuratam curuo delphine tabellam ?
 Cuius tale lapis carmen adesus habet :
 Dedicat æquoreis ereptus Lutius undis
 Scæuola, Neptano munera uota deo.
 Est quoq; gemma, potest in qua depicta uideri
 Vrbs uetus, à Drusi coniuge dicta ducis.
 Olim uisa fuit res mira, quod esset Homeri
 Ilias exiguo tegmine clausa nucis.
 Tanta sed ingenijs nunc est solertia nostris,
 Ampla quod angustum mœnia claudit opus.
 Deniq; ne pergam describere singula, uidi
 Conspicuum tota quidquid in arce fuit.
 Inde salutatōs nos ad conuiuia duxit,
 Clarus ab antiquo sanguine natus eques:
 Inclyta magnanimi quo regia principis ullum
 Vix habet ingenio candidiore uirum :
 Quiq; minus doctos, & honestas oderit artes,
 Ex equitum numero quas modo rarus amat.
 Nam præferre solent uirtutibus arma togatis,
 Qui genus à magna nobilitate trahunt.
 At iam regificis epulis cum functus, & illic
 Totos ipse dies quinq; moratus eram :

Qua

Quadrupedis frenans iniectis ora lupatis,
 Rursus iter cogor, rursus inire uias.
 Post ubi transferam Mauortis habentia nomen
 Moenia, uelocis tergo uestus equi:
 Diues opum sera me Lipsia nocte recepit,
 Lubricus humectat cuius Elister agros.
 Hic mihi tres fidos iunxit fortuna sodales,
 Euganeam mecum qui petiere scholam:
 Assyrij regis gaudentem nomine Belum,
 Ac te Minguitiæ gentis Erasme decus:
 Baldasaremq; uetus Syluani nomen habentem,
 Cuius fida mihi pectora iunxit amor:
 Cuius & Austriacis fortissima nuper in oris
 Dexteræ Turcarum cognita strage fuit:
 Turrigeræ pugnans ad moenia quando Viennæ,
 Cæsaris in castris ære merebat eques.
 Vsta sed hinc postq; Neopyrgi moenia flammis,
 Irriguasq; Salæ transferamus aquas:
 Ingredimur populoſa tuas Erphordia portas,
 Hic ubi Tyrigetæ pinguis rura colunt.
 Et quia deuexo caput inclinabat olympo
 Phœbus, in hac noctis traximus urbe moram.
 Mane salutantes uatem conuenimus Hessum,
 Cuius ut est dextræ dextera iuncta meæ:
 Laus erit Hesse mihi, summum uidisse poetam,
 Atq; tuam, dixi, me tetigisse manum:
 Primus ab Aonio qui sacras uertice musas
 Ducis in arctoo subdita regna polo:
 Quemq;

E L E G I A R V M

Quemq; uehens amplis Germania laudibus effert,
 Vt solet Andinum Mantua ferre senem.
 Sic ego: sic contra doctissimus incipit Hæssus:
 Hæssus Apollinei maxima fama chori.
 Dulcis amicitie mihi mutua fœdera tecum,
 Dum concessa mihi uita manebit: erunt.
 Edita nam primum tua quando poemata legi,
 Ausa loqui de te sic mea musa fuit:
 Me nisi fama chori uatum uulgata fefellit,
 Gloria Picridum prima Sabinus erit.
 Omnibus idcirco conmittere uiribus hortor,
 Vt sis, iuditio qui potes esse meo.
 Hæc ubi respondens Eobanus uerba dedisset,
 Ocyus inceptum nos celeramus iter.
 Vt procul à tergo lapidosi flumen Hieræ,
 Tyrigetum nobis urbsq; relicta fuit:
 Illicibus piceisq; frequens stabulisq; ferarum
 Imus in Hercinium per iuga celsa nemus.
 Huius ad ima cauæ subsidunt tartara ualles,
 Quas radijs nunquam Phœbus adire potest,
 Siue rubescentis patefecerit ortus Olympi,
 Gemmea puniceis atria plena rosis:
 Siue laborifero conscenderit æthera curru,
 Siue sub Oceanum lumine pronus eat.
 Per nemus antra colunt immanes unguibus ursti
 Et loca sunt multis plena latrocinijs.
 Sæpe sub arborea reperitur fronde uiator,
 Dexteræ prædonum quem dedit ense neci:

Vermibus

Vermibus aut plenum taboq; fluente cadauer,
Ilicis è ramo flebile pendet onus.

Huius ut emensi per mille pericula sylvæ,

Horribiles saltus densaq; lustra sumus:

Vitiferumq; caua traiecimus arbore Moenum,

Irriguas cuius Francia potat aquas:

Francia quæ tribuit tibi nobile Gallia nomen,

Subdidit inuicta cum tuâ regna manu:

Venimus huc sacro coniunx ubi diua sepulchro

Cœlitis Henrici regis humata iacet.

Hæc ueteri genuit claraq; è stirpe creatum

Vrbs Camerariadum te Ioachime decus,

Cecropias æquat facundia cuius Athenas,

Argolicosq; refert inclyta musa sonos.

Hic aliquot fessi post tedia longa uiarum,

Substitimus noctes, substitimusq; dies.

Dulcibus intraui cultum radicibus hortum,

Quas alibi nusquam Teutona gignit humus.

Lustrauq; sitas in apricis collibus arces,

Templaq; frondosis non inamoena iugis.

Hinc undose tuam Pegnese petiuimus urbem,

Gens sata quam forti Norica marte colit.

Hæc sibi congesto circumdedit aggere muros,

Qui superant moles urbs Patavina tuas.

Ardûa consurgunt quadrato moenia saxo,

Moenia bellaci non capienda manu.

Tota licet Scythicas adducat Thracia vires,

Teutonibus diram sæpe minata necem.

E , Amplas

ELEGIARVM

Amplas huius opes, excelsaq; tecta referrem,
 Ni cantata tuis uersibus Hesse forent.
 Splendida magnorum nam siue palatia regum,
 Siue quis artifices, siue requirat opes:
 Siue peregrinas merces, ac dona Canopi,
 Quae procul Aegæum per mare nauta uehit:
 Non habet his ullam Germania moenibus urbem,
 Tota nec arctoa terra sub axe, parem.
 Nuper at intulerat canis Erigonæius agris
 Pestifero miseram ciuibus igne luem.
 Egrediens quocunq; pedem, quocunq; ferebam
 Lumina, funestus nil nisi luctus erat.
 Hic affecta graui languebant corpora morbo,
 Funeris extremam mox obitura diem:
 Illic tristis erat deplorabatq; parentem
 Natus, & extinctum foemina moesta uirum.
 Me trepidum uitæ discrimine luridus horror
 Occupat, & gelidus concutit ossa tremor.
 Namq; ibi correptus uiolenta peste timebam,
 Hospes in ignota ne tumularer humo.
 Nec pauidos tenuit minus anxia cura sodales,
 E quibus attonito pectore Belus ait:
 Hinc procul ô procul hinc, dū uescimur ætheris du-
 Dum sumus incolumes, arripiamus iter: (ra:
 Vtile paruimus socio rectumq; monenti,
 Peste acrem nobis incutiente metum.
 Iamq; dies alterq; dies iterauerat ortus,
 Pulsaq; bis gelidæ sydera noctis erant:

Huc

Huc Pegnese tua cum uenimus urbe fugati,
Sunt ubi Danubij moenia iuncta uadis.
Susceptura mouet quoties Germania bellum,
Inq; Getas saeuo concita Marte fremit,
Arbiter imperij solet hic lustrare cohortes,
Vsis armorum conueniente loco.
Danubij uero postquam traiecinus amnem,
Amnis in Euxinum qui mare fertur aquis:
Vindelicae portas & celsa subiuiuius urbis
Quae uetus Augusti moenia nomen habent.
Hic nitidas auro, pictasq; coloribus aedes,
Ac solido tectas uidimus aere domos:
Regia quae possint aequare palatia Romae,
Hinc aliquis magnas aestimet urbis opes.
Nec formosa tibi dubitem conferre puellas
Tyndari, Vindelicae quas peperere nurus:
Summus Agenorea pro uirgine Iuppiter optet
Has, magis & rapta Gnoside Bacchus amet.
Ignea sydereis contendunt lumina stellis:
Purpureas uincunt ora colore rosas.
Collatum flauis hebetatur crinibus aurum:
Scythoniam superant candida colla niuem.
Tanta puellares commendat gratia formas:
Tantus inest castis uirginibusq; decor.
At nouus his quando succedit moenibus hospes,
Qui genus à priscis nobile ducit auis:
Aut quicumq; caput per honestas extulit artes,
Principis aut aliquod nomine munus obit:
E 2 Hospes

E L E G I A R V M

Hospes ut aduentum primoribus indicet urbis,
 Legibus ædiles constituere suis.
 Ergo salutato cum nos exceperat hospes,
 Sanguine quo nati simus, & unde, rogat.
 Audit ubi claris nos esse parentibus ortos,
 Consulibus quales simus & unde: refert.
 Ad nos continuo missis de more Senatus
 Vina satellitibus multa ferenda dedit.
 Duximus ad mediam læti conuiuia noctem,
 Siccaq; perluimus pectora nostra mero.
 Clara rubescentis patefecerat atria cœli,
 Quadrijuges iungit quæ dea lucis equos:
 Hinc, Lycus undoso qua gurgite fertur, ad Alpes
 Tendimus æquantes nubila summa iugis:
 De quibus in præceps tantum uallesq; sub imas,
 Ardua suspectus quantus ad astra, patet.
 Grando cacuminibus nixq; indurata recumbit,
 Semper in his acri frigore sæuit hyems:
 Atq; resoluuntur nimbi, cauriq; furentes
 Importuna nigro turbine bella gerunt:
 Auulsasq; ferunt ornos & fragmina montis,
 Fragmina quæ tanto lapsa fragore cadunt,
 Ac si uasta ruat sublimis machina cœli:
 Attulit incautis sæpe ruina necem.
 Sæpe uiatores æstiuis mensibus illic,
 Gorgone ceu uisa dirigere gelu:
 Sæpe per angustas fauces oppressit euntes,
 Labentis moles conglomerata niuis.

Nec

Nec minus innumeri decurrunt Alpibus amnes,
 Grandia qui rapido uortice saxa rotant,
 Quâq; uolutatur per adefas spumea cautes,
 Proruit insani gurgitis unda uias.
 Exhalant nebulas imæ fumosq; cauernæ,
 Hi loca cæruleis nubibus apta petunt :
 Protinus inq; niues abeunt imbresq; soluti,
 Aërij montis cum tetigere iugum :
 Aut saliente mouent cum grandine fulminis ignes,
 Ista reperiçsis Alpibus aura fremit.
 Hos igitur montes altoq; minantia cælo
 Saxa, fatigatis dum peragramus equis :
 Indurata genis mihi stiria sæpe pependit,
 Argentesq; gelu diriguere pedes.
 Vicinus interdum mordentia frigora cursu,
 Et tepido calidas fecimus ore manus.
 At pede calcanti duras mihi sæpe pruinas
 Orta sub allisa pustula calce fuit.
 Iamq; tenebamus, qua spumifer æstuat Oenus,
 Ardua carpentes sub iuga montis iter,
 Cuius in abrupto per noctem uertice Cæsar,
 Diue tuus quondam Carole sedit auus :
 Syluestres quando capreas Damasq; bicornes
 Ausus in aëria figere rupe fuit :
 Culmen & ascendit iuuenis temerarius, unde
 Cum uellet potuit non reuocare gradum.
 Inde Tridentinæ portas intrauimus urbis :
 Hospita nos illic excipiebat anus,

E L E G I A R V M

Quæ iam facta licet rugosa senilibus annis
 Esset, adhuc scortum Thaide peius erat.

Hæc ad amatorem ueniebat adultera noctu
 Contemerare suis coniugis ausa torum.

Atq; ita, nescio quò discessit ab urbe profectus,
 Vir meus, ante diem non rediturus : ait.

Dum locus ergo datur, cupidisq; occasio furtis :
 Præbeat hoc nobis gaudia nocte Venus.

Dixerat, ingreditur thalamos, ultroq; sequentem
 Turpis amatorem duxit amica suum.

At simul in Venerem, somnosq; fuere soluti,
 Criminis exigitur uindice pœna Deo.

Vir procul à laribus quem discessisse putabant,
 Tecta gradu strepitum non faciente subit.

Vidit ut ingressus temerati crimina lecti,
 Crimina cordato non patienda uiro :

Intumuit iustaq; fremens expalluit ira,
 Vltrici gladium corripuitq; manu.

Conscia mens scelerum formidine terruit ambos :
 Attoniti gelido stantq; pauentq; metu,

Iratumq; uirum precio precibusq; fatigant :
 Cum precio uanas respuit ille preces.

Fulmineoq; petens meretricia pectora ferro,
 Perforat infidæ coniugis ense latus,

At se præcipitem dedit ex bipatente fenestra,
 Legitimi thalami qui uiolator erat.

Fugerat elapsus metuendi tela mariti,
 Sed non iudicium fugerat ipse Dei :

Nam

Nam loca nocturnis tenebris dum cæca pererrat,
 In putæum fato mortis agente cadit.
Sic ubi præterijt uitas & monstra Charybdis,
In Scyllam stolidus nauita tendit iter.
 Reddidit hic animam fontem, culpamq; piauit :
 Talia sed fatus, cum moreretur : ait,
 Hei mihi quanta fero proiecti damna pudoris :
 Res est insani plena furoris amor.
 Alterius uiolare torum qui coniugis audes,
 Hoc scelus exemplo disce cauere meo.
 His actis : postquàm nox importuna recessit
 Lucifero clarum iam retegente diem,
 Nos iter ingressos rapidorum cursus equorum,
 Huc, Athesis lato qua fluit amne : tulit
 Cuius, ubi bello Veneti petiere Tridentum,
 Perdidit ad flauas signa Robertus aquas
 Stirpe Seuerina natus : uitamq; sub undis
 Edidit, effusus cum raperetur equo.
 Sunt ibi ruricolæ, magni quibus uberis instar,
 Crebra sub inflato gutture struma tumet :
 E pulmone prius nisi suspiratibus haustis,
 Nulla locuturi promere uerba queunt.
 Trans Athesim, sese demittunt molliter Alpes,
 Diues & Italiæ terra patefcit agris.
 Mitius hic raro tristatur frigore cœlum,
 Læta bis hic grauidis frugibus arua uirent.
 Nec densæ sterili surgunt hic arbore syluæ,
 Quales Moenalio terra sub axe gerit :

ELEGIARVM

Sed pingues oleæ, sed onustæ uitibus ulmi,
 Altaq; fatidico laurus amata deo :
 Citrus & amittit quæ nunquam frondis honorem,
 Et prope labentes consita ficus aquas :
 Malaq; dependent curuatis punica ramis
 Lucida sub quorum cortice grana rubent.
 Salue terra ferax Cereris dulcisq; Lyæi,
 Omnibus optatis terra referta bonis.
 Non ager Aegypti pinguisimus ubere glebæ,
 Laudibus aut certent rura beata tuis :
 Quamuis illa quidem natas sine semine fruges,
 Agricola bobus rus nec arante ferant.
 Salue magna parens doctorum altrixq; uirorum,
 Exculti qua nos erudiente sumus.
 Induit ingenuos per te Germania mores,
 Doctrinæq; tuis fontibus hausit opes.
 Quàm te magnificæ decorant urbesq; potentes ?
 Maius terra tuis urbibus ecquid habet ?
 At postquam gelidas à tergo liquimus Alpes,
 Contigimus patriam docte Catulle tuam.
 Vasta Gigantei moles hic Amphitheatri
 Cernitur, annoso facta caduca situ :
 In quo magnanimus pugnans Gothus edidit olim
 Italiæ præses cum Theodricus erat :
 Contudit audaci sæuos qui Marte Tyrannos,
 Bella quibus cordi pax odiosa fuit.
 Vt Vicentinam nos inde petiuimus urbem,
 Conscia funestæ quæ loca cladis habet,

Cernere

Cernere cura fuit ueteris uestigia pugnae:
Squalidus hic multis ossibus albet ager.
Teutonicus miles qui Cæsaris arma secutus
Italiam ferro iam populatus erat,
Versa Tridentinas cum signa referret ad Alpes
Iussus ab Euganeo castra mouere solo:
Liuiades magno fortissimus agmine ductor,
Hostibus occlusum præpediebat iter.
Esse putabatur non anceps alea Martis,
Inferior numero Cæsarianus erat.
Læta sed in tristes abierunt gaudia luctus:
Dura graui Venetus uulnera clade tulit.
Vrbs procul inde iacet crudeli diruta bello,
Adriacus pelago qua premit arua sinus:
Mæstrum nomen habet, cultissima moenibus olim
Diuitibusq; potens ciuibus illa fuit.
Nunc ibi rara tenent inopes magalia nautæ,
Vela per æquoreas qui moderantur aquas.
Hinc ab arenoso soluentes littore cymbam,
Carpimus insuetas per uada salsa uias.
Insurgunt nautæ remis, & cœrula uerrunt:
Vincta per impulsas labitur arbor aquas.
Apparent Venetæ medijs in fluctibus arces:
Vt quas Aegeum, Cyclades, æquor habet.
Quas ubi uidissem, nullos ego moenia, dixi,
Arbitror hæc homines, sed posuisse deos.
Ambit aquis Nereus pro muro spumeus urbem,
Fluctibus est omni tutus ab hoste locus.

E L E G I A R V M

Nec minus excelsis in moenibus æstuat æquor:
 Per medias agitur remige cymba uias.
 Arcibus æquandas urbs inclyta continet ædes:
 Principis est magni regia quæq; domus.
 Plenaq; diuitijs sunt atria, cernitur illic
 Quicquid habet tellus, æquora quicquid habent.
 Quid magnos referam procures, amplumq; senatum?
 Mille Senatorum continet ordo patres,
 Splendida regali quos purpura uestit amictu:
 Talis prisca tuus Roma senatus erat.
 Tempia sed in primis diuiq; palatia Marci,
 Ingentes Venetum testificantur opes,
 Condita Tænario quæ marmore, plenaq; gemmis
 Intus & aurato fornice culta nitent.
 Quattuor alta tenent summi fastigia templi,
 Qui similes uiuis conspiciuntur equi.
 Maximus imperij iurauit arbiter olim,
 Infestus Venetis qui Fridericus erat:
 Quod foret è templo stabulum facturus equorum,
 Adriaci caperet mœnia quando maris.
 Acre sed in longos bellum cum duceret annos.
 Nec Venetæ posset frangere gentis opes:
 Hos ibi iussit equos in summo culmine poni,
 Nomini extarent ut monumenta sui.
 Area lata patet Marci contermina templo,
 Illo turba frequens itq; reditq; loco.
 Non audita mihi quæ uisa nec ante fuerunt,
 His oculis & sunt auribus hausta meis.

Marmæ

Marmarides ibi Psyllus erat, quem posse ferebant

Nescio qua nocuum tollere uirus ope :

Ille uenenatam suspenderat aspidæ collo,

Et lambenda nigris anguibus ora dabat.

Hic quoq; cantabat Venetæ primordia gentis

Thuscus ad auratam Musicus ore chelyn.

Iliacis olim referebat sedibus actos

Adriacum Venetos incoluisse sinum:

In medijsq; nouam fundasse paludibus urbem,

Cum ferus Illyricis Attila terror erat,

At quæsisse diu uictum prædantibus hamis

Humida consuetos ducere lima manu :

Regna Lyburnorum, fœcundaq; rura Timauï,

Publica res armis donec adepta fuit :

Atq; triumphatas Insucribus abstulit urbes :

Talia cantabat dulcibus ille modis.

Hinc ad Græcorum nos uexit nauta sacellum ,

Forte dies illo tempore festus erat.

Argolicos ritus cognoscere, meq; iuuabat

Mutua cum Graio præfule uerba loqui,

Sciscitor unius cur tantum Græcia diui,

Cætera diuorum nec simulachra colat :

Torquet in immanem qui tela Georgius hydram

Solus habet sacra pictus in æde locum.

Ad mea non durus respondit uerba sacerdos :

Atq; ita, picturæ te latet usus, ait,

Non uestro colitur nobis pro numine ritu,

Officij Reges admonet acer eques.

Ipsæ

Ipse sed haud temere cataphractus pingitur heros,
 Conuenit armatas principis esse manus :
 Vt cum bella tument, seuitq; licentia ferri,
 Vltor ab iniusto protegat hoste suos.
 Impia uindicibus rex arma coërceat armis,
 Iustaq; pro populi bella salute gerat.
 Tunc ego : cur rigidi non ergo Georgius, inquam,
 Militis, at nomen rura colentis habet ?
 Ille refert, pax arua colit, pacemq; tuetur
 Dulcia qui læti commoda ruris amat :
 Hicq; uiget mitis pietas, ubi curuus aratri
 Vomer, & augusta pace fruuntur agri.
 At fera securam rumpunt ubi bella quietem,
 Martia soluuntur corda timore Dei :
 Proq; ligone trucidis fert militis arma colonus,
 Asper & incultus sentibus horret ager.
 Ergo pij seruent reges ut foedera pacis,
 Agricola gaudet nomine fortis eques.
 Dic age cur figit sed cuspide terga Draconis ?
 Duraq; pro molli uirgine bella gerit ?
 Hæc afflictæ malis, ait, est Ecclesia Christi,
 Horridus immani quam petit ore Draco.
 Bellua significat diuini nominis hostem,
 Quo, sacra religio, damna nocente facit :
 Qualis, pestiferae teterrimus hæresis autor,
 Arrius, Eumenidum sanguine cretus, erat.
 Qualis & est, sanctum qui nomen Acynace Christi
 Persequitur, toruo sæuior angue Getes,

Hos decet à magno configi rege Dracones :

Regibus est Christi nanq; tuendus honor.

Hactenus hæc : nobis de ritibus inde sacrorum

Facta per alternas uerba fuere uices.

Quos tamen, aiebam, sacros ecclesia ritus,

Vestra quid antiqui Græcia moris habet ?

Ille sacramentum specie sub utraq; ministro,

Cœna redemptoris cum celebratur, ait.

Cætera conueniunt cum ritibus omnia uestris,

Est nisi quod lecto fœmina iuncta meo.

Quisq; sui gaudet thalami consorte sacerdos,

Vlla mihi non sunt iura negata tori.

Vnica sed postquam fato concesserit uxor,

Tunc mihi legitimus non iteratur Hymen.

Plura locuturo peregrinus ab Hellade ciuis

Nescio de tristi quæ noua clade refert.

Interea nauem conscendere iussus, abibam :

Hospite sermones impediante meos.

Deniq; dum totam uagus omnia lustris per orbent,

Me uidet, ac saluum Bomphius esse iubet.

Is non exiguo mihi consuetudinis usu

Bomphius Augustæ cognitus ante fuit :

Tunc ubi de magnis cum Cæsare rebus agebat,

Ad quem pontificis nomine missus erat.

Ipse mihi summum quo testaretur amorem,

Carpere me secum remige iussit iter :

Meq; diserte tuas Hieronyme duxit in ædes,

Nomen Aleandro cui sacra Musa dedit :

Plurima

ELEGIARVM

Plurima qui calles uariæ discrimina linguae,
 Et clario plenum numine pectus habes :
 Sacrarumq; datas rerum moderaris habenas
 Post ipsum Veneta summus in urbe Ducem.
 Hic per Apollineas mihi ianua protinus artes
 Esset amicitiae cum patefacta tuae :
 Tu mea cingebas Daphneide tempora lauro,
 Inuitoq; mihi nomen equestre dabas.
 At iam Phœbus erat permensus Virginis astrum :
 Libraq; solares excipiebat equos :
 Cum nos inde caua trabe rursus arauimus æquor,
 Plenaq; spumantem uela tulere ratem :
 Huc ubi Medoacus pelago se turbidus infert,
 Adriacasq; suo flumine miscet aquas.
 Nobis Euganeæ tum succedentibus urbi
 Est iter & longæ meta peracta uiae.
 Hic firmata nouo cinguntur mœnia uallo,
 Splendida portarum marmore claustra nitent :
 Nec minus Euganei sunt propugnacula muri
 Vasta, Semiramiae quàm Babylonis erant.
 Multa uetustatis, clarorum multa uirorum
 Omnibus hic extant & monumenta locis.
 Quattuor hos tumuli scriptos in marmore uersus
 Troius Euganeæ conditor urbis habet :
 Inclytus Antenor, post eruta Pergama bello,
 Stranfulit huc Henetum, Dardanidumq; fugas :
 Expulit Euganeos, Patauinam condidit urbem,
 Quem tegit hic humili marmore cæsa domus.
Artibus

Artibus at claros hominēs opibusq; potentes
Protinus ardebam conciliare mihi.
Hæc igitur nisi facundo carmina Bembo,
Quo non est Latio maius in orbe decus.
Quid ferat ignotæ miraris epistola dextræ,
Redditur imparibus quæ tibi scripta modis :
Hanc tibi qui mittit, doctissime Bembe, Sabinus
Optat amicitiae foedus inire tuæ.
Nā procul huc patrijs, ubi nunc agit hospes, ab oris
Quod graue difficili tempore fecit iter,
Non, ut perspiciat longinquas aduena terras,
Causa fuit : quamuis hæc quoq; causa fuit.
Sed magis ipse tuum nomen famamq; secutus
Venit, ut optato possit amore frui,
Cuius in extremis Germania finibus audit
Docta Lycaonio scripta sub axe legi :
Laudat & eloquium, uiuo Cicerone probasset
Ipsa quod in medio Roma diserta foro.
Ergo prius si quem dignatus amore fuisti,
Qui tibi non usu cognitus ante fuit :
Se petit ipse tuos ut quemlibet inter amicos,
Ex animo cum te diligat : esse uelis.
Attica Rómuleæ Bembus facundia linguae,
Ut digitis legit uerba notata meis,
Omne suum studium mihi pollicitusq; fauorem,
Dixit, amicorum tu mihi summus eris.
Nec, schola quo gaudet celebri Patauina magistro,
Lazarus ob, cure me Bonamicus amat.

E L E G I A R V M

Me Baptista suos Egnatius inter amicos,
 Præditus & summa uir pietate colit.
 Se mihi quin etiam per amanter Cœlius offert,
 Cœlius Aonia clarus in arte senex :
 Imparibus numeris qui culto digna Tibullo,
 Dignaq; Peligno carmina uate canit.
 Nec iuuenis, quo se domus Augerspergia iactat,
 Me secus, Euryalum Nisus ut alter : amat,
 Cuius Cæsareo pro nomine fortibus ausis
 Bella sub his gessit mœnibus acer auus.
 Inter at hæc, quæ uisa mihi sunt digna relatu,
 Carmine fons debet nomen habere meo :
 Qui calidis hic sumat aquis, ubi crebra sub alto
 Euganei frondet montis oliua iugo.
 Est Apono nomen fonti : præsentius ægris
 Nil, ubi Pæoniæ deficit artis opus.
 Corporis hæc reparat mortalibus unda uigorem,
 Attulit acre quibus noxia damna gelu.
 Cuius iners stomachus sumptas male digerit escas,
 Languidus hæc intret balnea sanus erit.
 Quæ steriles uteri non reddunt pignora nuptæ,
 Concipiunt Aponi quando lauantur aquis.
 Fœlices nimium fortunatosq; colonos,
 Proluit hic quorum feruidus humor agros,
 Non aliquo miscent ægroti pocula succo,
 Vlla machaonia damna uel arte leuant :
 Simplicibus curantur aquis, obnoxia morbo
 Cum grauis illorum corpora languor habet.
Pandite,

Pandite, nostis enim Libethrides omnia diuæ,
 Vnde sit hæc medicæ uena salubris aquæ.
 Minciadæ sacro celebratus carmine uatis
 Tros fuit, Iasides dictus Iapis erat.
 Nossset ut herbarum uires, usumq; medendi,
 Numinis ille tui cultor Apollo fuit:
 Troianumq; ducem curauit, arundinis ictu
 Saucius à Rutulo uulnus ut hoste tulit.
 Mœsta sed arceret cum fata potentibus herbis
 Euganei peragrans hospita rura soli:
 Iuppiter indignans Parcarum fila teneri,
 Torsit in illius tela trisulca caput.
 Condidit extinctum Phœbus, Nymphæq; perennem
 Quo situs est uenam supposuere loco.
 Feruidus emanat fons pumice, uimq; medendi
 Seruat adhuc: Aponus sed modo nomen habet.
 Hæc apud Euganeos in amœno lusimus horto,
 Cantantes liquidis uocibus inter aues:
 Plurima frondet ubi Pœneæ uirginis arbor,
 Ac tuus humectat Bembe Pluicus agros.
 Dulcia si uacuum concesserit ocia tempus,
 Nos id quod superest conficiemus iter.
 Aequantem summis iuga nubibus Apenninum,
 Musa per abruptas scandet itura uias:
 Ad uada Sebeti, uiridisq; cacumina Gauri
 Tendet, & ad flauas hinc Anienis aquas.
 Nunc pertæsa uiæ pedibus procedere claudis
 Ex Antenorea longius urbe nequit.

GEORGII

SABINI BRAN-

DEBVRGENSIS ELE-

giarum, Liber

tertius.

AD CLARISSIMUM VIRVM

Petrum Bembum patritium Venetum

de natali suo.

ELEGIA I.

Hæc sacra Bembe dies, uicta qua morte redēptos
Christus ab inferno carcere duxit auos,
Nascenti mihi prima dedit cunabula uitæ,
Memnonis orta nigri tunc ubi mater erat.
Aurea cum Geminis Venus ascendebat Olympum,
Quos peperit summo cognita Læda Ioui.
Inde sequebatur, testudineusq; subibat
Splendida magnarum limina Cancer opum.
Illic Herculei fulgebat stella Leonis,
Qua patet extremi cardinis ima domus.
Erigone martem gremio complexa sivebat:
Is male falcifero cum sene iunctus erat.
Iuppiter in sexta morborum sede premebat,
Dira uenenatæ signa timenda Nepæ.

Hæmo

Hæmonio stabat Chiron Phillyrius arcu,
 Vesper ubi liquidis exerit ora uadis:
 Aegocerumq; procul telo feriente petebat,
 Auspice quo capiunt Phœbus et annus iter.
 Alta uehebatur nitido Latonia curru,
 Hic ubi cœlestes urna tenebat aquas.
 Cœca per æthereos pisces fortuna meabat,
 Quæ mihi se facilem, non odiosa, dedit:
 Solis agebantur, per tauri signa, iugales:
 Qua domus à mœsto carcere nomen habet.
 Ales ab auroræ nitido Cyllenius ortu,
 Luciferos ibat pone secutus equos.
 Hæc ita fulgebant subterlabentia cœlo
 Sydera, natalis tempore Bembe mei.
 Euentura dedit super his responsa petenti
 Talia fatidico Gauricus ore mihi.
 Haud obscura sacros inter tua fama poëtas,
 Si quid habent ueri sydera dixit, erit.
 Nam quibus in primo nascentibus affuit ortu
 Lucida cum gemino Castore iuncta Venus:
 Et quibus utiliter positos caducifer ignes
 Præbuit, eloquij qui dator esse solet:
 His faciles dictant blandissima carmina musæ,
 Carmina Peligni qualia uatis erant.
 Nec te deficient fortunæ grata benignæ
 Munera, nec paucas accumulabis opes:
 Id tibi promittit nitidi soror æmula Phœbi,
 Quæ stetit in medio, culmen adepta, polo:

E L E G I A R V M

Quæq; per æthereos fecit uestigia pisces,
 Vecta uolubilibus lubrica diua rotis.
 Alta frequentabis magnorum limina regum,
 Digna tuo quorum carmine facta canes.
 Hinc tibi diuitiæ, seros hinc nomen in annos,
 Magnaq; continget gloria, magnus honor.
 At procul externas urbes & regna uidebis,
 Immensæq; feres tædia longa uiae.
 Italiam per nulle petes discrimina rerum,
 Carpere difficili tempore iussus iter,
 Non ut militiæ studium, uel castra sequaris,
 Ferrea proq; tuo Cesare bella geras,
 Acriter in ubres dum fortibus asserit armis,
 Et Lygurum captas marte tuetur opes:
 Inde sed ut ducas gelidam rediturus ad arcton,
 Virgineo castas ex Helicone deas.
 Adriacam, ueniens istuc, miraberis urbem,
 Inq; procelloso moenia iacta mari.
 Nec non, Eugeneis quos aduena fertur in oris
 Antenor, positos constituisse lares.
 Hinc, caput imperij Romam uisurus, abibis
 Per quam cœrulei Tybridis unda fluit.
 Parthenopenq; petes, docti quæ sacra Maronis
 Ossa, sub herbofo condita monte, tegit.
 Italiae uero postquam lustraueris urbes,
 Ignibus accendet cor Cytherea tuum.
 Tunc tibi (ni fallunt me conscia sydera fati)
 Subdola lasciuus retia tendet amor.

Hic

Hic, ubi Saxoniam lapidosus perfluit Albis,
 In thalamos uirgo crescit itura tuos.
 Talia fatidico mihi Gauricus ore canebat,
 Ipse mei quando principis hospes erat:
 Quæ referenda tibi doctissime Bembe putavi,
 Tempore natalis conueniente mei.

AD PETRUM
 Bembum.

ELEGIA II.

Missa salutatum te longis uenit ab oris
 Littera sermonis nuntia Bembe mei
 Hinc, ducis Arminij ueteres ubi possidet urbes,
 Lataq; Septemuir Marchio regna tenet:
 Flauus & arua secat Sueuus, densisq; palustres
 Voluit arundinibus creber Hæuelus aquas.
 O utinam dextro Tithonia sydere coniunx,
 Hunc mihi felicem proferat orta diem:
 Venturis iterum quo te semel alloquar annis,
 Ac tua conspiciam uultibus ora meis.
 Nam tua quando mihi subit officiosa uoluntas
 Immemorem nunquam me sinit esse tui.
 Me fueris quanto complexus amore recordor,
 Dum tuis in Patavii mœnibus hospes eram.
 Sæpe sub efficta contemplor in imagine uultus,
 Est manus artificis quos imitata, tuos:

E L E G I A R V M

Hos ego mente colens amplexor, ut Aemonis olim
 Coniugis effigiem Laodameia sui.
 His ego pallentes hederas, floremq; marini
 Roris, & è molli baccare ferta fero.
 Te quoq; uatis adhuc illic meminisse Sabini
 Duco, nec oblitum nominis esse mei.
 Ipse sed à uestris longe cum finibus ab sim,
 Forte quid hoc rerum tempore, quæris, agam.
 Deditus incumbo studijs quibus ante solebam:
 At sua me captum sub iuga traxit amor.
 Scilicet Euganea cum nuper ab urbe reuersus
 Huc, ubi populifer labitur Albis, eram:
 Aligerum ducens ad me dea Cypria natum
 Venit, & his blandis uocibus usa fuit.
 Matris Acidaliæ puerum charissime uates
 Suscipe, discipulus debet is esse tuus.
 Nolo Machaonias discat, quas odimus, artes:
 Iura nec insani ligitiosa fori.
 Sed tua miratus facundæ carmina musæ,
 Discat in alternos cogere uerba pedes.
 Compensabo tibi iusta mercede laborem:
 Basiolum merces erudiantis erit.
 Dixerat: intueor puerum, matrisq; rogantis
 Accipio pacta conditione preces.
 Utq; daturus eram præcepta magister amori,
 Non tulit imperij frena Cupido mei.
 Eduxit pharetra sed acutas ille sagittas,
 Nostra quibus postquàm pectora fixit, ait,

Hoc

Hoc graue uirgo tibi patre nata Melanchthone uul-
Leniet, indomitus quod tibi fecit amor. (nus
Protinus ingenti succensus amore puellæ,
Ardet ut inducto sulfure tæda, fui:
Nec secus ambiui precibus connubia, fessus
Quàm gelidi ceruus fluminis optat aquas.
Obtestabar amans illam, uerbisq; rogabam
Talibus: ô uirgo quæ mihi sola places,
His precor æqua meis ardentibus annue uotis
Sponsis ut amplexu perfruar Anna tuo.
Me dignare toro, nec amantem despice, quamuis
Sit tua candidior corpore forma meo.
Claudicat ac tristi fuligine Mulciber horret,
Illius ipsa tamen gaudet amore Venus.
At mutata nigrum duxit mea forma colorem,
Haud adeo nuper fuscus & ater eram.
Lampade me phœbus, me frigore Caurus adussit,
Acer adhæc sæua me face torret amor.
Dotibus ipse tamen magnis hæc parua rependo
Damna, Medusæ gloria dicor aquæ:
Sunt mihi Pieridum felicia dona sororum:
Vxor es ingenio clara futura meo.
Inferius Coa nec Battide nomen habebis,
Si dignata tuo nos eris Anna toro.
Sic ego: uirgo meos postquàm cognouit amores,
Tu meus, aiebat, mutuus ardor eris.
Sol ubi iam uero Nepheleia signa tenebat,
Certam coniugij spem mihi nupta dedit.

ELEGIARVM

Astrinxere fidem nobis data pignora dextræ:
 Factaq; solenni sponsio more fuit.
 Scribere plura libet, sed desino, ne qua legendi
 Offendant animum tædia Bembe tuum.

AD PETRVM
 Bembum.

ELEGIA III.

Claudicat alterno dispar quod epistola uersu,
 Aspera læsit hyems, & uia longa, pedes.
 Nam suscepit iter, feruentis tempore brumæ,
 Cum fuit in rigidis Alpibus acre gelu.
 Reddita læticiam faciunt mihi scripta legenti,
 Quæ testantur adhuc te meminisse mei.
 Carmen & ipse meos quo sum complexus amores,
 Id non iudicio displicuisse tuo.
 At mihi sunt longe gratissima uota, quod optas
 Sit meus ut felix & sine labe torus.
 Euganeis utinam contermina finibus esset
 Marchia, Sarmatico terra propinqua solo:
 Te meus ambiret precibus socer ipse Melanchton,
 Huc ut susciperes Bembe rogatus iter,
 Cum mihi consortem uitæ, sociamq; cubilis,
 Legitimo pactus fœdere iunget Hymen.
 O quibus officijs, si tunc optatus adesses,
 Hic animum uellem demeruisse tuum.

Scilicet

Scilicet ad cytharas & fila sonantia, tecum
Nostra iuberetur ducere sponsa choros:
Patriciaq; tibi pro nobilitate daretur
Et locus, & Rhodio milite dignus honor.
Ante sed, Autumnum quam Pleias orta reducet,
Nulla mei possum gaudia ferre tori.
Nam duo compleuit nondum septennia uitæ
Quam mihi coniugij tæda pudica dabit.
Ob teneros igitur dilectæ uirginis annos,
Cogimur ingrata tædia ferre moræ,
Donec ab occiduo fugientes orbe recedent,
Quæ fera Pygmæis bella minantur aues:
Maturasq; leget serus uindemitor uuas:
O desiderio tempora longa meo.
At sacra Pieridum miles ne signa relinquam,
Me tua postremo littera sine rogat.
Ingenuas olim desertor Apollinis artes
Legibus, atq; foro posthabiturus eram.
Nam rude pangentem me carmina uulgus adibat
Talibus, ecquid iners carminis autor agis?
Vana relinque nouem delyramenta sororum,
Inq; foro tristes iure tuere reos.
Diuitis ampla feret tibi munera Bartolus auri,
Musa nihil præter nomen inane dabit.
His ego motus eram uerbis, animusq; ferebat,
Aoniæ nunquàm tangere plectra lyra.
Iamq; uoluminibus iuris, studioq; forensi
Deditus, ipse tuus Bartole miles eram.

ELEGIARVM

Blanda sed addictum me noluit esse seueris
 Legibus, inq; suum Musa retraxit opus.
 Cur placet, ô demens, tibi sollicitumq; probatur
 Virgineo, dixit, plus Helicone, forum?
 Et quibus Heroum prius inclyta facta canebas,
 Cur tua prostitues turpibus ora reis:
 An quia Causidicis, quàm Vatibus, amplior est res,
 Diuitias animi dotibus ante feres?
 Disspereant, quæstus quicumq; cupidine ducti
 Ingenuas artes utilitate probant.
 Vatibus obijcitur, quod iniquæ sortis Homerus,
 Aonia nullas arte pararit opes.
 At bona Mæonides quanto meliora reliquit?
 Immortale suo carmine nomen habet.
 Quam non omne potest largiri Regibus aurum,
 Attalicas superat fama perennis opes.
 Vilius hoc studium si legibus esse uidetur,
 Artibus his magni cur studuere Duces?
 Nescit ab Augusto quis amatos Cæsare uates:
 Cultor Apollinei numinis ille fuit.
 Victor Amynthiades qui Persica regna subegit,
 Dignas esse nouem duxit honore Deas:
 Inter tela quibus, dubijq; negotia martis,
 Quicquid erat uacui temporis omne daret.
 Stratus & ipse super quo nocte iacebat, Homeri
 Nobile puluino subijciebat opus.
 Ergo relinque forum, doctisq; operare Camœnis:
 Quod reges decuit, nec tibi turpe puta.

Talibus

46

LIBER III.

Talibus auscultans monitis, legesq; perosus,
 Cum uestro, dixi, iura ualete foro.
 At maiore sacras studio complectar ut artes,
 Iam tua Bembe mihi littera calcar erit.
 Vnde decus summumq; mihi promittis honorem
 Numina Pegasei fontis amabo : uale.

AD ANDREAM CRITIVM
 Archiepiscopum Gnesnensem.

ELEGIA IIII.

TEmpore Sarmatici quo regis in urbe Sabinus,
 Quæ tenet à Graccho cõdita nomen, eram.
 Est ubi iucunde mihi consuetudinis usu,
 Ianua noticiæ Præsul aperta tuæ :
 Blanda mihi læto declarans gaudia uultu,
 Talia gratanti pectore uerba dabas.
 Cum noua ducetur cupido tibi nupta marito,
 Quæ promissa toro dicitur esse tuo,
 Et sacra, legitime, quibus astringuntur amantes,
 Coniugio dulcis uincula necdet Hymen :
 Tunc ego ne dubites, aliquo si carmine fiam
 Certior, ipse tibi Critius hospes ero.
 Hæc & plura dabas animo promissa benigno,
 Quæ retinens memori condita mente gero.
 At iam tempus adest, cum nata Melanchithone uirgo
 Est thalami consors Anna futura mei.

Nanq;

E L E G I A R V M

Nanq; ubi maturo curuantia pondere ramos,
 Diuitis Autumni munera carpet hyems,
 Percipienda seram concessi gaudia lecti
 Sponsus, & optato letus amore fruar.
 Ergo per hos elegos me certior indice factus,
 Non potes huc quanquam carpere Præsul iter
 (Regia namq; procul nostris tua distat ab oris
 Nomen honorati Principis unde geris)
 Illic uota tamen pro sponsi concipe tædis,
 Vt sint coniugij prospera fata mei.
 At si carminibus licet addere tristia latis,
 Accipe mœrori quæ tibi præsul erunt.
 Sustulit indigno mors funere nuper Erasmus :
 Perdidit ô quantum Teutona terra decus,
 Illius asseruit nobis facundia laudem,
 Roma prius uiuo quam Cicerone tulit :
 Barbariemq; rudem nostro quibus expulit æuo,
 Inuictæ calamo scripta diserta dedit.
 Illius ubertas, & diuitis aurea linguae,
 Instar inexhausti copia fontis erat.
 Hei mihi quanta nouem fecerunt damna sorores :
 Publicæ res quali concidit orba uiro.
 Ille beatorum sed uiuit sede receptus,
 Et capit in Christi gaudia uera sinu,
 Cuius magna sacri pandens oracula uerbi
 Reddidit eloquio lucidiora suo.
 Tutus ab iniustis est detractoribus illic
 A quibus insando multa dolore tulit.

Despicit

47

LIBER III.

Despicit inuidiam, nouitq; quod æquius olim
 De se iudicium posteritatis erit.
 Prosequar hæc alio sed tempore fata querelis:
 Me noua læticiæ iam dare signa decet.
 Condita non tristi gratetur epistola uersu,
 Amplior accessit quod tibi nuper honos:
 Quodq; suprema tenes sacræ fastigia sortis,
 Inclyta Sarmatiæ Rex ubi sceptrâ gerit.
 Euehit indignos fortunâq; tollit in altum,
 Sæpe malis amplas cæcâq; præbet opes.
 Hæc, tua sed meruit pietas, hæc præmia, uirtus:
 Nemo magis tanto dignus honore fuit.
 Nanq; Lycaoniæ quæ subdita uirginis Arcto
 Terra Borysthenidis limite iuncta iacet,
 Te uehit insigni pietatis laude, fatetur
 Se nihil ingenio maius habere tuo.
 Comprecor his felix ut honoribus ergo fruaris:
 Quæ mea ne careant pondere uota, Vale.

AD CHRISTOPHORVM TVRCVM

Alberti Cardinalis, Archiepiscopi Mogun-
 tini Cancellarium.

ELEGIA V.

Mæstus eram, nemorūq; dolens secreta petebā:
 Sæuus amor incesti causa doloris erat.
 Tristia flebilibus iactans ibi uerba querelis,
 Cur mea, dicebam, uota moraris amor?

Ante

ELEGIARVM

Ante duos annos mihi quæ capienda fuerunt,
 Coniugij capiam gaudia quando mei?
 Fruge carens an messis erit mea semper in herba?
 Quid iuuat agricolam non rescanda seges?
 Aut ego currentis conuertam uela carinae:
 Tu minus aut longa me puer ure mora.
 Hæc ubi questus eram, pharetratus mœsta querentis
 Audiſt à tergo uerba secutus amor.
 Atq; ita respondens, animo cur angeris? inquit,
 Haud procul à portu iam tua nauis abest.
 Sextus ubi gelido uenturi mense Nouembris
 Lucifer, Auroræ mane reducet equos:
 Cinctus Hymen serto redolentis tempora myrti,
 Tunc tibi lucentem præferet igne facem.
 Hactenus: & celeres mouit, quibus utitur, alas:
 Eſq; meis oculis præpes abiuit amor.
 At mihi quando tori iam fœdera sponsus inibo,
 Nullus amicorum gratior hospes erit,
 Quàm tu, dulce meum decus, ô carissime: nemo
 Plura uoluntatis quo mihi signa dedit.
 Ardua quæ nunquàm tetigiſſem limina regum,
 Auspice sunt musis te patefacta meis.
 Ob tua complexus studia immensumq; fauorem
 Me fuit Albertus præſul amore ſuo:
 Quo generosa nihil Germania principe maius,
 Nec sacra Romanæ Curia ſedis habet.
 Te meus expectat ſocer, & quicunq; frequentant
 Saxonice docti culta Lycea ſcholæ.

Quin

Quin & Apollineæ nectunt Daphneide Lauro
 Florida uenturo iam tibi ferta deæ.
 Si uacat, ergo tua precor ut cum coniuge lætus,
 Ad thalami uenias gaudia Turce mei.

AD CHRISTOPHORVM

Carleuitium Georgij Ducis Saxo-
 niæ Præfectum.

ELEGIA VI.

BLanda coëgit amor teneræ me uerba puellæ
 Dicere, coniugio nupta fruere meo.
 Iamq; uocatus Hymen aderit, dulcisq; pudicum,
 Coniugis intrabit sponsa cubile sui:
 Lux ubi, quam toties ego spe uotisq; petiui,
 Orta pruinosi sexta nouembris erit.
 Missus ab Alberto legatus præsule Turcus
 Pars erit hic pompæ spero, decusq; meæ.
 Nec minus has cupio, iuuenis clarissime, tædas
 Ornet ut insigni splendor honore tuus.
 Iure sodalitiij primis tibi iunctus ab annis,
 Hic quoq; Franciscus Vinariensis erit:
 Inter amatorem qui me, nuptamq; puellam,
 Legitimi sanxit fœdera casta tori.
 Dulce nec hinc aberit Charitum decus atq; lepōrum,
 Grande saginati Cario uentris onus:
 Qui uaga scrutatus reuoluti sydera cœli,
 Coniugij dicet fâta futura mei,

An Ver

ELEGIA RV M

An Venus, & nostro sit Iuppiter æquus amor:
 Inspicietq; causæ signa notata manus.
 Ergo meos inter conuiuia futurus amicos
 Huc ades, utq; queas sospes adesse, Vale.

AD DAMIANVM A

Gois, Lusitanum,

ELEGIA VII.

QUæ tibi missa ferunt aptatam uerba salutem,
 Condita sunt numeris hic Damiaæu meis,
 Pandit ubi doctis hederæ cultoribus Albis,
 Sacram Gorgonei flumine fontis aquam.
 Si fortasse tuas nondum peruenit ad aures,
 Hinc procul ex aliquo nuntia fama loco:
 Dulcibus illecebris captum, formaq; puellæ,
 Me tener uxorem ducere iussit amor.
 Quid tibi legitima cum coniuge forsitan inquis:
 Nil nisi fœmineus iurgia lectus habet.
 Libera me Veneris sine munere uita iuuabat,
 Et sacra coniugij iura perosus eram.
 Ante meos oculos adducto constitit arcu
 Prompta ferens dextra tela Cupido manu.
 Cumq; meum uolucris fixisset arundine pectus
 Tunc ita, cur uitam cœlibis, inquit, agis?
 Solus an odisti connubia? solus amorem?
 Nulla tenet sobolis, te neq; cura tori?

At ne

At ne sacra meæ contemnas numina matris,
 En graue traiecto pectore uulnus habes.
 Risit: & ostendens forma præstante puellam,
 Hæc tua, dicebat, si cupis, uxor erit.
 Illico corripuit mihi subdita flamma medullas,
 Inq; meo sedit corde receptus amor.
 Deniq; succensus sic igne Cupidinis arsi,
 Feruida Trimacrijs ardet ut Aetna iugis.
 Difficilem cupido nec se præbebat amanti:
 Annuit optatis uirgo rogata meis.
 Sexta pruinosi cum lux erat acta Nouembris
 Dulcia percipiens gaudia nocte tuli.
 Tunc, mihi despondit quam pronuba Iuno, puellam
 Legitimo functus munere iunxit Hymen.
 Quid letos referam plausus, aut glorier, illo
 Tempore contigerit quam mihi magnus honor.
 Ad mea Legatos misit conuubia Princeps
 Nobile qui Mogi nomen ab urbe gerit.
 Quiq; uetusta potens Sueuorum regna gubernat,
 Ampla dedit sponsæ Marchio dona meæ.
 Nec minus egregio testati munere uates,
 Leticie nobis signa dedere suæ:
 Per quos Argolicis & uocibus usa latinis
 Musa meo cecinit carmina digna toro.
 Mollibus hæc elegis tibi significanda putauī,
 Esset ut ardoris cognita flamma mei.
 Cætera de nostris scitabere rebus ab isto
 Qui procul adueniens hæc tibi scripta tulit.

ELEGIARVM

Summos ille mihi fuit intimus inter amicos,
Omnia deq; meis cognita rebus habet.
Longior à nobis uenisset epistola, si non
Scribenti calamum surripuisset amor.

AD ERASMV M EBNERV M

Noribergensem, de Cometa qui mense Au-
gusto conspectus est, Anno M.
D. XXXI.

ELEGIA VIII.

HAec tibi Saxonici Ebner Sabini ab oris,
Imparibus mittit condita uerba modis
Hinc, ubi fulgenti ripas interlitus auro
Albis ad arctos cornua flectit aquas.
Mensis agebatur, Nemeæ terga leonis
Quo rapidis feruens Cynthus urit equis:
Terribilem diro cum uidimus igne cometen,
Nubibus infelix exeruisse caput.
Se negat huic similem uidisse prioribus annis
Tota Lycaonio subdita terra polo.
Solis ab occasu flammæ spargebat ad ortum,
Bis spacio denos conficiente gradus:
Nec rutilo solitum ducebat ab igne colorem,
Mixtus in ardenti corpore pallor erat.
Tempore quo surgunt uariantia sidera cœlum,
Horrida diffusis extulit ora comis.

Postq;

Postq; duas imo caput æquore condidit horas,
 Quo solet occiduos mergere Phœbus equos.
 Illinc, octipedis feruent ubi brachia cancri,
 Præcipiti motus turbine fecit iter:
 Longaq; fumoso tulit huc uestigia passu,
 Aequat ubi nocti pendula libra diem:
 Hic Astræa tuo geminas cum sydere lances
 Ambustumq; suo torruit igne Iouem.
 Præuia ueloci cursuq; sequutus in Austrum
 Terga recedentis martis ab axe fuit:
 Donec in obscuras moriens euanuit auras,
 Lumine sopitas destituente fâces.
 Exitus ostendet quibus hoc fatale minetur
 Sydus, & ingentis conscia stella mali.
 Aut procul adductæ Germania sentiet hostes:
 Principis aut magni funere tristis erit:
 Aut proprio timetas fœdabit sanguine dextras,
 Motaq; ciuili bella furore geret:
 Nuper ut agresti cum sanguine rura madebant,
 Ortus & insana plebe tumultus erat.
 Semper adhuc diri quoties arfere cometæ,
 Certa secuturi signa fuere mali.
 Vertat in immanes utinam Deus omina Turcas,
 Qui noua Pannonicis gentibus arma parant:
 Rursus & Austriacas bellum meditantur ad oras,
 Marte subacturi Teutona regna suo.
 Quod nisi falsa mouent uatum præsagia mentes,
 Haud procul optatam suspicor esse diem,

ELEGIARVM

Germano domitos qua marte uidebimus hostes,
 Ferrea captiua uincula ferre manu :
 Atq; triumphatas Helles Athamantidos urbes,
 Mite sub inuicti Cæsaris ire iugum.
 Hæc precor eueniant optatis omina rebus :
 At quoq; uestra noui Gallia si quid habet,
 Huc ferat à Ligeri flauentes Albis ad undas
 Nuncia sermonis littera missa tui.

AD CARDINALEM
 Petrum Bembum.

ELEGIA IX.

NVntius Ausonia qui uenit ab urbe Quirini,
 Huc tua Bembe mihi uerba legenda tulit,
 Vrbs qua Danubij flauentibus adiacet undis,
 Veliuolæ clarum nomen adepta ratis :
 Nunc ubi sceptrigeri diuo cum Cæsare Reges,
 Pax ut in Europa constituentur, agunt.
 Non ita gaudebat qui tristia carmina uates
 Ad maris Euxini condidit exul aquas,
 Dulcibus accipiens ab amicis quando salutem,
 Legit honorati uerba diserta uiri :
 Vriucunda mihi diffudit epistola uultum,
 Non dubiam fecit quæ mihi lecta fidem
 Nomen inoblito te pectore ferre Sabini :
 Ex animo necdum me cecidisse tuo.

Infinita

Infinita dedi iucundæ basia chartæ,
 Leticiam gestu testificante meam :
 Atq; ita, dispeream tristi modo funere, dixi,
 Hac mihi grata magis littera siqua fuit.
 At quod agis mecum, fera dum discordia serpit,
 Quæ summi lacerum carpit ouile Dei :
 Ne grauer afflictis fidei succurrere rebus :
 Et placidæ studium pacis ut ipse iuueni :
 Non his sufficio quamuis ego rebus agendis,
 Estq; meis impar uiribus istud onus,
 Omnes docte tamen conatus Bembe parabo
 Ipse quibus paci consuluisse queam.
 Vulnera disidij qua conuenit arte leuabo :
 Summaq; cura mihi religionis erit.
 Ac nisi restituat concors modo gratia pacem,
 Obruet heu nostrum quanta procella caput ?
 Sentiet hostilem discors Germania Turcam,
 Et magni amittet nominis orba decus.
 Quin hæ disidijs labefactæ tristibus artes,
 Funditus euersa cum pietate ruent,
 Iam mea, quæ uario celebrabat carmine Reges :
 Territa fatali tempore Musa silet :
 Ut, Notus insano syluas ubi turbine perflat,
 Daulias occluso gutture mœret auis,
 Atra sed obducunt non semper nubila cœlum,
 Ire solet pulsa nube serena dies,
 Horrida tempestas nec tempore sequiet omni,
 Quæ modo perturbat commoda nostra malis.

ELEGIARVM

Hos Deus optata sedabit pace tumultus:
 Cæsare tranquillos efficiente dies.
 Musica tum rursus me tangere plectra iuuabit:
 Carmina quæq; legas, bis meliora, canam.

AD LVDOVICVM BECCA-
 tellum Bononiensem.

ELEGIA X.

Sol duodena regit qui signa uolubilis anni,
 Signiferi medium penè peregit iter:
 Ex quo Danubij gelidum flauentis ad amnem,
 Hic procul à patria sede remotus ago.
 Iam desiderio me flebilis afficit uxor,
 Pignore quæ nostri dicitur orba tori,
 Tristibus & lachrymis natam lugere sepaltam:
 Eius ab uberibus quam fera parca tulit.
 Ergo ubi roriferæ noctis dimouerit umbram
 Candida lucifero cras oriente dies,
 Hospita Boiorum discedens arua relinquam:
 Et patriæ repetam dulcia rura meæ.
 Cæsar inutilibus terat hîc conuentibus æuum:
 Tædia me cogunt longa redire domum.
 At mihi quem concors animorum gratia iunxit,
 Docte sodalitij pars Ludouice mei:
 Quæq; uelut Pyladen Agamemnone natus, amaui:
 Iamq; dolens tristi corde relinquo: uale.

Diuidi.

Diuidimur uastis terrarum tractibus ambo :
Viuere quam uellem nos propiore loco.
Nubifer his longe iacet Appenninus ab oris,
Sub gelidis cuius natus es ipse iugis:
Aemilioq; nimis distat procul Odera Rheno :
Odera flauentes accolo cuius aquas.
Forte Lycaoniam nunquam rediturus ad arcton,
Conspicies oculis lumina nostra tuis.
Ecquid enim ueteri regnata TuiSTONE tellus,
Huc retrahat gelidam te quod ab arcton, habet?
Non, ut in Italia, cultis hic myrtus in hortis,
Non citrio fragans spirat odore nemus.
Frondea crescenti tentoria surgere buxo,
Eq; maris nusquam rore theatra uides,
Cerea sed tantum uel pruna, uel educat uuas,
Si quis habet raras cultior hortus opes.
Tu quoq; magna licet Romæ mihi cura uidendæ :
Vix oculis posthac conspiciere meis.
Non ego ferre graues æstus sub sole recuso :
Non me longinquum carpere tædet iter :
Nec calcare niues piget : æriasq; per alpes
Inuia præruptis scandere saxa iugis.
Sed thalami consors, sed dulcia pignora lecti,
Me procul à patrijs sedibus ire uetant.
Ante tamen uiuus mea spiritus ossa relinquet:
Absentis nequeam quam meminisse tui.
Ipse meos inter numerabere primus amicos :
Vsq; adeo tecum uiuere dulce fuit.

ELEGIARVM

Redde uicem, & longe tepidū submotus ad austrum,
 Tu memori nostrum pectore nomen habe.
 Inciderit quoties & mentio facta Sabini:
 Ille mihi est fratris iunctus amore: refer.
 Quin & ubi dominam uenies ad Tybridis urbem,
 Præstantes habitant qua tot in urbe uiri:
 Ausonios uates mihi conciliabis amicos.
 Carminis autores carminis autor amo.
 Fronde triumphali redimitum tempora Vidam:
 Quem tulit Eridani iuncta Cremona uadis.
 Blandaq; Nasonis referentem carmina Molsam:
 Cuius habet similes uix Elegia modos.
 Nec non Flaminium, cuius lepidissima uatis
 Omnes insigni carmina laude ferunt.
 Inprimis uero Bembum saluere iubebis,
 Incluta quo gaudet Flamine Roma sacro.
 Adriacæ Bembum gentis decus: attica cuius
 Verba, uelut dulci nectare tincta, fluunt:
 Historico cuius calamo pater Adria tantum
 Ob populi debet facta legenda sui:
 Tybridis urbs quantum Patauino debet alumno,
 Romuleos calamo qui celebrauit auos.
 Anglorum ueteri natumq; propagine Polum,
 Cui triplicem linguam docta Minerva dedit.
 Et Ciceroneo Sadoletum more loquentem,
 Facundo Charites cuius in ore sedent.
 Ac tot Aleandrum linguarum dotibus auctum,
 Cinxit Apollinea qui mihi fronde comas.

Omnia

Omnibus his igitur me commendabis: & horum
 Ipse salutabis nomine quenq; meo.
 Mollia sic ducant gelidas te fata per Alpes:
 Sic patriæ sospes restituare tuæ.

AD CHRISTOPHORVM
 Turcum.

ELEGIA XI.

ECquid adhuc sæua correptus febre laboras?
 Torret ut ardenti quæ tua membra foco:
 Horror & algentes tibi frigore concutit artus?
 Mox ubi destituit feruidus ossa calor.
 Bis cessante suas finiuit uoce querelas,
 Cecropis Ismarium quæ gemit ales Itym:
 Bisq; seges demessa fuit: cum languidus ægro
 Semper & affecto corpore Turce iaces.
 Iamq; senescenti tabescis, ut audio, morbo:
 Robur & ætatis concidit omne tuæ.
 Outinam pro te quantumuis dura liceret
 Fata per alternas sustinuisse uices:
 Ipse libens aliqua morbi te parte leuarem,
 Ne tantis æger conficerere malis.
 Namq; uoluntatis mihi talia signa dedisti,
 Vt tua sit potior uita salute mea.
 At tu, quarta tribus furijs soror addita, tandem
 Ipsa fatigato corpore febris abi,

G S

Quid

E L E G I A R V M

Quid iuuat infontem crudelibus urere flammis?
 Supplicium hoc debent, qui meruere, pati.
 Non hunc, Enceladi ducis impia castra secutum,
 Constat in aeternos arma tulisse deos.
 Cur genus humanum nullo discrimine torques?
 Si tibi fas, homines perdere: perde malos.
 Illos conficias, Epicuri scita professi,
 Ludibrio nomen qui pietatis habent.
 Vos ô Pierides, uos si medicamina nostis,
 Quæso laboranti ferte salutis opem.
 Pæoniæ crescunt in odoris uallibus herbæ,
 Celsus ubi gemino mons petit astra iugo:
 Emanatq; sacro fons ex Helicone salubris,
 Fecit Abantiadæ quem pede regis equus.
 Illinc Pegasei uos pocula ferre liquoris,
 Plenaq; odorato flore canistra decet.
 Ah prohibete nefas mites prohibete puellæ,
 Afferrat ægroto ne fera parca manus.
 Vester honos agitur: uestros hic iuuat alumnos,
 Officio semper demeruitq; suo:
 Qui si conciderit, morboq; peribit acuto:
 Nobis Mecœnas uatibus ecquis erit?
 Omnibus ex hedera uoueo thymbraq; coronas
 Si uestra incolumis restituetur ope.
 Hæc si uota tuæ nil prosint Turce saluti,
 Attamen optati signa fauoris habent:
 Declarantq; meum, quo te complector, amorem:
 Meq; tuam tristi mente dolore uicem.

Et licet,

Et licet, affecto dum corpore deficis aeger,
Sit tibi conditio sortis acerbata tua:
Fer tamen hanc animo non indignante ruina,
Quam tua concussa uita salute facit.
Ortus es, ut mundi subiectus casibus esses:
Nullus in hoc expers funeris orbe fuit.
Vel cito uel sero, uitam mors omnibus aufert.
Quæ tibi sunt æqua mente ferenda, feras.
Adde quod egisti melioris tempora uitæ:
Nostræq; sunt tantis sæcula plena malis.
Aerumnas hominum si quis consideret omnes,
Triste sit ut nobis uiuere: dulce mori.
Aspice, quæ Regum discordia: respice surgat.
A male pacatis quanta procella Getis.
Te Deus in tanto uult hoc discrimine rerum,
Forte secuturis eripuisse malis.
Ergo ualetudo tibi non erit ægra dolori:
Te Deus hinc poscens ad meliora uocat.
Affcret æternam uitæ iactura salutem:
Flebilis optatum mors tibi munus erit.
Illud quin etiam de me solamen habebis:
Post obitum, si non utile, dulce tamen:
Quod non decedes ex hoc inglorius æuo,
Prosequar æterno funus honore. tuum.
Solu it ut erepto Pelignus iusta Tibullo
Naso, soluturus sic tibi iusta feram.
Neu quis prætereat tua nescius ossa uiator,
Extabunt elegis saxa notata meis.

Verum

ELEGIARVM

Verum, siue graui morbo releuaberis eger:
 (Namq; Deus morbo te releuare potest)
 Siue (quod auertant superi) spes nulla salutis
 Restat, & est uitæ meta peracta: Vale,

AD GERMANIAM,

ELEGIA XII.

Quo tua bellatrix abiit Germania uirtus?
 Dissimilis nostro tempore facta tui.
 Vindeliciis olim pepulisti finibus Hunnos,
 Imperium magno cum sub Othone fuit.
 Ad Solymas arces uictricia signa tulisti,
 Sceptringer imperij cum Fridericus erat.
 Nunc procul à Tanai ducentes agmina Turcæ
 Danubij ferro depopulantur agros:
 In tua grassatur terrarum uiscera prædo,
 Ausa nec hostiles es cohibere manus.
 Te quibus ostentas, nunc utere grandibus hastis,
 Et quibus in Circo ludicra bella geris:
 His animosa pias hastilibus assere gentes,
 Si quid in audaci pectore martis habes.
 Ah pudeat Scythicis egressum finibus hostem,
 Militiæ nobis præripuisse decus.
 Mollia dum sequimur nos desidis ocia uitæ,
 Aspera bellator prælia Turca facit.
 Dum cane uenamur lepores: aut cuspide damas
 Figimus, ille suo milite regna capit.

Deniq;

55

LIBER III.

Deniq; nos tantum sine sanguine ludimus armis,
Ille gerit forti seria bella manu.

At generosa tuis Germania consule rebus,
Coge pharetratos uertere terga Getas.

Ipsa tuas urbes è faucibus eripe lethi,
Et uetus imperij marte tuere decus.

Si secura mali non profligaueris hostem,
Tristia crudeli uulnera clade feres.

AD ILLVSTRISSIMVM PRIN-
cipem Ioachimum II. Electorem, Marchio-
nem Brandeburgensem de instaurato Gym-
nasio Francofordiano.

ELEGIA XIII.

Hospes ab exilio reuocatas Odera Musas,
Instaurare sua gaudet in urbe choros:

Vnde fugata nouem cum Phœbo turba sororum
Nuper, barbarie regna tenente: fuit.

Nam modo tempus erat, doctas profitentibus artes
Nullus habebatur quando deabus honor:

Ingeniosa rudi sordebant carmina uulgo,
Spreta Medusæi numina fontis erant.

Tunc procul excedens hac Delius urbe recessit,
Vertit exilio turba nouena solum.

At res ista tibi magnum Iochime dolorem
Attulit, Heroi nec toleranda fuit.

Ac p4.

ELEGIARVM

Ac patrie postquam tibi tradita cura regenda,
 Artibus ingenuis est reuocatus honor.
 Barbaries dedit acta fugam: dulcesq; Camœnæ
 Auspicijs princeps huc rediere tuis:
 Iamq; frequentatur schola, quæ deserta iacebat,
 Aonias docta pube colente deas.
 Nec studiosa cohors, Heliconiadesue puellæ,
 Hospitio poterant commodiorem frui.
 Summa racemifero uestit iuga collis amictu,
 Sub quo Pieridum colle theatra iacent.
 Talia nimirum loca sunt gratissima Musis,
 Quæ uiridi cinctus palmitè Bacchus amat.
 Nec liquidi desunt fontes, qui murmure rauco
 Per iuga frondenti consita uite fluunt.
 Actus ab umbrosa per acernos ualle canales
 Fons ruit, ac dulces ei culatur aquas:
 Inde quod erumpens pulchre fluat unda, uocauit
 Calliroë fontem nomine Nympha suo.
 Nec minus hausta sacros hæc efficit unda poëtas,
 Quam uel Gorgonei fons celebratus equi.
 Hanc Eobanus aquam bibit Hæssus: & acer eodem
 Dicitur Huttenus fonte leuasse sitim.
 Fontibus adde lacus, & stagna uirentia musco,
 Innumero quorum pisce natantur aquæ.
 Labitur obliquis hic flexibus Odera, cuius
 Altera lenæo palmitè ripa uiret:
 Frondibus umbrosæ prætexitur altera syluæ:
 Vtræq; montanis undiq; cincta iugis.

Odera,

Odera, quo nullus piscosior irrigat annis
 Teutona Vandalico rura propinqua solo:
 Perspicua sub cuius aqua, uitreoq; profundo
 Humida formosæ Naiades antra tenent.
 Quid molles referam uiridanti gramine campos?
 Florida qui certant uallibus Enna tuis?
 Hic iuuat æstiuum captare sub arbore frigus,
 Igneus Erigones cum canis urit agros:
 Et uolucrum dulces audire per auia cantus,
 Pulsa quibus mœsti cura doloris abit.
 Floribus hic texunt operosæ sarta Napææ,
 Hic agitant Satyri læta per arua choros.
 Vrbs quoq; diues opum: uarias huc aduena merces
 Suleato æratis puppibus amne uehit.
 Accedit populi cultus non qualis ad Arcton
 Esse, sed Italica qualis in urbe, solet.
 Incola nec similes habitat magalibus ædes:
 Magnificæ ostentant ardua tecta domus,
 Quarum summa gerunt tales fastigia pinnas,
 Quales magnorum prisca theatra ducum.
 Hectorei uero posuerunt mœnia Franci:
 A quibus urbs clarum nomen adepta tenet.
 Ergo quod hic dulci frondent iuga consita baccho,
 Lætâq; fontanis arua rigantur aquis:
 Vrbsq; uiris opibusq; potens, quod rebus abundat
 Omnibus: ac turpi rusticitate caret:
 Gratiior exulibus, magis optatusq;, Camœnis
 Nullus in arcteo contigit orbe locus.

Friuola

ELEGIARVM

Friuola quin etiam nisi sunt oracula Phœbi:
 Gymnasium magni nominis istud erit.
 Inclyta nam reduces Musæ cum templa subirent,
 In quibus hic artes turba professa docet:
 Ipse futurorum non inscius augur Apollo,
 Tales ore dedit uaticinante modos.
 Soluite mœstitiam, tristes iam ponite curas,
 Quæ sacra liquistis Phocidos arua deæ:
 Non minus hæc olim clarum loca nomen habebunt,
 Ardua Parnassi quàm iuga montis habent.
 Innumeros iuuenes terrarum ex omnibus oris
 Alliciet sedes huius amœna loci.
 Hæc procul auroræ roseo surgentis ab ortu
 Dulcia uisuri Pannonæ arua petent.
 Nobilis insignes huc Istula mittet ephœbos:
 Huc Rheni properans accola carpet iter.
 Baltica permensi uenient huc æquora Cimbri:
 Quiq; bibunt flauî Saxones Albis aquam.
 Deniq; uix capient studiosos atria cœtus:
 Ad mea concursus limina tantus erit:
 Hauriet hic uarias artes linguasq; iuuentus,
 Rite colet numen quæ uenerata meum.
 Aut celebres discet uates æquare canendo,
 Quos olim Latium, Græcia quosq; tulit:
 Aut fontes grauius legum compescere pœnis,
 Ciuica pro trepidis armaq; ferre reis.
 Aut medicaminibus tristes depellere morbos:
 Aut uaga siderci noscere signa poli.

Omni

Omnibus hæc studijs schola sic florebit, ut olim
Cæcropis urbs studijs floruit aucta meis.

Talia fatidico Latonius edidit ore :

Quæ rata non dubiam sunt habitura fidem.

Scilicet externis procul è regionibus ingens,

Confluit huc doctas turba secuta deas.

At tu macte tuis uirtutibus optime Princeps,

Dulcia qui musis otia agenda facis :

Propagasq; artes, quibus emollescere mores,

Et fera duriciem ponere corda solent.

Sic melius tota de posteritate mereris,

Aonidum reparas quod Ioachime decus :

Alter ab Hesperidum quàm si Tirynthius hortis

In patriam referas aurea mala tuam.

Quare magnificis extollent laudibus omnes,

Immensoq; tuum nomen in orbe canent.

Omnibus à doctis celebrabere, Tuscus ut olim

Mæcenæ atavis regibus ortus eques.

Viue nouenarum columen Ioachime sororum :

Vtq; diu florens sit schola nostra : Vale.

H GEORGII

GEORGII
SABINI BRANDEN-
BURGENSIS ELE-
giarum, Liber
quartus.

AD CARDINALEM
Petrum Bembum.

ELEGIA I.

Ille Sabinorum qui gaudet nomine uates,
Te procul à Viadri Bembe salutat aquis
Cuius ad argentes ludit modo carmina ripas
Aoniæ tangens plectra sonora lyraë.
Si fortasse rogas, quibus amnis hic erret in oris :
Teutona Vandalico separat arua solo :
Quemq; alias Viadrum Germania nuncupat, idem,
Dictus ab indigenis Odera nomen habet.
Sed moror ipse tuas longis ambagibus aures :
Accipe nostra procul quid tibi Musa ferat.
Annua forte dies aderat, cum prisca bisformem
Tybridis urbs Ianum deuenerata fuit,
Prouidus ut cœli custos emittere pacem,
Et rigida uellet condere bella sera.
Mœnibus exieram solus, uinetaq; lustrans,
Per niue candentes ingrediebar agros :
Versabamq;

Versabamq; graues mœsto sub pectore curas,
 Temporis expendens tristia fata mei:
 Vt iuga Dalmatiæ, ripasq; binominis Istri,
 Turca Pelethronijs depopuletur equis.
 Arma nec Europæ capiant ultricia reges:
 Effera gens quorum marte domanda fuit.
 Ergo trahens imo suspiria corde, fremebam:
 Hæc q; dabam gelidis uerba ferenda notis.
 Nunc ego Dirceus uates, fidibusq; canoris
 Inclytus Oeagri filius esse uelim:
 Non ut aues, rigidasq; feras, nec saxa, uel ornos
 Ducere, sed regum corda mouere, queam.
 Dicite summa quibus rerum concessa potestas,
 Vestra quis ignauus pectora torpor habet?
 Quod non indomitum bello compescitis hostem,
 Cuius Pannoniam dextera cæde replet.
 Me miserum, quantas clades hic barbarus orbi
 Intulit: est quarum commeminisse dolor.
 Aeoliæ domitis mare Thracibus abstulit Helles:
 Captaq; Byzanti mœnia uictor habet.
 Phœnicum uastauit agros, quæq; altus opacat
 Florida palmifero uertice rura Thabor.
 Cædibus impleuit septemplex oppida Nili:
 Ac te Carpathio marmore cincta Rhodos.
 Seuit in Istricolas iam nunc, Budaq; potitus
 Austriacis prædam finibus hostis agit.
 Ne fera prædonis uictoria longius iret,
 Cura pijs ducibus suscipienda fuit.

ELEGIARVM

Græcia si rapta Menelai coniuge bellum
 Gessit, & est hostem fortiter ulta suum:
 Cur cælestis erunt Christi sine uindice gentes?
 Nullus an innocui sanguinis ultor erit?
 Proq; tot abductis hominum, cæsisq; piorum
 Millibus: Europam sumere bella piget?
 Heu quanto miseri gemitu suspiria ducunt,
 Dirripuit quorum barbara turba lares:
 Quiq; manus uincti duris post terga cathenis,
 Verbera coguntur tortaq; lora pati:
 Quod non sacrilegi Mahometi numen adorant,
 Te sed adorantes optime Christe colunt.
 Ab si fâta darent reduces hoc tempore reges,
 Francia quos olim, Sueuia quôsue tulit:
 Non ita falcato sæuiret acynace passim,
 Mœstaq; crudelis funera prædo daret.
 Fortibus indomitos Auares compescuit armis
 Magnus ab Hectoreis Carolus ortus auis:
 Atq; Saracenis, qui Betica regna tenebant,
 Hesperij captas orbis ademit opes.
 Primus in Armenia Fridericus castra locauit:
 Ad Solymos alter trans mare signa tulit.
 Hac decus Heroes quondam sibi laude parabant:
 Insitus hic animi regibus ardor erat.
 Non ut dissidijs ciuilibus arma mouerent,
 Exitioq; suos Marte furente darent:
 Sed procul arcentes ut auitis sedibus hostem,
 Pro patriæ gererent bella salute suæ.

At modo

At modo nulla gerunt nisi bella domestica reges:

Sustinet ex ducibus prælia nemo foris.

Alter in alterius sic uiscera sæuit, ut olim

Gens quæ Cadmeo semine nata fuit.

Effræus interea grassatur Turca per orbem,

Qui contundendus fulmine martis erat:

Templa prophanatis & disijcit impius aris,

Stupraq; cum sæua cæde nefanda facit.

Non sic acta furit rabie Gangetica tigris,

Si qua uel est catulis orba lænâ suis:

Nuper ut ille furens, uiolentis sæuij armis,

Hic ubi Pannoniam Noricus Ister adit.

Sepibus infantum suffixa cadauera pendent:

Vbera matronis ense resecta iacent.

Nec tamen è summis Europæ regibus ullum

Afficit, & clades hæc miseranda mouet.

Fœlices animæ, nostro quibus attulit æno

Funeris extremam mors properata diem:

Ne Geticos metuant arcus, possintq; ruentis

Excidium patriæ triste uidere suæ.

Hæc ubi uerba leues iactabam questus ad auras,

Iamq; petiturus mœnia rursus eram.

Ecce bifrons, alto delapsus ab æthere, Ianus

Astitit: ancipiti territus ore fui.

Vtq; tremuit uentis agitata palustris arundo,

Sic mea concussit luridus ossa pauor.

Illi Scythonia candens niue barba rigebat,

Aegoceri tectum uellere corpus erat:

E L E G I A R V M

Dextera gestabat baculum manus : inq; sinistra
 Clavis, qua superum panditur aula, fuit.
 Utq; nives humeris gelidos excussit & imbres,
 Anteriore loquens hos dedit ore sonos.
 Desine mirari solos, quos Francia reges,
 Quosue potens olim Suevia marte, tulit.
 Nondum tota iacet uirtus extincta : supersunt
 Hoc fera quos acuent tempore bella Duces.
 Ecce suis quæ nunc Germania dissidet armis,
 Concordi iunget foedera pace domi :
 Proq; focis, arisq; & libertate tuenda,
 Sumpta pharetratis inferet arma Getis.
 Affectum miseris tot cladibus asseret Istrum,
 Graiaq; barbarico subdita regna iugo.
 Inde citam ducens longinqua per æquora classem
 Figet Idumæo clara trophœa solo.
 Non est fractus adhuc rex Ferdinandus, & alter
 Augusti titulum qui modo frater habet.
 Hic aget Hesperiae fortes in prælia gentes :
 Ille Bohæmorum robore bella geret.
 Ergo pone metum, tristes ac siste querelas :
 Quem metuis posthac non metuendus erit.
 Dixit, & in tenues euanidus exijt auras :
 Et mea coniiciens sparsit in ora niuem.
 At non uana mihi cœlestis ianitor aulæ
 Rettulit, imperij iam coiere Duces :
 Et modo confirmant æterno foedere pacem :
 Omnibus inq; Getas uiribus arma parant.

Martia

Martia terribili feriuntur tympana pulsu :
Tolluntur medio bellica signa foro.
Ex ducibus uero , quos pugnae accincta sequentur
Agmina : septemuir Marchio , primus erit.
Marchio Teutonici pronepos animosus Achillis,
Virtutis specimen qui dedit ante suae,
Austriacis cum te grassantem depulit oris :
Vertit & in celerem seu Tomita fugam.
I, decus imperij, patriæq; tuere salutem :
I tua quo uirtus te Ioachime uocat.
Te pridem cupidis expectat Achaia uotis,
Ut semel excutiat triste redempta iugum.
Moenalus inclinat prona tibi rupe cacumen :
Gaudent aduentu Pindus & Ossa tuo.
Nec metuas enses, nec spicula tincta ueneno :
Prospera suscipies auspice bella Deo.
Ille tuus protector erit : partoq; triumpho
Ut letus redeas uictor ab hoste dabit.
At Romana pio quo Flammine curia gaudet,
O sacer Aonidum nobile Bembe decus :
Te decet hortari Venetos, populumq; Quirini,
Quos tua dulce loquens flectere lingua potest :
Omnibus inuadant ut eundem uiribus hostem :
Subsidio nobis, neu superemur, eant.
Nam uelut accurrunt exciti sedibus omnes,
Cum uagus incensa Mulciber urbe furit :
Sic quoq; uos sumptis accurrere conuenit armis,
Ne rigidis simus præda cruenta Getis.

ELEGIARVM

Græcia suppetias olim si Thracibus isset,
 Subdita Turcarum non foret ipsa iugo:
 Nec modo lugeret superatus ab hostibus Ister,
 Pœona si Danaïs terrâ tulisset opem.
 Quare uestra nisi uicinos arma iuuabunt,
 Tristitia (crede mihi) uos quoq; fata manent.
 Nec minus alternæ discordia semina litis
 Tollere, Bembe tuæ pars pietatis erit:
 Et sedare graues motus, quos tempore nostro
 Turbata populus relligione facit.
 Nam cum præcipue latij sacer ordo senatus
 Te colat, inq; oculis urbs Tyberina ferat:
 Optimus assertor fidei, pacisq; sequester,
 Vulnere fomentis nostra iuuare potes.
 Respice quas hominum reddēs pro crimine mortem,
 Abluit ipse suo sanguine Christus oues:
 Optatamq; gregi pastorum confice pacem,
 Quorum disidium tristitia damna parit.
 Nam fera dum motis certamina litibus instant,
 Excubias nullus pro grege pastor agit.
 Destituuntur oues & ruptis sepibus audent
 Vndiq; raptores in pecus ire lupi.
 Summus in illustri Deus hac te sede locauit,
 Ingenijq; tibi flumina larga dedit:
 Vt tua conciliet mitem facundia pacem:
 Et ueræ partes relligionis agat.
 Ergo tuos Venetos hortare, tuosq; Quirites,
 Vt sua nobiscum iungere castra uelint:

Imma:

Immanemq; iuuent arnis excindere gentem,
 Quæ nos exitio, sit nisi fracta, dabit.
 Effice concilium simul ut solenne uocetur,
 Elucescat ubi gloria uera Dei.
 Id cupit, id uotis ardentibus optat, id unum
 Expetit, & Christi te pia sponsa rogat.

AD IOACHIMUM II. MAR-
 chionem Electorem, in expeditionem con-
 tra Turcas proficiscentem.

ELEGIA II.

Sic tibi laurigeros uictoria leta triumphos,
 Sic tibi conuerso terga det hostis equo:
 Suscipe militiæ princeps fortissime curam,
 Pro patria duri suscipe martis onus.
 Et uelut, ultorem quem sensit Amilcare natus,
 Vnicus Aeneadum Scipio murus erat:
 Acer ut opposuit se fortibus Hector Achiuis:
 Sic patriæ murus sis Ioachime tuæ.
 Excitet æternæ te laudis ad arma cupido,
 Qua solet Heroum mens generosa trahi.
 Namq; duces ualido patriam qui Marte tuentur,
 Hos ut Semideos cernis in orbe coli.
 Exacuant etiam te sua pericula, nobis
 Instant à trucibus quæ metuenda Getis.
 Hoc agitur patriæ non solum gloria bello,
 Sanguine maiores quam peperere suo:

E L E G I A R V M

Sed quoq; libertas, quàm si Germania perdet,
 Impia sacrilegi serua latronis erit.
 Scilicet impuris cogetur dedita sacris,
 Veri ludibrio nomen habere Dei.
 Aspice Pannoniam, quæ nunc subiecta tyranno,
 Cogitur in templis multa nefanda pati.
 Ante colebat ubi Christum solennibus aris:
 (Heu scelus) ipse locum nunc Mahometus habet.
 Eripe nos igitur crudelibus eripe Turcis,
 Iustaq; pro patrijs suscipe bella focis:
 Assere Christiadum cum libertate salutem,
 Atq; redemptoris templa tuere tui.
 Hoc rogat, hoc series exoptat longa nepotum,
 Quæq; cupit nasci, libera quæq; mori.
 Clarorum hoc animæ poscunt manesq; uirorum,
 Pro patria uitam qui posuere suam.
 Deniq; captiui tensis ad sydera palmis,
 Hoc mœsto gemitu, nocte dieq; petunt.
 Hinc procul à nostris abductos finibus atrox
 Quos instar pecudum fustibus hostis agit,
 At tu magnanimi ducis annue fortibus ausis,
 Aeterni soboles unica Christe patris.
 Non fera bella gerit scelerati more tyranni,
 Pro populo uindex induit arma tuo.
 Illius à cunctis uitam defende periclis,
 Quæ dubij præceps alea martis habet.
 Tu ualidas illi uires, animumq; ministra,
 Frangat ut audaci barbara tela manu:

Qualiter

LIBER IIII.

Qualiter inuictus cœlesti robore Sanson,
 Mota Philisteis contudit arma uiris.
 Sacrilegis uero Turcis immitte pauorem,
 Quo dent in celerem terga cruenta fugam:
 Non secus Isacidis ac bella gerentibus hostes
 Versa repentino terga dedere metu.
 Quod precor, eueniet: neq; enim sine numine, tan-
 Prosequitur populi te Ioachime fauor, (tus
 His in dissidijs patriæq; tumultibus, omnes
 Vnanimes gaudent quod tua castra sequi.
 Tanta Mycæneus non agmina duxit Atrides,
 Concidit Argolica quo duce Troia manu,
 Quantas ipse equitum turmas, peditumq; cateruas
 Maximus imperij nomine ductor agis.
 Teutonico cuius langore ferocia creuit,
 Nunc tibi Turcarum gens scelerata caue.
 Iam uideo Scythici fluuios undare cruoris,
 Corpora squalenti cæsa iacere solo:
 Inq; potestatem redigi durissima Thracum
 Regna, ferus quorum sceptrum tyrannus habet.
 Vos & io tristi nunc soluite pectora luctu,
 Quos in compedibus barbara turba tenet.
 Vltor adest, qui uos dominorum cæde redemptos
 Liberet, ac uinculis eximat, ultor adest.
 O quos ille dies plausus. ô quanta uidebit
 Gaudia, quæ nullum sunt habitura modum,
 Aspera finieris lætis ubi bella triumphis,
 Vindice tutatus nos Ioachime manu:

Cumq;

E L E G I A R V M

Cumq; cathenati reges procuresq; Scytharum
 Ante tuos ibunt inclyte uictor equos.
 Aureus hanc utinam properantibus adferat horis
 Lucifer, & celeri Cynthius axe, diem.
 At iam tempus adest, ut agas in bella cohortes,
 Te fera cum lituis tympana pulsa uocant.
 I foelix, auibusq; moue tua castra secundis:
 Excidat imperio te duce Turca suo.

C V R S E R P E N T E S exuant senectutem.

E L E G I A I I I .

Iuppiter imperium quo tempore coepit Olympi,
 Et superis pulso iura parente dedit:
 Sanguine taurorum faciebat sacra Tonanti
 Vulgus, agebatur festus in orbe dies.
 Iuppiter his motus sacris quodcunq; rogarent,
 Id fore, iurabat per sua sceptrā, ratum.
 Coueniunt hominum coetus, omnesq; iuuentam
 Lædere quam posset nulla senectā, petunt.
 Annuit omnipotens, tardumq; uocabat Asellum,
 Quo senior Bacchi uestus alumnus erat.
 Hæc age dona pijs, dixit, mortalibus offer:
 A Ioue mandatū munus Asellus obit.
 Quid tibi cum tali, pecudum turpissima, dono?
 Te graue lignorum dignius esset onus.

Ecce

Ecce sitim fessus dum colligit inter eundum
 Flectit ad irrigui flumina fontis iter.
 Quadrupedem uidit qui talia dona ferentem
 Seruator liquidi gurgitis Hydrus ait,
 Fluminis huius erit tibi copia nulla bibendi:
 Ni mihi, quæ portas tergore, dona dabis.
 Heu pecus ignauum, cœlesti nectare munus
 Nobilius, uili uendit Asellus aqua.
 Anguibz exuitur mutata pelle uetustas:
 Tristia nos senio fata premente manent.
 At rudibus caueat ne quid committat Asellis,
 Qui bene curatas res uolet esse suas.

DE PVELLA FRAN-
cofordiana.

ELEGIA IIII.

Torrida cum rapidis arderet solibus æstas,
 Flauaq; maturis frugibus arua forent:
 Virgo sub arborea capiebat fronde quietem,
 Cespitis in uiridi gramine, propter aquam,
 Hic ubi uitiferos allabatur Odera colles:
 Fessaq; dum placido membra sopore leuat,
 Clara quiescenti uox est audita puellæ,
 Surge, tibi magnæ, surge, dabuntur opes.
 Surgit, & attollens excusso lumina somno,
 Haud procul insignis conspicit ora uiri.

Hic

ELEGIARVM

Hic ita, uirgo tuum si me dignaris amantem,
 Diuitijs, dixit, sola fruere meis:
 Thesaurosq; tibi magnos tellure recludam,
 Illa sub hæc, noster quisquis es, inquit, eris.
 Cumq; fidem uerbis his astrinxisset amanti,
 Pristina mutatur forma repente uiri.
 Grandes igne micant oculi, frons torua minatur
 Cornua, semicaper qualia Faunus habet.
 Concipit, his uirgo perterrita, mente furorem,
 Fertur & humanis sensibus orba domum.
 Nunc ea compedibus duris & uincta catenis,
 Se Stygij gazas promere ditis ait.
 Exhibet argentum custodibus, exhibet aurum,
 Dexterâ signato nec uacat ære manus.
 At nisi præripiant aurum, dextramq; præhendant,
 In sua per buccam uiscera condit opes.
 Fallor? an insolito sunt plena quod omnia luxu,
 Admonet hæc auri prodigiosa fames?
 Quodq; Dei spreto, mortalia pectora, uerbo
 Sola parandarum cura fâtigat opum?

AD CHRISTOPHORVM TVRco
 cum, de oratione Isocratis ad Philippum
 Regem Macedonum, ex græca
 à se conuersa.

ELEGIA V.

Cum

Cum tua facundæ mihi gratia cognita linguæ
 Esset, & ingenij dextera fama tui:
 Nec meus auderet sine Mecœnate libellus
 Solus ad ignotas principis ire fores:
 Commendata tuo mea scripta fauore putabam
 Posse sacro tanti præsulis ore legi.
 Ergo uir eloquij clara celeberrime fama,
 Te puer his supplex uersibus oro meis,
 Hic liber ingenuo tibi si candore probatus
 Dignus honorato principe uisus erit:
 Ut nostra exhibeas illi non noxia scripta,
 Molliâ cum fandi tempora nactus eris.
 Hæc noua quæ Latij oratio reddita uerbis,
 Græca sed, à summo rhetore scripta, fuit,
 Suadet ab Herculeo Macedum rex natus Amynta,
 Aduersus patriam ne ferat arma suam:
 Vertat in externas sed bella domestica gentes,
 Subdat & Argolico Persica sceptrâ iugo.
 Sic tuus hoc utinam discordi tempore princeps,
 Cæsaris ingenium flectere mite queat:
 In patria grata conseruet ut oia pacis,
 Bellaq; cum diro iusta latrone gerat,
 Qui ducis Austriaci tot cladibus afficit urbes,
 Vastat & hostili Pannona regna manu:
 Seq; triumphato moturum uictor ab Istro,
 Ad liquidas Rheni castra minatur aquas.
 Si mea (quod spero) te iudice scripta placebunt,
 Atq; uidebuntur præfule digna tuo:

Quem

ELEGIARVM

Quem damus augusta precor hunc de pace libellum,
Vt tua propenso lingua fauore iuuet.

AD ALBERTVM CARDI-
nalem, Archiepiscopum Moguntinum
& Madeburgensem.

ELEGIA VI.

ANte, tuas gelidis qui fluctibus alluit urbes,
Ad fontem uersis Sala recurret aquis:
Arctousq; retro tepidos fluet Albis ad ortus,
Vnde uehit nitido lucifer axe diem:
Quam tua pro misso mihi munere gratia Princeps,
Et meriti fama est interitura tui.
Si uictura mee iuuenilia carmina musæ,
Digna uetustatem posteritate ferent:
Nullius immemorem me temporis arguet ætas,
Proq; tuo semper munere gratus ero.
Inclita Marchiæ referam primordia gentis,
Multaq; te summo Principe digna canam:
Vt genus antiqua ducas ab origine Regum,
Nobilis illustri sanguine natus aui
Bellica quem magno uirtus æquauit Achilli,
Istius intexam laudibus acta tuis.
Vtq; sacerdotum tibi suffragante senatu
Contigerit triplex pontificalis honor,
Vix ubi transieras teneræ lanuginis annos,
Eq; rudi puero factus Ephebus eras.

Innumeras

Innumeras alias & persequar ordine laudes,
 Clara quibus fiet nominis aura tui.
 Interea memorem testantia carmina mentem
 Accipe, tantisper dum meliora dabo.

AD CARDINALEM PE-
 trum Bembum.

ELEGIA VII.

S ite prisca iuuat cognoscere nomina regum:
 Hos oculis numeros excute Bembe meos.
 Illic Sarmaticosq; duces, ignotaq; Romæ
 Bella, Licaonio gesta sub axe, leges.
 Nemo sed Arctoas, quas educat Istula, gentes
 Pierijs celebres reddidit ante modis:
 Et mihi difficile his peregrinis addere rebus
 Lumen, in obscuro quæ iacuerunt, fuit.
 Ergo meæ ueniam dabis, ignoscetq; Camœnæ,
 Si minus hæc forsân carmina lucis habent.
 Dura nec offendant te regum nomina quædam,
 Haud satis in teneros molliter acta pedes.
 Nam licet excellant animi uirtute Poloni,
 Barbara Vandalico nomina more tenent.
 Quin & disparibus tentans syluestria cannis
 Sibila, de Gallo carmen agreste dedi,
 Qui fuit obsessam Ticini captus ad urbem,
 Cum Iouis armigero dum fera bella gerit.

ELEGIARVM

Hæc rogo scripta legas, nobisq; cupita uicissim
 Ingenij mittas ut monimenta tui:
 Nempe leues elegos, quos pubescentibus annis
 Te iuuenem blandus ludere iussit amor.
 Horum si fuerit mihi copia facta legendi,
 Non erit ulla magis res mihi grata: uale.

DIALOGVS VENERIS ET CV- pidinis, ex Luciano.

Cypria cōpellans pharetratum mater amorem
 Flebilis audita est talia uerba queri:
Venus. Dic age qui fiat dulcissime nate Cupido,
 Omnes cum timeant numinis arma tui,
 Humanumq; genus, manes Erebiq; profundi,
 Sollicitent superos & simul illa deos:
 Sola tamen doctis quæ præsidet artibus, omne
 Effugit imperium casta Minerua tuum?
 Iuppiter immensi moderator & arbiter orbis,
 Ipse tuas sensit captus amore faces:
 Sensit & æquoreis Neptunus uictus in undis,
 Iunoq; furtiuo sæpe reperta toro.
 Vt taceam reliquos, & tu quoq; nate parentem
 Iura pudicitie me uiolare iubes.
 Degener an solam quo Pallada uincere possis,
 Extinctus nullam uim tuus ignis habet?
Cupido. Desine diua parens mirari, & querere causam,
 Hanc mea cur nequeant tela ferire deam:
 Cumq;

Cumq; potestati sint omnia subdita nostræ,
 Sola meas spernat cur tamen illa faces.
 Hanc ego percussus metuo, cum lumine tantum
 Aspicit, aut uultu me truculenta notat.
 Sed tamen aggressus sumptis quandoq; sagittis,
 Cum dea non esset casside tecta, fui,
 Cælauiq; meum perplexis artibus ignem,
 Ne tacitas posset prodere flamma dolos.
 Nemo sed occultum quantumuis celat amorem,
 Ipse meo semper proditus igne fui.
 Insidias igitur postquam cognouit apertas,
 Me procul in celerem depulit illa fugam.
 Concita tum quoties galeam dea uibrat et hastam? Venus.
 Pectore cuncta mihi membra pauente tremunt.
 Quid galeam metuis? quid acutæ cuspидis hastam
 Nate tuo uanos excute corde metus.
 Marte quid asperius fuit, aut quid durius ipso:
 Succubuit regnis trux tamen ille tuis.
 Qui prius indomitus tibi tela necemq; parabat,
 Nonne dedit uictas in tua uincla manus?
 Mars deus armorum nobis se dedit ultro,
 Ipse nec impositum ferre grauatur onus.
 At quoties oculis me conspicit improba Pallas,
 Quas iracundo non iacit ore minas?
 Quam gerit horrendam magna ui concutit hastam:
 Taliaq; insano dicta furore refert.
 Ne mihi tela puer, mihi ne puer arma mineris:
 Erras, haudquaquam nos tua turba sumus.

Cupido.

ELEGIARVM

Si tamen accedes, nec me sinis esse quietam,
 Nostra tibi saeuas afferet ira manus.
 Aut ego te pedibus rapiens ad tartara mittam,
 Aut tibi transiget lancea nostra latus.
 Hoc pater ipse Deum cuius sum uertice nata,
 Iuppiter: hoc Erebi Rex mihi testis erit.
 Tales quando refert irato pectore uoces,
 E manibus nobis tela faecesq; cadunt.
 Præterea anguicomæ gestat caput illa Medusæ,
 Cuius ad aspectum lumina nostra pauent.
 Hoc ubi prætendit, fugio ceu cerua leonem,
 Aut fugit infestum territa dama lupum.

Venus. Siccine tu metuis conterruitus ægide diuam?
 Magnanimi curas qui Iouis arma nihil.
 At quoq; contemnunt quare tua spicula Musæ?
 Imperiumq; fugit turba nouena tuum?
 Num galeas uibrant etiam, aut hastilia torquent,
 Dira ue prætendunt Gorgonis ora tibi?

Cupido. Aonides uultu sunt, ô Cytherea, pudico:
 Vnice & illarum numina sancta colo,
 Artibus hæ semper, studijsq; tenentur honestis,
 Iuris in his igitur nil meus ignis habet.
 Cantibus inuigilant, ducuntq; per arua choreas:
 Luxuria uero desidiaq; uacant.
 Adde quod illarum captus dulcedine uocis
 Sæpe uoluptates, gaudia sæpe fero.

Venus. Deniq; casta manet quare Dictinna, nec ullum
 Vulnus habet iaculis saucia facta tuis?

In nullo

Cupido.

In nullo manet illa loco, cursuq; pererrans
 Omnia, conatus effugit illa meos.
 Nunc iuga montis adit, curuis nunc uallibus errat,
 Aut nemorum saltus irrequieta tenet.
 Nunc ibi ueloces sequitur per deuia ceruos,
 Subdola nunc alibi retia tendit apris:
 Suspensumq; humeris arcum gestatq; pharetram,
 Armat & illius cuspidis hasta manum.
 Hæc, super Aonio coetu, castisq; deabus,
 Arcitenens matri uerba Cupido dedit.
 Quisquis at insani uitare Cupidinis arcum,
 Ignibus & uacuum pectus habere cupit,
 Numina Pieridum, uenatricemue Dianam,
 Aut colat armigeram Pallada: tutus erit.

EPITAPHIUM MAGDALE
 nae, filiae Georgij Ducis Saxoniae, coniugis Io-
 achimi II. Marchionis Brande-
 burgensis,

Hospes ad hoc uenies casu quicūq; sepulchrum,
 Quæ fuerint uitæ perlege fata meæ.
 Ipsa sub hac capio quæ mole sepulta quietem,
 Marchiaci quondam principis uxor eram:
 Et uetus à magnis ducibus genus orta trahebam,
 Protegitur quorum Saxona terra manu.
 Acer erat bello genitor meus: acrior armis
 Aspera cum Phrysijs prælia fecit auus;

ELEGIARVM

Cesareumq; sua iuuenem uirtute redemit,
 Is cum Brugi tua captus in urbe fuit.
 Nec minus illustris materno gloriator ortu:
 Mater Sarmatici filia regis erat,
 Sæpe rebellantes cuius uictoria Moscos
 Compulit imposito subdere colla iugo.
 Vix egressa fui sextæ trieteridis annos,
 Quo domino nupsi tempore sponsa meo.
 Hoc sine labe duo cum coniuge lustra peregi
 Legitimi seruans fœdera casta tori.
 Quinq; mares, formaq; duas præstante puellas
 Ex ipsa coniunx me pariente tulit.
 Quin et in hoc numero natos enixa gemellos,
 Gloria fœcundæ rara parentis eram.
 Qui superant, columen regni dominosq; futuros,
 Hos precor ut seruent numina summa patri.
 Viuaq; sinceræ cultum pietatis amabam,
 In te spesq; meæ Christe salutis erat:
 Cuius ut in gremio nunc morte soluta quiescam,
 Summa animi semper uota fûere mei.
 Concedes igitur coelestis munere uitæ,
 Vt possum tecum maxime Christe frui.

EPITAPHIUM IOAN- nis Carionis.

Haec tibi post obitū statui monimenta Sabinus,
 Nominis ut uiuat Cario fama tui:
 Historie

Historiæ quamuis extant operumq; tuorum
 Multa uetustatem quæ monimenta ferent.
 Cum tuus æthereos animus conceperat ignes,
 Thestorides nostri temporis alter eras:
 Sæpe graues belli motus instare canebas,
 Veraq; fatidico pectore uerba dabas.
 Florida languescent, dicebas, lilia Galli:
 Sentiet hostiles captaq; Roma manus.
 Gallus ab Augusto magni Iouis alite uictus:
 Roma triumphato præfule capta fuit.
 Et procul à scythico uentura Borysthene nobis
 Agmina Turcarum uaticinatus eras:
 Pannonia uastarunt uicinaq; regna Tomitæ:
 Omnia sunt nostris cognita uera malis.
 Sed tibi propterea ruperunt stammina parcæ,
 Funere sublatum teq; dedere neci,
 His maiora latent quæ nos arcana futuri,
 Inditio fierent ne manifesta tuo.
 Non tamen Elisijs in uallibus umbra uagaris,
 Nec te cæca nigri regia Ditis habet:
 Quæ prius ipse tua scrutari mente solebas,
 Lucida sub pedibus conspicias astra tuis.

EPITAPHIUM AL-
 berti Turci.

(mor,
Quisquis ad hoc elego signatum carmine mar-
 Deplorata gemens corpora, tendis iter:

ELEGIARVM

Sic tibi longa neant ducentes stamina parca,
 Ne pigeat uitæ discere fata meæ.
 Christophori claro genitoris sanguine Turci
 Cretus eram, summi quem coluere duces.
 Dictus ab Alberto ducebam præsule nomen,
 Magnificas huius qui tenet urbis opes.
 Is me lustrauit persusum rore salutis:
 Gaudebatq; mei compater esse patris.
 Qui tenet Henricus Brunonis moenia princeps,
 Me quoq; de sacræ fonte leuauit aquæ.
 Aequassem uirtute meum fama; parentem,
 Si concessa mihi debita uita foret.
 Sed mea ruperunt fatales pensa sorores,
 Ingressus uitæ uix ubi limen eram.
 Nona, sequebatur læti quæ gaudia partus,
 Tristibus exequijs lux fuit atra meis.
 Ne uixisse tamen me postera nesciat ætas,
 Inuida quem fato mors properante tulit:
 Mœsta mihi statuit pater hæc monumenta sepulto,
 Omnibus ut uiuat nomen in ore meum.

EPITAPHIUM ILLVSTRIS

simi Principis Ioachimi I. Electo-
 ris Marchionis Brande-
 burgensis.

Hic Ioachime tui sita corporis ossa quiescunt
 Marchio, qui primus nominis huius erat.
 Nullus

Nullus in imperio fuit obseruantior æqui:
Nec patriæ rexit mitior alter opes.
Sanguine cum pascant animos & cæde Tyranni,
Quos fera plus hominum bella salute iuuant:
Publica tranquillæ tu commoda pacis amasti,
Nulla tuo strages edita marte fuit.
Cum tamen ulcisci tua dextera debuit hostem,
Acer eras: quanquam bella perosus eras.
Autor es, infesti quod non timet arma latronis,
Per tua qui carpit regna uiator iter:
Nam consueta diu prædis ac uiuere raptio
Te graue supplicium uindice turba dedit.
Quin etiam facundus eras: Germania nouit,
Eloquij fuerit gratia quanta tui.
Nestoris es linguæ dulcedine nomen adeptus,
Vt tuus Aeacidæ nomen Achillis auus.
Marchia, Cæsareis te legibus auspice gaudens,
Sustulit è patrio barbarâ iura foro.
Gymnasiumq; recens fundasti, docta iuuentus
In quo pieridum dulcia plectra mouet.
Ergo prius Sueuus mutabit & Odera cursum,
Per tua qui liquidis regna feruntur aquis:
Cœruleusq; retro sua cornua flectet Haueus,
Quam uirtutis erit fama sepulta tuæ.
At pia nunc animæ concedat gaudia Christus,
Qui tibi confugium spesq; salutis erat.

ELEGIARVM
 EPITAPHIVM EIVSDEM
 Authore Matthia Illyrico.

Εὐθάδ' ὁ μαρχιόνων πρῶτον κληθεὶς Ἰοαχὴμος
 Κοιμᾷδ' ὃ ἐὼν κάλλιπε σῶμα θανών.
 Αὐτὰρ ἐς ὄρανίσσαυ' ὅς κενεῶνας ἀπῆλθε,
 Κεῖθι παρεζόμεν' αἰσθαλίῃσι θεῶν.
 Ἀλλὰ μαθὲν ποθέεις, ἥ εἵνεκα, ἥ τι ποδ' ἔρξας
 Αἰδίου μακάρων τοῖον ἔκυρσε γέρας:
 Τούνεκα εὐσεβέως θάσος φιλέεσκεν ἑφετμάς,
 Καὶ διὰ παντός ἐῆς φρεσὶ πέποιθε θεῶ.
 Τούνεκα εὐνομίαν πρόσφρων, νέμεσίν τε τίεσκε
 Πᾶσι δίκαια νέμων, οὐ ποτε διωροφάγ'.
 Εἰσὶ καὶ ἄλλ' ἀρεταί, ταῖς γὰρ θνητοῖσι κέκασο,
 Ἐκ πολλῶν δ' ὀλίγος σύνδεο τάσδ' ἐνόω.
 Ἦν ἀγανὸς κέρτα, πρᾶπίδεςσι καὶ αἰσίμασι δὴ δῶς,
 Ὡν κρατέων λαῶν ἥπι' ὥς πε πατὴρ.
 Οὐ ποτε χειροδίκης, οὐδ' αἵματι χεῖρα μιάνων,
 Οὐδέ τι ν' αὐσῆσας πρὸς κακόχαρτον ἔρειν,
 Ἀλλὰ δίκης ἐράσας καὶ ἀερίως ἐρατηνῆς,
 Τὸς σφέας ἀσφαλεῖ ἀμφίεπ' ἀγλαίῃ.
 Οὐ μὲν τ' αὖ βρομέων ὥς ἀπ' ὀλεμο' αἰκίυς,
 Ἀν' ποτε δυσμενέων ὕβρις ἄασε κακὴ.
 Αὐτὰρ ἐσάντα ἰὼν, πίσων κρατερόφρονι θυμῷ
 Ἀντορέσας κεφαλὰς ἤρετο εὐρὺ κλέος,
 Τῷ καὶ δὲ ἐλάσας χώρης διηλήμονας ἀνδρας,
 Ἀτρομέως ἀνὰ μιν θῆκεν ὀδοποιεῖαν.

Εσκε καὶ ἡδυνεπὴς, μάλα δὲ πεπνυργία βάζε
 Αὐδάζων λιγυρῶς πᾶν ἡμῶν μοῖραν ἐπέθ.
 Νέξορα λείψασγ', εὐτ' αὖ γυγνέεντ' ἐπακύνσεις,
 Ἡδὺν μάλ' ἔξ' ἔχεν νύκταρ ἀπὸ σώματ'·
 Καὶ γὰρ ἔλω ποδὶ μὲν βυλῇ ποδὶ καὶ ἀγορεύειν,
 Καὶ φρεσὶ χρεῖτ' αἰὲν πευκαλίμῃσιρ ὄχα.
 Τοῦτ' ἐγνων βασιλῆς, ἡγήθρες ἡδὲ μέδοντες,
 Τοίμιν, ἕως ἡνδ' αἰῶς θεῶν, ἔσορόωμ.
 Ἡμ δὲ δὲ ὀρθονομῶν, βελ' ἢ ἔξ' ὤσε δέμισας
 Βαρβαρικὰς, ἐσαγὼν καὶ λαβὼν αὐτὴ νόμους.
 Καὶ μυστῶν αὐτῶν ἱεροὶ φίλοι ἦσαν ἀγῶνες,
 Τένεκα δ' ἡ τᾶων ναὸν ἔρασε κλυτὸν.
 Ενθα καθεζόμεναι ὅπα ληριόεσσαν ἱῆσαι,
 Θέλγεσθον κραδίην δὲ φρένας ἡιδέων.
 Ὅππότε μὲν γλῶσσάμ τε νόον τε κεκασμῆνοι αὖ-
 ὥς ἐκ δ' οὐρατέα ἔξ' ἐθορεοῦντο λόχος. (δ'ρες
 Τῶν τοι δὲν ἐνεκεν δ' οὐκ ἔστι ζωὴς λάχε μοίρας,
 Αμφὰς, θνητὸς ἐὼν, εἰς αἰὲν ἀθανάτους.
 Ενθα μὲν εὐκλήν διαγῶν ἐπ' ἀπάρονα γαῖαν,
 Εἰσόκε τοι βίαδρος τυγχάνη ἱκμάδι' ἔχωρ.
 Κᾶδι δὲ ἀενάως θεῶν ἀνπτύποισιρ ὅπως αἰς
 Αθρήσας ἐτεῶς ζῆσέτ' οὐ εὐφροσύνη.
 Οὕτω δὲ παρειῶν καὶ οὐ παρειῶν ἐπὶ μάλλον
 Ζῶν ἐνὶ χρεῖσιν, εἰς οὐ ἐολπεν αἰὲν.

GEOR-

GEORGII

SABINI BRAN

DEBURGENSIS ELE

giarum, Liber

quintus.

ROMA A CAESARE

Carolo V. capta.

VRbs ego, quæ genui præstâtes Marte Quirites
Iuraq; sceptrigeris regibus ante dedi :

Imperio cuius terrarum paruit orbis,

Quicquid & æthereo sub Ioue mundus habet :

Me miseram, duris quam nunc exercita fatis,

Damna sub indigna conditione fero.

Multa diu fuerim cum passa miserrima rerum,

Flebilis est postquam fors mea facta semel :

Heu quoq; Cesareos auxi captiua triumphos,

Ne pars ulla meis possit abesse malis.

Cum subit infelix igitur mihi lucis imago,

Hunc miseræ casum quæ mihi prima tulit :

Cum repeto tempus, quo tristia uincula nobis

Marte triumphantes imposuere manus :

Tunc ego distineor gemitu, tunc squalida semper

Nostra repentinis imbribus ora madent.

Iunxerat Ausonius cum Gallo foedera Præsul,

Cæsaris ut Latio pelleret arma solo :

Præsul,

Præsul, cui tribuit falsum clementia nomen:

Is mihi funestæ cladis origo fuit.

Iamq; dies aderat Maijs uicina Calendis,

Pompa coronatis qua solet ire comis,

Annua quæ ueteris celebrat solennia Floræ:

Hac ego ducebam gaudia læta die:

Omnis eram secura mali, cum nuntia belli

Ecce uolans penna præpete fama uenit,

Cæsareoq; refert compleri milite fines:

Ocyus & Romam Marte furente peti.

Improba quæ pavidas ut uox mihi contigit aures,

Nullus in exanimi pectore sensus erat:

Haud secus obstupui, quàm proditus ansere quondam

Cum Capitolina Gallus in arce fuit:

Aut ubi nubiferas conscendens Hannibal alpes,

Terruit aduentu mœnia nostra suo.

Nec spacium, nec uis belli fuit ulla parandi:

Spe citius tanti uenerat hora mali.

Non mihi miles erat, non armis apta iuuentus:

Nanq; potens non sum martis, ut ante fui.

Alloquor externos confestim tristis amicos:

Vix tulit è multis unus & alter opem.

Fida mihi duris Florentia cognita rebus,

Non poterat fati certior esse mei.

Nec cito suppetias mihi Gallia ferre, nec armis

Adriacus poterat miles adesse suis.

Quocunq; aspiceres, ciues terrore pauebant:

Omnia plena metus, plena doloris erant.

Tristitia

ELEGIARVM

Tristia mœrentes edunt lamenta puellæ,
 Fœmineus tota plangor in urbe sonat.
 Grandæuiq; senes euellunt uertice canos,
 Infortunatos seq; suosq; uocant :
 Nec non Pontificem simul execrantur, & omnes
 Fœdera cum Gallo quos inijsse iuuat.
 Iamq; mihi trepidam mentem spes ne qua leuaret,
 Addita res fatis prodigiosa meis :
 Quæ uelut hæc inter mihi sæua pericula belli,
 Improvisa noui caussa pauoris erat.
 Nanq; grauis tanto belli flagrante tumultu,
 Plebs dum sollicito flêtq; dolêtq; metu :
 Qualis Apollineo correptus numine Python,
 Irruit in medium uir sine mente forum.
 Incola Baptistam cognomine turba uocabat :
 Pauper hic Albani montis alumnus erat.
 Me miserâ, dixi, quid & hæc mihi monstra minantur?
 Parcite tam diri conscia fata mali.
 Forma horrenda illi, pallens sine sanguine uultus,
 Marmor ut in Parijs montibus esse solet.
 Ardentes oculi tremulo fulgore micabant,
 In liquidis tanquam luna refulget aquis.
 Denique fatidico cum numine concitus esset,
 Afflatusque sacro Pbœbe furore tuo :
 Bis caput attollens, bis ad ardua sydera palmas,
 Terruit indigno meque meosque sono.
 Atq; ita, uæ miseræ, uæ quàm tibi flebilis adsum
 Nuntius immensi Roma doloris, ait.

Gens inimica uenit, uenit huc effrena iuuentus,
 Nescio quid nobis illa minata mali.
 Hæc tibi: sed quid ego patriæ sum tristis aruspex?
 Imminet heu fatis magna ruina tuis.
 Sextus ab Eois consurgens Lucifer undis,
 Protulerit Phœbo cum redeunte diem,
 Quantus erit gemitus, cædes ô quanta tuorum?
 Quantaq; crudeli damna sub hoste feres?
 Cladibus insignes mirari desine Cannas,
 Ad Trebiam bello desine uicta queri:
 Pugnaq; feralis cedat Thrasimenia: cedat
 Quæ grauis in fastis Allia nomen habet.
 Lux uentura tibi tantum dabit illa malorum,
 Præterito quantum tempore nulla dedit.
 Hæc & plura, mihi lachrymis referebat obortis,
 Cognita non leuibus postmodo uera malis.
 Tunc demum trepidare magis miserabile uulgus,
 Acer & augeri coëpit in urbe metus:
 Tunc ego flauentes rupi de fronte capillos,
 Turritum gemitu concutiente caput?
 Mæstaq; sublatis percussi pectora palmis,
 Et prece cœlicolas sum uenerata Deos,
 Irrita uesani facerent oracula uatis,
 Aeolijsq; darent ista ferenda notis.
 At mea uota nihil (neque enim mutabile fatum
 Hoc erat) ad superos nil ualuere preces.
 Ergo sexta suos postquam produxerat ortus,
 Illa secutura clade nefanda dies,

Ecce

ELEGIARVM

Ecce propinquabat Romani præsulis hostis,
 Sic uir ut ille mihi uaticinatus erat,
 Cumq; omni populo sua castra mouebat ad urbem,
 Heu multis miseram castra datura necem.
 Tempus erat rutilo quo primum frigida coelo
 Nox abit, ac uitreo rore madescit humus:
 Quo nitidum scandens Hyperione natus Olympum,
 Candida luciferis sidera pellit equis:
 Tristis ad æthereum solis iubar ora leuabam,
 Sol oculis iterum te ne uidebo meis?
 Conspexi longè fulgentibus obuia telis,
 Agmina, per latas appropere uias.
 Protinus exoritur clamor, clangorq; tubarum,
 Raucaq; taurorum tergora pulsa fremunt.
 Turba ruunt, murosq; petunt, ferrumq; capeſſunt,
 Summus ubiq; timor, summus ubiq; pauor.
 Regis ut Hippotadæ luctantibus insula uentis
 Nutat, & æquoreo mota tridente tremit:
 Sic mea præ magna formidine membra uideres,
 Instantisq; mali contremuisse metu.
 Ardua ducit iter per mollem semita cliuum,
 Vnde procul cerni moenia nostra queunt.
 Hinc contemplatus Borbonius aspicit urbem,
 Sub duce quo totum Cæsaris agmen erat.
 Is satus antiquo Gallorum sanguine regum,
 Natali sed erat pulsus & exul humo,
 Pontificisq; flagrans odio huc adduxerat agmen:
 Efferus Aeneadum uidit ut ergo domos,

Instar

Instar cristati caput altaq; colla draconis
Tollit, & intorquens lumina, bile tumet,
Dèq; iugi tergo, mihi fanda nefanda minatus,
Ipse manipulares nomine quosq; uocat.
Aspicite has (inquit) sedes, hæc tecta Quirini,
Quicquid in his uestrum, si capientur, erit.
Illic Pontificis Gazas, & habebitis amplas,
Turba Sacerdotum quas cumulauit, opes.
Quin & posteritas, æternaq; fama loquetur,
Non minus audaces uos habuisse manus,
Quàm ueteres illos Celtas, quos principe Brenno
Romuleos aiunt diripuisse lares.
His dictis rabies, prædæq; nefanda cupido,
Quæ stimulis mentes excitat, aucta fuit.
Iamq; emensus iter, nec longius hostis ab urbe,
Quàm bombardæ globo mittere posset, erat.
Apparet densis acies instructa cateruis,
Armatisque uiris ferreus horret ager.
Florida quàm multæ per rura uidentur aristæ,
Aureus æthereis cum Leo feruet equis:
Quàm tumido multi uoluuntur in æquore fluctus,
Oceani liquidas cum subit Hædus aquas:
Ante meos oculos, tot tela, tot arma uidebam,
Ciuiibus exitium triste minata reus.
Tandem missus adest præco, qui monia dedam
Imperat: hæc q; mihi iussa superba refert.
Cæsareum qui ductor agit Borbonius agmen,
Te sibi portarum pandere claustrauibet

E L E G I A R V M

Huius nolueris si iussa faceſſere, ſæui
Militis hoſtili diripiere manu.

Quid faciam? ſummus recludere mœnia præſul,
Dum timet offenſi Cæſaris arma, uetat:

Acer & hortatur ciues, ut Marte reſiſtant,
Ac perſerre prius triſtia quæq; uelint,

Quàm uictas præbere manus, quàm pandere portas
Hoſtibus: & firmam deſtituiſſe fidem.

Interea cœlum nebulis obducitur atris,
Quas exhalabat mane paluſtris aqua:

Mœſtâq; conſpicuos ne Sol in funera uultus
Præbeat, obſcura nube recondit equos:

Admouet extemplo Borbonius agmina muris,
Ut nebulae tenebris eripuerit diem:

Inter & arma fremit, qualis cum teſta ſerarum
Luſtrat, terribili rugit & ore, leo.

Appoſitis illos conſcendere mœnia ſcalis,
Hos iubet audaci frangere clauſtra manu.

Illico tormentis muralibus intonat æther,
Telâq; brumali grandine plura cadunt.

Tollitur immenſus per propugnacula clamor,
Vox & ab hoſtili miſſa cohorte redit:

Nube ſub æria qualem clangoribus edunt,
Quæ cum Pygmæis belligerantur aues.

Murus erat long' conſumtus temporis æuo,
Porta triumphalis quo fuit ante loco.

Hunc Tarteſſiæis legio quæ uenerat oris,
Genæ & Aragonio ſanguine creta, ſubit:

Et celeri

Et celeri cursu, pauidæ formidinis expers,
 Emicat, in prædæ spemq; uocata ruit.
 Aeneadæ contra propugnant moenia: torquent
 Non profectura, spicula, saxa, manu:
 Dúmque licet, totis arcent conatibus hostem:
 Omni, qua possunt, seq; tuentur ope.
 Haud secus, ac quando solet oppugnare carinam,
 Sæua procellosi fluctibus ira maris:
 Nautica turba latus munit, fluctusque refundit,
 Et rabidis uentis turgida uela negat,
 Donec ad extremum uictricibus occupat undis
 Impetus, & captam mergit in ima ratem.
 At ferus Hispanæ Borbonius agmina gentis,
 Dum monet, ac segnes increpat ore moras,
 Atq; per infandam stragem, per cædis acervos,
 Acrius inferri bellica signa iubet:
 Ictus glande cadit, quam sulfure machina belli,
 Impulit, ex altis eiacula iugis:
 Traiectoq; necem tulit inguine: uictor acerbo
 Perciperet luctu gaudia nequa meo.
 Gaudebam cecidisse caput: rebárque perempto
 Iam duce, confestim signa datura fugam:
 Sed mihi læta malo fuit hæc damnóq; uoluptas,
 Spemque sefellerunt fata maligna meam.
 Nam ducis interitum pugnax ubi uidit Iberus,
 Omnibus inceptum uiribus urget opus,
 Vindictámque parat, nec tela minantia quicquam
 Exhorrescit: iter sed furibundus agit,

ELEGIARVM

Perruptoq; omni munimine densus inundat,
 Totaq; crudeli moenia cæde replet.
 Non sic aggeribus uiolento gurgite ruptis
 Per Lygurum fertur spumeus arua Padus,
 Inuoluitq; rapax armenta, trahitq; rotatas
 Vorticibus syluas, & sata sternit aquis.
 Teutonis interea legio non segnius urbem
 Occupat, atq; alia prælia parte facit,
 Qua noua surgebant alti fastigia muri,
 Stabat & Aeneadum qua glomerata manus.
 Nunc quibus infelix lachrymis, quo funera fletu
 Prosequar? hostili funera facta manu.
 Non si plura mihi cum linguis pluribus essent
 Ora, queam strages enumerare meas.
 Multa trucidantur scelerato millia ferro:
 Haud remanet uacuuus cædis in urbe locus.
 Patricij cum plebe simul discrimine nullo,
 Integra decrepito cum sene turba cadit.
 Nec sacrata Deo quenquam delubra tuentur:
 Hæc quoq; funesta sunt uiolata manu.
 Strata cadaueribus populi fœdóq; cruore,
 Area templorum, ceu laniena madet.
 Poplite procumbens iugulatur Clerus ad aras,
 Vos adeo nulli templa tulistis opem.
 O scelus infandumq; nefas, quis barbarus unquam
 Sanguine sacrata tinxit in æde manus?
 Inclyta belligeri Germania filia martis,
 Insolita hæc feritas gentibus unde tuis?

Olim

Olim cum Totilas simili mea cæde replebat
 Moenia, templorum limen, asylon erat.
 Territus in sacram quisquis confugerat ædem,
 Sacri tutus erat religione loci.
 Nemo profanabat delubra cruore, nec aras:
 Miles quippe tuus mitior ante fuit.
 At quid sævitiam Germanorumq; furorem,
 Ceu non sævierit cætera turba, queror?
 Cæsaris implebant Latiae quoq; castra cohortes
 Aequabant animi quæ feritate Scythas.
 Primus in his ductor Gonzaga, Columnius alter,
 Terribili dictus nomine Sarra, fuit.
 Hi duo Marte truces, similesque frementibus ursis,
 Quos stimulat rabies improba uentris, eunt:
 Septimijq; petunt dictam cognomine portam,
 Qua sub Ianiculo moenia colle iacent:
 Illatisque illuc signis, fora cæde cruentant:
 Nullibi funestæ maior imago necis.
 Inde replent largo Xystinum sanguine pontem:
 Sanguinis incurfu Tybridis unda rubet.
 Tybri quid infestis es passus ab hostibus unquam
 Tristius? heu quantum sanguinis amne uehis.
 Non sic Iliaca funestus clade Scamander,
 Diri quando manus sensit Achillis, erat.
 Ipse cruentato tot funera gurgite uoluis,
 Ut tibi penè tuum præpediatur iter.
 Iam sed luciferum currum, Phœbique iugales,
 Doris Atlantea suscipiebat aqua:

ELEGIARVM

Spissa reducebat telluris & umbra tenebras,
 His finem tantis impositura malis.
 Post tot enim cades sub noctem solis ab ortu,
 Spes erat extinctam sanguinis esse sitim.
 Non minus ira tamen seuitque licentia ferri,
 In multam rursus continuata diem.
 Tum quasi euulso procumbunt cardine postes,
 Frangitur excussis ianua clausa seris:
 Illatæq; fâces tectis incendia præbent:
 Mars rigido ferro, Mulciber igne furit.
 Pérq; domos fiunt incensaq; limina cades,
 Restinguenda uelut sanguine flamma foret.
 Hic herus in medijs prosternitur ædibus, illic
 Oppetit ante sui filius ora patris.
 Deniq; ut ad prædam conuersæ à cæde cohortes,
 Certatim spoliant, atria, templa, domos.
 Dirripiuntur opes: tota nihil urbe relictum:
 Omnia quæ tenui, barbarus hostis habet.
 Talis erat facies & mœstæ noctis imago,
 Pergama Durateo cum caperentur equo.
 Me uerò non sic argenti præda nec auri,
 Totâq; per noctem facta rapina mouet,
 Vt miseranda dolet ueterum iactura librorum,
 Hei mihi sacrilegæ quas rapuere manus.
 Quisquis es, immitis te Gnosius arbiter Orci,
 Puniat ardenti sub Phlegetontis aqua,
 Cuius prima manus scelus hoc conata nefandum,
 Au, aq; musarum perdere dona fuit.

Turpia

Turpia prætereo castis illata puellis
 Stupra, uerecundo non referenda sono.
 Prætereo tormenta, quibus captiua iuuentus,
 Cúmque uiro coniunx excruciatâ fuit:
 Ut proferret inops, & auaro traderet hosti,
 Sicubi de fossas oculuisset opes.
 Ipsa recluduntur quoque busta cupidine prædæ:
 Tuta sepulchrorum nec monumenta manent.
 Iulius eruitur tumulo, qui nominis huius
 Alter, Apostolica sede potitus erat:
 Eius & articulis est aureus orbis ademptus,
 In quo gemma tamen non preciosa fuit.
 Forte sed acciderit quid in ista clade requiras
 Pontifici: tanti qui mihi caussa mali.
 Præsul ubi captam perterritus audiit urbem,
 Et rigido passim funera Marte dari:
 E Vaticano properè confugit in arcem,
 Quæ stat munito non capienda loco.
 Huc quoque Cardinei patres formidine mortis
 Fugère, & uitæ consulere suæ.
 Verum dura tamen senserunt uulnera cladis,
 Omnibus exuti quæ tenuere bonis.
 Iamque rubescenti genitrix ubi Memnonis ortu
 Surgeret, arx denso milite cincta fuit.
 Arx munita quidem, sed nulla filiginis illic,
 Nullaque triticei copia farris erat.
 Ergo nec potuit, quanquam tutissima fossis,
 Longa ferre graues obsidione moras.

ELEGIARVM

Vix ubi plena semel Phœbe lustrauerat orbem,
 Præsule deditio facta iubente fuit.
 Eloquar? an taceam diris conuitia linguis
 Quæ tum clauigero facta fuere patri?
 Postquam Marte furens, scriptisq; imbuta malignis,
 Constitit in capta Teutonis arce cohors,
 Ecce quatit risu caput, oraq; soluit amaris
 Vocibus: hosq; refert ludificata iocos:
 Alme pater salue: tua nunc ubi clauis? Olympum
 Diceris, ac Stygias qua referare fores.
 Illud ubi nunc fulmen habes? contreruit olim
 Imperij summos quo tua dextra duces.
 Quam bene consuluit cœlesti Christus ouili,
 Ipse suas cum te iussit obire uices?
 Per te quippe sata est omnis discordia, per te
 Christicolæ nulla pace fruuntur oues.
 Tu funesta trucidasti semina belli,
 Quo nunc Italiæ flagrat & ardet humus.
 Te suadente ferox bis rupit fœdera Gallus,
 Sæua bis offenso mouit & arma Deo.
 Has tibi postremo clades, hæc uulnera debet,
 Plena cadaueribus quæ modo Roma iacet.
 I nunc teq; Dei summum refer esse ministrum:
 Fungaris egregie munere nempe tuo.
 Talibus insultat dictis Germanica pubes,
 Pontificem qua tunc mente fuisse putas?
 Inde loco angusto custodia suscipit illum,
 Cuius in arbitrio cuncta fuere prius:

Sollicita

Sollicitoq; datur princeps in carcere, cuius
 Regia maiestas procidit ante pedes.
 Nec tamen ista satis, sed adhuc maiora coactus
 Subfannante pati milite sæpe fuit.
 Nanq; die medio, post lautæ gaudia mensæ,
 Incaluit quoties Teutona turba mero:
 Gestabatur iners lectica miles eburna,
 Vestibus utq; sacer præsul amictus erat.
 Binis ille crucem digitis cum pollice iunctis
 Signabat, Latius quo Papa more solet.
 Plurima stipabat lecticam turba clientum,
 Ludicra quâq; suum pompa tenebat iter
 Vociferabantur uiles per compita lixæ,
 Igne tuos hostes nunc Papa dede neci.
 Erexere etiam furcas pendentibus aptas
 Furibus, in campo Flora uetusta tuo:
 Plurima cumq; forent auri numeranda talenta,
 Ipse nec in promptu præsul haberet opes,
 Cardineos traxere senes huc compede uinctos,
 Supplicij miseros excruciante metu:
 Et placata trucidis nisi militis ira fuisset,
 His deformis erat mors obeunda uiris.
 Singula quid referam? nil non immane peregit,
 Impius effrenæ gentis in urbe furor.
 Aduena quot Tybris limosas uoluit arenas,
 Quot sub Auentino gramina colle uirent,
 Tot mala pertulimus: quæ si narrare liberet,
 Longior hac nostra nulla querela foret.

K 5

At qui

E L E G I A R V M

At quibus offendi coelestia numina rebus,
 In caput ut rueret tanta procella mecum?
 Scilicet hoc merui, claris ubi foeta triumphis,
 Afferui ualida iusq; piumq; manu?
 Astrinxiq; feros homines ubi legibus æquis?
 Imposito domuit quos mea dextra iugo:
 Cúmq; bonas artes mihi propagare per orbem,
 Curáq; mortales erudisse fuit?
 Ergo ego terrarum uictrix, tot regna subegi?
 Tantáq; difficili bella labore tuli?
 Ac tot inhumanas docui mansuescere gentes,
 Iusticia, studio, relligione, fide?
 Talia pro meritis ut deniq; præmia ferrem?
 Nulla quibus tribui deteriora queant.
 O utinam, si me tam tristia fata manebant,
 Auspice te nunquam Romule structa forem:
 Aut æquata solo, disiectaq; funditus essem,
 Igne meas ussit rex ubi Brennus opes:
 Tota uel excisis iacuissem diruta tectis,
 Cum tulit in nostrum Vandalus arma caput.
 Felicem Priami, quam tellus occulit, urbem,
 Densaq; permixtis uepribus herba tegit.
 Vos & Agenorei felicia mœnia Cadmi,
 Quæ modo conuellens uomere taurus arat.
 Illa ego sum, belli quæ tot percussa procellis
 Spiro, nec extinguui marte furente queo.
 Illa ego sum, nullo quæ possum funere mergi,
 Iam quamuis iaceam semisepulta diu:

Vtq;

Vtq; iecur Tityi nunquam perit, atq; renascens
Semper, ab assidua dilaniatur aue,
Sic ego perpetuos cogor sufferre dolores,
Interitus hora non ueniente mei.
Vos tamen ô superi, nostræ miserescite sortis,
Si precibus flecti numina uestra queunt :
Hancq; mihi factam crudeli uulnere cladem,
Hostis mortifera clade piate mei.
Militibus precor his letalem immittite pestem,
Quorum sacrilega sum modo capta manu :
Ne reduces uideant patriam, lætiq; triumphent
De nobis : sed in hac emoriantur humo :
Vt periere truces Galli, de nomine quorum
Nomen adhuc etiam Gallica busta tenent.
Aut funesta lues quos non demiserit Orco,
Hos feriant cœlo fulmina missa, precor.
Si luit Argolicus pœnas exercitus olim,
Ictus terrifico fulmine, mersus aqua,
Vnius ob furias Aiakis, dextera cuius
Fecerat in sacra Palladis æde scelus :
Fulmine num pereant ? qui tot delubra, tot aras,
Ausi sanguinea sunt temerare manu ?
At tu bellipotens & felicissime Cæsar,
Nostra tuo uictor qui pede colla premis :
Tu mihi sis oro placabilis, armâq; condas,
Mille quibus plagas, uulnera mille tuli.
Vtq; suo uulnus quod Achilles fecerat hosti,
Auxilio rursus lenijt ipse suo :

Sic tu,

ELEGIARVM

Sic tu, magnanimo quem uirtus æquat Achilli,
 Nobis auxilium uulneris oro feras.
 Non incuso tuam, qua fortiter usus es, iram :
 Nam tua iusta quidem iudice caussa Deo est :
 Sed de sæuitia queror, illorumq; furore,
 Iniussu qui me diripere tuo.
 Nec dubito, capta si præsens urbe fuisses,
 Ipse mei motus quin pietate fores :
 Non ita uastari siuisses ignibus urbem,
 Augusti titulum Cæsaris unde geris :
 Ipse repressurus truculenti militis iram,
 Et moderaturus frena furoris eras.
 Ingenio nam te placido natura creauit :
 Ac tuus hanc laudem sanguis auitus habet,
 Quod sit ab Hectoreis deductus origine Francis,
 E quibus immitti pectore nemo fuit.
 Per superos igitur, quibus aspirantibus urbem
 Ipse subegisti Carole diue meam :
 Per patriam, ueteri natamq; Tuistone gentem,
 Contulit imperij quæ tibi sceptræ sui :
 Perq; domũ Austriacam, quæ fortibus inclyta factis,
 Nobile terrarum nomen in orbe gerit :
 Parce, tuumq; meis excedere mœnibus agmen,
 Sæuâq; iam tandem ponere tela, iube.
 Nam prope quarta suum reparauit Cynthia cornu,
 Dum ferus hac miles ducit in urbe moram :
 Et miseris plagas sine fine Quiritibus affert,
 Ausonias nec dum perdere cessat opes :
 Dumq;

Dumq; mihi notat ungue genas, laceratq; capillos,
 Hasq; manus, supplex quas tibi tendo, ferit.
 Si quid mitis adhuc superest pietatis & æqui,
 Eripe me tantis eripe quæso malis.
 Sic tuus infringat scelerato cornua Nilo
 Rhenus, & Euphratis sub iuga mittat aquas :
 Sic Deus extendat totum tua regna per orbem,
 Hacq; diu uitæ det tibi luce frui.

IN DIEM NATALEM
 Christi Saluatoris.

ELEGIA II.

NVnc te uera Dei soboles hominūq; redemptor
 Christe, Palæstina uirgine nate, canam :
 Namq; dies agitur, quo laudatissima quondam
 Te peperit, salua uirginitate parens.
 At tua cantabo quibus incunabula uerbis,
 Nate Deo : laudes ordiar unde tuas ?
 Tu patris es uerbum, quod erat, cum nulla fuerunt
 Secula : cum nondum terra, nec unda fuit :
 Atq; per hoc ipsum sunt omnia condita uerbum,
 Teq; nihil factum non operante fuit.
 Lumen es æterno de lumine, ueraq; uitæ
 Lux, sine qua coeli lumina luce carent :
 Tu fulgor nec non ipsius imago parentis,
 Consimilem qui te gaudet habere sui.

Æquæa

E L E G I A R V M

Aequæuûsq; patri cum sis & originis expers,
 Nasceris : arcanum quid magis esse potest ?
 Nasceris ipse puer, mundi sator, arbiter æui,
 Ante tuæ uitam qui genitricis eras.
 Totus & immensi quem non capit ambitus orbis,
 Clausit in angusta te quasi sede caro :
 Quæ tamen intactæ matris caro sanguine tantum,
 Nec fuit admixto semine creta uiri.
 Verus homo, uerûsq; Deus, consorsq; duorum,
 Tu simul illius nomen & huius habes.
 At quæ caussa fuit, cur æthere lapsus ab alto
 Indueres hominis corpus & ossa Deus ?
 Numinis ipse tui cur maiestate relictæ,
 Sponte tot ac tantis subijcerere malis ?
 O nimium nostros nimium miserate labores :
 Vnica nascendi nos tibi caussa sumus.
 Nam tua te bonitas, & nostræ cura salutis,
 E patris eduxit maxime Christe sinu :
 Consortemq; Dei suprema in sede morantem,
 Debile te fieri carnis adegit opus.
 Quippe reuelares ut inenarrabile uerbum,
 Quo promissa pijs uita salûsq; fuit :
 Et, quibus heu Patris iustam commouimus iram,
 Nostra piarentur crimina morte tua.
 Natus ob has causas, totiq; salutifer orbi
 Es datus, & nostras iussus obire uices.
 Utq; dedit casto te uirgo puerpera partu,
 Asperior quauis fors tua sorte fuit.

Non

Non tepidi Veris, nec aprici contigit anni
Tempus, erant acri rura perusta gelu.
Tristius horrebat brumali sydere cœlum:
Frigore concretam nôxq; tegebat humum.
Nec domus excepit te splendida diuite cultu,
Sed casa, quæ uili stramine tecta fuit.
Hæc eadem uento casa peruia stabat & imbri:
Nam paries raro uimine textus erat.
Nec molli pluma, sed acuta carice, lectos
Sordidus hospitio præbet egente locus.
Syderei uero domus aurea plaudit Olympi,
Fulgida natali gaudet & æthra tuo:
Lux diffusa polo nocturnas dimouet umbras,
Ignea quin solito clarius astra micant:
Auditi resonant, cœli per inania, cantus
Angelicus leto quos dedit ore chorus.
Ipse etiam stygius carcer gaudentibus umbris
Plaudit, & exultat lætus ouante sono.
Salue, nate puer castæ sine labe parentis,
Aeterni salue uera propago Dei:
Tu nisi sumpsisset humani corporis artus,
Nos Phlegetontæ poena maneret aquæ.
Nec uis Eumenidum sæuiq; potentia Ditis,
Fracta: nec horribilis mors superata foret.
Iam sumus exempti poena, diuinâq; nobis
Gratia, natali conciliata tuo est.
Ergo quibus uerbis, & quo tibi carmine grates
Humani generis Christe redemptor agam?

Laus

ELEGIARVM

Laus tibi sit nato, sit honos, & gloria, semper,
 Cuius adoptati nos bonitate sumus,
 Rursus ut æterno regno, uitâq; fruamur,
 Quæ trucidis imperio mortis adempta fuit.
 Quin itidem Patri sit honos & gloria, cuius
 Munere tu nobis natus es, atq; datus.
 Nec non Spiritui sit honos & gloria Sancto,
 Virgine conceptus filius unde Dei es.
 Per tua te uerò cunabula, dulcis Iesu,
 Per tua te supplex uiscera sancta precor;
 Si te corde pio colimus, bella impia bella
 Discute, quæ nostro tempore mota fremunt:
 Aspice nos propius summi patris unica proles,
 Daq; tui nobis agnitione frui.
 Et licet hoc grauiter te nos offendimus æuo,
 Tu tamen Emanuel, tu bonus esse uelis.
 Est pueris breuis ira bonis placabilis ætas,
 Hæc faciliè offensam deposuisse solet:
 Tu nobis igitur placabilis omnibus esto,
 Quo melior non est natus in orbe puer.

AD PHILIPPVM BVCCHER-
 merum Alberti Cardinalis & Archi-
 episcopi Moguntini
 Medicum.

ELEGIA III.

Cum

Cum mihi se præstent faciles in carmine Musæ,
 Que noua sit forsā caussa Philippe rogas:
 Cur magis historiæ, quàm carminis, autor, haberi
 Posthabito tandem nunc Helicōne uelim.
 An, quia nulla manent hoc tempore præmia uates:
 Me sacri titulum uatis habere pudet?
 Non ita: nam dulces amplector, ut ante, Camœnas:
 Et plus Aonia me nihil arte iuuat.
 At modo plana dedi numeris quod scripta solutis,
 Non leuis authoris iussa uerenda sequor.
 Scilicet armipotens hoc me Germania uatem
 Historico filo texere iussit opus.
 Est gelidas inter ualles, lucumq; silentem,
 Herbidus ad Viadri rauca fluenta locus:
 Hic ego dum sedeo nemoralibus abditus umbris,
 Blandaq; consueto carmina more cano:
 Ecce gerens frameam dextra, parmamq; sinistra,
 Fœmina castrensi uenit amicta sago.
 Atq; ita, pone metum: neq; enim, licet arma feramus,
 Martia nos tecum bella geremus: ait.
 Illa ego sum genitrix magnorum clara uirorum,
 Vrbs quibus imperium nunc Tyberina dedit.
 Incluta Teutonicis qui gentibus indidit heros
 Nomina, me natus matre Tuiſto fuit.
 Multa quidem gessi diuersum bella per orbem:
 Multaq; sunt armis parta trophœa meis.
 Ipsa meos illuc deduxi inuicta colonos,
 Qua rapido spumans amne Garumna fluit.

E L E G I A R V M

Ipsa Calidonijs incusſi bella Britannis,
 Anglorumq; recens nomen habere dedi.
 Quid loquar Hunnorum duriffima regna? quid urbes
 Hesperias? noſtræ quas domuere manus.
 Hei ſed iniqua mihi ſors hunc inuidit honorem,
 Clara uoluminibus ne mea geſta ſorent.
 Ec quibus Aeneadum non uiuit gloria chartis?
 Græcia præcones eſt quot adepta ſuos?
 At mea laude caret uirtus: quia nemo notauit
 Res, niſi ſcriptorum barbara turba, meas.
 Haud tamen indignor, meritis fraudata quod olim
 Laudibus, & nullo nomine clara fui:
 Tum populus noſtri de ſtirpe Tuiftonis ortus,
 Nil minus, eloquij quam ſtudioſus, erat.
 Non ſacra Muſarum, ſed martis caſtra, colebat,
 Tempora non doctis artibus ulla dabat.
 Culta ſed hæc poſtquam ſtudijs effloruit ætas,
 Quod merita careo laudis honore, queror.
 Nanq; meos quanquam multi nunc inter alumnos,
 Facundæ doctæ Palladis arte ualent,
 Quamuis eloquij præſtantiſſimam dotibus æquent
 Cecropium latio cum Cicerone ſenem:
 Nullus in his peragit noſtræ præconia famæ,
 Nec patriæ curat facta referre ſuæ:
 Tu niſi quod tenero cecinifti carmine nuper
 Prælia Cæſaribus facta Sabine meis.
 Ergo per Aonijs te fontis amabile nomen:
 Te per Apollineas, quas colis, oro deas:

Vt pa-

Vt patriæ dignas ad sydera tollere laudes
 Primus, & historici munus obire, uelis :
 Quamuis impariter iunctos deducere uersus
 Aptius, inq; pedes cogere uerba, queas.
 Aspice Pontanum, Sebetida cuius ad undam
 Nobilis historicum Musa recepit onus :
 Nonne senis calamo Patauini, bellica scripsit
 Gesta? licet melior carminis author erat.
 Nec tamen immensa rerum te mole grauo :
 Tantum clara tui temporis acta refer.
 Quantas ediderit me Carolus auspice strages,
 Gallica dum regnis expulit arma suis :
 Egerit & capto quantum de rege triumphum,
 Aurea qui clypeo lilia trina gerit :
 Utq; rebellantem Tyberim superarit & Arnum :
 Depulerit Libyca uictor ut urbe Scytham :
 Duxerit Algeræ quantas ad littora classes
 Maurus ubi rapido sole perustus agit.
 Deniq; quàm celeri uirtute subegerit hostem,
 Freta Sicambrorum quo duce terra fuit.
 Hæc precor intexas uicturis gesta libellis :
 Teq; sinas patriæ, quæso, mouere preces.
 Si tamen aut precibus minus, aut pietate moueris,
 Acre tibi calcar fama perennis erit.
 Nam bene si longa de posteritate merentur,
 Condere quos patriæ non piget acta sue :
 Hæc, quibus historiam referes, patriæq; triumphos
 Scripta, tibi quantum sunt paritura decus?

ELEGIARVM

Desierat. coepi: faciam matrona quod optas:
 Et præstabo libens omne quod ipsa iubes.
 Illud enim quanquam nostris est uiribus impar,
 Haud tamen impositum ferre grauabor onus.
 Nec meus egregia conatus laude carebit,
 Nam pius est patriæ facta referre labor.
 Vix ea fatus eram, per opacæ deuia syluæ,
 In sua bellatrix illico castra redit.
 Ergo opus aggrediens, primis exordia cepi
 Rebus, ab extincto Cæsaris huius auo,
 Gallus ut ipse sibi desponderit orbis habenas,
 Mortuus imperij cum moderator erat,
 Carolus eximia uirtutis & indole princeps,
 Ut sit in Augusta sede locatus aui.
 Hæc modo complexi paruo sumus acta libello,
 Cætera quo referam grande uolumen erit.
 Vnica nunc rerum tutela Philippe mearum,
 Hoc opus auspicio nominis edo tui,
 Qui mihi cum tali sis foedere iunctus amoris,
 Taurica uix nostram soluat ut ara fidem,
 Inter honoratos merito tu primus amicos,
 Ingenij debes munus habere mei.
 Hoc igitur læto, quo conuenit, accipe uultu:
 Hoc tibi sinceri pignus amoris habe.
 Quin & contigerint ubi mollia tempora fandi,
 Fac tuus ut Princeps hæc monimenta legat,
 Eius in hoc fiunt etiam præconia scripto,
 Laudatiq; frequens nominis extat honos:
 Nempe

Nempe quod is fuerit suffragatoribus author,
 Liligero Regi ne sua sceptrā darent :
 Tradere sed mallent ut Cæsaris illa nepoti,
 Teutona ne patrium perderet ora decus.
 Quod nisi tam constans ac prouidus ipse fuisset,
 Publica res quantis nunc foret aucta malis ?
 Legibus orba suis Germania, turpiter esset
 Iussa sub externi principis ire iugum :
 Quiq; feris Scythiæ cum gentibus impia iunxit
 Foedera, Cæsareas Gallus haberet opes.
 Ipsius æternas igitur testantia laudes,
 Exhibeas illi scripta legenda uelim.
 Sic triplices ducant tibi stamina longa sorores,
 Sic tua sit felix sospite prole domus :
 Sic, alter ueluti Podalirius, arte medendi
 Languida mortifera corpora tabe leues,

IN PEREGRINATIONEM

Stanislai à Lasco.

ELEGIA IIII.

L Ascus, Iasoniam cuius celeberrima nauim
 Gens, insigne uetus nobilitatis habet,
 Heroum similis, quos longa per æquora uexit
 Phasidos ad gelidi Pelias arbor aquas,
 Non ignaua domi, nec inertī perdita luxu
 Ocia, natali duxit agenda solo :

L 3

ipse

E L E G I A R V M

Ipse sed ignotas urbes & regna petiuit,
 Quæ procul à patria sede remota iacent.
 Arua peregrauit, quæ spumifer alluit Albis,
 Quæq; uirens læto palmite Rhenus obit.
 Hinc ad liligerum se contulit aduena Regem,
 Magnificasq; tuas Sequana uidit opes.
 Bellica quæ etiam Gallorum signa secutus,
 Anguigeri subiit moenia capta ducis:
 Cumq; foret stratus Ticini miles ad urbem
 Gallicus, & uersis terga darentur equis,
 Non turpem dedit ipse fugam, sed uulnus honestum
 Cumq; triumphato uincula rege tulit.
 Insubrium uerò cum digrederetur ab oris,
 Rursus Aquitanam tum peragrauit humum.
 Inde tetendit iter per nubiferam Pyrenen,
 Et procul accessit flumen Ibere tuum:
 Cuius in herbofo riparum margine quondam
 Ditia Geryonis pascua Regis erant.
 Vidit & extremo semotos orbe Britannos,
 Pulsaq; uentoso Danica regna mari.
 Te quoq; lustrauit gelido Noruegia cœlo
 Subdita, candenti quæ niue tecta iaces.
 Balthica Vandalicæ perspexit & oppida gentis,
 Quasq; potens urbes Prussia martis habet.
 Deniq; natales ubi rursus contigit oras,
 Et loca quæ patrijs Sarmata bobus arat,
 Protinus accessit terram quæ fortibus Hunnis,
 Quæq; pharetratis est habitata Getis.

Inde

Inde petens adiit ueterum Byzantia Thracum
 Mœnia, crudelis quæ modo Turca tenet,
 Adq; Propontiacas urbes huc uectus & illuc,
 Legit Abydeni littora curua freti.
 Hinc, ubi Myrtoum sulcasset nauibus æquor,
 Turgida Carpathium per mare uela dedit,
 Inq; Palestina, Christi cunabula uidit,
 Regnaq; primæui quæ tenuere patres.
 Adde quod Aegypti Regem, quod & ostia Nili,
 Pyramidas uidit Memphi quod alta tuas,
 Et Libyæ tractus, & quæ Sidonia Dido
 Imperio tenuit Punica regna suo.
 Quid loquar undantem flammis ardentibus Aethnam
 Cuius Mulciberi follibus antra gemunt,
 Et cinctam canibus latrantibus inguina Scyllam?
 Attractas uidit quam lacerare rates.
 Aut quid Parthenopē? aut quid loquar inclita Romæ
 Mœnia? flauæ tuis Tybri propinqua uadis:
 Aut dites Arni populos? urbemq; potentem,
 Quæ tenet Adriaci regia sceptrum maris?
 Inde Tridentinas ad Norica rura per Alpes
 Venit, & ex illis contulit hospes iter
 Huc ubi regna tenet, saltuq; uirente tuetur
 Cincta Bohemorum candidus arua leo.
 Tandem post uarios casus, & longa uiarum
 Tædia, natali uix requieuit humo:
 Continuo Litauosq; Borysthenidasq; Rutenos,
 Ac desolatos aduena uidit agros,

ELEGIARVM

In quibus effrenis Scythæ sanguine pastus equino,
 Errabunda suo cum lare plaustra mouet.
 At uagus immensum Lascus quæcunq; per orbem
 Vidit, ut Aonio carmine nota forent,
 Cultor Apollinæ præstans Holtorpius artis,
 Grandibus hæc numeris ipse legenda dedit.
 Interitura quidem tantorum fama laborum,
 Quæ nunc insigni laude feretur, erat:
 Aspirante sacro Phœbi nisi numine uates,
 Versibus illustrans hoc celebrasset iter.
 Ergo peragratis ut Iasona gentibus æquat,
 Argoam meruit cuius habere ratem,
 Sic etiam docti præconia uatis adeptus,
 Egregio nomen carmine Lascus habet.

AD CARDINALEM PE- trum Bembum.

ELEGIA V.

Vnde leues Elegi missam tibi Bembe salutem,
 Nū procul à Viadro, queris ut ante, ferāt?
 Non: tuus hoc uates discessit ab anne Sabinus,
 Hucq; suas nuper transtulit inde lares,
 Regius argentes ubi mons consurgit ad undas,
 Bregela quas crebro uortice tortus agit:
 Bregela Iunipero præcinctus ex ilice ripas,
 Culta Borussorum qui secatur arua uadis.

Quid

Quid tibi finitimis Scythiæ cum gentibus? inquis,
 Quæ rigidi tantum prælia martis amant:
 Quæq; truces sylvis horrentibus educat uros
 Prussia, mutata cur tibi sede placet?
 Huc mea traxerunt me fata: sed accipe paucis,
 Mutandi fuerit quæ mihi caussa solum.
 Cærule tendebat liquidi per nubila cœli
 Arcas Atlantea Pleiade natus iter,
 Lustrabatq; nemus densum frondente saliceto,
 Nostra quod ad Viadri musa colebat aquas,
 Inter Hamadriadas ludens & Oreadas inter,
 Dulcia tunc illic carmina uoce dabam.
 Protinus auratis ad me talaribus ibat,
 Hauserat argutæ uocis ut aure sonum.
 Implicitam torto uirgam serpente gerebat,
 Ducere qua manes ex Acheronte solet:
 Instar & incurui gestabat acynacis ense,
 Pictus & in flauo crine galerus erat.
 At me compellans his uocibus: accipe (dixit)
 Quæ Iouis æthereæ missus ab arce fero,
 Est mutanda tibi sedes: te iussa deorum,
 Te procul hinc aliò fata Sabine uocant.
 Terra remota iacet, pigro subiecta Bootæ,
 Quam satus indomito Marte Borussia arat:
 Terra ferax Cereris, foecundaq; melle: sed expers
 Aonidum: Scythiæ nanq; propinqua iacet.
 Belliger hic amplas Albertus possidet urbes,
 Teutonici referens nomen Achillis auis.

E L E G I A R V M

Acribus armorum studijs fortissimus heros,
 Intrepido cuius pectora Marte calent.
 Is dum pacis agit cessantibus ocia bellis,
 Promouet urbanæ castra quieta togæ.
 Erigit impulsas bellorum turbine leges,
 Ac populo dicens iura dat æqua suo.
 Vt quoq; uulgus iners doctas traducat ad artes,
 Laurigero musas ex Helicone uocat :
 Hospitiumq; recens illis, & nobile condit
 Gymnasium, cuius tu moderator eris.
 Is te magnificis augebit honoribus illic:
 Is tibi dona, quibus dignus es, ampla dabit.
 Nam quos ingenium commendat & inclyta uirtus,
 Largus in hos confert, Cyrus ut alter, opes.
 Ergo uerte solum patrias & desere sedes :
 Illo fata manent te meliora loco.
 Hæc ubi fatus erat, paribus se sustulit alis :
 Turbarunt animum nuntia uerba meum :
 Triste uidebatur patria discedere terra :
 Sed facienda tamen iussa tonantis erant.
 Sic igitur laribusq; meis hortisq; relictis,
 Quos Viadri retinent mœnia iuncta uadis,
 Ignotos adij mutata sede Borussos,
 Succina littoribus qui preciosa legunt.
 At non falsa mibi Tegæes prædixit alumnus :
 Hic ego nam tali sum modo Bembe loco,
 Vt desiderio patriæ non angar : & æqua
 Mente Lycaonio fata sub axe feram :

Talis

Talis in his etiam Princeps mihi contigit oris,
 Qualis in Italia Borsius ante fuit:
 Qualis & excellens fuit ille Feretrius heros,
 Ingenij laudant quem monimenta tui.
 Semina uirtutum quo propagentur & artes,
 Tecta nouem musis hic habitanda dedit.
 Utq; bonis studijs, ita moribus, excolit urbes
 Imbuit ac uera relligione Dei.
 Nanq; ferox hominum genus est & agreste sub arcto
 Noticiam nondum quod pietatis habet:
 Cæruleos instar sed adorat numinis angues,
 Mactatq; litat sacra nefanda capro.
 Discat ut ergo pios ad Baltica littora ritus,
 Exuat & mores uulgus agreste suos,
 Optimus ingenuas Princeps hic excitat artes,
 Adductasq; deas ex Helicone fouet.
 At tibi ne pariat longum fastidia carmen,
 Finit hic elegis littera clausa modum.

AD STUDIOSOS LITERARVM
 in Academia Regijmontis.

ELEGIA VI.

(tas
Quisquis es Aonidum consors, & docta frequen
 Atria, quæ geminis Bregela stringit aquis:
 Cras, ubi sol medio librauerit æthere currum,
 Ad sacra musarum tecta uocatus ades.

Scilicet

E L E G I A R V M

Scilicet Alberto factas à principe leges,
 Iuraq; Gymnasij tum recitanda dabo.
 At tibi sit quanti legum facienda potestas,
 Conditæ diuino numine scripta docent,
 Quæ referunt legum iustis parere ministris,
 Officium summo gratius esse Deo,
 Victima solennes quam si mactetur ad aras,
 Victima sacrifici rite litata manu.
 Sunt etenim leges urbani uincula coetus :
 Ni fuerint leges, qui status orbis erit ?
 Iuraq; ciuilis sunt propugnacula uitæ,
 His sine nulla queunt moenia pace frui.
 Plurima defendi sine turribus oppida possunt :
 Nulla regi certo sed sine iure queunt.
 Recte igitur leges amplis ubi laudibus effert
 Discipulus magni Socratis unus ait,
 Optimus est ciuis, patriæ, qui legibus urbis
 Paret, & obsequium pluris id ipse facit,
 Quam uel Olympiæ uictricia præmia palmæ,
 Quamue triumphanti parta trophæa manu.
 Talia te moueant præconia, docta iuuentus,
 Vt subiecta istis legibus esse uelis,
 Quas tibi uentura proponam luce : nec ausis
 Aequa magistratus temnere iussa tui.
 Quod si forte nihil mea te uindicta mouebit,
 Aspera te moueat uindictis ira Dei.
 Qui pia legitimi contemnit iussa senatus,
 Hunc grauis offensi numinis ira manet,

87

LIBER V.
AD EOSDEM.

ELEGIA VII.

Gnosia constituit qui legibus oppida Minos,
Dicitur Idæum consuluisse Iouem:
Ecquid oporteret legum præstare ministros,
Ut rata perpetuo tempore iura forent.
Iuppiter, ut maneant infracta repagula legum,
Fac tua sæpe palàm scita legantur: ait.
Paruit his Minos, recitandaq; iura quotannis
Ter populo fertur proposuisse suo:
Eius enim iussu Rhadamanthus bina per urbes,
Per pagos totidem Talus & æra tulit,
Ex quibus, in cœtu populiq; frequente corona,
Publica iura stato sunt recitata die.
Exemplum uerò custodibus utile legum,
Præbuit Europæ filius atq; Iouis.
Nam uelut insultans aurigæ iussa recusat,
Qui non sæpe minas auribus haurit equus:
Sic quoq; nullius sese permittit habenis,
Sæpius audita plebs nisi lege, regi.
Ergo quod exemplum Gortynius edidit heros,
Hoc ego, Gymnasij qui rego frena, sequar.
Neue reuellantur nostrarum uincula legum,
Aoniæ tradam iura legenda scholæ.
Vnde recognoscat musis addicta iuuentus,
Expleat officium qua ratione suum.

Scilicet

E L E G I A R V M

Scilicet ingenuas ut nauiter excolat artes,
 Ocīa nec studio Palladis ante ferat:
 Doctrināq; suos mores ita formet, ut ardens
 Pectora diuini numinis intret amor.
 Foeda nec immodico ducat conuiuia baccho:
 Nec studeat Veneris castra nefanda sequi:
 Neue sub aestatem fluminalibus abluat undis
 Membra uel hortorum depopuletur opes.
 Cumq; sit exosus doctam Tritonida Mauors,
 Martia pugnaci ne gerat arma manu:
 Praebeat immani trepidum nec uoce tumultum,
 Humida telluris cum tenet umbra polum.
 Si trucidis horrendus Polyphemi clamor in antro
 Fratibus Aetneis nocte molestus erat,
 Ebrius, amisso cum luminis orbe, fremebat
 Saëuo terribiles ore sonante minas:
 Qui Siculis non est Cyclopibus incolā natus,
 Hac ferat immanes uocis in urbe sonos?
 Hæc & plura, quibus mores regat, ipsa iuuentus
 Audiet in sacra Palladis arce legi,
 Bregela quam pallæ glauco uelamine tectus
 Prænatat, & liquidis stringit utrinq; uadis.
 At mea si quod habent edicta minantia pondus,
 Omnibus officij nomine mando mei,
 Publica Gymnasij cum iura legentur, ut adsint
 Dulcibus hac musis quotquot in urbe uacant.

LIBER V.
AD EOSDEM.

ELEGIA VIII.

88

Quod faustum felixq; nouem sit & utile Musis,
Per quas Aoniæ Bregela uoluit aquam,
Rursus adornabo pro consuetudine pompam,
Sexta reducetur Februa quando dies:
Iuraq; proponam nostri recitanda Lycei,
Ac simul officij quenq; monebo sui.
Ergo dies actis aderit cum proxima Nonis,
Et medium carpent æthera solis equi,
In cœtum (iubeo) ueniat, quicumq; Camœnis
Deditus hic sacro uult Helicone frui:
Nanq; gubernari legum quæ debet habenis
Nosse iuuentutem publica iura decet.
Nunc uerò iustas ut turba scholastica leges
Diligat, ac mores corrigat ipsa suos,
Offensi monet ira Dei, seriesq; malorum,
In quibus infelix Teutona terra iacet.
Horrendum genitrix peperit discordia bellum,
Quo nihil exortum tristiùs ante fuit.
Impius armorum socias furor occupat urbes,
In quibus augustæ gaudia pacis erant.
Nuper ubi cytharæ Dircoëaq; plectra sonabant,
Nunc ibi Bellonæ classica dira fremunt.
Diffugiunt diuæ sumptis Libethrides alis,
Disturbante sacros Marte furente choros:

Haud

ELEGIARVM

Haud secus ac quondam trepidantibus aëra pennis
 Findentes, celerem corripuere fugam,
 Daunia uastabat cum barbarus arua Pireneus,
 Captaq; Threicio milite Phocis erat.
 Has pater ipse suis deplorat sedibus actas,
 Saxoniae gelidam qui rigat Albis humum:
 Has etiam Philyrae Misneidos urbe fugatas,
 Flauus arenosis luget Elister aquis.
 O miserranda parens quantum Germania luctum
 Hauris, marte tuum depopulante solum:
 Quanta nouenarum coetu fugiente sororum,
 Heu perculsa graui uulnere, damna facis.
 Hoc igitur tanto nos in discrimine rerum,
 Tristibus admonitos cladibus esse decet:
 Legibus ut cursum uitae moresq; regamus,
 Et simul oremus supplice uoce Deum,
 Ut, cum tota fremat bellis Germania, saltem
 Leta Borussorum pace fruatur humus:
 Ne quoq; Gradiuo nobis praebente tumultum,
 Hinc doctas abigat saeva procella deas.

AD EOSDEM.

ELEGIA IX.

E Bria dum totam discurrit turba per urbem
 Hisq; furens Bacchi festa diebus agit:
 Festa, quibus turpes nudabat Roma Lupercos,
 Stultitiaeq; olim signa pudenda dabat:

Nos

Hic tibi nimirum Princeps, hic præstitit heros,
 Qualia non populis ille uel ille suis.
 Cum perculsa fores immani turbine belli,
 Hostibus eripuit strenuus arma tuis,
 Et secura tibi tranquillæ tempora pacis
 Restituit, bellis imposuitq; modum.
 Impia cum coleres deliramenta sacrorum,
 Et rectam fidei non sequerere uiam,
 Ipsa per hunc, qui te iussit meliora doceri,
 Ad ueros cultus es reuocata Dei.
 Cumq; rudes nuper populos inculta foueres,
 Nulla quibus studij cura nec artis erat:
 Primus hic è sacro musas Helicone uocauit,
 Quæ populi mores excoluere tui.
 Ergo secuturus Maïas ubi Lucifer Idus
 Iam matutinis extulit ora uadis,
 Arte laboratas tu lætior indue uestes
 Electroq; graues diuite pande sinus:
 Aurea gemmato suspende monilia collo,
 Iunipero flauum cinge uirente caput:
 Proq; salute Ducis, fortunataq; senecta,
 Candida natali suscipe uota die.
 Vos quoq; Pierides, quas hæc pro Phocide tellus,
 Et pro Castalio Bregela fonte tenet:
 Vos decet aurata lætum testudine carmen
 Ludere, & hac festos ducere luce choros.
 Namq; Borussorum uos sedibus esse receptas
 Contigit unius Principis huius ope:

ELEGIARVM

Qui nisi productus uitales esset in auras,
 Ecquis in arctoa uos reperiret humo?
 At tu Semideis Heroibus edite Princeps,
 Annua natalis lux modo cuius adest:
 Tu depone graues & amaras exue curas,
 Tristior hoc si quas tempore forte geris:
 Signaq; laticiae plaususq; agnosce tuorum
 Gratantes hilari qui tibi corde fauent.
 Floribus halanti conuiuaturus in horto
 Quæ Genio debes munera solue tuo.
 Nec, licet infensi quidam tibi bella minentur,
 Prospera te dubita fata manere senem.
 Sydera nanq; tuo fulserunt leta sub ortu,
 Et propiore simul iuncta fuere gradu,
 Ut tibi præsidio, si res ita postulet, essent:
 Viribus arcerent duraq; fata suis.
 Scilicet in primo congressi limine coeli,
 Delia, Mars, Aries, Iuppiter, Arcas, erant.
 Ibat & æthereos Phœbi comitata iugales,
 Cum geminis Helenæ fratribus alma Venus.
 Falcifer at longè submotus agebat ab illis,
 In nona stabas qua Capricorne domo.
 Talia felicem promittunt sydera uitam,
 Non importuno si coiere loco.
 Adde quod ipsa trium Parcarum maxima Clotho
 Dicitur ad cunas hæc cecinisse tuas.
 Cresce puer, quo nullus erit laudatior olim,
 Eximia præstans indole cresce puer.

Mollia

Mollia ducuntur nostro tibi stamina fuso,
Longaq; fatali pensa uoluta colo.
Nil tibi decepatrix hominum fortuna nocebit:
Quæ solet ancipiti mobilis ire gradu:
Quamuis iniiciet curas tibi sæpe molestas,
Rebus & existet non satis æqua tuis.
Omnia consilio uincēs, & ad omnia fortis,
Quæ subeunda uiris obijciuntur, eris.
Ad tua pilatæ trepidabunt signa cohortes,
Marte laceßitus prælia quando geres,
Turpia sæpe dabunt hostes tibi terga fugati,
Quorum densa premens agmina uictor ages.
Fortia te diuo pro Cæsare bella gerentem,
Itala Gallorum strage uidebit humus.
Te uetus Hunnorum regnataq; Pæone tellus,
Nauiter inuictum sentiet esse manu,
Cum tibi commissas illic tutaberis arces,
Quasq; tuus partas frater habebit opes.
Deniq; uirtutemq; tuam, dextramq; potentem
Sarmatis agnoscet cladibus ora suis:
Postq; cruenta feri martis certamina, tecum
Fœdus & optatam iunget amicitiam.
Nec tamen inuicto laudatus pectore tantum
Sed multis alijs dotibus auctus eris.
Iura dabis, legesq; feres: moderataq; semper
Non rectis animi motibus ante feres.
Te non ebrietas, non implacabilis ira,
Te faciet prædam mens nec auara suam.

ELEGIARVM

Inuisent iterum te principe numina terras
 Quæ scelerata hominum uita fugauit humo:
 Cana fides, libramq; gerens Astrea bilancem:
 Quæq; acri pietas flagrat amore Dei.
 Inq; tuo ponent hæc numina pectore sedem,
 Te superis ipsis efficiëntq; parem.
 Tu columen patriæ, miseris tu dulce leuamē
 Exulibus, Christum qui profitentur, eris.
 Ad te confugient longis è finibus omnes
 Artibus insignes & pietate uiri,
 In tua qui soluent doctas præconia linguas,
 Teq; super cœli sydera laude ferent.
 Sic, ubi natus eras, occulti præscia fati
 Lanificis cecinit de tribus una soror.
 At tu læta dies, reuoluto sæpius anno,
 Principe salua meo sceptra tenente, redi.

AD FRIDERICVM ARCHIEPISCOPVM
 episcopum Madeburgensem, Ioachim
 mi II. Marchionis Brande-
 burgensis filium.

ELEGIA II.

QVam cito posteritas obliuiscētib; annis
 Inclyta magnorum deleat acta Ducum,
 Indicat hæc, princeps, maiorum uita tuorum,
 In lucem studio nunc reuocata meo.

Horum

Nos meliora quibus Musarum sacra coluntur,
 Dissimiles uulgi moribus esse decet.
 Sobrius Aonidum chorus Origi uitat Iacchi,
 Nullaq; lymphatæ gaudia mentis amat.
 Multa nefanda facit petulantibus hisce diebus,
 Percita Thyrsigeri turba furore dei.
 Sæpe cruentantur funesta cæde penates,
 In medio dantur uulnera sæpe foro:
 Castaq; uirginei uiolantur iura pudoris,
 Coniugij thalamos & uagus intrat amor.
 Filia dum celebrat Pandionis Orgia Progne,
 Ismarium iugulans ense peremit Ityn.
 Anne datus leto Rhodopeius occidit Orpheus?
 Dum peragunt Ciconum Bacchica sacra nurus.
 Orgia Romanis uiolauit agentibus olim
 Anne maritales fœda libido toros?
 Nec bene conueniunt hæc tristia tempora ludis,
 Est æquum patriæ nos doluisse uicem.
 Nam perculsa graui Germania uulnere martis
 Languet & extremum sustinet ægra diem:
 Haud secus ac quondam turbantibus omnia bellis
 Languida ciuili uulnere Roma fuit.
 Quin factura nouas iam Turcica spicula clades,
 Bistonios trepidans Ister & horret equos.
 Heu quales animo gemitus, quas ore querelas
 Edit: & heu quantis fletibus auget aquas,
 Pluribus adduci dum signa cohortibus audit,
 Pannonios iterum quæ populentur agros:

ELEGIARVM

Quæ gremio matris, ducentes ubera natos
 Abripiant, seu a dilanientq; manu:
 Moenia prosternant, captasq; nefanda puellas
 Cogant ingenuo corpore stupra pati.
 Adde quod æthereo tristantur sydera cœlo,
 Et uelut hoc rerum turbine mœsta dolent.
 Luna bis hoc atra caligine conditur anno,
 Phœbus & horribili lumina nocte tegit.
 At nihil hæc quantum populus lugubria curat
 Dum leuibus soluit libera corda iocis,
 Nos tamen, excoluit quorum Tritonia mores,
 His decet attonitos ingemuisse malis.
 Ergo lupercales nemo per compita ludos,
 Qui sacra Gymnasij sceptrâ ueretur, agat.
 Nec uelut Aetneus tingat fuligine Cyclops
 Ora, nec Ogygij pars sit inepta chori:
 Quisque sed ingenuis studijs incumbat, & oret
 Fiat ut offensi mollior ira Dei.

AD EOSDEM.

ELEGIA X.

Anni tempus adest, quo factus uictima Christus
 Sanguine deleuit crimina nostra suo:
 Fractaq; Tartarei sunt limina carceris, in quo
 Posteritas primi capta parentis erat.
 Posthabitis uerò studijs rebusq; profanis,
 Tempia per hos nobis sunt adeunda dies.

Scilicet

Scilicet hisce decet nos commemorasse diebus,
 Nostra sit ut Christi morte redempta salus:
 Et quàm non fuerit placabilis ira Tonantis,
 Aeternam nobis ira minata necem.
 Nulla grauem poterant delere piacula culpam,
 Quæ commissa fuit crimine fontis Adæ,
 Vnica pro nobis nisi redderet hostia uitam,
 Oppeteretq; necem filius ipse Dei.
 Heu quas sustinuit nostro pro crimine pœnas,
 Quàmq; Dei nato non toleranda tulit.
 Sanguinis emisit sudanti corpore guttas:
 Vincula captiuas impediere manus:
 Vulnificis plagas sub iniquo iudice uirgis,
 Ac tulit implicitis spineaserta comis.
 Impia quid referam diræ conuitia lingue?
 Inq; cruentatis liuida signa genis?
 Cum trabe penderet palmas distentus in ambas,
 Ferrea diuinum transijt hasta latus.
 Hæc indigna uidens alto spectacula cœlo,
 Sol stetit attonitis obstupefactus equis:
 Indoluitq; diu mœstus, terrisq; negauit
 Lumen, & in medio nox fuit orta die:
 Motaq; contremuit uasto sub pondere tellus:
 Saxaq; concussis dissiluerunt iugis.
 Ista recordari solennibus acta diebus
 Nos, & inoblito pectore ferre, decet.
 Indignum fuerit, Solem, atq; carentia sensu
 Saxa, creatori condoluisset suo:

ELEGIARVM

Nosq; dolere nihil, nec acerba morte moueri,
Reddita qua nobis uita salusq; fuit.
Ergo cohortamur iuuenes, ut templa frequentent,
Quaq; decet celebrent hos pietate dies.

GEORGII
SABINI BRANDEN-
BURGENSIS ELE-
giarum, Liber
Sextus.

IN DIEM NATALEM IL-
lustrissimi principis, Alberti Marchio-
nis Brandenburgensis, primi
Ducis Prussiae.

ELEGIA I.

SI uetus Iliadæ celebrauit Roma Quirini,
Natalemq; Iouis Græcia terra diem:
Te decet hanc meritò celebrare Borussia lucem,
Nasci fata tuum qua uoluerit Ducem:

Hic

Non tantum uoluit Princeps, sed mitis haberi
Mater: & est inopum commiserata uicem.
Virginibus, quarum fuit orba parentibus ætas,
Pronuba consortes tradidit ipsa tori.
Nec dedignata est humiles intrare penates,
Et medicas ægris applicuisse manus.
Adfuit & grauidis nuribus, partuq; leuatis
Miscuit ut nutrix officiosa dapes.
Sacra colens etiam diuinis tradita scriptis
Nil habuit uera religione prius.
In populi cœtu doctos audire solebat
Omni pene die uerba referre Dei:
Nec meritis hominum, sed Christi morte redemptam,
Seq; pia iustam credidit esse fide.
Adde quod ipsa suum dominum constanter amauit
Inq; uicem à Domino semper amata fuit.
Corpore nanq; decens, & amabilis extitit omni
Laude: fugax litis, sobria, comis, erat.
Edidit in lucem duo mascula pignora lecti,
Fœminea quater est factaq; prole parens.
Deniq; suscipiens Musarum prouida curam,
Nobile Gymnasij cum Duce struxit opus.
Iamq; duos annos, mensesq; peregerat octo
Post totidem uitæ lustra decemq; dies,
Cum desiderium non uni triste relinquens,
Heu præmatura morte soluta fuit.
Illius immensum peperit iactura dolorē
Omnibus indigenis, Prussia quotquot habet.
Ad superos

ELEGIARVM

Ad superos animi redijt uigor : ossa sepulchro,
Inq; beatorum spe tumultata cubant.

AD STUDIOLOS LITERARVM
in Academia Regijmontis.

ELEGIA V.

Festa dies agitur, qua cœlitus edidit olim
Signa tot omnipotens & monimenta Deus.
Corniger hac uates testatur luce Tonantem
In Sina legem monte tulisse suam :
Atq; inter lituos piceæq; micantia nubis
Fulgura, terribili uoce dedisse sonos,
Nos quibus admoniti sumus ut ne uana colamus
Numina, nec scelerum turpe sequamur iter.
Hac quoq; luce sacer consolatorq; piorum
Spiritus ætherea missus ab arce fuit,
Suntq; soluta patrum diuersis ora loquelis
Nos fidei rectam qui docuere uiam.
Hanc uero lucem celebrataq; tempore longo
Festa, pio ritu nos coluisse decet,
Aeternumq; rogare patrem, quo languida & ægra
Excitet afflatu pectora nostra suo :
Inq; animis acres flammæ accendat amoris
Igne salutari qui pia corda fouet :
Vtq; manere potens & dulci numine præsens
Ipsius in nobis Spiritus esse uelit :

Ut placidam studijs aspires et artibus auram,
 Turba nouem musis quas operata colit.
 Ille dat humanæ cœlestia semina menti:
 Cuncta, quibus uitam ducimus, ille regit.
 Illius est donum facundæ gratia linguae:
 Ingenuis aptos artibus ille facit.
 Ergo frequentemus templum coetusq; piorum,
 Ore soluturi uota precesq; Deo:
 Nostraq; consuetudo more feramus ad aram
 Munera: nam pietas hæc quoq; grata Deo est,
 Nos offerre decet fides sua dona ministris,
 Qui pia sincero munere uerba docent.

AD EOSDEM.

ELEGIA VI.

I Am quater incenso quater canis Erigoneius æstu
 Solis anhelantes sensit anhelus equos,
 Cum sacer hic musis Helicon argente sub arcto
 Est Aganippeæ fons et apertus aquæ:
 Cumq; Ducis iussu, doctiq; fauore senatus,
 Ad me Gymnasij summa relata fuit.
 Tradita perpetuus tenui moderamina Rector,
 Semper et ex illo tempore sceptrum tuli:
 Meq; fatigauit multis Respublica curis,
 Sustinui dura mole grauatus onus.
 Namq; magistratus, seu publica cura regendi,
 Est grauis, ac magnum sarcina pondus habet.

Nec

ELEGIARVM

Nec semel orauī, quo Principis æqua uoluntas
 Hac humeros uellet mole leuare meos:
 Utq; crearetur nostri successor honoris,
 Pierij coleret quem sacer ordo chori:
 Quiq; subiret onus pro me, uelut ille subibat
 Cœliferi Alcmena natus Atlantis onus.
 At nihil obtinui tota trieteride supplex,
 Nil mea uota, meæ nil ualuere preces,
 Donec me miserum properata morte reliquit
 Vxor, & aucta graui cura dolore mea est.
 Nunc oneris tandem remouendi facta potestas
 Est mihi, ne nimium duriter ipse premar.
 Plus onerosa satis me cura domestica torquet,
 Est mihi nunc uiduo tota regenda domus.
 Dumq; tori lugent amissam pignora matrem,
 Nunc ego maternas cogor obire uices.
 Ergo Gymnasij cras depositurus habenas,
 Ipse magistratu lætus abibo meo,
 Sicut ad optatum delatus nauita portum,
 Per mare qui longo tempore uela dedit,
 Alterius dextræ regimen committere gaudet,
 Atq; ministerio se remouere suo.

IN TVMVLVM AN-
 ne uxoris sue.

ELEGIA VII.

Vxor

Horum fama diu latuit, multosq; per annos
 Obscura ueluti nocte sepulta fuit.
 Ecquis enim patrijs Hugonem nouit in oris
 Hactenus? hic cuius nomen & acta legis.
 Ecquis & hoc meminit Theodrici principis æuo?
 Per me noticiam nunc quoq; cuius habes.
 Facta sed illorum si concelebrata fuissent
 Scriptis, quæ famam perpetuare solent,
 Non exempla forent æuo: non longa uetustas
 Sic ea lethæis mersa dedisset aquis.
 Omnia mandantur scriptis quæcunq; disertis
 Illa uetustatem non moritura ferunt.
 Ergo tempus edax ne longaq; deleat ætas
 Famam, Marchiaci quam meruere Duces,
 Eruta diuersis annalibus, inclyte princeps,
 Collegi patriæ gesta uetusta meæ:
 Emisiq; tuo sub nomine, cuius honori
 Mens mea propenso dedita corde fauet.
 Ac merito: quis enim te præcellentibus auctum
 Dotibus ingenij, non reuerenter amet?
 Te matura senem reddit prudentia, quamuis
 Signet adhuc teneras uix tibi barba genas.
 Te sibi relligio custos fidißima cœli
 Vendicat, inq; tuo pectore templa tenet.
 Te quoties puerum studijs incumbere uidi,
 Ad gelidas Viadri quando morabar aquas,
 Talia sum tacito sub pectore uerba locutus
 Lumen eris patriæ tu Friderice tuæ.

E L E G I A R V M

Ista sefellunt nec me praesagia mentis,
 Praesulis insigni munus honore geris.
 Nec dubito, quin sit diuino numine factum,
 Rebus ut antistes praeficerere sacris.
 Namq; status rerum, fortunaq; temporis huius
 Flagitat insignem religionem uirum,
 Excubias qui pastor agat, ne turba luporum
 Irruat in Christi sanguinolenta gregem,
 Quiq; salutare medicamine uulnera curet,
 Tot quibus heu miserae conficiuntur oues.
 His tibi de causis faueo: mea scriptaq; duxi
 Esse tibi tanquam iure dicanda tuo.
 Exiguum uero non aspernabere munus:
 Accedente breui tempore crescet opus.
 Illustrabo Duces omnes, tenebrisq; malignis
 Eripiam dignos postritate uiros:
 Sub quibus antiqui Brenni mauortia tellus
 Claruit, & liquida rector Haueus aquae.

AD STUDIOSOS LITERARVM in Academia Regijmontis.

E L E G I A I I I .

S I qua prius tristem meruerunt funera luctum,
 Si fuit hac unquam iustus in urbe dolor:
 Iam dare funesti lugubria signa doloris,
 Tristitia iam lachrymis ora rigare decet.

Namq;

Nanq; Borusiaci Ducis occidit inclyta coniunx,
Afflicta est populi qua moriente salus.

Nunc gemat et mœsto suffundat lumina fletu,
Prussia: nam matrem perdidit orba suam.

Illa nurus inopesq; senes, ægroq; fouebat:
Munificam uiduis illa ferebat opem.

Ante alios uero quibus est hoc funus acerbum,
Et quibus hæc fletum tristia fata mouent,

Nos plorare decet, nos indulgere dolori:
Illa bonis Princeps artibus æqua fuit:

Illa suum dominum, quo conderet atria Musis,
Impulit: hocq; pium sedula iuuit opus:

Quiq; darent studijs operam, Musisq; uacarent
Pauperibus larga præbuit æra manu.

Est quoq; fas tristi nos Principis ore moueri,
E cuius pendet nostra salute salus:

Cernis ut incedat pullo uelamine tectus,
Vestibus auratis qui modo cultus erat.

Ille sua quando uiduatus coniuge luget,
Nos minime lachrymas continuisse decet,

Ægrâ ualetudo, uel si qua molestia, regem
Afficit, Hybleæ quem reuerentur apes,

Nonne uides ut mœsta fremant examina luctu?
Cæreaq; affectis mœreat aula fauis?

Conglomerantur apes, planguntq; trementibus alis
Pectora: nec læti germina Veris amant.

Nos simili studio lugentes, tristia nostri
Conuenit afflicti fata dolere Ducis.

Ibimus

E L E G I A R V M

Ibimus & maestum testabimur ergo dolorem
 Funere quem nobis attulit atra dies,
 Ibimus: utq; frequens oculis humentibus adsit
 Doctaq; nobiscum turba (iubemus) eat,
 Quando sepultura iam signa dabuntur, & edent
 Mota sub aërijs turribus æra sonum,
 Ipse ego (parua licet mihi sit facundia lingue,
 Acer & impediatur fletibus ora dolor)
 Tristibus interitum Dominae plorabo querelis
 Hic, media sanum quo stat in arce loco.
 Emerita faciam præconia debita uite,
 Ipsa quibus gaudet nescia fama mori.
 Nanq; tot insignem uirtutibus Heroinam,
 Non descet orbatam laudibus esse suis,

IN T V M V L V M N O B I L I S
 simæ principis Dorotheæ, filiæ Friderici
 Regis Danorum, coniugis Alberti
 Ducis Prussiæ.

E L E G I A I I I I.

Hic iacet Alberti primi Ducis inclyta coniunx,
 Quæ patre Danorum rege creata fuit:
 Maternumq; genus prælustri duxit ab ortu,
 Mater Teutonici neptis Achillis erat.
 Et, quo dicta fuit, dignam se nomine gessit
 Dorotheæ: donum nam fuit ipsa Dei.

Non

VXor in hoc tumultu uatis iacet Anna Sabini,
 Fœmina non humili quæ fuit orta loco.
 Ad celebres Albis patre nata Melanthere ripas,
 In quibus Aonidum plectra mouentur, erat.
 Utq; uiros inter doctos pater eminet omnes,
 Quo non maius habent tempora nostra decus:
 Sic quoq; laude sua matronas inter honestas
 Claruit, ac tanto digna parente fuit.
 Ipsemet infantem tulit ad baptisma Lutherus,
 Quando salutifera perlueretur aqua:
 Eruditq; pijs monitis, ut adulta timeret
 At coleret uera religione Deum.
 Quin & docta fuit, linguæq; perita latine:
 Nam latio poterat reddere uerba sono.
 Nec minus ore decens, & honesto prædita uultu
 (Laudari facie si qua meretur) erat.
 Annos bis septem florente peregerat æuo,
 Legitimi consors est ubi facta tori.
 Inde remota procul natalibus absuit oris,
 Cumq; suo uixit coniuge lustra duo.
 Et semel aucta fuit tantummodo prole uirili,
 Natas Lucina quinq; fauente dedit.
 Frigida mors animam placide subduxit & artus,
 Pars melior coelo est reddita, corpus humo.

N AD

ELEGIARVM
AD ILLVSTRISSIMVM
Principem Albertum, Marchio-
nem Brandeburgensem, pri-
mum Prussie
Ducem.

ELEGIA VIII.

ESt erebi pestis, quæ tristibus implicat orbem
Dissidijs, passim diraq; bella serit,
ATE nomen habet: ualidis hæc gentibus olim,
Terrarum & dominis exitiosa fuit.
Hæc Agamemnonias affecit clade cohortes,
Cincta quibus Priami mœnia regis erant:
Hæc quoq; Thesidas, hæc regna potentia fregit
Inuicti Macedum quæ peperere duces.
Hæc simul imperij spoliauit honore Quirites,
Dum fera ciuili sanguine bella gerunt.
Threicias eadem gentes hæc pestis & urbes
Perdedit: Argolicas hæc labefecit opes,
Tunc ubi prorupit Scythicis Othomannus ab oris,
Hellepontiacas & superauit aquas.
Nanq; uoluntates distraxit & agmina regum,
Iunctis ille quibus terga daturus erat.
Hæc quoq; discordes hoc tempore cōpulit Hunnos,
Turpi seruitio triste subire iugum
Dum geminos quærunto reges: scissiq; duabus
Partibus, huc illuc arma cruenta ferunt.

Deniq;

Deniq; Germanis nunc bella domestica nobis
 Excitat, ac turbas irrequieta facit.
 Nosq; feris itidem conatur prodere Turcis,
 Alter in alterius dum mouet arma necem.
 Vidit id Imperij moderator & arbiter olim,
 Qui genuit patrem Carole Quinte tuum:
 Vtq; graues casus, tristesq; auerteret orbi
 Clades, & patriæ damna timenda suæ,
 Deuincire pios optato fœdere reges,
 Conatusq; domi tollere bella fuit,
 Fortior ut iunctis in prælia uiribus iret,
 Sæuaq; grassantis frangeret arma Scythæ.
 Huius enim rabiem cohibere, piosq; tueri,
 Esse Deo gratum non dubitabat opus.
 Ante sed armatus quàm sese mouit in hostem,
 Et regum sociæ quàm coiere manus,
 Optimus in medio belli molimine Princeps,
 Funere sublatus præueniente fuit:
 Atq; opus inceptum (prò tristia fàta) reliquit,
 Immortale decus quo pariturus erat.
 Inuida mors, quare regum conatibus obstas,
 Pro lacero Christi qui grege bella mouent?
 Fallor? an illius quod es olim uicta triumpho,
 Pro Mahometigena stat fauor hoste tuus?
 Nam sic Pontificem Turcis quoq; bella parantem,
 Diceris Aeneam seu a tulijse Pium.
 Ne tamen ignorent hæc Cæsaris acta nepotes,
 Acta boni debent quæ meminisse duces,

ELEGIA R V M

Sunt calamò conscripta meo : nam talia refert
 A memori semper posteritate legi.
 Olim forsàn erunt quos hæc explere iuuabit
 Consilia, & studio pacis amante sequi.
 At ueluti quondam patris induit arma perempti,
 Rex qui Pellæa natus in urbe fuit :
 Atq; triumphata confecit Perside bellum,
 Ipsius genitor quod meditatus erat :
 Sic quoq; nunc utinam se Carolus armet in hostem,
 Exoptata suo bellaq; sumat auo.
 Ast ego, quidquid id est operis, tibi dedico Princeps
 Lætæ Borussorum quo Duce gaudet humus.
 Nec dubito, quin pacis amans, hostisq; Scytharum
 Talia diuini Principis acta probes.
 Nam quoties audis ciuilia bella moueri,
 Inter Christicolas marte furente duces,
 Et Scythicum nostra gaudentem lite tyrannum,
 Omnia uictrici carpere regna manu,
 Ipse gemens, imo suspiria pectore ducis,
 Temporis & nostri tristia fata doles.
 Teq; licet multis exhausta laboribus ætas
 Occupet, arma tamen sumere dura iuuat :
 Cumq; pharetratis committere prælia Turcis,
 Et procul ad Solymas castra locata sequi :
 Si modo suscipiat concors Germania bellum,
 Suppetiasq; pijs, auxiliumq; ferat.
 Viuenti quoq; charus eras : ductore sub illo
 Tempora militiæ prima fuere tuæ,

Euganeos

Euganeos quando populos urbesq; premebat,
 Martius Adriacæ quas leo gentis habet.
 Sæpius ille tuis applaudens fortibus ausis,
 Macæ animi, aiebat, macæ: uir acer eris.
 Et quæcunq; tenes belli præcepta gerendi,
 Tyroni senior tradidit ille tibi.
 Te peditum cuneos, & equestres ducere turmas,
 Te docuit tuto ponere castra loco:
 Explorare uias, nec aperto prælia tantum
 Marte, sed hostili conseruisse dolo,
 Adde quod ipse meos tibi confecro iure labores,
 Pro meritis uidear gratus ut esse tuis.
 Namq; meæ peragunt secura quod ocia musæ,
 Id tua nimirum cura benigna facit.
 Ampla mihi tribuis studiorum præmia uati,
 Cæsare Virgilius qualia dante tulit.
 Aurea quid referam, quorum mihi multa dedisti,
 Pocula? quid celsæ splendida tecta domus?
 Pro quibus ingratum me nequa redarguat ætas,
 Nominis est æquum me meminisse tui.
 Tempus erit, laudum præconia quando tuarum
 Mæonijs peragat nostra Thalia modis:
 Namq; opus institui, ualidæ quo prælia dextræ,
 Atq; tuæ laudes commemorabo togæ.
 Mons ubi sublimis Helicon se tollit in auras,
 Roscida Musarum floribus arua nitent,
 Quos neq; Sol æstu, Boreas neq; frigore lædit,
 Nec spoliant ulli ueris honore dies.

ELEGIARVM

His tibi contexam de floribus ipse coronam,
 E ducibus qualem nemo sub axe gerit.
 Interea Princeps hunc accipe quæso libellum,
 Qui licet eloquij forsitan arte caret,
 Attamen egregias res continet, atq; pacis:
 Quo tibi præcipue nomine gratus erit.

IN OBTRACTATO- rem Gallum.

ELEGIA IX.

Non ita Cadmeæ lacerarunt Penthea matres,
 Diceris ut famam tu lacerare meam.
 Hoccine tunc merui de te, cum causa salutis,
 Præsidium uitæ cum tibi Galle fui?
 Quippe mea pœnam tibi supplice uoce leuavi,
 Ad graue supplicium cum rapiendus eras.
 Si tibi non præsto tunc ô ingrate fuisssem:
 Eesses in Viadri præcipitatus aquas.
 Quiq; Theoninis mihi uulneca dentibus inferis,
 Iampridem tacitis piscibus esca fores.
 Acre quid ingenium iactas? ac plurima legum
 Condita quæ memori pectore uerba tenes?
 Verba quidem (fateor) tibi mente tenaciter hærent,
 Nulla recordari sed benefacta potes.
 At nisi desieris rapido me carpere morsu,
 Qui modo cristatus Gallus es, ibis eris.

AD

ELEGIA X.

Mœsta quibus defles extincti funera Regis,
Legimus hic elegos culte Poëta tuos:

Miratiq; sumus lugubri carmine tantas,

Tamq; graues à te res potuisse cani.

Nam tua dum tristes deplorat musa querelas

Atq; Sigismundi fata suprema dolet:

Imbelli peragit præconia bellica uersu,

Ac tenero quiddam grandius ore sonat.

Inducit gelidum trepidare Boristhenis amnem,

Tela Polonorum dum uiolenta pauet:

Spumiferumq; Tyrann hostili cæde rubentem,

Occultare uado cornua fracta suo.

Quid referam, numeros sedati fluminis instar

Qui neq; per salebras, saxa nec alta, cadunt:

Nec splendore carent illo, nec diuite cultu,

Florida Nasonis quo monimenta nitent.

At tibi quando fauent sic aspirantq; Camœnæ,

Non decet Aoniam te posuisse chelyn:

His quibus excellis felicibus utere donis,

Pluraq; disparibus carmina conde modis.

Sic insigne feres nomen sic gloria fontis,

Pegasus alato quem pede fecit, eris.

ELEGIARVM
IN NATALEM ALBERTI
Friderici, Mārchionis Brandeburgensis,
filioli Alberti senioris primi
Ducis Prussiae.

ELEGIA XI.

QValia Dardanij capiebant gaudia ciues,
Natus ubi Priamo filius Hector erat:
Talia percipiunt ac gaudia tanta Borussi,
Alberto soboles est ubi nata Duci.
Gaudet ouans letis animis respublica, gaudet
Principis heredem quod senioris habet.
Omnia letifico resonant hinc compita plausu,
Moenibus exultant oppida penè suis.
Regius inprimis hilari mons urbe triumphat,
Quam bifidus multa Bregela ditat aqua:
Inter & humentes uitreo sub fornice Nymphas,
Ipse choros plausu corniger amnis agit.
Queq; tenent ripis uicina palatia Musæ,
Aonijs solunt ora canora modis:
Blanda; ludentes modulantur carmina plectris,
Fausta quibus puero læta; fata canunt.
Vt cecinere prius, cum sanguine clarus auito
Romulides tetigit Pollio natus humum.
Fortunata dies, nitidi quæ Solis anhelos
Idibus à Maijs quarta reducis equos,
Hanc tibi læticiam populosa Borussia debet,
Principis egregia prole superba sui.

Luce

Luce tua cœli productus uenit in auras
Qui columen patriæ (sit modo sospes) erit.
Cynthia Hesperias tendebat fessus ad undas,
Et prope lucis erat meta peracta tuæ:
Iam comes æthereis octaua iugalibus ibat
Hora coloratas sole notata genas,
Cum tulit ac partu feliciter edidit illum
Inclita Guelphorum sanguine nata parens.
Penniger incedens phœbeos ante iugales
Illo Mercurius tempore letus erat.
Is per Agenorei properabat lucida Tauri
Signa, uagus per quæ Sol & habebat iter:
Deq; Borussorum referebat principe nato
Ocyus Idaliæ nuntia uerba deæ.
Nanq; propinqua tenens æstiu brachia cancri
Stabat in octaua Cypria sede Venus.
Audiſt hinc Mauors: & ab illo rector Olympi:
Iunctus enim Marti Iuppiter ipse fuit,
Inq; domo nona, fuluiq; calente Leonis
Sydere, coniunctus duxit uterq; moram.
Diua leuat grauidas uteri quæ pondere matres,
Et uaga Lucinæ Delia nomen habet,
Felicem puero nascenti præbuit ortum
In primo niueis cardine uecta rotis.
Noxius obſtaret ſed ne felicibus aſtris,
Tum loca poſſedit falciſer ima ſenex.
O generoſe puer, felicibus edite ſtellis,
Spes populi, patris gaudia, matris amor.

E L E G I A R V M

Cresce, tuosq; refer proauos, insignia quorum
 Omne non lauo nomina bina geris:
 Cresce potens magni soboles & principis haeres,
 Te populo felix diuite terra manet,
 Quæ grauidas fruges, quæ dulcia munera mellis,
 Succina quæ liquidis gignit odora uadis.
 Et licet hæc eadem rigidis assueuerit armis,
 Indomitosq; ferat martia terra uiros,
 Tu tamen exactis olim puerilibus annis
 Quando reges patriæ tradita sceptrâ tuæ,
 Posthabitis armis pacem cole: pacis amantes
 Multos ex proauis, quos imiteris, habes.
 Pace nihil melius, nil pace salubrius orbi
 Terrarum, omnipotens qui regit astra, dedit.
 Pace Dei cultus, legumq; uerenda potestas,
 Et sacra Musarum gloria pace uiget.
 Pace frequens adfert Hymenæus gaudia sponsis,
 Educat & castus pignora casta torus.
 Pace suas mercator opes, sua rura colonus
 Possidet: absq; metu carpit & hospes iter.
 Tunc resonant cytharæ, tunc saltibus apta iuuentus
 Ad numerum coetu ducit ouante choros.
 At nihil est peius belloq; nocentius: adfert
 Omne malum belli perniciosus amor.
 Bella timore Dei mortalia pectora soluunt,
 Bellicus euertit publica iura furor.
 Bella nouenarum studijs inimica sororum,
 Terrificis cogunt cedere plectra tubis.

Bella

Bella nouus uiolant dominante libidine nuptas,
 Dira uerecundo bella pudore uacant.
 Bella suis uiduant crudelia ciuibus urbes:
 Eruta bellorum moenia clade ruunt.
 Nullus opes auget: nullas locat aduena merces:
 Nullus agit belli tempore tutus iter.
 Fertile nemo solum patrij tunc conserit horti:
 Tunc sterili squallent arua relictâ situ.
 Ergo colas pacem: nec laudibus arma togatis
 (Quantumuis fueris strenuus) ante feras.
 Sic Deus incolumem te seruet, & omnibus ornet
 Dotibus, ornatum te quibus esse decet.

AD IOANNEM BOGVN,
 Regis Poloniæ aulicum.

ELEGIA XII.

CVM nouus Aonidum cultor puerilibus annis
 Celsa petiturus culmina montis eram,
 Cûlmina lauriferi montis, quem fonte perenni
 Bellerophontæus nobilitauit equus.
 Ingrediebar iter uestigia nulla secutus,
 Meq; per ignotos error agebat agros.
 Obsita nunc dumis, limosaq; rura uaganti,
 Nunc mihi lassabant scrupæ saxa pedes.
 At procul aërio residens in uertice montis
 Vidit ut errorem Calliopea meum,

Risit:

E L E G I A R V M

Risit: meq; uocans, puer hac puer (inquit) eundum
 Est tibi, pars nostri si cupis esse chori.
 Ostenditq; uiam, quæ recto tramite, planum
 Ad sacra Musarum limina ducit iter.
 Est uia, non salebris, neq; callibus aspera duris,
 Sed læto uiridis gramine: mollis humo.
 Nec tamen inuentu facilis: nec quilibet illam,
 Floribus & lauris cum sit opaca, uidet.
 Hac ego, certa sequens ueterum uestigia uatum,
 Conscendi propero culmina celsa gradu.
 Tunc alacri plausu testatæ gaudia Musæ,
 Imposuere meis laurea ferta comis:
 Et Sulmone satus pharetrati lusor amoris,
 Ipse mihi dono plectra sonora dedit.
 At memor errorisq; molestorumq; laborum
 Quos subij quondam sustinuiq; puer,
 Omnibus hanc doctis tyronibus esse putauī
 Monstrandam, ostendit quam mihi Musa, uiam.
 Nam uideo simili multos errore uagantes
 Pegasei frustra quærere fontis aquam,
 Limosasq; pigræ sordes haurire lacunæ,
 Dum nequeunt sacro fonte leuare sitim.
 Ergo breuem pueris confeci Boge libellum
 Aonius quorum pectora uersat amor,
 Vt qua perueniant ad docti limina Phœbi,
 Indicio fiat semita nota meo.
 Hunc legisse tibi si non est forte molestum
 Dum meus hic præsens, hospes es, oro legas.

483

LIBER VI.
IN TVMVLVM ERAR.
di Hegelmanni uiri in-
tegrissimi.

ELEGIA XIII.

VT quoq; post obitum supremaq; funera paucis
Versibus, ac tumuli notus honore forem,
Nec simul extincto cum corpore tota periret,
Famaq; Lethæis nostra daretur aquis:
Condidit hæc uates mihi iunctus amore Sabinus
Carmina, lectores admonitura mei.
Teutonico genitrix me sanguine Francia natum
Aspera montanis edidit ora iugis.
Dulcia legitimi sum fœdera pactus amoris,
Hic electriseri sunt ubi stagna maris.
Acta per immensos breuis est mihi uita labores,
Difficili functus munere scriba fui.
Detulit Albertus secreta negotia Princeps
Multa ministerio consocienda meo.
Officijs homines ac publica commoda iuui,
Inq; meo nullus pectore liuor erat.
In primis me cura sacræ pietatis, & ardens
Sincera tenuit religionis amor.
Nota secuturis hæc opto nepotibus extent:
Sub tumulo mecum cætera condant humis.
Qui fuit æternæ Christus mihi causa salutis,
Exuijs rursus uestiet ossa suis.

A D

ELEGIARVM
AD EPISCOPVM VARMI-
ensem Stanislaum Hosium.

ELEGIA XIII.

INuida me cogit fortuna relinquere sedem,
Quam mihi Regali Bregela monte dedit :
Præpetibusq; meus se Pegasus incitat alis,
Ad liquidas Viadri iam rediturus aquas,
Ergo uale Præsul, quem Varmia, Monsq; salutis,
Arbiter & flauigurgitis Alla, colunt.
Sis felix nostriq; memor : te nostra uicissim
Semper inoblito pectore musa feret.
Te canet ad Viadri ripas : & ubiq; locorum
Soluēt honorificis laudibus ora tuis.
Quam mihi dulcis amor, quam nomen amabile Bēbi,
Lumine uitali cum frueretur, erat :
Et pars quanta mei Dantisq; pectoris olim:
Tu modo pars animæ tanta futura meæ.
Vtq; illos colui, sic te dignissime Præsul,
In quacunq; licet sim regione, colam.
Ac meus ante suas amittit Pegasus alas,
Hosius ex animo quam cadat ipse meo.

AD POSTERITATEM PRO ILLV-
strissimo principe Electore Ioachimo II.
Marchione Brand. contra
Paulum Iouium.

ELEGIA XV.

Candida

Candida posteritas, olim quæ temporis huius,
Viuerè quo nobis contigit, acta leges:
Historiam, Iouius quam nostro condidit æuo,
Plurima pro ueris falsa referre scias.
Ille quidem ueri studiosus (ut arbitror) egit,
Ederet ut scriptis non nisi uera suis,
(Tam præstantis enim clariq; uoluminis autor,
Quod facit, ingenij non leuitate facit)
Sæpe sed, Euganeæ quod & accidit urbis alumno,
Commentis habuit credulus ille fidem:
Falsaq; narranti deceptas præbuit aures:
Hinc, quæ cassa fide, sint quasi uera, refert.
Ut cum magnificis Perenum laudibus ornat,
Confecit patriæ qui mala multa suæ:
Cunq; ducem belli Ioachimum appellat inertem,
Magnanimiq; uiri pectus habere negat,
Principe quo uix est animi præstantior alter:
Illi militiæ detrahit omne decus.
Ad uada Danubij cingentem mœnia Pesti
Narrat degeneri sic trepidasse metu,
Ut sese abdiderit, neq; sit conspectus ab ullo,
Marte fero quoties pugna cienda fuit.
Infausti culpam belli deriuat in illum,
Ut qui nescierit munus obire ducis.
Multaq; præterea de principe narrat eodem,
Quæ nimis à uera sunt aliena fide.
Ergo secuturo ne tempore forsitan erres
Posteritas Iouij cum monumenta leges,

Accipe

E L E G I A R V M

Accipe uera, quibus mendacia tanti refellam :
 (Quod dictum tanti pace sit oro uiri)
 Non ego scriptoris proscindam carmine nomen
 (Haud adeò nostro cessit ab ore pudor)
 Sed referam fraudes intestinosq; tumultus ,
 Deploranda quibus Marchio damna tulit,
 Et quibus est factum, licet imperterritus esset,
 Ne gereret ductu prospera bella suo.
 Præterit has fraudes Iouius tacitasq; relinquit,
 Quas tamen historici prodere munus erat.
 Subuentura suæ Germania fida sorori
 Pannoniæ, duro quam pede Turca premit,
 Iusserat armari ualidas in bella cohortes
 Ipsa quibus miseræ ferre parabat opem,
 Atq; arcere procul nostris à finibus hostem,
 Regia qui Budæ moenia capta tenet.
 Totius imperij Ioachimus uoce rogatus,
 Difficilis belli suscipiebat onus.
 Iamq; uiris armisq; suis instructus ad Istrum
 Venerat : inq; hostem ductor iturus erat :
 Sed non imperij miles confluxerat omnis
 Ante sub aduentum iussus adesse ducis.
 Maxima pars aberat, lenteq; trahebat eundo
 Tempus : erat subito pars reuocata domum.
 Nam cum fama leuis de Cæsare sparsa fuisset,
 Naufragus æquoreis quod periisset aquis :
 Horrida tempestas armorum mota procellis ,
 Teutona diuersis perculit arua locis.

Effra

Efferat Cæsareos inuasit Gallia fines,
Vrbibus ac rupto foedera damna dedit
Quas pater umbrosa redimitus arundine Scaldis,
Quasq; uidet ripis surgere Mosæ suis.
Belgica quin etiam populatus rura Sicamber
Funesta populi non sine clade fuit.
Atroci fremuit tellus quoq; Iulia bello:
Sumpsit in hanc ultrix Cæsaris arma soror.
Nobile Brunonis cognomen ab urbe tenentem
Saxones armata ui pepulere ducem.
Territus hoc subito uiolenti turbine martis,
Vicini metuit fulmina quisq; sui:
Pannoniæ nec opem tulit auxiliaribus armis
Cuiq; suæ propior cura salutis erat.
Auxilium quis enim, ducendaq; mitteret istuc
Agmina, dissidio bella mouente domi?
Nec minus Hungariæ procures, quos arma iuuabat
Nostraq; sancito foedere signa sequi,
Obstantem fecere moram, Germania postquam
Languida distracto corpore facta fuit.
Ardua res ipsis est uisa, laceßere Turcam,
Marte domi nostros impediante duces.
Cunq; forent tandem bis terq; quaterq; uocati,
Viribus auxerunt agmina nostra suis,
Castraq; iunxerunt castris: sed idonea bello
Aestas interea temporis acta fuit.
Et iam Pannonicis ubi iuncta cohortibus esset
Nostraq; robustis uiribus aucta manus,

E L E G I A R V M

Non adducta prius belli tormenta fuerunt,
 Expugnanda quibus moenia quassa ruunt,
 Quam ni ido cœli fulgentem sydere Libram
 Aureus alatis sol peragraret equis.
 Obstitit aduerso ualidus luctamine uentus,
 Tunc ubi Danubij subueherentur aquis:
 Flatibus assiduis animosus inhorruit Eurus,
 Ceu foret Eois æquior ipse Getis.
 Inde procellosis agitate fluctibus undæ
 Tormentis grauidas impediere rates.
 Tristia quid referam seuæ contagia pestis?
 Quæ quoq; pro nostris hostibus arma tulit,
 Multorumq; dedit crudeli funere stragem,
 Lætifera spargens noxia tela manu.
 Qualia senserunt Danai, cum cincta premebant
 Pergama, & Iliacas obsidione domos.
 Humidus autumnus, uento turbataq; cœli
 Temperies, diræ pestis origo fuit.
 Adde quod in castris quoq; nulla pecunia præsens,
 Militibus ductor quam numeraret, erat.
 Non suggestit enim diuors respublica sumptum,
 Vnica uel legio quo potuisset ali.
 Aeger, nudus, inops exercitus æra petebat,
 Indigno renuens murmure iussa ducis.
 Hæc ea causa, nihil cur sit memorabile gestum:
 Ecquid enim ductor, qui caret ære, gerat?
 Quod uero Iouius plenum formidinis illum
 Infami memorat delituisse loco,

Tunc

Tunc ubi tormentis Pesti concussa fuerunt
Mœnia : non uero teste probata refert.
Conueniente loco turmas erat inter equestres
Marchio, sublimi conspiciendus equo :
Omnibus hoc illis no:um, quicunq; secuti
Bellica tunc armis signa fuere suis.
Quodq; sit intrepidus princeps expersq; timoris,
Ipsius ante manu parta trophæa probant.
Vix ingressus erat florentis prima iuuentæ
Tempora, uirtutis cum documenta dedit :
Turcica Casani fudit ducis agmina, quorum
Austria montanis occulit ossa iugis.
Cunq; sit Heroum generoso sanguine cretus,
Non hominis certe pectus inertis habet.
Fortibus eduntur fortes : claroq; parentum
Semine progenies orta, timore caret,
Non pauidam Veneris uolucrum Iouis armiger ales,
Imbellem generat non leo fortis ouem.
Ergo Posteritas Iouio ne crede, sed omnem
Hac in parte illi detrahe, deme, fidem.
Et uos Aonides, quibus est concessa potestas
Ornandi æterno laudis honore uiros,
Hoc precor impressum Ioachimo nominis ingens
Dedecus, hanc turpem uos abolete notam.

ELEGIARVM
IN ANNVLVM INCLYTÆ
coniugis, illustrissimæ principis Nicolai
Radeuile, Ducis Olycæ, Pa-
latini Vilnensis.

ELEGIA XVI.

ANnule quæ digito tulit inclytâ Principis uxor,
Ac mihi pergratum munus habere dedit,
Tunc ubi longinquas orator missus in oras,
Quas uicina polo despicit arctos, eram
Meq; potens Olycæ Dux in sua tecta uocari
Iusserat: herbofo tecta locata solo:
Vnde breui distant spacio celeberrima Regis
Mœnia, quæ Vilnæ nomen, ab amne tenent:
Ecquibus ornabo te laudibus annule? primum;
Non leuis es precij uile nec artis opus.
Insignem rutilo gemmam complecteris auro;
India quam calido sole perusta tulit.
Orbis & ex auro tuus est, quod nascitur illic,
Surgit ubi aërijs Pannonia terra iugis.
Artificisq; manus te docta coloribus uestis
Pinxit, ut hac rara gratior arte fores.
At licet excellas gemma pretiosus & auro,
Fecerit artificis teq; perita manus:
Hoc tamen imprimis mihi nomine gratus haberis;
Fœmina quod dono te mihi tanta dedit,
Illustri quæ nupta Duci, quæ clara parentum
Stirpe, decus magnæ nobilitatis habet,

Laudas

107

LIBER VI.

Laudatamq; refert Helenæ pulcherrima formam :
 Sed thalami non sic frangit, ut illa, fidem.
 Namq; pudicitiae leges, & honesta tuetur
 Casto legitimi corpore iura tori.
 Pluris ob id fies : charisq; uidendus amicis
 Sæpius in digito conspiciere meo.
 Te mea quin etiam festis quandoq; diebus
 Induet articulis uxor amata suis,

DE CRATERE SVO
 Philotesio,

ELEGIA XVII.

INter induratas pateras, & munera regum,
 Quæ mensam decorant conspicienda meam,
 Talis hic est crater fulgenti splendidus auro,
 Docte fuit crater qualis Erasme tuus,
 Dulcia quo musis & amicis uina solebas
 Propinare, tuos cum subiere lares,
 Ille potentis erat pretiosum & nobile munus
 Principis : hunc etiam Principe dante tuli :
 Principe, quo gaudent Litæi : quem regia iactat
 Vilna Palatini nomen habere sui.
 Ille ministrabat musarum nectar alumniis,
 A quibus & crater dictus amoris erat :
 Hic quoq; Pieridum, quibus est sacratum, alumnos
 Nectare concordem exhilarante facit.

ELEGIARVM

Illum fama manet nullo interitura sub æuo :
 Huius erit similis carmine fama meo.
 Hunc ego siue meis proponam lætus amicis
 Siue tuo plenum Bacche liquore bibam,
 Verba relaturus sum talia, pignus amoris
 Hoc mihi Nicoleus Dux Radeuila dedit.

AD IOANNEM SCHOSSE-
 rum, laurea Poëtica & insignibus nobi-
 litatis à se ornatum.

ELEGIA XVIII.

Regia qui gestant trabeati sceptrâ Quirini,
 Distinctos hominum constituere gradus
 Vt uirtus in honore foret : nec inertibus essent
 Hi, quibus ingenium nobile & acre, pares.
 Nam uelut agricolæ distinguunt semina frugum,
 Et meliora serunt fertilior solo:
 Sic quoq; secerni decet hos à plebe, merentur
 Qui clarum ingenio nobiliore decus.
 Ergo magnanimo qui pectore castra secuti
 Fortiter hostiles sustinuere manus :
 Aut qui uirginei concesso culmine montis
 Aonidas studio demeruere suo :
 His tribuunt reges, uel nobilitatis honorem,
 Laurea uel nitidis ferta gerenda comis.

Cum

Cum uero teneant spacio distantia longo
Oppida : nec possint omnibus esse locis:
Mandauere suis munus regale ministris,
Qui tribuant claris nomen equestre uiris.
Et celebres ornent uates Daphneide lauro,
Dulce canens quorum labe Camœna caret.
Roma Palatmos Comites hos nominat ipsos,
Tale quibus regum munus obire licet.
Hos inter Comites ego sum quoq; nomen adeptus :
Aula Palatinum me Laterana uocat.
At, mihi si quisquam lauro donandus : haberi
Hic Schoffere tibi candidè debet honos.
Aequat enim celebres tua carmine musa Poëtas,
Quos uetus Augusti tempore Roma tulit.
Lenia ceu placido labuntur flumina cursu
Consita quæ blandis floribus arua secant,
Sic iucunda fluunt leni tua carmina ductu,
Et nihil in numeris asperitatis habent.
Insigniq; nitent cultu : referuntq; sonoros,
Naso dedit quales ore canente, modos.
Ergo laurigeri quo uatis honore fruaris,
Cingo tuum lauri fronde uirente caput.
Nec pudeat nostro te munere ferre coronam :
Haud minus iste meo munere crescet honos,
Quàm si bellipotens eadem tibiserta dedisset
Carolus, imperij qui moderatur opes.
Nanq; ego iudicium de carmine carminis autor
Belligero melius Cæsare ferre queo.

E L E G I A R V M

Præterea quo maior honos & gloria maior
 Excitet ingenium doctæ Poëta tuum,
 Confero Laurigero uati tibi nomen equestre,
 Quicquid & ordo simul iuris equester habet.
 Hinc tua posteritas generosa uocabitur omnis,
 Est è legitimo si qua futura toro.
 At quibus utaris clarorum more uirorum,
 Hæc monimenta tuæ nobilitatis erunt,
 Cæruleus clypeus: uiridi galea aurea lauro
 Præcincta: in clypeo fortis imago uiri.
 Arma uir indutus fuluo cælata metallo
 Stabit: is alatos debet habere pedes.
 Falcatum dextra gladium, læuaq; tenebit
 Impexum torto Gorgonis angue caput.
 Talia tradantur tibi cur insignia quæris?
 Inachidæ uatem Regis imago decet.
 Ille nisi anguicomæ secuisset colla Medusæ,
 Ipse Medusæus non foret ortus equus:
 Irrorare quibus soliti sunt ora Poëtæ
 Pegaseas Helicon mons nec haberet aquas.
 Te uirtute sua Danaëius excitet heros:
 Inflamment animos illius acta tuos.
 Horrendam gladio confecit ut ille Medusam;
 Sic te barbaries conficiente cadat.
 Quod superest, istis insignibus utere felix:
 Lauriger ac titulum nobilitatis habe.

F I N I S.

CÆSARES

GERMANICI DE-

SCRIPTI A GEOR-

GIO SABINO

Brandeburgensi.

EOBANVS

HESSVS.

VNius immenso monimenta uolumine dixit
 Mæonides, Ithaci claraq; facta ducis,
 Multorum exiguo monimenta uolumine dixit,
 Hoc duplici claudens sine Sabinus opus.
 Accipe nunc generosa tuas Germania laudes
 Ni sis, ut solita es, nescia forte tui.
 Quanta sit ingenij, quæ gratia carminis huius,
 Tam te scire uelim, quam rogo ut ista legas.
 Si qua fides tamen est senioris habenda poetæ,
 De iuvene, oraculi carmen id instar habe,
 Me nisi fama chori uatum uulgata fefellit,
 Gloria Pieridum prima Sabinus erit.

DE CAESARIBVS GERMANICIS.

LIBER I.

CAROLVS MAGNVS.

Carolus antiquis Francorum regibus ortus,
Imperij meruit uindice sceptrum manu,
Cum Desiderij fera contudit arma tyranni,
Finibus Ausonijs qui metuendus erat.
Cumq; rebellantes per multos Saxona annos,
Traiecto domuit flumine Moene tuo.
Excisis Auarum compescuit urbibus Hunnos,
Gens quibus asperior cognita nulla fuit.
Condedit & septem deductis castra colonis,
Paeoniae celsis aspicienda iugis.
Atq; Saracenos ab Iberi depulit undis,
Irrigat Hesperios huc ubi Bætis agros.
Astrorum cursus, & fata regentia mundum,
Scrutari solitus tempore pacis erat.
Addictusq; fuit concessa per ocia Musis,
Doctus in alternos cogere uerba pedes.
Carmina, morte quibus Rolandum fleuit ademptum,
Quattuor hæc eius nomine uulgus habet,
Tu patriam repetis, tristi nos orbe relinquis,
Te tenet aula nitens, nos lachrymosa dies.
Sed qui lustra geris binos octo super annos,
Ereptus terris, iustus ad astra redis.

Teutones

110

GERMANICI

Teutones arctois etiam quibus utimur oris,
 Nomina bisseis mensibus ipse dedit.
 Cum quater, à decimo, tria lustra peregerat, anno
 Ultima longæuum fâta tulere senem.

LUDOVICVS PIVS.

Filius imperij cœpit Ludouicus habenas,
 Nomen ab insigni qui pietate tulit.
 Hic studium pacis cum bella perosus amaret,
 Marte tamen clarus militiâq; fuit.
 Cymbrica sedato pacauit regna tumultu,
 Exitium fratri fratre mouente suo.
 Compulit & sumptis abistere Britonas armis,
 Stricta iubens sæua ponere tela manu.
 Expulit Ausonios & Tybridis urbe Quirites,
 Qui caput exortæ seditionis erant.
 Fœlix, si sterili sobolem natura negasset,
 Nullus & uxoris cognitus esset amor.
 Quos genuit natos, crudeles repperit hostes,
 A quibus heu captus uincula sæua tulit.
 Mox tamen ereptus fatali carceris antro,
 Cœpit honorata reddita sceptrâ manu.
 Emeritam clausit supremo sine senectam,
 Mogus ubi Rheni cornua miscet aquis.

LOTHARIVS I.

Laude nihil dignum fama; Lotharius egit,
 Intulit iniustus fratribus arma suis:

A qui-

C A E S A R E S

A quibus aduerso belli certamine uictus,
 Tristia cum turpi damna pudore tulit.
 Dignus hic iniustis solet exitus esse tyrannis,
 Impius in tantum quos scelus error agit :
 Nominis ut fama, regniq; cupidine ducti,
 Horrida cum proprio sanguine bella gerant.

L V D O V I C V S II.

Regia defuncti Ludouicus sceptris parentis,
 Imperij summo dignus honore tulit.
 Vandalicæ fregit superato principe gentis
 Instabiles animos, instabilemq; fidem.
 Huius ut in duro uirtus est cognita bello,
 Sic etiam miti cognita pace fuit.
 Ingenuas coluit studijs ac sumptibus artes,
 Quæ multis odio regibus esse solent.
 Tempore Cæsareas à quo suscepit habenas,
 Bis geminis lustris additus annus erat :
 Ausonijs placida cum morte quieuit in oris,
 Insubrum celebri conditus urbe iacet.

C A R O L V S C A L V V S.

Carolus imperij fraudauit honore nepotes,
 Qui licet iniustus, uir tamen acer erat.
 Deuicit Ligurum populantes æquora Mauros,
 In celerem uertens barbara terga fugam :

Et pro-

444

GERMANICI

Et procul occiduo submotos orbe Britannos
Compulit optatæ pacis amore frui.
Mincius Andinos ubi flumine proluit agros,
Mixta bibit medici fraude uenena sui.

CAROLVS CRASSVS.

CRassus ab infesto submouit Pannonas Istro,
Cimbrica uictrici fudit & arma manu.
Sed quàm fortis erat primis & strenuus annis,
Tam senio factus mollis inersq; fuit.
Regis ob ignauam priuatus nomine uitam,
Turpiter imperio decidit ipse suo.

ARNOLPHVS.

ASpera cum Cimbris Arnolphus prælia fecit,
Quos patria domitos uictor abegit humo:
Gallica qui longo uastantes oppida bello,
Non leuis imperio causa timoris erant,
Cepit & Ausoniam depulsis ciuibus urbem,
Templaq; militibus diripienda dedit.
Quas meruit iustas soluit pro crimine pœnas,
Syllanis moriens uermibus esca fuit.

LVDOVICVS III.

TErtius indomitis Ludouicus uictus ab Hunnis
Multa tulit forti non patienda uiro.
Perdere

C A E S A R E S

Perdere uindictibus quos ultor debuit armis,
 Turpiter his empta pace tributa dedit.
 Ingressus modico Veronæ milite portas,
 Venit in hostiles, captus ab urbe, manus:
 Supplicioq; graui membris genitalibus orbus,
 Est datus, Insubrum rege iubente, neci.

C O N R A D V S I.

MArte ferox Scythicis Conradus restitit Hunas
 Atq; neci uictor millia multa dedit: (nis,
 Aenus ab Alpina præcepit ubi rupe uolutus,
 Humectat gelidis Norica rura uadis.
 Francorum ueteri postremus origine Cæsar,
 Stirpe fuit gentis deficiente suæ.

H E N R I C V S A V C E P S.

Cum sine legitimis defuncto Cæsare natis,
 Regia progenies nulla superstes erat:
 Albis ad arctos Henricus transtulit undas
 Sceptra, Luitholdo Saxone natus auo.
 Fallere quod uolucres laqueis uiscoq; solebat,
 Aucupis aucupij nomen ab arte tulit.
 Hic domitis cogens mitescere cornubus Istrum,
 Norica uastatis oppida cepit agris.
 Misniacis celebri fama notissima terris,
 Vrbs uetus à Martis nomine dicta iacet,

Ad

Ad quam Pannonici contundens agmina regis,
 Barbare te patria depulit Hunne sua.
 Effera quid posset uirtute Bohemia sensit,
 Inq; fugam celeri Dalmata uersus equo.
 Marchiacæ pariter sensit ferus incola terræ,
 Structa super ripas urbs & Hæuele tuas:
 A duce quam Brenno fundatam Teutones olim,
 Vandalici sed tunc incoluere duces.
 Ut foret insignis uictoria nota triumphi,
 Laudibus hic statuit digna trophæa suis:
 Conditor erexit celsi fastigia templi,
 Quod de Christipara uirgine nomen habet.
 Mortuus est senos ubi quinq; bis egerat annos:
 Non habuit longo tempore Roma parem.

OTHO MAGNVS.

S Axonicis domitos Otho finib. expulit Hunnos,
 Quos pater augusta uicerat ante manu:
 Hosq; reuertentes ingenti clade peremit,
 Hic ubi Sueuorum perfluit arua Lycus.
 Centum uulneribus ceciderunt millia, septem
 Vix sibi difficili consulere fuga.
 Bella laceßitus cum fratre domestica gessit,
 Ad Rheni uictor quem superauit aquas.
 Hostiliq; truces inuadens Marte Bohemos,
 Subdidit imperio regia sceptræ suo.
 Ausus & inuito Romam censere senatu,
 Priscæ dedit populo iura Quirine tuo:

Pastor

C A E S A R E S

Pastoremq; Dei lacero praefecit ouili,
 Qui pius ac tanto munere dignus erat.
 Cepit & Insubrum deuicto moenia rege
 Ticini ferro depopulatus agros.
 Argiium Calabris eiecit montibus hostem:
 Et Beneuentanum depulit urbe ducem.
 Marte rebellantes Heduos, Gallosq; subegit,
 Ingressus fines Sequana terra tuos.
 Vicit & Hectora natos ab origine Francoꝝ,
 Imperij nobis qui peperere decus.
 Mogus ubi inuicto miscet sua flumina Rheno,
 Et generi & nati contudit arma sui.
 Inuida quæ longo tellus absconderat æuo,
 Eruit Hercinijs prima metalla iugis.
 Albiacis urbem uicinam condidit undis,
 Quæ de uirginibus nomen adepta tenet.
 Clara sub hoc meruit Germania principe, laudis
 Quicquid habet Latium, Græcia quicquid habet.

O T H O S E C V N D V S.

NEc fuit inferior primo uirtute secundus,
 Multa domi gessit prælia, multa foris.
 Danubius rapidis ubi Norica perfluit undis
 Iugera, conseruit cum patruale manus:
 Ipsius ambibat qui seditiosus honores,
 Factus & iniusto Marte rebellis erat.
 Sole coloratos Mauros, Numidasq; feroces,
 Finibus eiecit Daunia terra tuis.

Victa

113

GERMANICI.

Victa triumphalem dedit illi Græcia palmam,
 Infectasq; sua Gallia cæde manus.
 At nauale gerens externo milite bellum,
 Incidit in Siculas proditione rates:
 Captus ubi docto prædones ore fefellit,
 Quod poterat Graio reddere uerba sono.
 Aequa solo posuit Beneuenti moenia flammis,
 Hac quod ab infida proditus urbe foret.
 Passa sub hoc longum Germania Cæsare frigus,
 Penè fuit sæuo tota perusta gelu.
 Tempore quo calcat maturas uinitor uuas,
 Bruma repentinas sparsit obortu niues:
 Et concreta suum tenuerunt flumina cursum,
 Donec hyems tepido uere soluta fuit.
 Cœruleus leni quam perfluit agmine Tybris,
 Mortuus extremum clausit in urbe diem.

O T H O I I I.

Venit ad imperium teneris Otho tertius annis,
 Imperio nondum cum satis aptus erat:
 Sed matura uirum quo tempore fecerat ætas,
 Nec patre, nec forti degenerauit auo.
 Germano Latias ingressus milite terras,
 Romulea cepit moenia facta manu:
 Crescentemq; illic hostilibus obruit armis,
 Cæsaris Aeneadæ quem coluere loco.
 Victor & eripuit bella certamine capto
 Pontifici, fossis lumen utrunq; genis:

P

Nil

CÆSAR ES

Nil ueritus summi quod ianitor esset olympi,
 Cœlestes posset qui referare fœres.
 Ut penes immensi nos tota potentia mundi,
 Semper & imperij gloria summa foret.
 Regia constituit quibus est electio cura,
 Præcipua septem nobilitate duces:
 Teutonicaq; genus qui non ab origine ducunt,
 Hæredes uetuit nominis esse sui.
 Legibus acceptum Germania debet Othonis
 Ferre, quod imperij laudibus aucta manet:
 Et quod adhuc nostri uiget integra gloria regni,
 Gloria, Francorum quam peperere manus.

HENRICVS CLAVDVS.

Cum priuatus adhuc princeps Henricus agebat
 A patruale suo uictus Othone fuit:
 Sed postquam summos est Cæsar adeptus honores,
 Auspicijs gessit prospera bella suis.
 Coniugis edomuit fratrem, semperq; rebellis
 Ipsius est forti milite capta Metis.
 Cinxit & infestis Gandauit mœnia signis,
 Tempore quo subiit Flandria uicta iugum.
 Oenotrijs hostes Argiuos expulit oris:
 Contudit & Phrisios, Marte fauente, duces.
 Sarmatica iunctos fudit cum gente Bohemos:
 Omnes Vandalici fregit & hostis opes.
 Rege sub hoc, ueterum cultus exosa deorum,
 Pannonis est Christi terra professa fidem.

Magnus

145

GERMANICI.

Magnus & insolitis arsit feruoribus æstus,
 Ortus ubi uterno tempore Maius erat.
 Sole laborantes ussit sitis arida campos:
 Ac perijt culmis languida facta seges.
 Vnde per Europam uictus annona negauit,
 Pestis & est longam dira sequuta famem.
 Additus Henricus cum celite coniuge diuis,
 Annua promeruit numine festa suo.

CONRADVS II.

Signa Pharetratos mouit Conradus in Hunnos,
 A quibus infesto Marte petitus erat.
 Versaq; pugnaces Heduos dare terga coëgit,
 Quos Burgundiones tempora nostra uocant.
 Sarmaticum regem dum fortibus adiuuat armis,
 Qui patrijs exul sedibus actus erat:
 Sæpe triumphatos affecit clade Polonos,
 Sæpe Bohemorum cæde repleuit humum.
 Vda paludosis habitatur terra Sicambris,
 Martia uulgatum Geldria nomen habet:
 Aeger in hac obiit supremo funere mortem,
 Imperium nato suscipiente suo.
 Rhenus ubi Nemetum ueterem præterfluit urbem,
 Conditus in diuæ uirginis æde iacet.

HENRICVS NIGER.

Pannonio geminos Henricus ab hoste triumphos
 Contusis retulit uiribus Hunne tuis:

P 2 Non

C A E S A R E S

Non negat argenti Sauus id conterminus Istró,
 Purpureum cuius sanguine flumen erat.
 Compulit & fortes celeri uirtute Bohemos,
 In sua submissas tendere iura manus:
 Hic ubi flauentes exæstuat Albis arenas,
 Et celer undoso gurgite Mulda fluit.
 Vicit & extremos Morinos, Belgasq; potentes:
 Dedita tunc studijs gens ea martis erat,
 Nunc agit imbellem discincta per ocia uitam,
 Mutandisq; suas mercibus auget opes.
 Tres quoq; pontifices Romana sede potitos
 Arbiter Ausonia cedere iussit humo.
 Quæq; graues olim belli motura tumultus
 Causa fuit, nato perniciofa suo:
 Sedis Apostolicæ procures iurare coëgit
 In patriam fecit cum rediturus iter,
 Vt quicumq; sacri munus pastoris obiret,
 Cæsaris electus uoce probante foret.
 Qua situs est genitor, requiescit in urbe sepultus
 Ad liquidas Rheni prætereuntis aquas.

H E N R I C V S I I I I .

Gregorium sacræ priuauit honore cathedræ
 Quod magicæ studio deditus artis erat,
 Et contra mandata sui legesq; parentis
 Pauit, apostolico munere functus, oues.
 Cumq; rebellarent antistitis arma secuti
 Qui ripas habitant Saxones Albi tuas:
Vastatos

Vastatos incendit agros, poenamq; coëgit
 Oppida uindictæ capta subire suæ.
 Vltus est digna mulctatum cæde Rodolphum
 Carmine cum tali qui diadema tulit :
 Petra dedit Petro, Petrus diadema Rodolpho :
 Munus enim falsi præsulis istud erat.
 Hunc ubi prostratus uiolenta morte iacebat,
 Delicti puduit poenituitq; sui,
 Tam quod ob indignam deserto principe causam,
 Impia Pontificis iussa secutus erat.
 Scilicet aspiciens mutilatam uulnere dextram,
 Talia mœrenti pectore uerba dedit.
 Ergo quod iniustus cum Cæsare prælia feci,
 Bellaq; suscepi Marte nephanda meo,
 Iuratamq; fidem manus hæc scelerata fefellit :
 Perfidiæ poena conueniente luo.
 Post ducis interitum supremamq; fata Rodolphi
 Cæsar ubi facta pace quietus erat,
 Imperio nati crudelibus excidit armis :
 Res ea Pontificis fraude peracta fuit.
 Exul apud Belgas lumen uitale reliquit :
 Defuncti Nemetum corpus in urbe iacet.
 Teutones hoc Solymam uiuente recepimus urbem
 Cæsare, quæ longo tempore capta fuit :
 Quam serus Aegypti regnator ademerat armis,
 Imperio cuius subdita Memphis erat,

C A E S A R E S

H E N R I C V S V.

Iusta tulit natus scelerati præmia facti,
Proq; sua pœnas impietate dedit:
Quem prius adiutum socijs defenderat armis,
Detestanda gerens cum patre bella suo:
Terribiles huius diras & fulmina sensit:
Hæc solet Ausonij præsulis esse fides.
Cæsar at æquali fraudem mercede rependens,
Fecit in Italiam cæde cruentus iter:
Omnia concutiens ubi tristibus oppida bellis,
Hostili Latios igne cremabat agros.
Martia quæ iactat se nomine Roma Quirini,
Plena cadaueribus, sanguine plena, fuit.
Discedensq; sui crudelia signa furoris
In patriam uictor cum referebat humum:
Vincula Pontificem captiui more gerentem
Ante triumphales ire coëgit equos.
Quattuor hoc uno signantur marmora uersu,
Quo situs in Nemetum conditur urbe loco:
Filius hic, pater hic, auus hic, proauus iacet istic:
Marmora uisuris inspicienda patent,
Surgit ubi diuæ templum uenerabile matris,
Quæ sacra uirgineo pondera uentre tulit.

L O T H A R I V S S A X O.

Saxo rebellantes uirtute Lotharius urbes
Compulit imperij fœdus inire sui.

Hostilem

Hostilem domuit Capuam, domuitq; Cremonam:

Multaq; diuersis oppida capta locis,

Addua quæ gelidis, quæ perfluit Aufidus undis,

Ac taurina gerens cornua fronte Padus.

Noricus ultori Pegnesidos accola ripæ,

Obsessa domitam tradidit urbe manum.

Captaq; de Nemetum uictorem plebe triumphos

Spira coronatis ducere uidit equis.

Formidanda sui spernentem fulmina martis,

Te quoq; Casareo subdidit Vlma iugo.

Nec minus urbanas ad pacis idoneus artes,

Fortia quàm belli promptus ad arma fuit.

Restituit ueterum neglecta uolumina legum,

Inq; scholis iussit publica iura legi,

Quæ prius obscura sub nocte sepulta iacebant,

Plenaq; squalabant puluere, plena situ.

Ipsæ suo dictam de nomine condidit urbem,

Mortuus in patria qua requiescit humo.

CONRADVS SVEVVS.

Magnanimos Cōradus agens in prælia Sueuos
Ad Solymas longum per mare fecit iter:

Aduentusq; sui formidine terruit hostem,

Victor Idumæam qui populatus erat:

Vindice quem dextra Iordanis ab amne fugauit,

Humectat Pharios huc ubi Nilus agros.

Ac celebri partum ducturus laude triumphum,

Cum reduci patriam classe petebat humum,

CAESARES

Nomen ubi ponto Nephelias induit Helle,
 Vastus & Euxinas Bosphorus arctat aquas:
 Perdidit inuictas amisso milite vires,
 Hospitis indigna proditione sui.
 Ergo nec immeritas expendit Thracia poenas,
 Nunc ab inhumanis capta Borysthenidis.
 Sustinet imperium Getici crudele tyranni,
 Quod fuit in iustos fraude maligna duces.

FRIDERICVS BAR- barossa.

INclita Germanæ Fridericus gloria gentis,
 Ingenio duri martis amante fuit.
 Sedibus ac regno Gelpbos eiecit auito,
 Pingue Cheruscorum qui tenuêre solum:
 Saxonicis pulsus quibus Electoris honores
 Abstulit, Ascaniæ principibusq; dedit,
 Quos tribus augustis natos ab Othonibus aiunt
 Nobile Cæsarei sanguinis esse genus.
 Eruit Insubrium disiectam funditus urbem,
 Tempore quo summi præsulis hostis erat:
 Remq; breui gestam signari carmine iussit,
 Hic stetit Insubrium nobile gentis opus.
 Mos antiquus erat, qui publica commoda pacis
 Cæsare turbasset bella gerente foris,
 Totius imperij reus inspectante senatu,
 Ut canis impositum, corpore ferret, onus.

Ergo

Ergo quod Italicis dum concita gessit in oris
 Bella, Palatinus mouerat arma domi :
 Hunc, licet inuitum detractantemq; coëgit
 Inclyta per Nemetum mœnia ferre canem.
 Imposuitq; duci nomen regale Bohemo,
 Qui sua militiæ signa secutus erat :
 Cuius in ambiguo sæui discrimine martis,
 Sæpe fuit uirtus, sæpe probata fides.
 Cum Veneto gessit quo tempore bella senatu,
 Procubuit summi Præfulis ante pedes :
 Supplice delicti ueniam, quibus, ore precatus,
 Oscula cum turpi fixa rubore dedit.
 Terrarum dominum quid inani ludere fastu,
 Iuuit Pontificem Roma superba tuum ?
 Armeniæ uitam submersus in amne reliquit,
 Fortia cum sæuis intulit arma Getis.
 At nisi crudeli præuentus morte fuisset,
 Imperij fines ultima Bactra forent :
 Hostis & Europæ qui nunc affectat habenas,
 Vix Asiæ minima parte teneret humum.
 Hoc stetit, hoc cecidit Respublica Cæsare Christi,
 Quæ sine nunc ullo uindice lapsa iacet.

HENRICVS VI.

Tristia submersi natus post fata parentis,
 Regia concordi sceptrâ fauore tulit.
 Obsidione premens Vbiorum mœnia cinxit,
 Vltus & est capta Præfulis urbe fidem :

P 5

Qui

C A E S A R E S.

Qui Burgundiacæ confusus robore gentis,
Imperij lapsas despiciebat opes.
Edomuit victor Calabras & Iapygis oras,
Pulsaq; Sicanio trinacra regna mari:
Sunt ubi Cyclopum fumantibus antra caminis,
Urget & Enceladi molibus Aetna caput,
Cuius anhelanti prorumpunt ore fauillæ,
Brachia cum sæuo fulmine tacta mouet.
Funeris ante diem nato commisit habenas,
Imperium certo ne sine rege foret.

P H I L I P P V S.

Cæsarea pepulit de sede Philippus Othonem,
Proq; suo regni frena nepote tulit:
Donec is utilibus crescens adolesceret annis,
Qui patris electus tempore Cæsar erat.
At Romana pium damnauit curia regem,
Curia quæ nunquàm regibus æqua fuit:
Cæsaream stygijs animum deuouit & undis,
Præsul enim pulsi fautor Othonis erat.
Motus ob id sæuos tulit arma Philippus in hostes,
Consilio quorum res ea gesta fuit.
Diripuit captas Vbiorum præsulis urbes,
Qui totius erat fons & origo mali.
Tyrizetasq; acres domuit, quos nostra Doringos
Barbara corrupto nomine lingua uocat.
Post uarios belli casus, actosq; labores,
Dum secura trahens ocia, solus agit:

Ac iubet.

GERMANIC I.

Ac iubet incidi turgentem sanguine uenam,
Traditus occubuit militis ense neci.

OTHO IIII.

Summus ad imperium præsul reuocauit Othonē
Mox ubi sublatus cæde Philippus erat.
At Deus exegit pœnam iustissimus ultor:
Cæsareas paruo tempore rexit opes.
Excidit imperio Romani fulminis ictu,
Læsus ubi spreto numine præsul erat.
Hic, quibus incessit dominandi praua cupido,
Exitus iniustus regibus esse solet.

DE CÆSARIBVS GERMANICIS.

LIBER II.

FRIDERICVS II.

Imperium pulso Fridericus Othone secundus
Cepit, ubi natus bis duo lustra fuit:
Quem prius exosum Romanus præsul habebat,
Cum regale puer nomen adeptus erat:

Legiti=

C A E S A R E S

Legitimusq; patri succedere debuit hæres,
 Præripiente fero munus Othone suum.
 Sueuus hic Argolicis potuit depromere uerbis
 Omnia, quæ uoluit scribere, siue loqui.
 Eiq; Saraceno uersos sermone libellos
 Transtulit in linguam Roma diserta tuam.
 Marte Brabantiacas urbes populosq; rebelles,
 Atq; Lotharingos contudit acre genus:
 Adductoq; procul ferientes Pannonas arcu,
 Quos Sauus & gelidis asperat Ister aquis.
 At dum uindictibus repetitas asserit armis,
 Quas sacer imperij præsul habebat, opes:
 Ianitor intumuit cœlestis Honorius aulæ,
 Formidata mouens numinis arma sui.
 Offensi metuens Fridericus præsulis iram,
 Posset ab hostili tutus ut esse dolo,
 Imperij natum consortem in sede locauit:
 Falsa sed heu quantum pectora fraudis habent;
 Natus ad infestum desciiuit perfidus hostem,
 Quo patris adiutor tempore factus erat.
 Captus ob id facinus, uinclisq; coercitus artibus,
 Supplicio pœnas conueniente dedit.
 Expulerat Solymum Nili ferus accola regem,
 Cæsaris implorans ille petebat opem.
 Cæsar Idumæas cum classe profectus ad urbes,
 Auxilium regi Marte fauente tulit:
 Sed procul externis dum belligeratur in oris,
 Ausoniam præsul fraude subegit humum;

Atq;

GERMANICI.

Atq; per insidias, ab Hetruscis capta, recepit
 Oppida, Cæsareæ quæ ditionis erant.
 Idcirco Solyma Fridericus ab urbe retractus,
 Mouit in infidum præsulis arma caput.
 Effera tunc Italas turbauit factio gentes :
 Factio perpetui noxia causa mali.
 Partibus augusti fautor Gibelinus adhæsit,
 Pontificiq; tulit transfuga Gelphus opem.
 Ipse suis præsul sed cum diffideret armis,
 Auxilio tutus posset ut esse Dei :
 Regis in exitium templis decreta fuerunt
 Mille sacerdotum murmura, mille preces.
 At Deus iniustis obstruxit uocibus aures :
 Irrita præcipientes uerba tulere noti.
 Qui pugnacis erant fera præsulis arma secuti,
 Cæsarea uicti succubere manu :
 Euganei Phrygia Veneti de stirpe creati,
 A quibus Adriacum nunc mare nomen habet.
 Interea Solymas hostis Mahometicus arces
 Occupat : hæc illa commoda lite tulit.
 Ergo quod à Scythico Iudæa subacta tyranno
 Oppida, synceram destituere fidem :
 Quodq; prophanatus locus est, ubi rector olympi
 Sanguine deleuit crimina nostra suo :
 Hoc Romana tuæ debetur curia fraudi,
 Præsulis hæc bellum culpa gerentis erat :
 Qui nisi uictoris remoratus cepta fuisset,
 Acta sub imperium Caspia regna forent :
 Impia

C A E S A R E S

Impia sensisset Sueuorum Turcia uires,
 Ac dominus Nili Rhene futurus eras.
 Pulsus ab infestis sed cum Ptolemaide Turcis,
 Teutonica miles nobilitatis erat :
 Aduersus Scythiæ populos Asiaeq; relictus
 Cæsare qui Solymis digredienti fuit :
 Vicit adorantes Idola uetusta Borussos,
 Aequor ubi canis succina gignit aquis.
 Ipse sed æthereas qua morte reliquerit auras,
 Non perhibet certam cognita fama fidem.
 Si quid habent priscis annalibus edita ueri,
 Creditur extremam non obijisse diem.
 Arx uetus est, primus fundasse Lotharius illam
 Fertur, ab authoris nomine nomen habet :
 Istic rumor ait somno dormire solutum,
 Ante nec effæto corpore posse mori :
 Quàm Geticus Solyma pellatur ab urbe tyrannus,
 Cæsareumq; ferat Turcia capta iugum.
 Huius enim uiua sub regis imagine spectrum,
 Conspicitur tepido membra fouere toro,
 Frigida cum medio uoluuntur sydera lapsu,
 Et subuecta rotis nox tenet atra polum.

C O N R A D V S I I I I .

Mortuus in tristi cum carcere filius esset
 Regis, ab offenso qui patre captus erat :
 Frater adoptatus fratris Conradus honores
 Auspicio regni prosperiore tulit.

Hic

GERMANICI.

Hic cum Tyrigetis ad Mœnum prælia fecit,
Dura gerens forti pro patre bella manu.
Sed fuit à summo deuotus præsule diris,
Dum negat illius iussa superba sequi.
Vrbs ubi Parthenope sublimibus ardua muris
Surgit, & æquoreis pulsa feritur aquis,
Reddidit expirans animam, natoq; reliquit
Frena parum fausta suscipienda manu:
Deficiente suæ qui stirpe propaginis, hæres
Vltimus ex tota gente superstes erat.
Hunc Papa crudeli uiolenter cæde necauit:
Suenia principibus sic fuit orba suis.
O faciles animos, & mitia pectora regum,
Hæc à præsulibus quod potuere pati.
Iusticiæ ficto quoties te nomine iactas,
Hoc agnosce tuum crimine Roma scelus.

GVILHELMVS.

DVm gerit incautis bellum temerarius armis,
Nec satis instructo prælia Marte facit:
Occidit à Phrisio Guilhelmus milite cæsus,
Per geminos annos uix ubi sceptrata tulit.
Huius ab interitu sedes sine rege uacauit,
Dum tria sunt annis addita lustra tribus.
Interea magno fremuit Germania motu,
Factaq; sunt multis prælia multa locis.
Cum duce dux bellum, princeps cum principe gessit:
Vlla nec urbs solida pace quæta fuit.

Scilicet

C A E S A R E S

Scilicet ut certo naues rectore carentes
 Obruūt insani fluctus & unda maris :
 Sic labefactatur belli ciuilibus undis,
 Imperij sedes cum sine rege uacat.

R O D O L P H V S.

Composuit mitis ciuilia bella Rodolphus,
 Temporibus pacem restituitq; suis.
 Marte Doringiacas latronum subruit arces,
 Aduena frugiferos qua Sala findit agros.
 Vltus & est iustis Odoacrem fortiter armis,
 Regna sub arbitrio Vandala cuius erant.
 Boiorumq; ducem domuit : Sueuumq; ferocem
 Qui duo cum gemino cornua pisce gerit.
 Norica finitimis iacet urbs contermima Francis:
 Diuitijs usquā uix habet illa parem.
 Huius honorificum titulum nomenq; Rodolphus,
 Principibus dono cum regione dedit,
 Qui piscosa tuæ dominantur Marchia terræ:
 Ac titulos hodie Noridos urbis habent.

A D O L P H V S.

Austriaco bellū cum principe gessit Adolphus,
 Sceptra trucidatus quo capiente fuit,
 Hic ubi Vangionum sedes urbemq; uetustam,
 Alluis instabili Rhene bicornis aqua.
 Vrbis fuit hæc uastis habitata Gigantibus olim,
 Corpora cum tellus prodigiosa tulit:

Vt testan=

GERMANICI.

Ut testantur, ubi grauibus quæ nexa cathenis,
 In medio pendent ossa stupenda foro:
 Qualia Trinacrio memorant subiecta Peloro,
 Grandia congestis molibus ossa premi.
 Quin & Misniacæ Fridericus Marchio terræ,
 Qui profugæ morsus dente parentis erat:
 Hunc fera miscentem superauit prælia uictor:
 Moenibus angustis urbs ubi parua iacet,
 Tyrigetis fortes quæ limite separat Hessos,
 A crucis & nomen monte uocata tenet.

ALBERTVS PRIMVS.

Intulit Albertus uiolentis arma Bohemis,
 Attribuens nato regna tenenda suo.
 Et Moguntiaci gessit cum principe bellum,
 Cum duce quod Bauaro fœdere iunctus erat,
 Qui cupidus regni summos ambibat honores:
 Contudit hostili uictor utrunq; manu.
 At misere perijt iugulatus fraude nepotis,
 Qua iacet Austriaci fertilis ora soli.
 Utq; parum iustis armis oppressit Adolphum:
 Sic obiit cæsus uindictis ense necem.

HENRICVS VII.

Quæ florente statu rerum Florentia nomen
 Vrbs tenet, ac ripis adiacet Arne tuis;
 Cæsaris Henrici parere negebat habenis,
 Freta suis opibus, robore freta suo.

Q

Hanc

C A E S A R E S

Hanc, ubi uindictibus cinctam legionibus urbem,
Ipse subacturus fulmine martis erat :
Thuscia conduxit sceleris mercede ministrum,
Dominici tonso de grege frater erat :
Toxica qui præbens illi sub corpore Christi,
Manducanda sacro pane uenena daret :
Allatura pijs mortalibus esca salutem,
Causa necis regi perniciosa fuit.

L V D O V I C V S B A V A R V S

Et Fridericus Austriacus.

R Egibus incescit discordia magna duobus,
Summa quibus rerum tradita cura fuit.
Aspera collatis inierunt prælia signis :
Qua celer humectat Neccarus arua uadis.
Attulit optatam Bauaro uictoria palmam :
Austriaci uires succubuere ducis.

C A R O L V S I I I I .

Et Gintherus.

H Os quoq; seua duos elegit factio reges,
Sed lis alterius morte dirempta fuit.
Inclita qua Moeni lapidosi adiacet undis,
Vrbs à Francorum nomen adepta uado :
Acria ciuili moturum bella tumultu
Funere Gintherum mors properata tulit.

Qui

422

G E R M A N I C I.

Qui ramosa gerit uelocis cornua cerui,
Indomiti fregit Carolus arma ducis:
Gymnasiumq; recens ad flauum condidit Albim,
Hic ubi turrato culmine Praga iacet.

VENCESLAVS IGNAVVS.

Pigra quod ignauo traduxerit ocia luxu,
Nactus id à uita deside nomen habet.
Gloria non illi, sed turpis inertia curæ,
Atq; saginato corpore uenter erat.
Militiam fugit, pacis uirtute nec unquam
Egregio dignum principe fecit opus.
At piger ingluuiem dapibus uinoq; replebat,
Et graue distenti uentris alebat onus.
Omnibus inuisus ceu detestabile monstrum,
A proprio captus uincula fratre tulit.
Hoc inuenta fuit sub Cæsare machina belli,
Cuius ab impulsu moenia quassa ruunt:
Concipientis rapidum quæ fomite sulfuris ignem,
Acta procul nitri puluere saxa iacit:
Atq; coruscantis flammæ imitatur olympi,
Aethera terribili concutiente sono:
Ceu uibrata cadunt trifidis ubi fulgura telis:
Hoc sibi Germanus uendicat autor opus.

R O B E R T V S.

Insuber infregit Galeatius arma Roberti,
Cum tulit auxilium gentibus Arne tuis,

C A E S A R E S

Pro quibus aduersi discrimina martis adibat,
Victor ubi Tuscos est populatus agros.
Incluta qua doctis iacet Edelberga Camoenis,
In patria leni morte quieuit humo.

S I G I S M V N D V S.

Terra iacet gelido sub sydere Menalis urse,
Terra paludosis inuia fluminibus:
Marchia nunc, quondā sed dicta Nomarchia Græcis
Est, & ab imperij præside nomen habet.
Summus enim præses Romani Cæsaris olim
Argolica dictus uoce Nomarcha fuit.
Vnde quidem prisca uestigia nominis extant,
Vna sed est primo syllaba dempta loco.
Tempore quo pugnax rapuit Germania Drusum,
Indigenas Sueuos hic habitasse ferunt.
Hoc Sprea testatur gelidis uberrimus undis,
Qui ueteri dictus nomine Sueuus erat:
Cœruleum cuius perlabitur agmen aquarum
Hanc & arenoso flumine radit humum.
Post, ut ab Augusto deducto Cæsare, Sueui
Mutauere, prius quos tenuere, lares:
Teutonibus pulsus, multos habitata per annos
Vandalicis regio gentibus ista fuit.
Donec ab aucupio nomen qui dictus habebat
Cæsarea meruit sceptrā tenere manu.
Expulit externos hoc uindice Marchia reges,
Vrbis ubi fractas debilitasset opes:

Quam

Quàm bibula dirimit sulcator Hauelus arena,

Humida qui patriæ perfluit arua meæ.

Hæc nisi clara suis Heroibus ante fuisset

Terra, Sigisimundo principe clara foret.

Natus enim ueteri magnorum sanguine regum,

Is prius arctoæ Marchio gentis erat :

Quàm uel Pannoniæ fuit accersitus in oras :

Aut regni tenuit frena Bohemæ tui.

Mitis ut optata concordia pace coiret,

Cum sacra plena diu curia litis erat :

Concilium solenne patrum regumq; uocauit,

Qua fuit Hus duram passus in urbe necem.

Tres ibi Romano solio priuauit iniquos

Pontifices : inter quos graue schisma fuit.

Signa Borysthenidas ultricia mouit in hostes,

Marte sed aduerso tristia damna tulit.

Ingenuas habuit summis in honoribus artes,

Atq; uiris doctis munera multa dedit :

Cum quibus interdum conuiuia lætus agebat

Ex humili quamuis ordine plebis erant.

Sicq; suos procures hortari sæpe solebat,

Artibus ut uellent incubuisse bonis :

Fama per ingenuas & gloria quæritur artes,

His fauor ac regum conciliatur amor.

Ipse sed incertis patrias hæredibus urbes,

Morte relicturus cum sine prole foret :

Marchiacas dono Friderico tradidit oras,

Inclytus is præses Noridos urbis erat :

C A E S A R E S.

Bellaq; uindicibus pro Cæsare gesserat armis,
Tunc ubi Pannonio captus ab hoste fuit.
Teutonici genitor fuit hic Fridericus Achillis:
Cuius & hic paucis uersibus acta canam.

ALBERTVS MARCHIO

Brandenburgensis, Germanicus
Achilles appellatus.

Qualis erat, quantusq; fuit bellator Achilles,
Hectora qui circum Pergama traxit equis:
Talis erat, tantusq; fuit uictoricibus armis
Qui ducis Aeacidae Marchio nomen habet.
Militiae teneris hic castra sequutus ab annis,
Conseruit fuso sapius hoste manus:
Quàm pleriq; duces belli sub imagine, ficto
Ludicra uiderunt praelia marte geri,
Nec fugiens unquam tergo, sed pectore semper
Fortis in aduerso cognitus hoste fuit.
Ora manusq; gerens, concissaq; brachia ferro,
Mille cicatrices, uulnera mille tulit.
Inuictos domuit populos gentesq; feroces,
Frigida quas rigidis educat ursa plagis:
Quas niue duratas & Rheticus asperat Ister:
Non tulit in molles strenuus arma uiros.
Quæ preciosa legit canis electra sub undis
Prussia, Sarmatico limite iuncta solo:
Ipsius audito tremuit clangore tubarum,
Victaq; pugnaci milite terga dedit.

Ipsius

Ipsius attoniti fugerunt arma Poloni,
 Territa montanum ceu fugit agna lupum.
 Norica quæ duris uiget artibus inclyta belli,
 Istius urbs nouies marte cruenta fuit.
 Adde quod Hussitas compescuit: adde quod agmen
 Silesij pepulit uictor equestre ducis.
 Qui parere ferox illiq; subesse negabas,
 Contudit ac forti te Pomerane manu.
 Bella sed assiduo licet irrequietus agebat,
 Si qua fuit, nunquam pax odiosa fuit.
 Huius adhuc uiuunt gemini de stirpe nepotes,
 De quibus hoc addam pauca sed apta loco.

IOACHIMVS PRIMVS, ELE

ctor Marchio Brande-
 burgensis.

Quæ Ioachime tuis præconâ laudibus addam?
 Qui trahis à magno natus Achille genus:
 Nam tua promeruit tantam facundia laudem,
 Magnanimi quantam dextera fortis aui.
 Os quoties cœleste moues linguamq; disertam
 Exuperas dulci Nestora uoce senem:
 Suiuior hybleo tibi copia melle redundat,
 Verbaq; seu densis imbribus acta fluunt.
 Te mirata frequens fuit urbs Augusta loquentem,
 Rhetoris imposuit cum tibi Cæsar onus.
 Ipse nec es patrio tantum sermone disertus
 Cuncta potes Latio, quæ cupis, ore loqui.

C A E S A R E S

Edita testatur cultis oratio uerbis,
 Omnibus ingenij nomine grata tui.
 Nec uarias piguit rerum te discere causas,
 Quæ sacra coelestis semina mentis habent.
 Quas honor antiquis Aegypti regibus olim,
 Summaq; principibus gloria nosse fuit.
 Cognita syderei tibi sunt animalia coeli:
 Præscius & longe fata futura uides.
 Cumq; bonis faueas studijs, ac rebus honestis:
 Ingenuas artes qui coluere, colis:
 Quos, ut ab Hetruscis Mecœnas regibus ortus,
 Sic tua profusis sumptibus aula fouet.
 Atria struxisti doctisq; palatia musis,
 Auspicijsq; recens est schola cepta tuis:
 Hic ubi Marchiacos determinat Odera fines,
 Ac tua Sarmatico iungitur ora solo.
 Nec diuina tui clementia pectoris unquam
 Bellica ciuili prætulit arma togæ.
 Publica tranquillæ conseruas ocia pacis:
 Nullaq; funesti prælia martis amas.
 Hæc te semideis uirtus Heroibus æquat:
 Non habet hoc similem tempore Roma tui.

ALBERTVS CARDINALIS,
 Elector, Archiepiscopus Moguntinus, &
 Marchio Brandebur-
 gensis.

Nec

Nec te carminibus nostris Alberte tacebo,
Nobile præsul aui nomen adepte tui,
Ipsa gubernatrix caput & Germania mundi,
Quo nihil, excepto Cæsare, maius habet.
Omnis cura tibi magnarum tradita rerum,
Inq; tuis humeris grande recumbit onus.
Tu medium pacis te conditionibus offers,
Teutonibus armorum dum pauet ora metu:
Dumq; ducunt tacitæ fraudes, & operta tumescunt
Bella domi nobis, bella timenda foris:
Et sacra turbatur uarijs Ecclesia sectis:
Omnia mixta quibus fanda nephanda iacent.
Ergo quod exultant securis publica terris
Ocia, suppresso bellaq; Marte silent:
Quodq; graui nondum Germania mota tumultu,
In sua conuertit uiscera cæde manus:
Se debere tuis meritis Alberte fatentur,
Compositæ quotquot commoda pacis amant.
Ne qua sed existat metuendi causa furoris,
Afflictis fidei rebus & asser opem:
Induat ut uerum pietas renouata nitorem,
Quæ modo dissidijs tot labefacta ruit.
Quod si composito, per te sublata, tumultu
Schismata turbatæ religionis erunt:
Donec adorabit nomen Germania Christi,
Laudis erit nunquam fama caduca tuæ.

C A E S A R E S
A L B E R T V S I I .
C A E S A R .

Contulit Alberto regale Bohemia sceptrum,
Ac subiecit opes Pannonia terra suas:
Nupta quod illius thalamo, lectoq; iugali
Nata Sigismundi regis Elissa fuit:
Quæ uelut exemplum Lucretia casta pudoris
Aequabat morum nobilitate genus.
Teutonici ductu Thaboritas fudit Achillis:
Colluies quædam gens ea plebis erat,
Templa Bohemiæ quæ disijciebat in oris:
Atq; sacerdotum diripiebat opes.
Illaturus erat Turcarum bella tyranno,
Morte sed extinctus præueniente fuit.

F R I D E R I C V S
Tertius.

Tertius utilior Fridericus ad ocia pacis
Aspera quàm duri martis ad arma fuit.
Quo Burgundiones Vbiorum depulit oris,
Teutonici bellum gessit Achillis ope.
Quæ dedit ars nobis impressos ære libellos,
Facta sub hoc primum Cæsare nota fuit.
Hæc, si temporibus priscis inuenta fuisset,
Qua nihil utilius totus hic orbis habet:

Nostra

Nostra libris hodie frueretur pluribus ætas,
 Defraudata quibus secula nostra carent.
 Hanc operosa nouam Moguntia protulit artem,
 Quæ celebris Mogi nomen ab æne tenet.

MAXIMILIANVS.

Maximus occiduis fuit Aemilianus in oris
 Captus, ab indigenis perfida Brugi tuis.
 Ipse sed ereptus celeri uirtute parentis,
 Vincula qua tulerat, mox tulit arma, manu.
 Depulit Hunniaden à sedibus ultor auitis,
 Qui fuit Austriacis Marte potitus agris.
 Signaq; regalem uictricia mouit ad Albam:
 Horruit inuicti Cæsaris arma Sauus,
 Pannonæ euersis & submisere pharetris
 Spicula, quæ ferro tinctile uirus habent.
 In Mahometigenas deduxit & agmina Turcas,
 A quibus affectus clade Liburnus erat.
 Ante sed aggressus, quàm prælia miscuit, hostem:
 Versa metu pauidi terga dedere Getæ.
 Contudit indomitum debellauitq; Sicambrum,
 Victa prius nunquam dextera cuius erat.
 Norica uastantes occidit & arua Bohemos,
 Marte Palatinas cum sequerentur opes.
 Nec semel est ultus rumpentem fœdera Gallum:
 Instabilem summi pontificisq; fidem.
 Conscendens Tyrij ductoris & amulus Alpes,
 Fudit in ærijs montibus Heluetium.

Quid

C A E S A R E S

Quid loquar Euganea Venetum cum plebe senatum?

Quos domitos terra, quos superauit aqua.

Adriaci vasto trepidabant æquore nautæ

Mercibus ac plenas destituere rates:

Vrbis ubi uictor Patauinæ moenia cepit:

Tantus erat terror tantus ubiq; metus.

Vltima, post duros ærumnososq; labores,

Fata pium terris eripuerunt senem.

C A R O L V S V.

Dive quibus cœlo te Carole laudibus æquem?

Carole non ipso quem regis orbe minor:

Cæsare quo maior ualidisq; potentior armis,

Nullus ab Augusti tempore sceptrum tulit,

Imperium terris, animos æquabit olympo,

Auspicijs foelix Teutona terra tuis,

Qui prius ibat ouans Gallus plaudentibus alis,

Præda tuis Aquilis sanguinolenta fuit:

Signaq; Ticini captus submisit ad undam,

Militis inuicti robore fracta tui.

Clauigeriq; Petri sub nomine regna tenentem,

Arcta coëgisti uincula ferre Papam:

Sæua cohortatus Venetum quod ad arma senatum,

Et noua cum Gallo foedera pactus erat.

Tendere te Latias Florentia sensit in oras,

Sanguineo martis fulmine capta tui:

Quæ confisa suis opibus, rebusq; secundis

Irridere tuum non metuebat auum:

illum

illum retro gradi cum tergo insidere cancri
 Pinxerat hoc titulo : Tendimus in Latium.
 Turca triumphato qui formidabilis Istro,
 Barbara Germanis tela minatus erat :
 Et oessura suo sperabat cuncta furori,
 Iuratus patrios, numina uana, deos :
 Quod foret Euxinas nunquam rediturus ad undas,
 Ni prius ad Rheni castra locasset aquas :
 Ante tubam fugit, nec bellica degener hostis
 Militis est ausus signa uidere tui.
 Marchio uertentem Ioachimus terga secutus,
 Auspice te magna funera strage dedit :
 Millia prædonum bis quattuor intulit Orco,
 Austriacam quorum cæde piauit humum.
 At procul ad septem fugiat licet ostia Nili,
 Aspera uindictæ sentiet arma tuæ.
 Edita nam priscis oracula uersibus extant,
 Qualia Cumeæ carmina uatis erant :
 Quæ tibi de Solyma promittunt urbe triumpham.
 Illa quod imperium sit subitura tuum.
 Ergo nisi ueterum sunt irrita carmina uatum,
 Quæ reor euentus mox habitura suos :
 Tempus erit, cum te spolijs Orientis onustum
 Quadrijugis referet currus eburnus equis :
 Liuentiq; gerens immania uincula collo,
 Ante tuas ibit Turcia capta rotas.
 Plaudentesq; tuis resonabunt laudibus urbes
 Argolicæ, per quas uictor iturus eris :

Læticiâq;

C A E S A R E S

Læticiâq; fremet conceptaq; gaudia ducet
Pannonis hostili terra soluta metu.
Tunc ego non paruis elegis, humiliq; Camœna,
Sed tua Mæonio carmine facta canam:
Si modo quæ uitæ dispensant fâta sorores,
Temporibus dederint stamina longa meis.

F E R D I N A N D U S.

Hoc opus exegi florentibus integer annis,
Bis duo cum natus lustra Sabinus eram:
Tempore quo Geticos rex Ferdinandus in hostes
Arma, suo bellum fratre gerente, tulit:
Vnanimis cum quo regni moderatur habenas,
Et graue terrarum sustinet orbis onus.
Viuite Semidei, concordēs uiuite fratres:
Omnia sub uobis, uesper & ortus, erunt.
Vos metuat primus, uos ultimus horreat orbis:
Vos & si qua parum terra ueretur, amet.

F I N I S.

DE

128

DE NVPTI- IS INCLYTI RE-

GIS POLONIAE SIGISMVN-

di Augusti, & Elisse Caesaris Fer-

dinandi filie, Georgius

Sabinus.

VOs mihi quæ puero Nasonis amabile carmen
Dulcia Pegasei dictastis numina fontis :
Nunc sublime mihi carmen concedite uatis,
Conceptum genuit quem Mincius Andide Nympha.
Grandibus assurgens numeris Hymenæia dicam
Gaudia, Sarmatici quibus exultantia regis
Atria, dant letos, ubi uoluitur Istula, plausus.
Si uos rite puer colui, uobisq; dicatis
Sæpe coronaui fertis halantibus aras :
Aspirate mihi, coeptisq; fauete Camœnæ.
Forte sub undosi muscoso gurgitis antro
Istula cæruleus tumidarum rector aquarum
Nymphis iura dabat, qua uertice Carpathus alto
Frigida Sarmatiæ prospectat iugera : cuius
Montis adusta rigent canis iuga summa pruinis.
Ipse sedens urnamq; manu sceptrumq; tenebat,
Carbasæe glauco pallæ uelatus amictu :
Naiades circum fontanaq; numina stabant
Quæq; lacus, amnesq; colunt, udasq; paludes.
Venit mobilibus cœli per inania pennis

Fama

D E N V P T I I S

Fama uolans, lætis quæ uocibus artulit istuc,
 Sarmatiæ claris Augustum regibus ortum,
 Esse maritali connubia fœdere pactum:
 Ducere Cæsarea natamq; propagine sponsam.
 Quis pater arrectis ut uoces auribus hausit,
 Protinus ex Nymphis formosam Callianassam,
 Phyllodocęq; Rhaninq; uocat, Crocalenq; Thoenq;
 Insignemq; comis oculisq; nitentibus Aeglen.
 Omnes pingere acu doctas, omnesq; peritas
 Arguto tenues percurrere pectine telas.
 His tum præcipiens, rarum ac memorabile munus
 Inquit adornandum sponso: nunc arte magistra
 Est opus: ergo manu celeres incumbite Nymphæ,
 Pictaq; rebus imaginibusq; aulæa uetustis
 Texite: Sarmaticosq; illic deducite reges:
 Sponsus ut effigies, præclaraq; facta suorum
 Inde recognoscat, ualidis imitetur & armis.
 Talia fecisset cœtu cum uerba soluto,
 Haud mora: textricum cingunt ad pectora ritus
 Collectas Nymphæ uestes, nudantq; lacertos.
 Post hæc expediunt longas subtegmine telas,
 Intentęq; sedent operi, peraguntq; laborem.

Series hi= Primus falcato spectandus acynace Læchus
 storiarum Textitur, argento fulgenti auroq; coruscus.
 Læchus marte satus: quo non pugnacior alter
 Regna Lycaonio tenuit subiecta Boote.
 Ille uagam syluis eduxit in oppida turbam,
 Claraq; Sarmatiæ tribuens cognomina genti

Læchi=

Læchidas, quorum gestabat sceptrâ, uocauit.
Torua uiro facies : apicatum more Getarum
Tegmen habet capiti : cristâq; rubente decorum :
Barbâq; supremo labro riget hispida : pendet
Ex humero clypeus, qualem Telamonius Ajax
Gessit : Amazonia manus est armata securi.

Læchus.

Inde Palatini his sex in sedibus altis
Augusta grauitate sedent, populumq; gubernant.

12. Palatini.

Additur his prisca Romanus origine Gracchus,

Gracchus.

Diuitijs ac Marte potens : qui rege sub Anco
Pulsus in exilium, trabeati celsa Quirini

Mœnia deseruit : gelidamq; profectus ad arctori
Condidit auspicijs illic felicibus urbem,

Quæ uetus à Graccho ducit Cracouia nomen.

Surgit ad hanc urbem terrena mole sepulchrum
Vastum, immane, ingens, quo conditus ipse quiescit.

Pingitur in tela sæuissimus alter ab illo

Sceptrâ gerens Læchus, qui solus ut arbiter esset
Sarmatiæ, solus rerumq; teneret habenas :

Læchus 2.

In densis syluis, ubi plurima lustra ferarum,
Heu fratrem regni consortem cæde peremit :

Vulgatoq; fidem patrias rumore per urbes
Fecit, ab immmani diuulsum dentibus urso

Occubuisse. subit scelerato Vanda tyranno,

Vanda.

Quæ cum mille procis, quod erat formosa, placeret.

Innuba uirgo tamen casti sine labe pudoris

Mansit, & ætatis uer intemerata peregit.

At non fœmineis calathis, non dedita molli

DE NVPTIIS

Illa fuit lanæ: duris assueta sed armis
 Figere terribilem longis palearibus urum:
 Frendentemq; suis excire cubilibus urfam.
 Martia si quando fremuerunt classica, belli
 Laudibus insignes æquauit & Heroínas.
 Quippe Borysteniden, debellauitq; Gelonum:
 Binaq; magnanimo cum Teutone prælia fecit.
 Corniger ardebat uictricis amore puellæ
 Istula, cumq; suo uidisset in anne lauante,
 Mollibus excipiens amplexibus abstulit illam
 In uitreas sedes, thalamiq; in honore locauit.
 Inde figurantur multi sine nomine reges,
 Quorum fama iacet tenebris ac nocte sepulta.
 Hosq; sub ignotos depingitur inclytus heros,
 Qui fuit Ausoniæ Stilico gratissimus urbi.
 Belligero cataphrattus equo fugientibus instat
 Hostibus, ac fulgens auratis emicat armis:
 Qualis ab occidua surgens nitet Hesperus unda.
 Et nunc uictor agit Ruffini castra secutos,
 Hunnosq; Mysosq; sagittiferosq; Tomitas,
 Prælia miscentes & acuta falce Gelonos:
 Nunc premit Afrorum cæso Gildone cohortes,
 Ingentemq; facit conuersa per agmina stragem.
 Haud secus ac paleis ubi separat area fruges,
 Triturante leues boue conculcantur aristæ:
 Sic quacunq; ruit, prosternens conterit hostes.
 Circumfusa iacent pallenti corpora leto
 Tradita: purpureusq; cruor diffunditur aruis.

Stilico.

Cæsar

Cæsar ob insignes Theodosius ergo triumphos,
 Deligit hunc generum sibi, connubioq; Serenæ
 Ornat, & Aeneadis præfert socer omnibus unum.
 Additur armipotens iuuenis, qui dictus ab astu
 Nomen Lesco gerit: Stiliconi sanguine iunctus.
 Cæsareum sed ferre iugum, fastumq; superbæ
 Italiæ nequit, imperioq; subesse recusat.
 Aspera martigenis hic bella Quiritibus infert.
 Pannoniumq; armis iuuat auxiliaribus Hunnum
 Tunc ubi Carnorum ferus occupat Attila sedes,
 Teq; dat excidio captam, pulcherrima quondam
 Vrbs, Antenoreo fœlix Aquileia Timauo.
 Primus claustra manu reserat, portasq; refringit:
 Inijcit infandum uictorq; penatibus ignem.
 Tristia collucent diffusis mœnia flammis:
 Concussasq; domos, impendentesq; ruinas
 Nympharum textura refert. subiungitur acer
 Gensericus, & armorum fulgore coruscus
 Pingitur, hastatos cuneos, clypeataq; secum
 Ducere bellator sub fortibus agmina signis:
 Hesperias æquare solo, quas spectat ab altis
 Candida subiectas Pyrene rupibus, urbes:
 Herculeumq; citis transmittere classibus æquor,
 Subdere & antiquas Tyriæ Carthaginis arces.
 Inde profectus iter, maris emensusq; profundum,
 Capta Quirinalis Romæ dare mœnia prædæ.
 Hinc alacri uultu Lesconis imago secundi
 Omnibus arridens, precioso intexitur ostro.

Lesco.

Gensericus.

Lesco 2.

Editus obscura iuuenis qui stirpe parentum
Ardua conscendit magni fastigia regni.
Scilicet orba suo sedes ubi rege uacabat,
Et decretus erat de regno cursus equorum:
Hic meruit celeri uictor suffragia cursu.

Lesco 3. Tertius extincto succedit Lesco parenti
Bellaq; Teutonibus facientes adiuuat Hunnos.
Post hunc uilloso deducitur horridus ursi

Poppilius. Tergore Poppilius: quem turpis inertia regem
Occupat immodico baccho, somnoq; uacantem.
Ipse sedens inter cyathos, mollesq; puellas,
Acribus armorum præfert conuiuia curis.

Poppilius 2. Nominis eiusdem coniungitur ebrius illi
Filius, ignauiq; simillimus omnia patris:
Hunc scelerum pœnas crudeli morte luentem,
Infesti perimunt arroso corpore mures.

Pyastus. Tum gestanda seni traduntur sceptrâ Pyasto:
Qui cum iustitiæ uindex, & cultor honesti
Esset, ab incuruo (nam rura colebat) aratro
Pauper ad hos regni tantos ascendit honores.
Indutus crudo stat adhuc perone, geritq;
Agricolæ solito spaciosum more galerum.

Semouitus. Inde Pyastides trahit agmina Semouitus
Aclidibusq; sparisq; & acutis densa sagittis:
Vandaliaq; domat populos, urbesq; potentes
Balticus arctoo quas alluit æquore Nereus.

Lesco 4. Ocia quartus agit Lesco, bellumq; perosus
Sistit & augustæ sancit data fœdera pacis.

Nec

Nec minus extinctis amplecteris ocia bellis
 Semoni^a : tuo tenebrasq; recedere nato,
 Excussa^aq; dari uisum caligine gaudes :
 Editus ex utero qui cæcus, amabile solis
 Lumen, & æthereos nunquam conspexerat ignes.
 Consulis & uates, puero quid reddita cæco
 Lumina portendant : responsa^aq; letus ab illis
 Accipis : insigni natum pietate futurum.
 Filius ut Mescō sceptrum suscepit auitum,
 De se uera probat dixisse, nec irrita, uates.
 Primus enim Christum profitetur, primus adorat :
 Et ueterum cultus abolet, ritusq; sacrorum.
 Nam tum Sarmatiæ reges idola colentes,
 Impia barbarico faciebant origia ritu.
 Cæsaris ante pedes procumbit natus Othonis
 Buleslaus, & imposito diademate regem.
 Imperij sese gaudet sociumq; uocari,
 Subijcit infracto domitos hinc Marte Bohemos,
 Inclusumq; iugis Morauum gentesq; rebelles,
 Quas umbrosa uident gelidi pineta Silesi.
 Te quoq; crudeli uastat Pomerania bello :
 Subdita quæq; iaces argenti Prussia cælo.
 Alter at ignauo similis, similisq; puellæ
 Mescō figuratur : mollissima purpura corpus
 Velat : Erythæis ornantur pectora gemmis :
 Punice i includunt & leuia crura cothurni.
 Huius molliciem, uitamq; perosus inertem
 Vandalus, arma capit : capit arma Bohemus, & acer

Semoni^a
 laus.

Mescō.

Buleslaus.

Mescō 2.

Qui colit Austriacæ Morauus confinia terræ :
 Excutiuntq; iugum, noluntq; subesse Polonis.
 Heu pudet ignaui quantum te Sarmata regis,
 Sub quo triste potens fecit respublica damnum.

Casimirus. Pellitur infœlix patrijs Casimirus ab oris,
 Indutoq; facit monachorum uota cucullo.
 Mox è cœnobio reuocatur, & arma capeßit :
 Persequiturq; trucem uiolento Marte tyrannum,
 A quo pulsus erat, regnoq; exutus auito.
 Signa feris infert Hunnis, prædamq; secundus

Buleslaus 2. Buleslaus agit domito bis uictor ab Istro.
 Inq; fugam turmas Morauorum uertit equestres :
 Ingentiq; Scythas & Alanos cæde trucidat.
 Laudibus armorum nullis heroibus esset
 Inferior : si non diro correptus amore
 (Heu scelus execrandum, heu detestabile crimen)
 Incaluisset equæ : Tyrio quam murice cultam.
 Legiferi taurum Minois ut uxor, amauit.
 Ac te diue nisi pia Stanislae monentem
 Sacras obtruncasset acynace crudus ad aras.
 Ergo terrificis oculis, uultuq; minaci,
 Sacrilegum pingunt Nymphæ simulantq; tyrannum
 Cæde suas scelerare manus : in frustra; sectos
 Projicere alitibus canibusq; rapacibus artus.
 Nulla sed impietas manet impunita : tyrannus
 Ecce solum, tristi uexatus Erynnie, uertit :
 Exul & à canibus flauum laceratur ad Istrum.
 Huic animo mitis, seuæq; tyrannidis expers,

Ladislae.

Ladislæ subis: pugnacem strenuus acri
Marte Quadum, sed iusta coactus ad arma, fatigat:
Cassubium duris & cladibus afficis hostem.

Ladislæus.

Rebus in aduersis uicino tertius Hunno
Buleslaus opem signis uictoricibus affert:
Cogit & augustas illinc dare terga uolucres.
Nauigat inde legens Arctoum classe profundum,
Deuictisq; edit naualia prælia Cymbris.

Buleslaus 3.

Candida pandentes concurrunt uela carinæ:
Duraq; missilibus fiunt certamina telis:
Armenta natant collisaq; rostra per undas,
Transstraq; puniceoq; rubescunt sanguine fluctus.
Læta Polonorum classem fortuna tuetur,
Præpetibusq; uolat circum uictoria pennis.

Alter agit turmas hinc Ladislæus equestres:
Funestumq; mouens proprio cum sanguine bellum,
Sæua suis infert germanis arma tyrannus:
A quibus ipse tamen (sic arbiter impia regum
Punit facta Deus) patrijs expellitur oris.

Ladislæus 2.

At tu quarte gerens cristata casside pennas
Buleslæ, manus cum Cæsare signaq; confers:
Cæsare, cui nomen dedit ænea barba: nec horres
Illius inuictas uires, animumq; ferocem.

Buleslaus 4.

Tertius iniustis dum uectigalibus urbes
Mesco suas onerat, folio deiectus ab alto
Luget, & amissos regni suspirat honores.

Mesco 3.

Suscipit eiecto Casimirus fratre secundus,
Commisssasq; sibi regit inculpatus habenas.

Casimirus 2.

Abrogat iniustas leges, rescindit iniqua
 Quæ fecere truces olim decreta tyranni.
 Liberat & censu populum, laxatq; tributis.

Lesco 5. Quintus Lesco facit diuerso prælia casu:
 Nunc patrum uincit, patrum nunc uincitur armis.
 At dum nudus agit, corpusq; tepentibus undis
 Abluit, infœlix rigida transfigitur hasta:
 Lucis & usuram crudeli uulnere reddit.

Buleslaus 5. Traditur imperium post tristia Buleslao
 Fata patris: magnas hoc rege Polonia clades
 Accipit à trucibus Scythiæ prædonibus istis,
 Furua quibus dirum fecerunt tartara nomen.
 Namq; uelut septem stagnantis ad ostia Nili
 Densa locustarum nubes se concitat alis:
 Cultaq; deuastat plorantibus arua colonis:
 Sic uagus à Tanai, Scythiæq; paludibus hostis
 Irruit, effuso populatur & agmine latos
 Sarmatiæ campos: captiuâq; corpora ducit:
 Corpora nodosis loris & uincta cathenis.
 Hinc tuus affectat regnum Masouia princeps,
 Obsidet ac ueteris Conradus moenia Gracchi:

Lesco 6. Teutones at sexti Lesconis iura tuentes,
 Obsessis pellunt infestum mœnibus hostem.
 Amplaq; spectatæ uirtutis præmia grato
 A Lescone ferunt: is nam decernit, ut ipsam
 Gracchi nemo regat, soli nisi Teutones, urbem.

Henricus. Conserit Henricus pugnam, uictorq; triumphat
 Hoste: sed incauto dirum bibit ore uenenum,

Quo miser ante diem perit, efferturq; pheretro.
 Inde Bohemorum fortissimus arma laceſsit,
 Inſeſtatq; ducem rex Primislaus Othonem
 Marchia progeniuit quem flumine mater Hauelo.
 At dum lata parat moris conuiuia ſignis,
 Securus poto cum milite Sarmaticus rex:
 Improuiſus adest per opacas Marchio ſyluas,
 Caſtraq; nocte ſubit multo ſopita lyæo:
 Stertentemq; capit regem, captumq; trucidat.
 Venceslaus adit regnum, ſceptroq; potitus
 Menalio certos compeſcit Pannonas arcu:
 Et gerit Alberto durum cum Cæſare bellum.
 Aequa ſed indomitæ populis dat iura duobus:
 Quos & Sarmatiæ gelido ſub ſydere tellus,
 Hercyniaq; tenet præcincta Bohemia ſaltu.
 Tertiſ algenti rex Ladislaus ab arcto
 Educit Litauos, & Alanos: agmine quorum
 Humida Marchiæ deuaſtat iugera terræ:
 Mox & uictor abit ſpolijs, & cæde peracta.
 Filius Auguſtæ Caſimirus pacis amator,
 Suſcipit extincto regalem patre coronam:
 Et cum Marchiacis populis in fœdera tranſit.
 Regnaq; facta diu latronibus inuia, purgat:
 Et reprimiſ cædes, & legibus arma coërcet,
 Certa; conſtituit dubijs fora litibus, æquus
 Prætor ubi dicat Germanica iura Poloniſ.
 Quin & turrigeris Grachi ſub mœnibus amplam
 Ponit, & ipſe ſuo de nomine nuncupat, urbem.

Primis-
laus.

Venceslaus.

Ladislaus 5.

Casimirus 3.

DE N V P T I I S

Quattuor externos & eodem tempore reges.
Magnificis epulis lautissimus excipit hospes:
Pannoniæ, regemq; Cypri, regemq; Quiritum,
Inq; procelloso dominantem marmore Danum.
Ampla dat Ausonio regi quoq; dona: suamq;
Legitimo thalami coniungit fœdera neptem.

Ludouicus. Post hunc Sarmatiæ Ludouicus frena capescit.

Qui genus à prisco se Pæone ducere iactat:
Pæone, cæruleus regnum cui subdidit Ister.
Nec uirtute tamen minus est, quam sanguine, clarus:
Magno uictor agit Litauos certamine fuos,
Hic duo fœminei Ludouicus pignora sexus,
Corpore præstanti castoq; pudore, relinquit:

Iagello qui E quibus, egregia Litauus de stirpe Iagello

& Ladis= Ipse sibi iungit tedis solennibus unam:

laus 4. Et dotale capit nupta cum uirgine regnum,
At prius abluitur cœlestis fonte lauacri,
Proq; Iagellonis sibi nomine nomen adoptat
Ladislae tuum: namq; impius ante nefandos
Diuorum cultus, & barbara sacra colebat.
Ergo pia Christum nunc religione professus,
Præcipit excindi lucos: anguesq; necari
Indigenæ Litui quos numinis instar adorant,
Erigit instaurans & dulcibus atria musis

Academia Hic, ubi flauentes celer Istula uoluit arenas,

Cracouien= Rege sub hoc uertunt infestis terga Polonis

sis. Candida qui gestant Mariani pallia fratres:

Innumeriq; cadunt aduerso Marte perempti.

Se ui=

Se uidisse negat Thrasimeneus, & Allia tantam,
 Accipit infœlix hic quantam Prussia, cladem.
 Haud secus, ac nuibus madet humida terra solutis,
 Dura relaxantur cum frigora tempore ueris :
 Sic undante natat cœsorum sanguine campus.
 Ipse triumphalem prostrata per agmina curram.
 Lætus agit uictor : spolijsq; exultat opimis.
 Iamq; senex reddit languenti corpore uitam :
 Et sua sceptrâ puer tibi Ladislæe relinquit.
 Egregia uero tu præditus indole mentis
 Indigenas tanta populos cum laude gubernas,
 Te quoq; Danubij declaret ut accola regem.
 Ergo amplis opibus, fretusq; potentibus armis :
 Ipse tuis annis maioraq; uiribus audes.
 Ingressus Macedum numerofo milite fines,
 Ponis in Orphei tentoria saltibus Aemi.
 Non te nubifera rupes, non sæua retardant
 Frigora, quæq; cadunt altis de montibus amnes :
 Donec Amurathes ad Varnam Turca paludem.
 Te cohibens tandem uictoricibus exiit armis.
 Bis tamen impulsos, cogis dare terga, bis hostes
 Dissicis : ante tuo uitam quam sanguine fundis.
 Heu miserande puer : te clara Berystene tellus,
 Te cum Danubio pater Istula luget ademptum :
 Limosoq; gemunt Varnæ sub gurgite Nymphæ.
 Post ducis interitum, funestaq; prælia, tradit
 Regia Sarmatiæ Casimiro sceptrâ senatus,
 Hic uero nemorum studiosus, tempora quercu

Ladislæus 5.

Casimirus 4.

Cincta.

Cincta gerit, latoq; tenens uenabula ferro,
 Aut uenator agit pauidos in retia ceruos,
 Setigeros aut figit apros: comitantur euntem
 Rhiphæiq; canes, armillatiq; Molossi.
 Nec tamen armorum præfert uenatibus artes:
 Occupat ereptas Marianis fratribus urbes.
 Tu subis inde patri, magnumq; sub arma coactum

Ioannes Ducis, Ioannes Alberte binomunis, agmen.

Albertus. Vlturusq; necem patrui, quem Varna peremptum
 Abstulit: instauras in seuos prælia Turcas.
 Et iam signa moues, iam barbara uertere cogis
 Terga, sagittifero Dacos & lasygas arcu:
 Cum grauis affligit te morbus & eximit æuo,
 Ne præsentis agas suscepta negocia belli.
 Tristia lugubres faciunt tibi funera musæ:
 Nam tu Callimachum, genuit quem Tuscia, uatem
 Dulcia Pieridum tangentem plectra fovebas.

Alexander. Edit Alexander uarijs spectacula ludis:
 Gymnica nunc leuibus certamina ponit ephœbis,
 Corporis exercent agili qui membra palæstra,
 Nunc pugna simulachra ciet sub equestribus armis,
 Gaudet & in circo concurrere grandibus hastis.
 At non hostili sine sanguine ludicra semper,
 Seria sed miscet duri quoq; prælia martis.
 Fortibus ulciscens armis periuria Mosci,
 Proxima nimbofo Boreæ loca cædibus implet:
 Terrarumq; uagos Scythica de gente latrones
 Rhiphæos ultra montes, Tanainq;, repellit,

Hinc

Hinc ætate grauis dat regia iura Polono,
 Cana Sigismundus diademate tempora cinctus :
 Muscorumq; ducem, qua flaua Borystenis errat
 Vnda, rebellantem memoranda clade coercet.
 Victor Hyperboreæ compescit & agmina gentis,
 Taurica quam tellus pharetratae culta Dianæ
 Educat, humanæ gaudentem sanguine cædis.
 Nec minus à patrio digressum limite Dacum
 Arcet, & edentem crudelia funera, sternit
 Hic, ubi spumoso per inhospita saxa uolutus
 Labitur amne Tyras, dirimensq; rapacibus undis
 Sarmatiæ fines Dacorum separat oris.
 Quin parere sibi ueteresq; subesse Borussos
 Cogit, odora legunt qui succina nata profundo.
 Inq; suam redigit ditionem, quicquid habebat
 Inclyta nobilitas Germani sanguinis illic.
 Ecce autem tristem defuncta coniuge luctum
 Percipit Hunnorum ueteri quam sanguine cretam
 Carpathis ediderat prope fontem Nympha Tybisci.
 Iamq; suæ postquam consorti iusta peregit,
 Vritur igne nouo : fixusq; cupidinis arcu,
 Dulcia Sphortiados connubia uirginis ambit :
 Inter Iapygias qua pulchrior altera Nymphas
 Non fuit, aut animo præstantior : esse fatetur
 Hanc sibi consilio Iouis edita uertice Pallas,
 Ore Venus, grauitate parem saturnia Iuno.
 Ducitur in thalamum regali nupta paratū :
 Qualiter Aemonio Nercia sponsa marito

Sigismundus.

Barbara.

Bona.

Est

D E N V P T I I S

Est adducta Thetis. nuribus comitata latinis
 Turba puëllarum sequitur, quas Daunia tellus,
 Priscaq; miserunt longinqui mœnia Barri:
 Ornatae auratis incedunt uestibus omnes.
 Paruus ad extremum puer his intexitur actis,
 Sceptra Sigismundus regni gesturus auiti:

Sigismundus Qui teneras inter forma præstante sorores,
 Augustus. Candida circumdans materno brachia collo,
 Ludit, & Augusti cognominis omine gaudet.
 Idem florentes iam puber ut induit annos,

Elissa. Excipit amplexu consortem sponsus Elissam:
 Cesareos quæ monstrat auos, ducitq; paternum
 Regibus orta genus, quos ditibus Austria terris
 Edidit, ac rerum dominos Germania fecit.
 Astat uinctus hymen fertis: amor astat honestus:
 Blandaq; formosam comitatur gratia nuptam.

Finis histo- Sarmatiæ cunctos huc usq; ab origine prima
 riarum. Pinxerunt Nymphæ reges, operiq; supremam
 Imposuere manum: pars cingitur ultima telæ
 Nexilibus folijs hederæ, atq; uirentis Achanti.
 Ergo Nympharum labor ac solertia postquam
 Hoc uetus aulæis intexit argumentum:
 Illicet undanti pater Istula surgit ab antro,
 Altaq; Carpathijs sub rupibus atria linquit:
 Illuc dona ferens, turrita ubi mœnia surgunt,
 Romulides quorum posuit fundamina Gracchus.
 Densus progreditur cannis, & fronde saligna
 Cinctus: & attollit roranti cornua uultu.

Naribus

Naribus unda fluit, madidis fluit unda capillis :
 Hærentemq; rigant uligine flumina barbani :
 Humida cæruleo uelamine membra teguntur,
 Cuius nexa sonant picto conchyliis lumbo.
 Prosequitur totus Nympharum cœtus euntem,
 Quaq; pedes, udoq; mouet uestigia gressu,
 Naiades spargunt flores, acserta Napeæ.
 Iamq; propinquabat regali spumifer urbi,
 Cum procul impulsore resonare frementia cœlo
 Tympanaq; raurisq; tubas clangoribus audit :
 Ac uidet insignes illum fulgentibus armis
 Teutonas, hinc patrio clypeatos more Polonos
 Comminus accelerare, et equestres pandere turmas.
 Consistit uiridi decliuis margine ripæ,
 Vestigatq; oculis inter tot millia sponsum :
 Quem sonipes gemmis & multo splendidus auro
 In medijs portat turmis, aurata sequentem
 Effeda, nupta quibus sedet, inuehiturq; per agmen.
 Talibus inde suum compellans istula uerbis
 Affatur regem : sponsamq; salutat Elissam.

Salue uirginei decus inclita Nympha pudoris,
 Sarmatici consors, Romani filia regis:
 Hasq; meo late quas irrigo flumine terras,
 Ingredere auspicio fausto : di læta cubilis
 Gaudia, fortunentq; tuæ connubia tede.
 Tu (si uera mihi nec rettulit irrita quondam,
 Nosse futura senex qui creditur omnia Proteus)
 Tu dabis heroum claros paritura nepotes,

Oratio istu-
 le ad spon-
 sam & Re-
 gem.

Qui

DE NVPTIIS

Qui superent fama proauos : qui fortibus ausis
 Ardua Sarmatiae tollant ad sidera nomen :
 Victa triumphantes ualidis quos sentiet armis
 Turcia : quosq; tremens horrescet Caucasus : ergo
 Tanta tuus cunctis aduentus gaudia rebus,
 Ut montana fremant letis iuga plausibus, assert.
 Vocibus alituum resonat mea ripa canoris,
 Inflatiscq; leues Satyri modulantur auenis
 Carmina : nosq; tibi gratamur ouantibus undis.
 Tu quoq; rex animi praestans, qui clara parentis
 Aeneadaeq; refers Augusti nomina; salue.
 At miranda tibi Nympharum munera sponso
 Ecce fero, regum intextis ornata figuris.
 Munera, quae precio gemmas, quae nobile uincunt
 Lydia quod gignit, quod Pannona terra, metallum.
 Qualiter Aeneae clypeus monumenta Quiritum,
 Hec ita maiorum referunt monumenta tuorum.
 Hinc imitanda petas exempla domestica uitae :
 Te seu leta quies pacis, seu bella manebunt.
 Scipio si quando statuas spectabat auorum,
 Incensus magno uirtutis amore flagrabat :
 Quos tibi uirtutis, stimulos, illustria regum
 Haec simulachra, istis efficta tapetibus : addent ?
 Aspice Mesconem, pugnaces aspice Lachos,
 Quos toga, quos acris commendat gloria martis.
 Hos propone tibi morum, uitaeq; magistros :
 Hos contende duces longo praecedere cursu
 Laudis : at imprimis reges de stirpe Iagella,

Atq;

Atq; Sigismundum factis imitare parentem.
 Nulla quidem uirtus est principe dignior, ardens
 Quam pietatis amor : quocirca ante omnia curam
 Religionis agas, & propagare memento
 Hunc, sacra quo gaudet Christi respublica, culium.
 Iara deinde tuis sapienter ut æqua ministres
 Ciuibus : officium poscit munusq; regendi.
 Namq; deus celsa reges in sede locauit,
 Ac tantis opibus, tantis & honoribus ipsos,
 Auxit : iustitiæ quo sint legumq; ministri,
 Attenti & caueant, ne turpi cedat honestum :
 Neue relaxentur scelerato frena furori.
 Clemens esse bonis debes, & sontibus atrox :
 Aequat enim superis animi clementia reges.
 Ardua magnarum si quando negocia rerum
 Sunt tractanda, uiris prudentibus utere : ne quid
 Inconsultus agas : nec te dulcedine captum
 Fallat, & illecebris ad inertem blanda uoluptas
 Desidiam, mollis traducat & ocia uitæ.
 Acres namq; tibi populos fortuna regendos
 Commisit, cœlo quos frigida despicit arctos :
 Duratosq; gelu quos martius excitat ardor.
 Non ignaua ferunt hi desidis ocia regis.
 Adde quod effrenis es gentibus undiq; septus :
 Hinc Scythiæ Nomades tibi bella minantur, & illinc
 Hostis ab infesto Mahometicus imminet Istro :
 Sæuâq; molitur uiolentus prælia Moscus.
 Ipse tot indomitis populis es præda futurus,

S

Si tua

D E N V P T I I S

Si tua torpuerint ignauo pectora luxu.
 Strenuus ergo geras animum curamq; uirilem:
 Nilq; prius uirtute putes: hæc regna tuetur.
 Turpis auaritiæ quoq; detestabile crimen
 Effuge: nullus enim reges non odit auaros.
 Nec tamen in cunctos effundas prodigus aurum:
 Debita munificus uirtuti præmia confer.
 His da largus opes, qui martia signa secuti
 Ob patriam duris adiere pericula bellis.
 Quiq; nouem claris Musarum dotibus aucti,
 Ingenio præstant alijs linguaq; diserta.
 Nam largis opibus debent à rege foueri,
 Quæ sacra uirtutis seruant cunabula Musæ.
 Plura monendus eras: uolucrum sed mater amorum,
 Teq; sacras expectat Hymen ducturus ad aras.
 Ergo detineam ne te, remorerq; loquendo:
 Hæc agendum leto nunc accipe munera uultu:
 Sic tibi, consortiq; tuæ, felicibus adsit
 Tædifer auspicijs, cui sunt connubia curæ.
 Sic uos alma suo genitrix Aeneia cesto,
 Iungat & æternis concordia nexibus ambos.
 Hæc pater oblato cum munere uerba dedisset
 Istula, conticuit: caput occuluitq; sub undis.
 Rex accepta ferens Nympharum munera secum.
 Inde redecebat ductis ad mœnia turmis.
 Omnis at ore fremens populus, plausuq; per urbem
 Hymen ô hymenæe hymen hymenæe sonabat.

ECLOGA GEORGII SABI

ni de Gallo ad Ticinum Capto, Scripta

ad Stanislaum à Lasco Poloniæ

Baronem.

Lycidas, Aegon.

Accipe sylvestri tenerum quod arundine carmen

Lasce tuus cecinit frondente sub ilice uates,

Insubriæ tristem referens de clade querelam,

Quam duo pastores habuerunt : Italus Aegon,

Et Lycidas huius notissimus incola terræ.

Illi ubi caprigenum pecus ad uada fluminis ambo

Compulerant, Lycidas prior est sic ore locutus :

Edite Mantois quid agis pastoribus Aegon?

L.

Frondentes inter salices ubi serpit Haueus

Cinctus arundinibus creberq; palustribus uluis :

Nôstra quid hic tondent Andinæ rura capellæ ?

Exul ago ô Lycida, patrijsq; fugatus ab oris,

Ae.

Herbiferos colles et florida pascua liqui :

In quibus argutas inflauit pastor auenas,

Qui patulæ fagi sub tegmine lentus in umbra

Formosam docuit resonare Amaryllida syluas.

Quæ natale solum te uertere causa coëgit ?

L.

Dura ne pauperies : an mens non conscia recti ?

Me neq; pauperies, ullum neq; crimen abegit :

Ae.

Nam me faunigenis Melibœis gloriôr ortum.

Illic iura dabam pecorum legesq; magistris,

S 2

Tectaq;

E C L O G A

Tecta q̄; flauenti spaciōsa mapalia culmo,
 Centum clausa quibus stabant armenta, tenebam.
 Quin mihi cultus erat, plenusq̄; leguminis, hortus:
 In quo præter olus, uescumq̄; papauer, habebam
 Alliaq̄; maluasq̄; & odoriferum serpyllum:
 Nec spirantis eram Boreæ uenturus ad arcton
 Me fera monstra nisi patria de sede fugassent.

L. Heu sortem indignā: sed quæ fera monstra fugarunt,
 Teq̄; coegerunt patrios mutare penates?

Ae. Expediam paucis, atq; ordine singula pandam,
 Iniucunda licet mihi sint & acerba relatu.

L. Incipe, sed nobis ne forte loquentibus æstus
 Sit grāuis: his mecum succede uirentibus umbris.
 Arboris hic densæ præbent umbracula frondes:

L. Lætāq̄; se uario tellus hic flore coronat.

Ae. Est procul, obliquis ubi Sequana flexibus errat:

Allegorica Regius, Hesperidum quo nullus æmcenior, hortus:
descriptio Utq; meus quondam mihi rettulit hospes Amyntas,

Gallia. Aurea uernanti surgunt ibi lilia campo:

Quæ (uelut Atlantis custos pomaria serpens)
 Haud minor armigero seruat Iouis alite Gallus.
 Crista rubens illi, pictæq̄; coloribus alæ:
 Multum plaudit ouans quibus, elatusq̄; superbit.

L. Ergo quid ille mali pastoribus attulit ales?

Ae. Martius extremis erat in consinibus horti
 Anguis, ad Eridani uiridantes gramine ripas:

Dux Medio- Insubriæ custos terræ, sinuosior illo
lanensis. Angue, Lycaoniam qui circum elabitur arcton.

Gallus

Gallus in hunc ardens odio (nam mutua semper
 Cum colubris ineunt cristatae bella uolucres)
 Concipit horribiles iras: mox tollitur alis
 Huc, ubi nubifera prospectat ab alpe rubentem
 Terga uolubilibus conuoluere nexibus anguem.
 Eridani campos deuastat, agrosq; feraces
 Ticinus uitreo quos lucidus amne pererrat.
 Maturas segetes, resecandaq; farra colonis,
 Florentesq; solo radicitus eruit herbas.
 Dirus et in pecudes armenta; scuij ales:
 Velocem non cursus equum, potuitue tueri
 Cornea quæ duro præfigitur ungula ferro:
 Non potuere truces defendere cornua tauros.
 Nec minus agricolas, armentorumq; magistros,
 Vnguibus arripuit, rostroq; peremit acuto:
 Tanta fuit rabies ac tanta ferocia Galli.
 Vos ô montiuagi pastorum numina Panes,
 Et nemorum colitis qui tesqua uirentia fauni:
 Vos talem nostris terris auertite Gallum.
 Tandem Vindelicis ex Alpibus aduolat istuc
 Alituum regina, Ioui quæ tela ministrat.
 Hæc ubi funesta pastorum strage superbum
 Ad uada Ticini Gallum offendisset euntem:
 Ecce coloratas quatit atro fulmine pennas,
 Cristatamq; inuadit auem: contraria pugnax
 Gallus bella mouet totis conatibus ac ui,
 Horrida committunt ut iniqui prælia uenti,
 Alter ab occasu quando ruit, alter ab ortu:

L.

Ae.

E C L O G A

Luctantesq; fremunt, explosaq; fulmina torquent :
 Haud secus indomito concurrunt Marte uolucres.
 Quippe suis instant armis, & utrinq; fatigant
 Nunc se uulnificis rostris, nunc unguibus uncis :
 Donec ad extremum longo certamine Gallus
 Frangitur, amittens euulsas corpore plumas.
 Tunc aucta insigni uolucrum regina triumpho
 Subuolat, & crista Gallum plumisq; carentem
 Sistit ad Herculeas Gades, ubi maximus Heros
 Carolus Alcidae uictoricibus æmulus armis,
 Geryonis populos ac Betica regna gubernat.

L. O Iouis optatam uobis, ac numinis instar
 Semper honorandam uolucrem pastoribus Aegon,
 Sublato æternam quæ reddidit alite pacem.

Ae. At mox ille redit Lycida, plumisq; renatis
 Noua expe= Prædam factus agit multo crudelior ales.
 ditio Galli in Auxiliumq; ferens illi procul aduenit Vrus,
 Italiam. Sæuior indomitis bobus, quas Aesone natus
 Phasidos ad ripas iuga ferre coëgit aratri.

Vrus & Vrsus. Aduenit infrendens & acutis dentibus Vrsus :
 sus insignia Informis uillis Vrsus, quo nulla ferarum
 Heluetiorū. Incolit Heluetiæ rigidas uiolentior Alpes.

Tum uero fugiunt omnes, laribusq; relictis
 Antra petunt, sese nemorumq; recessibus abdunt.
 Tum pater Eridanus taurino cornua uultu
 Muscosumq; caput flauentibus occulit undis:
 Cernere Ticinus nec tristia damna suorum
 Sustinet : ac trepida formidine Mincius horret,

Mincius

Mincius argutos qui flumine nutrit olores.
 Deniq; tum lugent affecti cladibus horti
 Auricomæ Sirenis, ubi redolentia spirant
 Arboris amittunt quæ nunquam citria florem.
 Ergo ubi iunxerunt se monstra ferocia Gallo,
 Ipse procul fugiens Cadmeæ pascua Mantus
 Defero, ne fiam crudeli præda uolucris.

Neapolis
 obsessa.

Exul & huc uenio rerum nunc omnium egenus,
 Has nisi quod mecum macilentas duco capellas.
 Degimus hic inopem tecto sub paupere uitam:
 Si libet, ô nostris succede penatibus Aegon.
 Sunt mihi tosta domi non acribus oua fauillis,
 Cereæ uimineis seruataq; pruna canistris.
 Et iam rore madent herbæ, subituraq; noctis
 Incipiunt altos operire crepuscula montes.

L.

ECLOGA EIVSDEM, DE

nuptijs illustrissimi principis Alberti,

Marchionis Brandenburgensis, pri-

mi Ducis Prusæ: & Annæ

Mariæ, filiæ Erici

Ducis Brun-

suicensis.

Palemon, Faustus.

F Ausse quid exultant læto Ducis atria plausu? P.
 Hic ubi piscosus sinuato gurgite septem

ECLOGA

Bregela turritæ pontes subterfluit urbis :

Quam rex (ut perhibent) Odoacer condidit olim,

Regalemq; suo montem de nomine dixit.

Nam pulsata sonant tibiçine tympana mixto :

Lætus & auditur concentus in arce tubarum.

F. Gaudia percipiens hymeneia ducit Iolas :

Hæc noua leticiæ est (si nescis) causa Palemon.

Tertius extremo iam cardine uertitur annus,

In uiduo coelebs cum tristia signa cubili

Sustinuit : nunc sponsus init noua fœdera lecti,

P. Illic pauper ago syluis frondator in altis

(Ut scis) nulla uenit quò rerum fama nouarum :

De quibus ergo refers, mihi sunt incognita tædæ

Gaudia : sed memini, summoq; dolore recordor

Temporis illius, quo tota Borussia luxit

Principis heu tristi consortem morte peremptam.

Nanq; ego stridenti plaustro tum uectus ad urbem,

Iuniperi baccas & olentia lingua ferebam

Flens ubi ducebat miserabile funus Iolas.

F. O si uidisses spectacula læta Palemon,

Agmen & Heroum, longamq; ex ordine pompam,

Ipsè triumphanti similis qua sponsus in arcem

Ascendit, nuptamq; nouam per moenia duxit.

P. Eia age fâre precor : sic candida Nais & Aegle,

Hic quibus emisti crepidas mollesq; cothurnos,

Dent optata tibi flagrantibus oscula labris

Ad patrios quando remeabis ab urbe penates.

Ac refer in primis, quo sanguine sponsa parentum

Creta

Creta sit: & nunquid generosa prædita forma.

Edita prælustri Gelphorum sanguine sponsa F.
Est, ut Pieridum cultor mihi rettulit Aegon,
Omnia qui nouit clarorum stemmata regum.

Nobile Gelphorum genus est, notumq; per orbē: P.
Quin & idem bellis assuetum & fortibus armis,
Nescio quos olim Gibelinos contudit hostes,
Vt uulgata docent antiqui carmina Fauni
Quæ Dryades nostræq; canunt per rura Napeæ.

Ortus ab his claris Heroibus acer Ericus F.
Hanc genuit sponsam, quo non laudatior alter
Dux, celebri nomen Brunonis ab urbe gerebat,
Dum triplices illi ducebant fila sorores.
Ipse suas habuit sedes, ubi Fulda pererrat
Saxonie campos, & lucidus amne Visurgis.
Diues agri, diues pecoris: tot pingua terræ
Iugera, tot saltus, tot habebat pascua, miluus
Tota luce uagus quot non circumuolet alis.
Nec non expertus belli mauortia fecit
Prælia, liligero tutatus ab hoste colonos,
Insubriæ quorum scinduntur uomere campi.

Et uetus & certe genus est illustre paternum: P.
Sed de materna quid dicis origine sponsæ?

Si bene commemini de sanguine mater eodem F.
Ducit Elisa genus, satus est quo sponsus Iolas.
Principis est etenim Ioachimi filia primi
Qui fuit imperij Septemuir, & incluta Brenni
Mœnia possedit: moderamina rexit & omnes

E C L O G A

Marchiacas urbes, quas incoluisse feruntur
Teutones, ac primi Sueuorum Semnones olim.

P. Gratulor hoc nobis de principe : gratulor ipsi
Et sponso tali nam coniuge dignus Iolas.
Verum perge precor narrare, ipsamq; puellæ
Nunc effinge mihi uerbis atq; exprime formam.

F. Qualis mane nouo cœli radiantibus astris
Enitet auroræ præcedens lucifer ortum :
Talis uisa mihi sponsa est, quam splendidus auro
Cultus, & insignem reddebat gratia formæ,
Vestibus auratis carpenta aurata premebat,
Nympharum stipata choro, quibus omnibus idem
Ex auro uestitus erat, diuesq; paratus.
Sed tamen in toto formosior altera cœtu
Non conspecta fuit, quàm sponsa: hæc ansere Lædæ
Candidior, roseo suffecta colore nitebat,
Mixa papaueribus ceu candida lilia rubris.
Vtq; decus formæ, sic (quod reor ominis instar)
Ipsa etiam felix & amabile nomen adepta est :
Nanq; refert auiam & genitricem nomine Christi.

P. Si uiget egregio præstans in corpore uirtus,
Ipsaq; contingunt (ut opinor) nomina fato :
Moribus haud dubie sanctis, uitaq; pudica,
Quarum nomen habet diuas imitabitur ambas :
Sic, quo dicta fuit, dignam se nomine gessit
Dorotheæ, tumulo quæ conditur altera princeps :
Seq; Dei donum uirtutibus esse probauit.
Mitis erat, populo nec non affabilis omni,

Multaq;

Multaq; pauperibus donabat farra colonis.

Hactenus hæc : paucis ipsam nunc accipe pompã. F.

Vt noua sponsa suis adducta cohortibus urbem

Ingressura fuit, coetu comitatus equestri

Sponsus in occursum tendebat, & obuius illi

Huc, ubi spumantis sinus incipit æquoris, ibat

Intextam multo uestem circumdatus auro :

Fuluq; cornipedem mandentem frena regebat

Acer, & erecto iactantem pectore crura

Sæpius in gyrum facili flectebat habena.

Corporis armati custodes undiq; septum

Claudebant, humeris & acuto lucida ferro

Gesa, Ducum quæ sunt custodibus arma, ferebant.

Se fratri comitem frater Gilielmus eunti

Præbebat sponso, qui Rigæ mœnia præsul

Liounumq; tenet contermina iugera Moscis :

Et uigil ætherei pastoris ouilia custos,

Extremo argenti coeli sub cardine seruat.

Visendi studio portis effusa iuuentus,

Complebat denso spaciosos agmine campos :

Haud secus ac muscæ sub adulti tempora ueris

Obsita pastorum fuligine limina complent.

Iamq; salutata cum uirgine multa locutus,

Agmine conuerso repetebat mœnia sponsus :

Lætior intrabat turmis & ouantibus urbem.

Hic tibi quid referam phaleras, cristasq; comantes,

Atq; argentatos enses, aliosq; decoros

Ornatus : quibus ipse meo nul tempore uidi

Splendi-

Splendidius : senior nec se uidisse Menalcas
 Commeminit, quamuis centum iam uixerit annos,
 Ante Ducem uero clangebant æra tubarum,
 Cum quibus & rauco castrensia tympana pulsu
 Mota dabant sonitum : circum carpentaq; sponse
 Insignes ibant procures, currumq; tenebant:
 In quo cernere erat simulachra efficta leonum,
 Inclyta Gelphiacæ quæ sunt insignia gentis.
 Quaq; uehebatur ductus per compita currus,
 Læticia celebriq; fremebant omnia plausu.

P. At quos Heroas, quos secum sponsa propinquos,
 Ad noua longinquas hæc gaudia traxit in oras ?

F. Marchio qui Brenni cognomen ab urbe Ioannes
 Ducit, in has terras ipsius auunculus unâ
 Venit : magnanimus princeps, quem castra secutum
 Decertasse ferunt pugna pro Daphnide nuper
 Ad uada Danubij, cum Marte acerrimus Alcon
 Qui iuga Cattorum tenuit contermina Rheno,
 Aspera sceptrifero cum Daphnide bella gerebat.
 Synceræ perhibent hunc religionis amantem,
 Intrepido uerum profiteri pectore cultum
 Tradita rite docent quem nos oracula Christi.
 Principis huius adest & laudatissima coniunx,
 Edita Gelphiacæ Catharina propagine gentis.
 Venit & huc princeps Gilielmus, origine Gelphus :
 Qui ualidis audet contendere fortiter hastis,
 In circo ludi cum committuntur equestres.
 Præterea aduenit formosus & indole præstans,

Dux

Dux qui torua gerit nigri bouis ora Ioannes
 Albertus, fortes quo sese principe Cymbri,
 Vandalie & iactant ad Balthica littora gentes.
 His coniunctus adest & uiricus ipse puellæ
 Gallinæ de monte Comes : cui nobile Poppo
 Nomen. quin etiam lectissima foemina quædam
 Fertur adesse, soror sponsæ : illiusq; maritus
 Popponis frater Comitis : multiq; potentes,
 Et clari uirtute uiri : me nomina quorum
 Prætereunt, & auita fugit natalis origo.

Vix celebrata reor tanto connubia cœtu,
 Cum Thetis Aemoniæ Nereia nupsit alumno.

P.

Tandem ubi uestra rotis excelsam contigit arcem
 Sponsa, Ducis thalamū Nymphis comitātibus intrat.

F.

Atria imaginibus pictisq; ornata tapetis,
 Intus fulgentiq; nitent auro atq; argento :
 Illic mille scyphos, gemmataq; pocula uidi
 Pondere uasta graui, uarijs cælatq; signis
 Pulchrius, Arcadici quàm sagina pocula Mopsi.
 Inde ubi noctis equos uester ducebat opacus,
 Ecce ferunt pueri tædas de more iugales,
 Sponsaq; subsequitur sponsusq; frequente caterua :
 Congressiq; manus solenni fœdere iungunt,
 Sancit & amborum connubia rite sacerdos.
 His actis abeo : nam duro stipite sumpto
 Sæua minabatur mihi uerbera ianitor aulæ.
 Protinus ipse tamen sub cæca nocte reuertor.
 Ornatumq; gerens buxo frondente galerum

Principis

E C L O G A

Principis ingredior reuolutis atria ualuis :
 Contemplorq; dapes & regia fercula cœnæ.
 Non ibi capra rubens, fumoso coctaq; lardo
 Rapa, uel instructas onerabat brassica mensas :
 Sed caro nescio quæ, Panchæi cinnami odorem
 Late diffundens : hic lancibus ora ferarum,
 Hic capita immuni stabant & hiantia rictu.

F. Formidanda refers magnorum fercula regum :
 Miror ad has ipsas epulas, rictusq; ferinos,
 Ducere magnates læto conuiuia uultu.

F. In patinis non sunt metuendi dentibus apri,
 Sicut in umbrosis, fera dant ubi uulnera, syluis.
 Postera lux uero cum noctis abegerat umbras,
 Ingreditur sponsus sacrati limina templi
 Cum sponsa : precibusq; pijs ibi numen adorant,
 Iamq; choros læti ducunt : & in arce iuuentus
 Martia commissis edit spectacula ludis :
 Armatiq; uiri concurrunt grandibus hastis.

P. Acre mihi gelidos nisi frigus adureret artus,
 Edita narrares etiam spectacula uellem.
 Sed iam digredior : uotisq; ardentibus opto,
 Coniugium nostro Deus ut fortunet Iolæ.

F I N I S.

199
GEORGII

SABINI LIBER

EPIGRAMMA

TVM.

AD VIRVM DIGNITATE ET

doctrina præstantem, Paulum Prætorium,

Sigismundi Archiepiscopi Madæ-

burgensis, consiliarium

& præcepto-

rem.

Quæ legeret hilari iuuenes epigrammata uultu,
Vatis ad exemplum compositurus eram.

Quem tulit urbs Celtis & Iberis condita priscis

Bilbilis, irrigui cincta Salonis aqua.

Affectansq; sales, argutaq; dicta, precabar

Vellet ut inceptis musa fauere meis.

Ulla mouens risu caput, ò quid inanibus optas

Votis? tu ne paras esse iocosus? ait.

Te grauis anxietas animi, curæq; fatigant:

Ingenio gaudet liberiore iocus.

Quin & Bilbilici dicteria multa poëtæ

Sunt obscæna: nigro multaq; felle madent:

Ac la-

S A B I N I

At lacerant famam : sed non imitanda modestis
 Ingenijs, nec sunt moribus apta tuis.
 Quæ tamen exhilarent lectoris carmina mentem
 Ludere si plectro te breuiore iuuat,
 Lude uerecunde : nec spinis asper acutis
 Punge : nec obscœnis ora resoluè modis.
 Dixerat : illius monitis & iussa secutus,
 Ingenua duxi nul grauitate prius :
 Hæc q; breui ludens epigrammate carmina feci,
 In quibus arguti sunt sine felle sales,
 Obscœniq; nihil : resonam nunc alloquor Echo :
 Tristia nunc titulis orno sepulchra suis :
 Et iocor interdum, recitoq; mouentia risum
 Dicta : tamen uana quæ leuitate carent.
 Hos tibi Pieridum cultori dedico lusus,
 Ingenij fautor candide Paule mei.

LIBER AD LECTOREM.

Non ego sum lepidò cõpar epigrammate uati
 Quo didicit falsè Roma iocante loqui.
 Ipse sed illius quasi simius, æmula ludo
 Carmina : quæ quanquam non tibi forte placent,
 Tu tamen euoluas : cura grauiore uacantem
 Te, cum simiolo ludere quando iuuat.

E C H O.

Dic mihi Nympha cauis habitans in uallibus Echo,
 Semicaper Faunus cur ita clamat? E C H O, amat.
 Quæ

445

E P I G R A M.

Quæ tamen illa furit cuius male sanus amore?
Diuitis an Codri filia Nais? ECHO, ais.
Est opulenta quidem, sed turpibus obsita rugis:
Debuit hanc bisfrons ducere Ianus. ECHO, anus.
Candida me uero Thaumantias urit amantem,
Cuius forma decens & generosa. ECHO, rosa.
Huius amore flagro: sed dic resonabilis Echo,
Quæ res ergo graues sunt in amore? ECHO, moræ
Ver est conueniens blandis & amoribus aptum:
Vere nouo sponsum me fore reris? ECHO, eris.
Interea gelidis in uallibus ipsa ualetio,
Vox tua sæpe mea uoce sonabit, ECHO, abit.

E P I T A P H I V M FRIDERICI
 Marchionis Brandeburgensis Archiepi-
 scopi Madeburgensis, qui obiit
 Anno M. D. LII.

R Edidit ante diem Fridericus Marchio uitam,
 Factus ubi præsul Parthenopæus erat.
 Hunc ubi conspexit Respublica morte solutum
 Fleuit: & hæc mœsto pectore uerba dedit:
 O column Friderice meum: ceu missis in herba,
 Ab tua sub primo flore iuuenta perit.
 Te uix alter erat præstantior indole princeps:
 Spes erepta mihi funere quanta tuo?

T DE

SABINI
DE ASTROLOGO
et aratore.

Dixerat astrologus cœlum sine nube futurum
Principe sylvarum lustrâ petente suo.
Dixerat è contrâ ruiturum nubibus imbrem
Vertere consuetus bobus arator humum.
Vix ingressus erat princeps nemus ilice densum,
Cum subito pluviæ præcipitantur aquæ.
Laudat aratorem princeps, ipsumq; doceri
Astra, sed astrologum sumere rastra, iubet.

APOPTHEGMA DIVI
Augustini.

Dum Lybicus Christû pater Augustinus in oris
Afferit, ac peragit munus in æde suum:
Dum miranda refert populo primordia mundi,
Esse docens uerbo cuncta creata Dei:
Impius assurgit uerbisq; procacibus Afer,
Ergo opifex rerum quid faciebat? ait,
Et quibus intentus fallebat tempora curis?
Mundus adhuc nondum cum fabricatus erat.
Præsul adhæc Lybicus, fabricabat tartara dixit
His, quos scrutari talia mente iuuat.

IN TVCCAM, OB
tre. Tatorem.

PArua quod alterno deduco Poëmata uersu,
Diceris ingenium carpere Tucce meum.

Sunt

196

E P I G R A M.

Sunt mea parua quidem, tenuiq; simillima riuo:
 Leniter immunda sed sine sorde fluunt.
 Multa turget aqua septemplex alueus Istri,
 Sed nimis est multa turbidus Ister aqua.
 Nemo petit sitiens ingentia flumina: paruo
 Fonte leuant homines, flumine bruta sitim.

IN EFFIGIEM IOACHIMI
 II. Marchionis Brandebur-
 gensis, principis Ele-
 ctoris.

Fulmine dum belli tempestas perculit omnes
 Quos tenuit martis dira cupido duces,
 Optimus hic princeps intactus fulmine mansit,
 Vlla nec hostili uulnera clade tulit.
 Quæ ratio? pacem coluit, pacisq; sequester
 Martia consilio sustulit arma suo.
 Maius ob id nomen, quàm si fera bella dedisset,
 Seq; cruentasset sanguine plebis, habet.

DE AQUILA BRAND-
 deburgensi.

Dum uolucres aliæ cum Cæsaris alite bellum
 Vnguibus armatis exitiale gerant,
 Fortia signatus regali pectora sceptro
 Ales, Cæsareæ fidus adheret aui.

T TOR.

S A B I N I
T O R M E N T V M B E L L I
cum, Iulij II. Pontificis imagi-
ne insignitum.

Qui truculentus eram bellator, & effera cuius
Mens olim rigido durior ære fuit,
Aenea sum belli nunc machina: fulminis instar
Et nunc igniuomo Iulius ore fremo.
More meo strages, & funera stragibus edo:
Vrbibus exitium dirus, ut ante, fero.
Sic mihi uis eadem remanet post fata nocendi:
Tristia mee populus damna tonante facit.

A D S I G I S M V N D V M A R C H I
episcopum Madeburgensem, Sigis-
mundi Regis Poloniae ex fi-
lia nepotem.

Quanta Sigismundi grauitas, sapientia, uirtus,
Quem coluit regem Sarmatis ora, fuit:
Tanta tibi grauitas, illius tanta nepoti
Virtus, tamq; sagax contigit ingenium.
Quin eadem facies: habitusq; simillimus oris:
Inq; tuo ualidum corpore robur inest.
Indole sic animi, sic fausto nominis illum
Omne, sic oculis, sic grauitate, refers:

DE IOACHIMO II. MAR-
chione Brandeburgensi exercitum contra
Turcas in expeditionem edu-
cente augurium.

Cum patris educēs Ioachimus Marchio turmas
Castra profecturis signaq; mouit equis,
Auspice qui contra pharetratos Cesare Turcas,
Acria pro Christi nomine bella gerit:
Ingrediente uiam cantantes principe pulli
Insolitum liquida uoce dedere sonum,
Præpete qui nondum uestiti corpora penna,
Ante duos sed adhuc oua fuere dies.
Hæc bona felicem portendunt signa triumphum:
Augurijs faustum talibus omen inest.
Nanq; ubi Thebanis uicti Lacedæmones armis,
Sanguine fecerunt Leutra cruenta suo:
Martis aues, læto uictoribus omine, galli
Prospera uocali gutture signa dabant.

TROPHAEVM EIVS
dem Marchionis,

Hæc tibi Turcarū Ioachimus Marchio uictor,
Militiæ statuit Christe trophæa suæ:
Arcusq; Clypeosq; sagittiferasq; pharetras,
Barbara quæ fufis abstulit arma Getis,
Cæsaris auspicio pugnans ubi contudit hostes:
Dedicat hæc templis munera uota tuis,

S A B I N I
COLLATIO SATVR
ni & Papæ.

FAlcifer hic olim Saturnus regna tenebat,
Aufonius sedem nunc ubi præsul habet.
Ille parens crudelis erat, natosq; uorabat :
Hic simili præstat se feritate patrem.
Nanq; suos natos, cum bile tumescit & ira,
Ad Stygias sæuo fulmine mittit aquas.
Ille grauem fertur deglutinuisse molarem :
Faucibus hic arces, oppida, regna, uorat.

DE ALBERTO ACHIL
le Germanico, Marchione
Brandeburgensi.

Certior Albertus cum Marchio redditus esset,
Acre sibi bellum quinq; parare Duces :
Atq; moneretur ne tot contenderet impar
Hostibus : intrepidus iussit abesse metum.
Quin referam tanto plus laudis ab hostibus, inquit,
Illorum quanto copia maior erit.
Anxia solliciti quam causam turba pauoris
Attulit : hæc illi calcar ad arma fuit.

DE TOLLIONE FV
rante horologium.

Quod mouet æquales spacijs distantibus horas
Liliger auratum Gallus habebat opus :

Hoc

Hoc ubi, militiam funestaq; bella secutus
 Tollio, Normannus surripuisset eques,
 Inq; sinu furtim per regia limina ferret,
 Edidit horarum machina mota sonum.
 Inditio tali fur proditur: omnia fiunt
 Crimina iudicio sic manifesta Dei.

DE IOANNE GEOR-
 gio Marchione Bran-
 deburgensi.

INuia dum canibus sylvarum lustra pererrans
 Cuspide setosos Marchio figit apros,
 Mars ait, hoc princeps studium depone Dianæ,
 Et fac militiæ castra sequare mee.
 Me duce magnificas Asiæ uenaberis urbes:
 Inq; tuos casses Turcica regna cadent.
 Quæ uastat Scythicis egressa paludibus orbem,
 Succumbet iaculis bellua fixa tuis.

IN EFFIGIEM ALBERTI
 Marchionis Brandeburgensis, pri-
 mi Ducis Prussiæ.

REgia laurigeris qui condidit atria musis
 Hic ubi labentes Bregela uoluit aquas,
 Primus & indigenas uera pietate Borussos
 Imbuit, Albertus Marchio, talis erat,
 Bistribus adiectis quando natalibus æui
 Dena recensebat lustra peracta senex.

S A B I N I
IN EFFIGIEM ANNAE
Sophiae, filiae Ducis Prussiae.

Qualis Amycleas inter formosa puellas
Tyndarei quondam filia regis erat,
Talis apud gentes, quas Parrhasis educat arctos,
Eminet ac roseo vix habet ore parem
Nobile quæ nomen Sophiæ de nomine ducit,
Anna Borussiaci clara propago ducis.

EPIGRAMMA INSCRIPTVM
termino in finibus Lituaniæ &
Prussiae posito.

Quando Sigismundus patrijs Augustus in oris,
Primus & Albertus Marchio, iura dabant:
Ille Iagellonis Litauorum principis urbes,
Hicq; Borussorum pace regebat opes:
Hæc erecta fuit moles, quæ limite fines
Signat, & amborum separat arua Ducum.

EPIGRAMMA INSCRIPTVM
in Palatio Ducis Prussiae ubi depicta est
genealogia Caroli V.
Imperatoris.

FRancia quæ tribuit deuictis nomina Gallis,
Troiugena claros Hectore iactat auos,
Hos & progenuit reges, regumq; nepotes,
A quibus Habsburgæ manat origo domus.

Vnde

EPIGRAM.

749

Vnde duces orti, quibus omnes Austria reges
Sanguinis exuperat nobilitate sui.
Cum genus Aeneadum non amplius imperat, orbis
Cepit ab Hectorea posteritate regi.

EPITAPHIVM LVDOWICI
Regis Hungariae, à Turcis
occisi.

Natus ab antiquo Ludouicus sanguine regum,
Pannoniae gessi sceptrum potente manu:
Occubui, patriam dum protego fortibus armis,
Thrace fero regnum depopulante meum.
Nec tamen aduerso cecidi quod Marte peremptus,
Patria quod mecum concidit ipsa, queror.

DE PRINCIPVM
discordia.

Mutua discordes faciebant praelia turdi,
Acris et alitibus pugna duobus erat.
Vidit ut amborum praedo certamina Nisus,
Vnguibus ac rostro dilaniabat aues.
Sic modo dum faciunt discordes praelia reges,
Turcicus Europae diripit hostis opes.

IN MUTATIONEM VR-
bium Germanicarum.

Quando ruinosae stabant circumdata muris
Oppida, nec praecipua fossa nec agger erat:

T S Inclyta

S A B I N I

Incluta tum belli Germania laude uigebas,
 Hoste tibi nullos incutiente meus.
 At fossis postquam nunc est munita profundis,
 Aggeribusq; urbes uallat arena tuas :
 Nunc uirtute cares : nunc supplex porrigis ultro
 Omnibus imbelles hostibus ipsa manus.
 Grandia quod trepidos formidine cornua ceruos,
 Hoc tua te fossis moenia cincta iuuant.

EPITAPHIUM BALDASARIS

patris Georgij Sabini, Con=
 sulis Brandebur=
 gensis.

Quas pater inferias, tibi quæ funebria soluam
 Munera? quæ meritis præmia digna tuis?
 Urbis honoratus rexisti consul habenas:
 Afflicta est populi te moriente salus.
 Acer eras scelerum uindex, & cultor honesti :
 Iuraq; reddebas ciuibus æqua tuis.
 Tuq; mihi sumptus alimentaq; larga dedisti,
 Cum puer his studijs erudiendus eram.
 Pro quibus officijs quanquam tibi nulla rependi
 Dona, nisi hæc luctus heu monimenta mei,
 Funere sublatus tamen hoc solamen habebis.
 Chære parens, nequeat quod tua fama mori.
 Nanq; tuum decorant tumulum seruantq; Camœnæ,
 Per quas æternum uiuere fama solet.

DE DIVITE ANV. INSVL.
tante paupercula mulieri.

PAuperis uxor erat sed honesti ciuis : ad illam
Vestibus & gemmis splendida uenit anus,
Cuius sacrilega ditatus fraude maritus,
Turpiter immensas accumularat opes.
Sicq; locuta fuit : sum diuite splendida cultu:
Tu quid inops inopis coniugis uxor habes ?
Opportuna dedit uerbis responsa modestis
Pauper honorato foemina iuncta seni,
Te decorant tyriae uestes, gemmaeq; nitentes :
Fama boni decorat me sed honesta uiri.

EPITAPHIVM ALBERTI
filij Georgij Sabini.

ALberti gelida consumpti morte Sabini
Filioli sunt hic ossa sepulta mei,
De quo magna quidem sed inanis facta parenti-
Spes mihi, detraxit quam fera parca, fuit.
Corpore robustus, teneris animosior annis,
Ingenio praestans, ore uenustus, erat.
Indicat infelix operosi cura sepulchri,
Quanta mihi misero spes sit adempta patri.

ALIUD EPITAPHI-
um eiusdem.

VNica Christe salus hominum qui tristitia nobis
Mortis ademisti uincula morte tua,
Has

S A B I N I

Has precor exuias, animamq; tuere caduci
Corporis, hic gelida quod requiescit humo.

EPITAPHIVM CHRISTO-
phori filij G. Sabini.

TV quoq; Christophori nomen qui nate gerebas
Spesq; senescentis magna parentis eras,
Conditus hic dormis: & eodem iuncta sepulchro
Hic tua fraternis ossibus ossa cubant.

AD AFFINEM SVVM DO-
ctorem Christophorum Ionam
Regiomontanum.

Cunctaleonte Leon cum fratre forēsibus armis
Decertat, dubio bellaq; Marte gerit.
Belli causa patris non intellecta uoluntas,
Ipse suas utri nempe dedisset opes.
His etenim uerbis, mea do bona cuncta leonti,
Ante parens usus quàm moreretur erat.
Hinc sibi Cunctaleon patris bona uendicat hæres,
Omne patrimonium poscit & ipse Leon.
Tu refer antistes legum doctissime Iona,
Quis sit adepturus iure parentis opes.

DE AVLICO.

Avlicus incedit dum longa per atria solus,
Ore uelut coram principe uerba dabat.
Rusticus

Rusticus aspiciens hunc percuntatur & inquit;
 Nemine quis tecum uerba loquente facit?
 Aulicus hic moto stomacho: cur improbe dixit
 Ista rogas? mecum quod loquor, an ne uides?
 Ille subhæc, fateor: sed cur non mutua ducis
 Verba locuturus cum meliore uiro?

PICTORIS IOCUS.

Pignora coniugij deformia pictor habebat:
 Vxor in hunc talem protulit ipsa iocum.
 Cum tua præstantes manus exprimat æmula formas;
 Cur secus ac pingis, corpora fingis? ait.
 Nocte refert, soleo tenebrosa fingere pingo:
 Clara nitet phœbo cum radiante dies.

DE SENIBVS IN COEMI-
terio confabulantibus.

Complorata iacent moestis ubi corpora bustis;
 Garrula soluebant uocibus ora senes,
 Certabantq; iocis: ad quos puer ore proteruus,
 Sunt, ait, ad uestras gaudia quanta domos?
 Confectos ætate senes, lethoq; propinquos,
 Ipsorumq; notans, esse sepulchra, domos.

AD IOANNEM HORNBRÆ-
gium, Episcopum Lubusanum.

VNice Mecœnas & uatis amice Sabini,
 Vt quoq; carminibus tu celebrere meis;
 Hoc

S A B I N I

Hoc mea te donat succincto musa libello :
 At mihi cur donas hoc leue munus ? ais.
 Nempe quod in tenero doctorum carmine uatum,
 Te nihil arguta plus breuitate iuuat.
 Salsa sed hæc (inquis) non sunt epigrammata: cur hæc
 Dulcibus aspersit non tua musa iocis ?
 Publica dissidijs turbantibus ocia, rarus
 Hæc quo scribebam tempore risus erat.

EPITAPHIUM VXORI

erectum ab Antonio Borg,
 Prusiae Præfecto.

Accipe perpetui sed flebile pignus amoris
 Nuper eras thalami quæ decus Anna mei
 Hos memores uersus, clarum post funera nomen
 Vnde recognoscant secula longa tuum.
 Non uirtute minus, quam nobilitate, fuisti
 Inclyta: te uitæ candida fama manet.
 Inuiolata mei seruasti scœdera lecti:
 Culta tibi pietas, est tibi culta fides.
 Nec sterilis, sed eras fœcunda: nec altera, dulci
 Fœmina quæ uultu te superaret, erat.
 Munera pauperibus conferre benigna solebas:
 Luxerunt inopes te moriente nurus.
 Nunc es apud superos: Christum moritura uocabas
 Voce redemptorem deficiente tuum.

152

EPIGRAM.
EPIGRAMMA INSCRIPTVM IN
pariete Gymnasij Regiomontani.

Quando redemptoris post incunabula nostri,
Addita ter centum lustra duobus erant,
Phœbus & undecies ternos compleuerat orbes,
Lucida qui coeli signa pererrat equis,
Hic erecta fuit doctis Academia musis,
Quas fouet Alberti cura benigna Ducis.

ALIUD IBIDEM.

Qui regit indomito praestantes Marte Borussos,
Gymnasio princeps hæc dedit arma suo,
Nempe duas aquilas, inuictum Heroaq; cuius
Aonidas forti protegit ense manus.

IN MERCVRIVM VANDALVM.

TE magis elinguis cum sit nec agrestior alter,
Quare Mercurij nomen inepte geris?
Non ita, dicendi quod præstas laude, uocaris:
At potius, turpi furta quod arte facis.

IN EFFIGIEM MATTHIAE
Stoij Regiomontani.

SToijus Aonidum cultor, quo clarus alumno
Factus, honoratum Bregela nomen habet,
Sic oculos, sic ipse genas, sic ora ferebat
Quando Borussiaci pars Heliconis erat,
In quo

S A B I N I

In quo plectra mouens Amphionis æmula uatis,
Traxit Apollinea saxa ferasq; chely.

IN POETAM IMPVDEN-
ter adulantem.

PHæbus adulantem compellans uoce Poëtam
Qui de liligero rege poëma dedit.
Improbe, te ne pudet consingere talia? qui sis
Miror, utrum uates, an parasitus? ait.

DECOCTORIS IOCUS.

CVM sua decoctor subeuntem limina furem,
Querere speratas nocte uideret opes:
Nocte quid in nostris circumspicis ædibus? inquit,
Hic ego nil media cernere luce queo.

AD ACHATIVM.

VT merito quanquam Germanus origine natus
Nobile Troiani nomen Achatis habes
Inter quotquot erant Aeneam classe secuti
Troas: nemo magis fidus Achate fuit.
E multis mihi certa fides est cognita quorum,
Cognitus est fidus te mihi nemo magis.

EPITAPHIVM PASTORIS.

TRistia discite meo uitare pericula casu
Hospes & alterius cautior esse malo.

Nox

EPIGRAM.

153

Nox erat, & gelidos emiserat Aeolus euros,
 Cum puer armentum pascere iussus eram.
 Excito fumosum radice sub arboris ignem:
 Inde soporatum me premit alta quies.
 Dum capio somnum, uiolentis ignibus arbor
 Corruit: exitio meq; ruina dedit.

IN PHILIPPICAS CICE-
 ronis & Ouidij libros Metha-
 morphoseôn.

Cultra iuuentuti Ciceronis scripta Sabinus
 Tempore brumali iam redeunte legam:
 Scripta quibus pugnae Antonius urbe fugatur,
 Caesaris ulcisci dum parat ense necem,
 Qui funesta mouens aduersus bella senatum,
 Ciuica Romanos traxit in arma Duces.
 Dulcia quin etiam Peligni carmina uatis,
 Inq; nouas formas corpora uersa, legam.
 Hæc ego iam biduo uenturas ante calendas
 Ordinar auspicijs enucleanda bonis.

IN SYMBOLVM STEPHA-
 ni Doleti. Omnia amussim dolo.

Si dolat expoliens ad amussim cuncta Doletus,
 Cur sua non etiam carmina scabra dolat?

IN POEMATA EIVSDEM.

Carmina facturus sublimia, fecit oletum:
 Hinc Bauio peius uate Doletus olet.

S A B I N I
E P I T A P H I V M D O C T O R I S
I o a n n i s B r i s m a n n i , P r æ s i d i s
S a m b i e n s i s .

Ille ego qui Christi Brismanus ouile regebam
Hic ubi mons triplici Regius urbe iacet,
Totaq; cui clarum tribuebat Sambia nomen
Præsidis : hic uili sum tumulatus humo.
Me pia sed magnis ecclesia laudibus effert:
Semper enim uigilans in statione fui,
Diuinog; lupum baculo insectatus abegi,
Ne mihi commissas dilaniaret oues.
Vana superstitio, fanaticus error, & omnis
Hinc dedit impietas me duce pulsa fugant.
Olim quisquis eris nostri successor honoris,
Fac eadem sacri sit tibi cura gregis.

A D S T A N I S L A V M H O S I V M ,
E p i s c o p u m V a r m i e n s e m , P r o s o p o p e i a
P o e m a t u m G . S a b i n i .

Qui fuit Euganea tibi notus in urbe Sabinus,
In uiridi genuit nos Helicone parens.
Excipe pierij natos & pignora uatis,
Præsul Apollinei candida fama chori.
Est studium nobis (studium si forte requiris)
Dulcia Threitiæ plectra mouere lyræ.
Inclita magnorum canimus præconia regum,
In quibus ipse tuus rex quoq; nomen habet.

EPIGRAM.

754

Si dignatus eris præbere canentibus aures,
Nostra canent laudes postmodo plectra tuas.

EPITAPHIUM MELCHIORIS

à Creucen uiri dignitate & uir-
tute præstantis.

Melchior hic situs est, uir sanguine clarus equestri,
Cuius auita domus de cruce nomen habet.

Misnia fulgenti tellus opulenta metallo
Edidit hunc patrio progenuitq; solo.

Venit in has terras æuo florente, regebat
Saxo Borussorum cum Fridericus opes.

Inde sub Alberto traduxit principe uitam,
Qui titulum meruit primus habere Ducis.

His à principibus magno fuit auctus honore:
Ante alios quoniam fortis & acer erat.

Natos ipse duos sublatu morte reliquit,
Hæc statuere suo qui monimenta patri.

EPITAPHIUM CATHARINAE,

coniugis D. Ioannis à Creucen, Cancel-
larij Ducis Prussiae.

Condita quæ tristi iacet hoc matrona sepulchro
Nobilis est claro sanguine nata patris,

Argolicis habuit gratum Catharina puellis

Nomen : Ioanni de Cruce nupta fuit,

Vnanimis septem cum coniuge uixit in annos :

Candidus amborum lite carebat amor.

S A B I N I

Castâ pudicitiae famam seruauit honestam,
 Qua laudata nihil foemina maius habet.
 Quin & adorauit sincero pectore Christum,
 In gremio uitam mortua cuius agit.

IN POEMATÂ ANDREAE Munceri Elbingensis.

Diuces ut Aegaei quondam maris insula Lesbos
 Threitiij meruit uatis habere lyram,
 Cuius mirifica dulcedine saxa feruntur,
 Brutaq; in Ismarijs obstupuisse iugis:
 Nunc ita diuino praestantes carmine uates
 Educat Orpheam Prussia nacta Chelyn:
 In quibus Andreas Muncerus nobile nomen,
 Inclytus Aonij fontis alumnus habet.

DE SACERDOTE FVREM CONSOLANTE.

Quidam Sacrificus furem comitatus euntem
 Huc, ubi dat fontes carnificina neci,
 Ne sis mœstus, ait: summi conuiuia tonantis
 Iam cum cœlitibus (si modo credis) eris.
 Ille gemens, si uera mihi solatia praebes,
 Hospes apud superas sis meus oro, refert.
 Sacrificus contra: mihi non conuiuia fas est
 Ducere: ieiunans hac edo luce nihil.

EPIGRAM.
DE QVODAM DVCE.

155

SAepe rudes inter mutata ueste colonos
Noricus agricolæ Dux faciebat opus.
Nunc pascebat oues nunc gramina fâlce secabat:
Vomere proscindens nunc subigebat humum.
Et simul illato de se sermone, rogabat
Plurima: nempe quibus moribus ipse foret:
Iustus an exigeret pœnas à fontibus ultor?
Debita conferret præmia num ne bonis?
Querenti uero causam, cur regibus ortus,
Princeps agricolam se simularet, ait:
Me iuuat è rudibus cognoscere uera colonis:
Seruit adulatrix auribus aula meis.

AD VRBANVM.

Diceris Urbanus: sed nominis immemor huius,
Semper inurbanus, cum bibis, esse soles.

DE HERMETE.

Est pedibus uelox, sed lingua tardior Hermes:
Currere, non hominū corda mouere potest.
Si coniuncta pedum linguæq; uolubilis esset
Mobilitas, poterat nuncijs esse Iouis.

AD BARBARAM.

Pulchra fores, Lybica nisi uirginis instar haberes.
Fusca coloratam Barbara sole cutem.

S A B I N I
IN HARPALEVM.

A Vrea suspendis quare digitalia collo?
Articulos debent quæ decorare tuos.
An quia non hominis digitos, sed uulturis ungues,
Cuncta quibus tollas raptor auarus habes?
His igitur merito, digitorum uincula demis:
Ut rapias quiduis liberiore manu.

IN QVENDAM TENACEM
nomine Polydorum.

N Vlla suis unquam qui munera donat amicis,
Euclio dicendus, non Polydorus, erat.

Dictum ἀποστ'όκητορ.

E Brius oclusas pulsabat Vandalus ædes
In quibus Illyrici sanguinis hospes erat:
Impatiensq; moræ cum nigra bile tumeret
Hospite confestim non referante domum,
Ecce quid Illyricum, clamabat, & inter asellum,
Quo pecus est nullum turpius, esse rear?
Ille refert contra: dubius quid talia quæris?
Anne uides, quod sint inter utrumq; fores.

IN ARGVM.

Cum non luminibus centum, sed præditus uno
Sis oculo, Cyclops Arge uocandus eras.

EPI.

EPIGRAM.

EPIGRAMMA INSCRIPTVM
ædibus Francofordiæ ad Oderam.

156

Parua quidem domus est, sed in hac habitante Sabino
Calliope sedem gaudet habere suam.

DE BIBLIOTHECA MO-
nachorum.

HAud secus ac duro fugitiuos carcere seruat
Vestra cathenatos bibliotheca libros.
Quid mirum? si nulla uiget doctrina, colendi
Doctrinæ autores hic ubi uincla gerunt.

IN POLEMOLOGVM.

Nil aliud, quando loqueris, nisi tristia narras
Prælia: ni fiant prælia, mutus eris.

ABSTINENDVM A REPVBLICA.

ILlecebris ueluti meretrix inuitat amantes
Adferat ipsa quibus perniciosa malum:
Haud secus allecitat iuuenum respublica mentes,
Perdit amatores quæ male fida suos.
Quisquis es, hanc pariter deuities, hortor, & illam:
Vtraq; plena malæ fraudis, amata nocet.

IN ANCILLAM OBESAM.

Ne caro præpinguis, sale non condita, putrescat,
Nostra uorat multum Phyllis obesa salis.

S A B I N I

Hinc ne concipiat duros uestica lapillos,
 Se liquido semper perluit illa mero.
 Sic habet, immodico turgens abdomine, causam
 Quare perpetuo sistat alatq; sitim.

DE MERCVRIO ET VVLCANO.

Filius abstulerat Maia caducifer arcas
 Taurea mulciberi uincula bina pedum:
 Dissimulat placidis commotam uocibus iram
 Claudus, Atlantiaden alloquiturq; faber,
 Aptameis (inquit) fuerant quæ uincula plantis,
 Aptaprecor pedibus sint Tegeæ tuis.
 Scilicet exoptans: ut fur delapsus ab alto,
 Distortos etiam possit habere pedes.

IN FABRVM.

Cur faber obscuri mea scripta Lycophronis instar,
 Plena tenebrose noctis esse refers?
 An quia caligant atro tua lumina fumo:
 Obscura apparent hinc mea scripta tibi?
 Nec tamen est mirum si forsitan horrida pangam
 Carmina, quæ nullo lumine clara nitent:
 Nam mea peruigili studio se musa fatigat
 Quando tenebrose noctis aguntur equi.

DE LVPA MERETRICE noctu interfecta.

Dum se fingit anus formosam nocte puellam
 Et Lupa fucato decipit ore procum,
 Suppo=

EPIGRAM.

*Suppositam ueluti Calchas pro uirgine ceruam,
Sic procus hanc mactans conficit ense Lupam.*

IN PHILOSTRATVM.

*Quam sit Marte ferox, belloq; Philostratus acer,
Picta cupidinibus, quæ gerit, arma decent.*

IN ELOQVENTEM ET
deformem.

Nestor es eloquio, Thersites ore : dolendum est
Ingenium melius non habitare tuum.

DE FOENERATORE.

Pro tribus exigeret cū uilibus Euclio drachmis
Fœnus ab urbano milite, miles ait,
Ne diffide dabo : dubijsq; sefellit auarum
Dictis : accepto nam dedit ære fugam.

IN SICVLVM GEMMIS
ORNATVM.

I Numeras gestat digitis, ceu fœmina, gemmas
Diuite Trinacrius Gantore natus Erix,
Omnibus ostentatq; locis, ac laudibus ornat
Tales, ipse quibus diues abundat, opes :
Hæc recreat uegetatq; oculos : hæc expedit iram :
Illa ueneficijs gemma medetur, ait.
Ex tot mirificis gemmisq; potentibus, unam
Debat digitis applicuisse suis,

S A B I N I
IN DECTICVM POE.

tam Laureatum.

Cvr dedit è lauri Cæsar tibi fronde coronam?
Ingenuos uates laurea ferta decent.
Conuenit urtica mordacibus herba Poëtis:
Hac potius cingi Dectice dignus eras.

AD ALEXANDRVM SVCH-
tenum Gedanensem.

Acer ut inuictis domuit qui uiribus orbem
Natus Alexander martis ad arma fuit:
Sic & idem qui nomen habes Suchtene, uideris
Mitia Pierij natus ad arma chori.
Quis Deus impleuit iuuenilia pectora? quis te
Extulit ætatem spiritus ante tuam?
Haud minus oblectat me gratia carminis huius
Te quod amore flagrans Nympha canente dedit.
Quàm quod Abideno Leandro Sestias Hero,
Sydonis aut Phrygio misit Elisa duci.
Perge sacer uates Suchtenæ gloria gentis,
Impiger Aonia ludere perge chely.
Quodq; geris, faustum te nominis excitet omen,
Omnia nominibus nam quis inesse neget?
Inter honoratos quos Teutonis ora Poëtas
Iactat, Apollineo carmine uictor eris.

EPITAPHIUM CATHARINAE
Reginæ Suetiæ, quæ fuit inclyti Re-
gis Gustauī coniunx.

Quam

EPIGRAM.

758

Quam uelut orba suam deplorat Suetia matrem,
 Vxor in hoc tumulo regis humata iacet.
 Quattuor adiecto uix lustra peregerat anno,
 Clausit ubi summum funere rapta diem.
 Nec uitale tamen lumen sine prole reliquit:
 Vno facta tori pignore mater erat.
 Nunc æterna capit cœlestis gaudia uitæ,
 Sincera coluit quod pietate Deum.

AD PAVLVM SPERATVM A
 Rutulis, Episcopum Pomesaniensem.

ME sacer admonuit brumali mense December
 Carmina Pieria ludere pauca chely,
 Ut canerem festæ solennia gaudia lucis,
 Natalem Domini qua pius orbis agit.
 Hæc edenda tuo sub nomine carmina duxi,
 Pauca, sed à studio non aliena tuo.
 Namq; redemptoris peragunt præconia nostri,
 Cuius es electas pascere iussus oues.
 Hos modo si paucos non aspernabere uersus,
 Accipies animi pignora plura mei,
 Vnde sequens ætas longo uentura sub æuo
 Noscet amicitiam me coluisse tuam.

IN COMPTVLVM.

Sic picturatis te comptule uestibus ornas,
 Te queat ut sponsam sponsa uocare suam.

IN

S A B I N I
IN MALVM POETAM,
opibus affluentem.

Esurians ieiuna tamen non fecit Homerus,
Tu ieiuna satur carmina Plute facis.

DE INVIDO.

Queridis in terram demisso Demea uultu
Cur eat : alterius prosperitate dolet.

IN OBTRACTATOREM
Vlrici Hutteni.

FRigida tu ne uocas Hutteni carmina uatis ?
Cuius in ingenio uiuida flamma fuit.
Quin tua musa gelu torpet : te si quis ad illum
Contulerit, glacie frigidiora canis.

EPITAPHIVM NICO-
lai Misneri.

ECquis in hoc tumulto requiescit morte solutus?
Pallida defuncti corporis umbra refer.
Nicolei, dederat cui nobile Misnia nomen,
Hic super impositus contegit ossa lapis.
Quod genus hic uite, quas est sectatus & artes ?
Deditus ingenuis artibus anne fuit ?
Marchiaco docuit pueros ex principe natos,
Atq; Ducem nigri qui bouis ora gerit.
Quis fuit hunc tumuli dignatus honore ? Sabinus :
Intimus huius enim uatis amicus erat.

Felix,

EPIGRAM.

*Felix, præstantem quod amauit laude poetam:
Aeterni fructum nominis inde tulit.*

AD IOANNE M

Ottingerum.

Cum tua legisset miratus carmina Phœbus,
Aonij (dixit) montis adeste deæ.
Lauri fronde nouo præcingite tempora uati:
Iste Medusei gloria fontis erit.

DE PEGASO SVO.

Hoc insigne mea peperit uirtute Sabinus
Cum mihi nobilitas nomen equestre dedit:
In sublime uolans cœlum pernicibus alis,
Ardua Gorgoneus nubila findit equus.

Amor κριοκλεπίης.

Dum puer alueolo furatur mella cupido,
Furanti digitum cuspide fixit apīs.
Sic etiam nobis breuis & peritura uoluptas,
Quam petimus, tristi mixta dolore nocet.

DE CONCIONATORIBVS

& Tyrannis.

Cum ueluti lepores dare iura leonibus audent
Hi, sacra qui populum uerba fidemq; docent:
Conanturq; truces sine ui frenare tyrannos,
Contempti poenas pro pietate luunt.

VER

S A B I N I
VERSUS CONTINENS NUMERVM
anni quo captus est Franciscus rex
Gallie ad Ticinum.

Regia succumbunt pugnacis lilia Galli.

EPITAPHIVM ANTONII
Leuæ.

Sequana uictori pareret uictus Ibero,
Tu nisi sublatus funere Leua fores.

EPITAPHIVM THOMAE BAI-
tij, Concionatoris Brandeburgensis.

HAec alterna legas ut carmina siste uiator:
Præditus hic rara uir pietate iacet,
Qui uigil excubias egit, ne turba luporum
Palantes Christi dilaceraret oues.
Sacrilegum genus ex adytis fanisq; remouit,
Nulla quibus ueræ cura salutis erat.
Hunc igitur fato respublica luget ademptum:
Hunc pastore carens plorat ouile Dei.

SOLVTIO QVAESTIONIS IO-
cosæ, ad Stanislaum Rapagela-
num Lituenum.

Quattuor empta minis lauri uel odora cupressi
Si fuerint auido lingua cremata foco,
Queris, quot cineri, sparsa quot in aëra fumo
Cedant, igne struem depopulante, minæ.

Cura

EPIGRAM.

Cura quid hæc angit te friuola? lancibus æquis
Pendantur cineres: cætera fumus erunt.

DE VINO SULPHVRATO.

Qui bibit ingrato fœdatum sulphure bacchum,
Præparat ad diri se phlegetontis aquam.

DE APPELLATIONE ET OFFICIO

Papæ ad Ioannem Carionem.

Vnde Papæ factum sit nomen Cario quæris,
Pastoremq; sacrum cur ita Roma uocet?
Vox ea si nescis, mammam sonat: atq; papilla,
Quod quasi nutritor sit Papa, nomen habet.
Enutrire pios CHRISTI sic debet alumnos,
Vberibus natos ut sua mater alit.
Altrices sed habet Papa nunc sine lacte papillas:
Nomen ab officio quam procul illud abest?

IN HELMVM.

Colligit exugens ut araneus undiq; uirus,
Undiq; sic turpes colligis Helme iocos.
Noxia quæ fugiunt & abhorrent pabula florum,
Cur auidas mellis non imitaris apes?

DE SCYRRA IOCVS.

Vsurpare ioco pastoris uerba Menalcæ,
Omnibus et solitus dicere scurra fuit,
Efficiam posthac ne quemquam uoce lacesas:
Ipsius hæc semper uerba iocantis erant.
Iam sed ubi capitis meruisset crimine poenam,
Multa quod intulerat probra nefanda bonis,
Cunq;

S A B I N I

Cunq; foret laqueo iam suspendendus : eodem
 Bucolico ludens carmine lictor, ait :
 Efficiam posthac ne quenquam uoce laceffas,
 Fracturus torto iam tibi sine gulam.

AD LAEMARGVM.

Aulicus ille potens tua qui Lemarge frequentat
 Limina, miratur quem tua tota domus,
 Ampla tuis merito largitur munera natis,
 Quandoquidem fertur compater esse tuus.

AD ELISAM.

Quid trahis & laceras conuulsos ungue capillos :
 Dum gemis interitum matris Elisa tuæ,
 Parce comis ô parce tuis : quid desipis ? an te
 Caluitio luctum posse leuare putas ?

AD QVENDAM, DE MONACHIS
 qui Patauij uocantur fratres ignorantie.

ECce cuculligeros rudis ignorantia fratres,
 Euganei ciues quos uenerantur, habet.
 Huc ades, hic magni fies : nihil obstat inertī
 Primus in hoc coetu, quo minus esse queas.

AD ERARDVM A CVN-
 heim equitem Prutenum.

Quo memor ipse tuos animo uenereris amicos,
 Hoc quod adornasti testificatur opus,

EPIGRAM.

In quo picta tui cuiusq; sodalis imago,
Estq; figuratum stemma colore suo.
Inter amicorum uero monimenta tuorum
Ut referas etiam nomen Erarde meum,
Accipe præpetibus findentem nubila pennis,
Tradidit armipotens quem mihi Cæsar equum.

MILITIS IOCUS.

Tempore quo bellum cū Cæsare Saxo gerebat,
Seria festiuo res fuit acta ioco.
Bellica Saxonici quidam Ducis arma secutus
Miles, ab aduerso milite captus erat,
Ex quo Cæsareus cupiens resciscere princeps,
Esset quanta Ducis copia, quanta manus:
Ille suis aquilam qui territat ensifer armis
Saxo tuus, quantum roboris, inquit, habet?
Miles adhæc, demiror ait, cur talia quæras,
Cum Duce luctatum me ne fuisse putas?

EPITAPHIUM, FILIO E.
rectum à Gaspere Bartho LL.
Doctore.

Mœstus & infelix pater, hoc tibi nate sepulchrum
Ingentis statui triste doloris opus.
Accipe, nanq; tibi maius dare munus adempto
Fata negant, luctus hæc monimenta mei.

S A B I N I

Qui mihi debueras naturæ lege superstes,
 Vltima defuncto soluere iusta patri
 Ante diem raptus lactantis ab ubere matris,
 Nunc immaturo funere nate iaces.
 At licet acciderit tuus hic mihi casus acerbus,
 Hac tamen euenit nil tibi sorte mali.
 Nam pius infantum fruitur si cœtus Olympo
 (Vt docet ipse suo filius ore Dei)
 Corporis exutus uinculis, expersq; malorum
 Spiritus ætherea uiuit in arce tuus.

AD ILLVSTRISSIMVM PRIN-
 cipem Ioannem Albertum, Ducem
 Megalbirgensẽ.

NE domus intereat tua laudatissime Princeps
 Mascula te proles nata parente facit.
 Eiusdem ne fama domus intercidat ullo
 Tempore, Boceri musa diserta facit,
 Quæ postq; Anthyrij prognatos sanguine Reges,
 Carminibus cecinit teq; tuamq; domum,
 Nunc quoq; prosequitur uicturo carmine cunas
 Filioli nomen concelebratq; tui.
 Hunc tibi deuotum Princeps complectere uatem,
 Per quem nobilius gens tua nomen habet.
 Nec te peniteat talem fouisse poetam,
 Qui tibi præclari causa decoris erit.

Doctus

EPIGRAM.

Doctus enim molles numeros, & amabile carmen,
Quale poëtarum gloria Naso, canit.

IN EFFIGIEM BRENNI,
conditoris ciuitatis Brande-
burgensis.

HAnc ego, quã Sueui tenuerunt Semnones, urbẽ
Ad ripam statui Brennus Hauale tuam:
Hancq; meo peperì famam tibi Marte perennem,
Capta quod inuictò me duce Roma fuit.

IN REGES DANICOS,
descriptos à Ioanne
Bocero.

SI data sunt olim Danorum regna Poëte,
Scriptor ut illorum nomine Saxo refert,
Pauca quod in laudem scripsisset carmina Regis
Interitu cuius Dania tristis erat:
Qualia Bocero debentur præmia uati:
Carmina de Danis qui meliora canit:
Nec facit unius, sed tot præconia Regum,
Quotquot bellipotens Dania Marte tulit.
At quicumq; leges hæc carmina: talia certe
Sunt legis, dices, æmula Naso tuis.
Copia diues inest, & florida gratia uerbis,
Sedato numeri mollius anne fluunt.

S A B I N I
IN TVMVLVM CATHA-
rinæ uxoris Philippi Me-
lanchtonis.

Conditur hoc tumulo Catharina Melanchtonis uxor
Fœmina quæ casta prædita mente fuit.
Cuius adoptiuum fausto tulit omine nomen,
Tampia quàm Costi filia Regis erat.
Hanc modo, conspectu CHRISTI, cœloq; fruentem
Non secus ac illam, uita beata manet.

IN TVMVLVM NOHAE
Bucholceri Berlinensis.

Te nisi mors uiridi iuuenem rapuisset in æuo,
Haud minor Andino uate futurus eras.
Carmen in Illyricum tua musa Melanchtonis hostem
Assurgens numeris grandibus acre dedit :
Vnde sat apparet, patriæ, linguæq; latine
Quale sit amissum te moriente decus.

GEOR.

GEORGII

SABINI LIBER

HENDECASYL

laborum.

AD IOANNEM DAN-

tiscum Episcopum Varmien-

sem G. Sabinus.

Cultor Pieriæ Sabinus artis,
Antistes uenerande te salutat
Hinc, quæ iunipero uirente cinctus,
Curuo Bregela labitur fluento.
Vluosam residens ad huius undam
Musarum quid agat chorus, requiris?
Flagranti studio uacat canendi
Noctes atque dies, ut his in oris
Doctæ Palladis excitentur artes,
Orpheûmque docet mouere plectrum
Arctoi maris accolas Borussos.

Quin & sæpe tuas ad astra laudes
Pleno musicus ore coetus effert:
Te sermonis & utriusque linguae
Expertum canit, inclytumque uatem.

Hæc ut nota tibi forent, & omnes
Rescirent gelido sub axe gentes:

S A B I N I

A nostro tibi Melchiore nuper
Hac in urbe dicatus est libellus.
Quem, ceu primitias noui Lycei,
Oro suscipias. Deinde plura
Nostræ Pierides tibi dicabunt:
Quæ, curis nisi tot grauatus esses,
Missis hinc quoque sæpius tabellis
Scribendi studium tibi probarent.

Quod restant, tibi se tuus Sabinus
Commendat, cupidis petitque uotis,
Vt feliciter exigas tot annos,
Quot uer purpureos ubique flores
Nunc in mollibus educat uiretis.

IOANNES DANTISCVS EPISCO-
pus Varmienfis. Suo Sabino S.

Respondere tuis quidem uicissim
Cyrrhæis numeris uelimus, at nos
Curis implicitos negocijsq;
(Vt semper fugiunt senes puellæ)
Sueto destituunt fauore Musæ:
Quæ dant Aonios probè liquores
His qui sæpius ocio fruuntur,
Quod Sabine tibi, tuisque doctis
Asspectis, sine liuida fauemus
Nota, quòdque diu geras sub illo
Felicì pariter tenore uitam,

Cum

Cum Phœbo fidibusque, gratiosam
Optamus, propè Nestoris senectam.

Nos hic continuo labore torquent
Imo in pectore cogitationes,
Quas Respublica dat, domusque nobis,
Vnde rara quies sub hoc tumultu
Quem fert turbo frequens negotiorum.
Et si forte datur subinde duri
Qualiscunque remissio laboris,
Non durat, redeunt breui prementes
Angores animum molestiores.

Verum quando subit superna rebus
Terrenis meditatio relictis,
Mens curis uacat, & caret labore,
Hæc sed stare nequit diu uoluptas,
Ni iustè fuerit DEVS rogatus,
Qui quamuis malefacta semper odit,
Non odit tamen ille poenitentes,
Sed clemens Pater hic graues remittit
Noxas, dans ueniam reis reuersis.

Hac spe uiuimus, & laboriosam
Vitam ducimus, hæc tibi que nota
Ut sit, scribimus ad fluentis Allæ
Ripas, qui quoque Bregelam subintrat,
Ad uos unde fit auctior profusus.
Hos ergo endecasylabos minutos,
Boni consule mi Sabine quæso
Non tuis similes Catullianis,

S A B I N I

Qui dulces redolent salem ac leporem,
 Cum multa simul eruditione.
 Tot annis ualeas salubriterque
 Quot uersus facis elegantiores
 Quam sunt quos ego cudo, præpeditus
 Curis continuis, negocijsq; :
 Vel quot gratus ager refert aristas
 Quum iam Sirius igneus calescit.

Quod si uersiculi parum placebunt
 Quos ex tempore mittimus, uolanti
 Adscribes calamo, profectioni
 Namque intendimus, ad graues ituri
 Tractandum, patriæ uocantis actus.

Vale.

Ex Heilsberga 3. Nonis Maij.

M. D. XLVI.

AD IOANNEM DANTISCVM

Episcopum Varmiensensem

G. Sabinus.

VOS quæ Parrhasio sub Axe Musæ
 Hic pro Castalij liquore fontis
 Piscosi uada Bregele tenetis,
 Comtos cingite frondibus capillos,
 Ne sol, æthereo propinqua Cancro
 Qui etiam signa tenet flagrante curru:
 Vobis ora graui perurat æstu.

Nam

Nam Phœbi rapido sub igne uobis
 Est longo procul urbs petenda cursu,
 Quæ ripas iacet ad fluentis Allæ,
 Allæ, cuius agunt choros ad amnem
 Ludentes per amœna rura Nymphæ
 Cum pictis & Oreades Napæis.

Urbem colle sub herbido iacentem
 Fessæ quando subibitis camœnæ,
 Illic limina præsulisque celsam
 Mox conscendite Varmiensis arcem :
 Quo nemo melius potest diserta
 Lingua sceptrigeros mouere reges,
 Quo nec Pierios ad Arcton alter
 Cantat uoce sonantior uersus.

Vos Antistes in atrium receptas
 Cum deducet & alloquetur, illi
 Blandis talia nunciate uerbis.

Dum formosus adest, & arua pingit
 Maius purpureo colore florum,
 Dum siluæq; comis uirent, & ær
 Lætis alituum sonat querelis :
 Ad te constituit Sabinus unâ
 Cum consorte sui uenire lecti,
 Ut curis animum semel relaxet,
 Conspectuq; tuo fruatur hospes.
 Quare festus ubi dies agetur,
 Quo mentes hominum regens piorum
 Coeli spiritus est ab arce missus,

S A B I N I

Si quos expetis hospites, habebis.
Curru forte uias agens eodem
Isinderus erit comes Sabini,
Præstans Socraticæ magister artis:
Quem natalibus educauit oris
Horrens pinifæro iugo Silesus.

Hæc cum uerba meo relata iussu,
Ad uestrum celeres redite uatem.
Tum si conueniens mihi que gratum
Responsum referetis ô Camœnæ,
Ingressurus iter parabo currum.

Quod si Volsca mihi Camilla uati
Esset fœdere nupta coniugali,
Quæ non fœminæ colo, sed apta
Frenis cornipedum fuit regendis:
Vectus cum socia tori uenirem
Nostri tergore Pægasi uolantis,
Toruæ uictor aureus Medusæ:
Nunc ceu Gordius ille rusticanus
Qui plastro Phrygias obibat urbes,
Illuc axe uiam rotæque carpam.

Pr. Non. Iunij.

IOANNES DANTISCUS EPI
scopus Varmiensis Sabino suo S.

C Omtas floribus, & rosis nouellis,
Et terræ uarijs uirentis herbis,

Quas

Quas hoc uer redolens reduxit orbi,
 Nuper docte tuas Sabine Musas
 Vultu uidimus obuias sereno
 In nostro reditu, fluentis Ailæ
 Ad ripas, modulis simul canentes
 Pimplæis, resonans ab ore carmen,
 Carmen dulce, suaue, per politum,
 Quod nos exhilarauit & refecit,
 Et post hoc iter, omne tædiosum
 Quod nobis fuerat, placens, ademit.

Quare tot tibi gratias habemus
 Quot fert germina nunc humus tumescens
 Hoc sub tempore, quo comas resumunt
 Frondentes procul arbores in antris,
 Et nostris prope quæ manent in hortis,
 Quo iam celsa petunt Oreadesque
 Pindi culmina gressibus citatis,
 Et quo nunc Dryades suas choreas,
 Impigroque gradu suas Napææ
 In pratis, & agris, aquisque ducunt.

Iam quæcunque uidentur undiquaque
 In campis uel in intimis uiretis,
 Aut in uallibus, aut iugis in altis
 Rident omnia, cuncta læta, rident.
 Hoc ut tempore mi Sabine festo
 (Quod sunt pollicitæ tuæ Camœnæ)
 Quo iam singula gaudijs resultant,
 Et quo Spiritus adfuturus ille,

Qui

S A B I N I

Qui replet pia corda Christianis,
 Certò creditur, huc uelis uenire
 A te poscimus, ac tui iugalis
 Consortem thalami uenire tecum,
 Isinderus item uelimus unà
 Vt tecum ueniat uocatus hospes.

Pro Volsca tamen, Anna sit, Camilla
 Quæ Turno tibi gessit in Latinos
 Fidas suppetias, deditque quicquid
 Sermonis Latij est politioris
 A caro patre, cuius es profunda
 Factus splendidus eruditione.
 Præclarum quoque nactus es per orbem
 Cum magno pariter fauore nomen.

Scribenti modò fertur appulisse
 Vestri Nuncius huc Ducis Borussii
 Est à quo mihi literas amicas,
 Pultans ostia, redditurus, illum
 Dum sic excipio, recessit omnis
 Conceptus calor, atque me puellæ
 Solum Pierides statim relinquunt.

At curæ redeunt molestiores
 Quas respub. dat, trahuntq; longè
 A cæptis numeris, in ijs morari
 Quàm gratum fuerit, tibi sit in te
 Testis noster amor, sibi Sabinum
 Promittens animo benigniore,
 Quicquid scribitur, esse metiendum.

Quòd

Quòd si forte licentia Catulli,
 Interdum uel & utimur Marulli,
 Fit cum copia largior negatur
 Intento grauibus subinde rebus,
 Si te uersiculi parum disertì
 Huc ducent, satis est. Vale, uenique.

Ex Heilsberga Nonis Iunij.

M. D. XLVI.

IN OBTRACTATOREM
 GALLVM.

Quid nos perfide Galle, quid laceßis?
 Incesto laceras & ore cunctos?
 Quotquot Palladias docemus artes,
 Hic qua nobile Bregelæ fluentum
 Doctas hospitio fouet Camœnas.
 Seu conuiuia ciuium frequentas,
 Commissos tibi seu doces Ephebos,
 Thersites uelut alter huius æui
 In nos pessima quæque probra confers:
 Turpi nos petulantiaque carpis.
 Per quas scurra tibi licere leges
 Hoc impune putas? procace lingua
 Effrenatus ut irruas in omnes?
 Pœna nōne tenetur is bonorum
 Famam qui petulanter ore lædit?
 An non crimen atrocius putatur,

Famam

S A B I N I

Famam non licitis ferire uerbis,
 Quam uel corpora sauciare telo?
 At fortasse tibi scolam regenti
 Nunc ius excidit, excidere leges.
 Nam qui iuris eras peritus olim,
 Nunc es Grammaticæ professor artis.

Vos ô qui celebres tenetis urbes,
 Illic flumen ad Istulæ Borussî:
 Et uos indomiti manu Poloni,
 Quin compescitis huius os proteruum,
 Quo nil manat ab ore quàm uenenum:
 Vel talem remouetis urbe scurram,
 Qui, tanquam rabidus Molossus, omnes
 Doctos ore petit, serôque morsu.
 Vestros scilicet erudire natos
 Obtrectator is inuidusque debet,
 Cuius nemo probat, sed execratur
 Mores, quisquis amator est honesti.
 Quem propter scelus ac proteruitatem,
 Princeps finitimis abegit oris,
 Infamemq; palàm renunciauit:
 Qui nil præter habet loquacitatem,
 Qua natas superat palude ranas,
 Ac tota querulas die cicadas.
 Ergo ne rudis imbuat iuuentus
 Tinctos huius acerbitate mores,
 Vos hunc (obsecro) uos ab urbe ciues
 Prauis pellite moribus magistrum.

Tuq;

Tuq; ô Galle procax leuisq; scurra
 I nunc delitias tibiq; ludos
 Fac nos, amplius & laceſſe uerbis.

AD IOANNEM DAN-
 tiſcum Episcopum Var-
 mienſem.

C Vm me propter Hyantias puellas,
 Sacratum quibus hic recludo fontem,
 Magno præſul amore proſequaris :
 Me uir ſollicito dolore preſſus
 Orauit, lachrymis per ora fuſis,
 Vt blandis mea te Camœna uerbis
 Placaret ſibi, leniens & acrem
 Dulci carmine mitigaret iram.
 Nam cum forte reus citatus eſſet,
 Cauſſa neſcio qua tuum tribunal
 Declinauit : ob id ſubire pœnam
 Eſt iuſſus, quaſi contumax fuiſſet.

At quamuis mea muſa non libenter
 Mœſtorum querimonias reorum
 Tractet, cauſidici perosa munus :
 Ipſius lachrymæ tamen precantis,
 Huc me commiſeratione ducunt,
 Vt nulla ratione carmen illi,
 A me quod petit, atq; profuturum
 Conſidit ſibi, denegare poſſim :

Præſer=

S A B I N I

Præsertim tua cum mihi benigna
Mens sit cognita plurimis ab annis.

Si quid carminibus moueris ergo,
Amphion quibus & canorus Orpheus
Mouerunt lapides, ferasq; Tigres :
Te dilecta tuæ per ossa matris,
Et chari cineres parentis, oro :
Te per laurigeras nouem sorores,
Per si quid tibi dulce, uel suaue est,
His obtestor & obsecro Camœnis :
Concedas ueniam reo petenti,
Laxataq; graui seueritate,
Hanc illi modo noxiam remittas.

Te flectat pietas, & illa uirtus
Quæ magnos precibus uiros moueri
Exemplo iubet ipsius Tonantis :
Te demum miseranda flectat uxor,
Quæ de paupere deprecans marito
Hinc suspiria dat, tibiq; supplex
Tendit brachia paruulósq; natos,
His placabilis æquiorq; fias.

Sic longæuus agas, nec ulla prorsus
Duræ incommoda sentias senectæ :
Sic uitam tua fata cum reposcent,
Humani generis tibi redemptor
Præstet, molliter ut cubes, quietem.

EPIT A.

EPITAPHIVM ALBERTI CAR.

dinalis Archiepiscopi Moguntini & Made-
burgensis, Marchionis Brandebur-
gensis &c. Qui mortuus est,

Anno M. D. XLVI.

Albertus iacet hoc loco sepultus,
Qui de sanguine regio creatus
Lumen Cardinei fuit senatus:
Qui uirtute potentiâque rexit
Magni Saxonicas Othonis urbes,
Et Moguntiaci fluenti Rheni.
Nil Germania maius hoc habebat:
Nam de litibus arduisq; rebus
Conuentus ubi Principes agebant,
Verbis promptus & elegante lingua,
Ceui Laertiades regebat alter
Totum consilio suo senatum:
Ac tot dissidijs ubiq; motis,
Terrarum benè consulebat orbi.
Pacis suasor erat, quieta pacis
Sæuis ocia præferebat armis:
Quin & iustitiæ tenax & æqui,
Dignas fontibus irrogare pœnas,
Compectiq; bonos & innocentes,
Mitis non secus ac parens solebat,
Nec fuluum sibi congerebat aurum,
Doctos munera conferens in omnes:

Y

Dispen

Dispensabat opes, manuque larga
 Sacras Pieridum fouebat artes.
 Hunc lugubria tectus ora uelo
 Albis, Rhenus, Haueus, hunc peremptum
 Fontis Pegasei cohors, & omnis
 Est Respublica profecuta fletu.

IN HEROIDAS OVIDII.

Quis nobile Palladis Lyceum
 Doctis deditus artibus frequentas
 Hic qua Mœnaliū fluens ad arcton
 Fines Odera Marchiæ pererrat :
 Si te musa sacri iuuat Poëtæ,
 Quem Nympha genitum creasse iactat
 Se Pelignus & educasse Sulmo :
 Auditorus epistolas adesto
 Quas Heroidibus poëta priscis
 Inscriptas dedit elegante uersu.

Ex his commoda magna litterarum
 Percepturus es, uberemq; fructum,
 Verborum nitor, elegansq; cultus,
 Et mirabilis est in his uenustas :
 Manant omnia profluente uena,
 Largi fluminis instar & redundant.

Nec fastidia, tædiumq; gignunt,
 Miris afficiunt modis legentem.
 Ecquis, blandius aptiusq; possit

Affectus

Affectus animi mouere Rhetor?
 Quam uel Dulichij pudica regis
 Flagrans uxor amore coniugali:
 Dum se flebilibus refert querelis,
 Angi sollicito timore, longas
 Noctes fallere pendulaq; tela.

Non tantum sed ad elocutionem
 Quin uitæ quoq; conferunt ad usum:
 Nam rerum uarij leguntur illic
 Euentus, memorabilesq; casus,
 Qui nos erudiunt docentq; quantis
 Cæci fluctibus æstuent amantes.

Has quapropter ut audias adhortor
 Sulmonensis epistolas poëtæ:
 Quas, cum Puniceis diem quadrigis
 Mater lutea Memnonis reducet,
 Aspirantibus inchoabo Musis.

IN ORATOREM CICERONIS.

C Vm Phœbus niuib; madensq; nimbis
 Tectum phillyrij senis subibit,
 Lecturus Ciceronis auspicabor
 Doctis omnibus utilem libellum:
 Quo cultum docet elegantis author
 Sermonis genus, optimamq; formam:
 Qualem Cecropiæ probant Athenæ,
 Ac tradit numeros Isocrateos,

Y 2

Est usus

S A B I N I

Est usus quibus ipse, cum Quirites
Blandis flectere uocibus solebat
Fandi Tullius optimus magister,
Linguae gloria Tullius latinae.

Hic magno liber usui est futurus
Non istis modo qui potente lingua
Nostri temporis inter eloquentes,
Clarum nomen habere concupiscunt,
Hinc ut uerba loqui diserta discant :
Sed doctis quoque cæteris, ut acre
De scriptoribus omnibus legendis,
Rectum iudiciūq; consequantur.

Quare hunc hortor ut audias libellum
Doctæ dedita Palladi iuuentus :
Quem qui non didicit, manebit infans,
Expers omnis & eruditionis.

AD CARDINALEM PE-
trum Bembum.

Sol qui luciferos regit iugales,
Iam uertentis iter peregit anni :
Cum moestis elegis tibi querebar,
Quod Germania dissideret armis :
Et qui Pannoniam subegit Istrum,
Nobis barbarus immineret hostis.
Infando patriæ dolore tactus,
Quales cogor habere nunc querelas :

Nam

Nam ciuilia bella quæ parauit
 Multos dedita litibus per annos,
 En Germania tota nunc in armis
 Tetrum Marte gerit furente bellum.
 Ducens Cæsaris hinc soror cohortes
 Pugnas conserit, ac uirago duris
 Hostem cladibus afficit Sicambrum.
 Illinc effrus arma Danus infert,
 Et, quem Saxones expulere nuper,
 Guelphus signa mouere rursus ardet,
 Vlturusq; suos putatur hostes.
 Heu quantum parit hic mali tumultus?
 Et quantum patriæ facit dolorem?
 Princeps namq; meus Getas ab Istro
 Totis Pannoniæ fugasset oris:
 Hæc si pestiferi procella belli,
 Tempestasq; coorta non fuisset.
 Nunc inglorius est domum reuersus,
 Lætum nec potuit referre sæuis
 Quem sperabat ab hostibus triumphum.

Præter bella sed horridasq; clades
 Passim tanta furit lues per urbes:
 Qualem rege sub Aeaco uetustas
 Narrat Oenopios dedisse leto,
 Quin et pascua, fertilesq; campos,
 Per quos Odera, spumiferq; Sueuus
 Molli labitur impeditus ulua,
 Grassantes populantur hic locustæ,

S A B I N I

Instantiq; famem minantur anno.

*At quid singula persequor querelis,
Nos pessundedit ilias malorum.
Ergo à tristibus absit ut periclis,
Romanam meus hinc sodalis urbem,
Longum suscipiens iter petiuit :
Est sincerus, honestus, eruditus,
Ac te diligit, omnibúsq; præfert
Doctis Bembe nepotibus Quirini.
Hunc commendo meum tibi sodalem:
Summa proq; tua benignitate
Complectaris ut hunc amanter, oro.*

AD LUDOVICVM BECCATEL-
lum, Phil. Gherium, & Tripho-
nem Bentium.

S*uel Triptolemi rotas haberem,
Vel talaria quæ nepos Atlantis
Subnectit pedibus : celer per alpes
Hinc ad moenia Tybridis uolarem :
Ut te mi Ludouice, teq; Benti,
Hæres qui mihi totus in medullis :
Ac doctissime te Philippe Gheri,
Pars desiderij mei, uiderem.
Longis ipse remotis hic in oris
Vestri semper ad Oderam recordor :
Nec me suspicor excidisse uobis.*

At cur,

At cur, Danubij fluenta postquam
 Liquefistis : manibus notata uestris
 Nullam charta mihi tulit salutem ?
 Nec sunt semina missa, quæ feraci
 Nostro polliciti fuistis horto.
 Hæc an uestra fides ? sed illa tandem
 Nobis mittite : litterisq; crebris
 Scribendi officium probate uestrum,
 Summum rebus in omnibus uicissim
 Vobis officium meum probabo.
 Forsan tempus erit, uolente Christo,
 Alte moenia cum subibo Romæ,
 Et uestros iterum uidebo uultus.
 Vos feliciter interim Valete.

AD IOANNEM MAR-
 cellum Regium.

HAs Marcelle tibi Sabinus uuas,
 Et dono lapidæosa poma mittit,
 Antiqui Ducis hinc ab urbe Brenni,
 Curuo flumine qua meat palustres
 Serpens inter arundines Hauius.
 Hæc ad munera candidos amicos
 Inuitabis, Acontium Poëtam
 Nostri temporis alterum Tibullum :
 Nec non Stigelium, sonante plectro
 Phœbus quem stupet ac probat canentem:

S A B I N I

Et plenum salibus iocisq; blandis
 Vinshæmum, ueterem meum sodalem,
 Qui Turingiaci liquore Bacchi
 Nos & fructibus arborum replebat :
 Hospes quando frequens adire tecum
 Eius limina uesperis solebam.
 His ut dulcia porrigens amicis
 Mensæ munera præbeas secundæ :
 Ad te mespila, palmitisq; nisi
 Foetus quos meus educauit hortus.

AD FRANCISCVM CON-
 tarenum.

FRanciscum pete Musa Contarenum,
 Quem magnus Venetæ senatus urbis
 Oratoris obire munus olim
 Et mandata Ducis referre iussit :
 Cum de conciliatione regum,
 Diuus Carolus imperator egit :
 Hic Boios ubi corniger per agros
 Intrat Danubij fluenta Rhegus.
 Illi, cum Venetam subibis urbem,
 Multam nomine dic meo salutem :
 Et pro splendido & elegante libro
 Vatis, quem mihi misit, Augurelli,
 Ingentes age gratias eidem.
 Fuluo nam pretiosior metallo,

Eois

Eois mihi gratiórque gemmis,
Est tam cultus & elegans libellus.
Postremo, pete, curet ut ferendas
Has ad mœnia litteras Quirini:
Scripsi quas elegis ad eloquentem
Bembum Romulei decus senatus.
Hæc paucis ubi persecuta uerbis,
Extemplò repetes iter: iubebis
Franciscúmque ualere Contarenum.

AD SCOLASTICOS ACADE-
miæ Regiomontanæ.

CLarus sanguine Brisius parentum,
Nec non Pœoniæ peritus artis,
Vitales moriens reliquit auras,
Extremóque die peregit æuum.
At uerò, quoniam fauere nostro
Vir doctissimus ordini solebat:
Nos cum Principis aulico senatu
Lamentabile funus efferemus,
Solenniꝑ; suprema iustà ritu
Soluemus, modo prandio peractò.
Quare mando scholasticis ut omnes,
Digno funus honore prosequantur.

EPITAPHIUM VXORIS EV-
stachij à Schlieben.

HOc matrona loco capit quietem,
 Præclarum decus Anna foeminarum :
 Quæ cum dotibus elegantis esset
 Formæ prædita, moribusq; castis:
 Heu quantum moriens uiro dolorem,
 Ac desiderium sui reliquit.

AD SCOLASTICOS ACADE-
 miæ Regionontanæ.

CRas uicesima quinta lux Decembris
 Musarum à studio datura nobis
 Est & Gymnasio uacationem :
 Actus donec erit dies Magorum
 Duxit præuia stella quos ab ortu
 Ad cunabula destinata Christo.
 Nam cessare decet sacris diebus
 Doctas in studio suo Camœnas.
 Vt præcone Dei docente uerbum
 Diuinas peragant in æde laudes.

Rerum conditor his diebus olim
 Natus, uera Dei propago, Christus
 Orbi leticiam dedit perennem :
 Cum nostras obiit uices, & infans
 Castæ uagijt in sinu parentis.
 Hunc ut Pierides colant, & omnes
 Quotquot Gymnasium recens frequentant,
 Nos hoc tempore serias agemus :
 Mox doctas iterum colemus artes.

H E N D E C A S Y L.
EPITAPHIVM FILIAE
G. Sabini.

775

MAgdalena Georgij Sabini
Vatis nata, Melanthonisq; neptis:
Cum felicibus ac pijs quiescit,
Quos hæc area contegit sepultos.
Olim tempus erit, potente sacri
Quando numinis excitata flatu,
Cum felicibus ac pijs resurget.

AD SCOLASTICOS ACADE-
miæ Regiomontanæ.

Nostræ præcipuus scolæ patronus,
Cuius nobilitas auita clarum
A signo crucis est adepta nomen,
Condet filiolum suum sepulchro,
Quem uix lumina solis intuentem
Seuæ (proh dolor) abstulere Parcæ.
Nos mæsti-gemitu parentis omnes
Acerbo decet afficiq; luctu,
Ipsiûsq; uicem dolere nati:
Quem si mors properata non tulisset,
Præcellens erat ac disertus olim
Paterni eloquij futurus hæres.
Quamquam conditione mortis infans
Hoc à turbine liberatus æui,
Sic felicior est, agitq; lætus

Vitum

Vitam cum superis beatiorem.
 Nam celsas nitidi domos Olympi
 Ipsorum docet esse paruulorum
 Aeterno genitus parente CHRISTVS.
 Quapropter Iuuenes adhortor omnes
 Hac quicunq; uacant in urbe Musis:
 Vt funesta ubi turribus sub altis
 Moto signa dabuntur ære: ducant
 Tristes exequias frequente cœtu.

AD IOANNEM DANTISCVM
 Episcopum Varmiensem.

VT fato miserabili peremptam
 Lugens Eurydicen gemebat Orpheus:
 Sic Annam sociam mei cubilis
 Deplorans gemo, quam salutis autor
 Ad uitæ Deus exitum uocauit.
 Nam sæuum mihi uulnus ac dolorem
 Eius fecit acerba mors, & huius
 Vitæ delitias ademit omnes.

Me non afficiunt, ut ante, dulces
 Musarum cytharæ: nihil uiuentes
 Parnasi moror amplius recessus:
 Sed nuda uelut aridaq; in ulmo
 Considit uiduus gemitq; turtur:
 Vitam sic modo duco luctuosam
 Singultu, gemitu, dolore, fletu.

O si pharmacon ipse nunc haberem
 Illud, quod Polydamna Thonis uxor
 Dono Tyndaridi dedit Lacene:
 Quod cum Telemachus bibisset, omnem
 Absterfo posuit dolore luctum:
 Nil illo mihi gratius daretur,
 Obluiscerer ut mei doloris.

At orbatus amore coniugali,
 Quantum tristitiæ & doloris hausi:
 Tantum præbuit his diebus, à te
 Bembi mors mihi nunciata, luctum.
 Illum numinis instar, atq; tanquam
 Linguae præcipuum decus latine
 Sum miratus: & ille me uicissim
 Complexus iuuenem senex amauit,
 Immortalibus extulitq; scriptis.
 Quare non minus ac meam maritam,
 Extinctum doleo gemoq; Bembum:
 Cuius tres Charites nouemq; Musæ
 Lugent interitum, simulq; plangunt
 Mæstis Adria, Tybris, Arnus, undis.

Sed qui sanguine nos suo redemit
 Ambobus tribuat (precor) sepultis
 CHRISTVS perpetuam beatitatem;
 Longæuam tibi prorogetq; uitam.

A D E V N D E M.

PAruum suscipe præsul hunc libellum,

Quo

S A B I N I

Quo te donat amans tui Sabinus.
 Auro splendidus & niteret ostro,
 Me blandis nisi mollibusq; uerbis
 Festinanter & ocyus rogasset
 Ut Dantisce tuus libellus esset.

IOANNES DANTISCUS EPISCO-
 pus Varmiensis, Sabino S.

Perlegi cupide tuum libellum
 Leporis, salis, eruditionis
 Plenum, quem toties uidere auebam:
 Ex hoc ingenij libens acumen
 Amplexus, numeros, iocósque dulces
 Transcurri: neq; Pegasus uolantem,
 Quem clarum tibi stemma iussit esse
 Cæsar, præterij: nec hoc, amicis
 Quicquid Pierides tuæ dicarunt.
 Dignas hinc tibi gratias referre,
 Deberem siquidem, sed est suppellex
 Scis quam curta mihi, sub hac palæstra
 Iam pridem qui Heliconidas reliqui.
 Ingratus tamen esse nolo to'us,
 Si Lucretia nostra non placebit
 Quam mitto, ueniam dabis, placere
 Quod possit tibi fortè deinde mittam.
 At patrocínio tuo, tuisq;
 Doctis Hendecasyllabis, Sabine,

Indignus

Indignus fuit ille sordidatus,
Pro quo tot precibus simul profusis
Exposcis ueniam, licet sit usto
Dignus stigmatē, contumax Iopas,
Qui tangens fidibus chelyn malignis
Infames uoluit meos fideles
Ciues reddere, dixerat fidem quos
Infregisse, docere quod nequibat.
Pœnas ferre graues calumniator,
Coram iudicio quod ergo fugit,
Leges quas statuere, debuisset.

Quod porro quereris, gemis, dolēsq;
Mortem coniugis, optimiq; Bembi,
Tecum condolui, pijs utrisq;
Orans manibus ut quies beata
Detur cum superis, & hanc utrisq;
Nobis, quando uocabimur, petamus:
Nulli cedere nam solet propinquans
Cunctis terminus à Deo locatus.

PETRVS LOTICHIVS SECVN-

dus, ad Georgium Sabinum
Brandeburgensem.

Immortale decus Sabine uatum,
Qui nunc ad uada Bregelæ uetustos
Doctis artibus imbuis Borussos.
An feliciter es domum reuersus ?

Hinc

S A B I N I

Hinc cum sarcinulis tuis uenustis
 Musarum simul atq; liberorum,
 Vt spero auspicio bono profectus?
 Ad flauum tuus Oderam Secundus
 Iucundæ memor allocutionis
 Sinceræq; benignitatis, optat
 Nunc & pegaseos sibi uolatus,
 Et desiderat omnibus diebus
 Dilectos iterum uidere uultus.
 Sed nunc aëra forte pestilentem
 Vitans, grex subito nouem sororum
 Tecum præcipiti fuga recessit,
 Vrbes Bregela qua duas ab una
 Pulchro separat alueo, facitq;
 Cursus inter utranq; flexuosos.
 Hic (nam tristitia multa nuntiantur)
 Hei, quantum mihi fecit audienti
 Imis rumor in ossibus dolorem,
 At quocunq; sub axe uiuis, oro
 Sis nostri memor, anxiosq; lactus
 Dulci progenie, tuisq; leni
 Curas diminuentibus libellis,
 Dum soles redeant sereniores.

AD CLARISSIMUM VIRVM

D. Philippum Melanchtonem, socera-
 rum & præceptorem suum
 G. Sabinus.

Qui

Qui facunde tibi Philippe reddit
 Vatis Hendecasyllabes Sabini,
 Est uirtutis amans & eruditus,
 Albertum instituit meumq; natum:
 Nec non sæpe suis minister illum
 Vlnis impiger alleuauit ægrum.
 Hunc ipsum tibi diligenter ergo
 Commendo iuuenem, tui nepotis
 Dulcis filioli mei magistrum.

IOANNES STIGELIVS

in tumulum Alberti filij Geor-
 gij Sabini.

Albertum tegit hic lapis Sabinum
 Prolem Pierij piam Sabini,
 Diseriq; Melanthonis nepotem,
 Patris delicias sacrum colentis
 Cum musis Heliconæ laureatis.
 Sic flos uere recens serenuore,
 Quem duro secuit ligone fossor,
 Diurnæ decus exuens iuuentæ
 Siccis immoritur iacens arenis.

Ergo desijt esse, quod placebat :
 Ergo desijt esse, quod decebat :
 Sectator domine tenellus aulæ,
 Sectator celebris frequens parentis :
 Amisumq; doles beate princeps,

Z Cui

S A B I N I

Cui nomen dederas, tuum relato
 Coetus in numerum Deo redempti.
 Amissum gemitu uocant puellæ,
 Ornatus chorus aulicus puellæ :
 Forma, moribus, optimæ puellæ :
 Sed uitæ dator arbiterq; Christus
 Fato te puer abstulit benigno
 Et charum, in gremium suum recepit,
 Qua ducunt pueri beatiores
 Plenum læticiæ sonantis æuum.
 Felix qui potuit puer renasci,
 Et puer patrium subire cœlum.

AD IOANNEM STIGES-
 lium G. Sabinus.

Est nostræ locus hic propinquus urbi,
 Quo picti uario colore flores
 Rident tempore ueris, & uolucrum.
 Arguto resonant fruteta cantu.
 Gemmantes ibi mane dum per herbas
 Curis ambulo pressus inquietis,
 Albertiq; mei recordor, olim
 Qui uestigia discolore mecum
 Hic in gramine fecit, atq; lusit :
 Umbrososq; perambulans recessus
 Blandos mollibus abstulit Napæis
 Flores, ipse quibus domum reuersus

Me donare patrem, quibus sorores
Et donare suas puer solebat.

En uiator adest mihiq; reddit
Musis chare tuos Poëta uersus,
Dulci nectare, melle dulciores,
Quos in filioli mei sepulchrum,
Præmaturaq; fata condidisti.

Magnum tristitiæ meæ leuamen
Hos sensi numeros tuæ Camœnæ,
Aeternum quibus & perenne nomen
Alberti tumulo mei dedisti.

His pro uersibus ergo gratus opto,
Ut saluus tibi filius Ioannes,
Nec non Callimachus tibi superstes
Viuat, Pieridumq; cultor æquet
Alter Battiaden, & alter Hæssum:
Ambo Stigeliæq; gentis ornet
Multa nobile claritate nomen.

Me uero miserum nouus parentem
Luctus afficit: his enim diebus
Alter filiulus mihi est ademptus,
Cuius uita duos agebat annos.
Mellitus puer, elegans, uenustus,
Nomen Christophori tenebat: omni
Sic orbis modo prole sum uirili.
O uanas nimis, & nimis caducas,
Omnes deniq; spes meas inanes,

S A B I N I

*Sed cum certa Dei sit hæc uoluntas.
A nobis patienter hæc ferantur.*

IN LIBROS DE LEGIBVS,

Orationes Catilinaras Marci

Tullij Ciceronis.

SI quem delitiæ iuuant amœni
Horti, cuius opes, nec acre frigus,
Nec Phœbi rapidus perurit æstus,
Nunquam tabida carpit aut uetustas:
Adsit, meq; ducem secutus, intret
Hortum copia, amœnitate plenum:
Quem non Flora suis odora donis,
Non Pomona, racemiferq; Bacchus,
Sed facundia Tulliana ditat.

Hic flores uiridi legemus horto,
Quos halantibus inserit corollis
Linguae candida puritas latinæ:
Hic fructus animi sagatoris
Decerpemus, & hauriemus artes,
Bonis moribus utilesq; uitæ.
Nam cultissimus hortus hic redundat.
Largis fontibus artium bonarum.

Ipse autem eloquij parens latini
Arpinas medio sedens in horto,
Nostras ore suo disertus aures
Mulcebit, quasi Daulias uolucris,

Quando

Quando læta canit sonante luco.

Tres nobis recitabit eruditos,
Quos de legibus edidit libellos:
Stirpem iuris, originemq; legum
Nobis tradet: eamq; disputabit
Non iussu uel opinione natam
Horum, qui populi tenent habenas:
Sed diuinitus esse constitutam,
Ipsis mentibus insitamq; nostris.
Leges Romulidum uetustiores
Pandet: nosq; iubebit obsequentes,
Aequi præsidibus subesse iuris.

Posthæc commemorabit ipse nobis
Quæ Romæ Catilina perpetrarit,
Aeris prodigus, appetens honorum,
Dum cædes meditatur & rapinas:
Dumq; acri stimulo furoris actus,
Aedes templaq; consecrata diuis
Flammæ destinat: incitans & omnes
Asciscit sceleri suo ministros,
Quos obscæna libido, quos egestas,
Quos infamia reddit effratos.

Vt uero pueros boni parentes
Diri commemoratione monstri
Detertere solent ab inquinatis
Vitæ moribus, improbisq; factis:
Sic doctissimus autor eloquendi,
Harum commemoratione rerum

S A B I N I

Nos deterret, & auocat nefandis
 His à flagitijs, quibus flagrauit
 Impulfor Catilina factionis,
 Tempestas patriæ, procella pacis.
 Ergo floridulum petamus hortum,
 Hortis Hesperidum beatiorem:
 Atq; illius amœnitate mentem
 Oblectemus, & audiamus illic,
 Quid lingua referat potente nobis
 Culti Tullius arbiter uireti.

IN TVMVLVM LOTHII
 Bucholceri Berlinensis.

Hic curis hominum iacet solutus,
 Et uili tumultatus est arena
 Lothus, pieridum decus sororum:
 Qui cum imberbis adhuc ephebus esset,
 Tam dulces elegos sonante ludit
 Plectro, tam faciles, & elegantes:
 Ut non inferior poëta, Cordo,
 Vel Hesso, uel Acontio fuisset,
 Si maturius attigisset æuum.
 O seuam nimis inuidamq; parcam,
 Quæ sic ante diem peremit, & quæ
 Tanti sustulit indolis poëtam.

H E N D E C A S Y L.

AD REVERENDVM ET MAG.

nificum uirum, Dominum Ioannem

Preremsky, Vicecancel-

larium Polo-

niæ.

QValis lucida, quam mihi dedisti
Dono, gemma micante fulget auro :

Nomen tale tuum, tuusq; talis

Splendor Sarmatica relucet aula.

Tu Regis quasi pectus, os, ocellus :

Omnes præcipuas grauesq; regni

Causas eloquio tueris : omnes

Res & consilio tuo gubernas.

Tu ius dicis, ut alter Vlpianus,

Regis nomine : contrahis nec arctas

Legum uincula nec nimis relaxas :

Dum tu iustitiæ tenes habenas,

Duro præualet æquitas rigori.

At pro munere pro tuo lapillo

Gratus quid tibi, quæso, quid rependam ?

Quot pictos uario colore flores

Producit Zephyro soluta tellus :

Quot se frugiferis coronat æstas

Spicis : quot grauidis abundat uuis

Autumnus : quot hyems riget pruinis :

Quot pisces pelagi natant profundo :

Lucent cæruleo quot astra cœlo :

Z 4

Tot

Tot nostræ tibi gratias Camœnæ
 Istis uersiculis agunt minutis,
 Quos si postera comprobabit ætas
 Hinc (ut spero) seres perenne nomen.

IN TVMVLVM CHRISTOPHORI
 Schrammij, celebris bibliopolæ.

Sicut Triptoleum ferunt poëtæ
 Frugum semina dissipasse, totum
 Et sparsisse manu sua per orbem :
 Sic, qui conditus hoc iacet sepulchro,
 Distraxit simili modo per orbem
 Quicquid pierius chorus librorum
 Herbosi residens ad Albis undam
 Typis edidit, ac sacravit æuo.
 Quin uolumina codicesq; iuris
 Magno sedulus undecunq; sumptu
 Et libros medicæ coëmit artis,
 Quos huc attulit exteris ab oris :
 Oris, quas celeri Padus fluento,
 Quas & Sequana, quas Garumna, nec non
 Bætis, Durius, ac Tagus, pererrant.
 His ergo meruit perenne rebus
 Nomen, post obitumq; consecutus
 Est hoc nobile Schrammij sepulchrum,
 Quod, ne tabida deleat uetustas,
 Musæ præsidio suo tuentur.

GEORGII SABINI LIBER

CARMINVM

Adoptiuus.

AD CLARISSIMVM VIRVM,

D. Thomam Matthiam Brandeburgensem,

illustrissimi principis Electoris Mar-

chionis Brandeburgensis con-

siliarium, affinem suum

G. Sabinus.

HVnc quoq; pierio conspersum flore libellum
Candidus ut nostro nomine lector amet,

Serior inq; sinu post tempora longa uetustas

Gestet: adoptiuum uersibus addo meis.

Sic pater alterius natum genitoris adoptat,

Esse cohæredem quem cupit ipse suum.

Nec pudet hæc aliena meis adiungere scriptis

Carmina, cum non sint deteriora meis:

Multaq; contineant, quæ delectare legentem

Deq; meis rebus commonuisse queant.

Sic etiam Cicero Romanæ gloria linguæ

Iungit amicorum scripta legenda suis:

Z 5

Nec

Nec minus Ausonium, proprijs inserta libellis,
 Carmina Paulini consociasse liquet.
 At quia uos ambos genuit respublica Brenni,
 Affinesq; gradu proximior sumus,
 Hunc tibi synceræ fidei monimenta libellum
 Atq; uoluntatis dedico signa meæ:
 Utq; reor, quoniam studijs es amicus honestis,
 Ille tibi magni muneris instar erit,

DE NVPTIIS GEORGII
 SABINI ET ANNAE FI-
 liae Philippi Melanthonis, Epi-
 thalamion autore Mat-
 thia Illyrico.

Χθιζὸν ἀνὰ ξύλοχον παρὰ ξεύματα καλὰ βαθύρ
 ΑΛΒΙΔΘ ὁ πόρρω λευκορέοιο κίον, (ῥῶ
 φρασάμενος ἢ θυμὸν ὅτῳ σῶ, λῶσε Σαβῖνε,
 Τιοίνῃ δ' ὥρῳ πασάδια πῶχός ἐώρ.
 Εὐθα μοι ἀντίωσα παρὰ σαδὸν ἔπε Θάληα,
 Τόνεκα τηύσιως ταῦτα μάταιε νοῆς;
 Εἰσδέαι ἀφραδέως κἄνον βῖσδεσι γεραίρεν,
 Ωμ πᾶρα γ' οὔτε π σοι, οὔτε μέμνημ' εἶσι.

οὐκ

Οὐκ οἶδ' ἐκ παλαιοῦ νιν δὴ φιλόμυσον ἔοντα
 Πλὴν μυσῶν μελέτην ἰχέμεν ὅσα τινος;
 Σύνθευ' ἐπ' ὅ μυσῶν ἔωσι κλέειδ' ὅπ' αὖν,
 Ἰχάνάα, τὸ γέρας δ' ἔξεται ἀπασίως.
 Ἥτοι ἐγὼ μὲν ὁμόσπονδον χόρον ἄμμιγ' ἔχουσα,
 Ἴφομαι εὐκαίρως δ' αὖτ' ἐπὶ νυμφιδίῳ,
 Οὔτε δέπας χρυσῶν, οὔτ' ἀργυρέον τι φέρουσα,
 Ἀλλ' αὐτοῦ ἐπεὶ σὺ σύμφορα φρεσὶ γέρας.
 Πόρσω οἱ εὐεπίην, πόρσω μελινδ' εἰα γῆεν,
 Θεασεσίνην λαίμῳ ἀμφιχέουσα χάριν,
 Τῷ δὲ γέρας δώσω, τὸ φιλοφρονέουσα παρέχον,
 Ωσπερ οἱ ἄσπετι νῦν, καὶ μετέπειτα πλεόν,
 Τῷ το καὶ οἱ ἀγαθόν καὶ μοι οἶοντε παρασχῆν,
 Τῷ δ' ἔρκαδ' ὀύναμιρ ῥ' ἄσμενα καὶ σὺ πόρε.
 Ως ἂν πῶς, αἰφνης αὖ ἀπ' ὠχέῳ κἄθην ἄοπ' ὅ,
 Ἥξασσ' οὐ τὸ τυχόν μου νόον ἀμφίβολον,
 Αὐτίκα δ' ἡ ἀποβὰς γ' ἔθεν παλίνορτος ἐσπῆλθον
 Ἀν πόλιν εἰς τόγ' ἐμὸν φίλτατον οἰκόπεδον,
 Εὐθάδε παννύχι' ὅ μεμαώς σοι λῶσε Σαδῖνε,
 Εὐνο' ὀφθῆναι ταῦτ' ἐνὶ φρεσὶ νόον:
 Δεῦτε Φιλόσοργοι νέοι, ἄνδρες, ἰδὲ γέροντες,
 Χαίρετε πάντες ὁμοῦ ἡματι πᾶσι μέγα.
 Δεῦρ' ἂν ἀγαλλίσωμ θᾶττον φιλόμυστ' ὁμιλε,
 Κηρόφιρ ἀμφήνας σφοδρὸν φιλοφροσύνην.
 Χάρεματι γαίνυνθ' ἰμέλα νῦν ἐπικαίρι' ὥρην,
 Νῦν ποδ' ἔωσι πρέπει δ' ὅποιον ὀρενέμεναι,

πρὸς

Πρὸς γὰρ εὐπλοκάμῳ νῦν ἦλθε γαμήλια κῆρυς,
 Ἡγὲ καθηγῆτ' ἡμετέροιο γόνῳ
 Σήμερον ἡῦκομος ζευχθήσεται Ἀννα Σαβίνῳ,
 Ἀννα μελαγχθονίδ' ἡμερόεσσι κόρη.
 Τόνηχ' ὅτις σε Φιλὰ φρονέει μελεδήματα θυμῷ
 Εὐσκοιδάσας ταχίως ὄρεον εὐφροσύνῳ.
 Αὐτὰρ ὑπερχόντῳ πρᾶπίδεσσι γάμῳ σῆσι
 Πάμβρε, τῶτ' ἄλλων χάσματ' ἔγαρε φρένας,
 Ἡνίδε σοι τέως τέτελεο πολὺμιτ' ὦρη,
 Νῦν ποτε, τὴν ἐπόθεις, ἦλθε θάλαα φίλῃ.
 Οσσεο πῶς σεμνῆσι γαλλόμεναι χαρίτεσι
 Παρθενικὰ τέυχα ἐγκονέουσι σέφῃ.
 Γᾶσαι τὰ πρῶτ' πόλιος καλὸν εἶδ' ἔχουσαι
 Ἀμφιθαμίζουσιν τὴν σῆο πυκνὰ νυδρ.
 Μοσάων τε λιγυφθόγων σιναγάρειδ' ὀμιλῶ
 Τῇσι δ' ἔτι χαρίτων μιγυμένος δὲ χόρῳ.
 Τύμπανα νῦν ἐκλαγξε, γελᾷ δὲ τε πρηνέρεσσι
 Γᾶρ τε τὸ λευκόρεον σάειτ' ἀγλαΐα (κος,
 Οὐκοῦν ἀμφαδίην κεχάροιο φρένας φίλε γάμῳ
 Ἐν νόῳ δ' ἐπ' οὐὼν εἰγίον ὀσφόμενος. (βρε,
 Ουκέτι τοι δ' εὖθ' ἀμβολίας γάμῳ ὅτε τ' ἄλλο
 Λυγρῷ, ἀλλ' ἂν πόθεις πάντ' ἐπὶ χερα πείλα.
 Ἡδὴ δ' ἡλὶθ' ἡδαιόσεται ἄνατορ ὦρη,
 Πρὸς δ' ἐκείτην τάχα πρὸς αὐτὴν ἐπαγόμενος,
 Δὴ τότε παρθενικαῖς σὺν ὀμηλικέεσσι προήξει
 Σὺ χαρίεσσα νυὸς σκῆκον εἰς ἡγάθεον.

183

Ἐκ δὲ τε πασάων σελαγῆσεται ἢ τε μήνη,
 Ἐξοχα τοῖς ἄλλοις ἄστρασι σειράα.
 Θεωέσιον δὲ σέβας χῆται τὸς ἰσόόρωντας,
 Πᾶς τις ἰσαθρήσας σῆσεται ἐκτεταφών.
 Ὡς τε τις φῆσά οὐρων ἐς πλησίον ἄλλου,
 Ὡς πορὶ ζυλωτὸς νύμφιε τῆσδε κόρης.
 Βυλοίλω μὲν ἐγὼ πάντεσσι ἐριζέμεθα ὅλβω
 Τλώδε τυχών νύμφην γένεσθῃσι θεῶ.
 Αὐτὰρ ὅταν τετύχοι θεοδ' ἐγμον Θ' γν' ὄσθι ναῶ
 Σταῖσα, μάκ' αἰδολίῃ αὐθ' ἱερῇ Θ' ὀπί,
 Εὐθ' ἄρα σ' ἄρρ' ἠκίω εὐθὺς προσενώσεται ἄεγμῶ,
 Τῷ γε θεῷ μονίμῳ αὐτοφύτοιο λόγῳ.
 Ολβιε γάμβρε θεὸν πέρα πάντων σ' ἱλαον' ἔχεις
 Πατρίδι Θ' ὅς αἰεὶ ὦδε προσερχόμεν Θ'.
 Αἰζῆνοί γάρ ὅπ' αἰεὶ δαμῖες τελέθουσιν ἀγαυοί
 Καλονῆ, ἡδ' ἀφένω σὺν τ' ἐπέεσι νόῳ
 Ἡχι συγ' γν' πόσσοις τοίοις δ' ἐτε θαῦμα πυνθεῖσθαι
 Τῆσδε πολυμήνην κτῆσάο παῖδα πρόμος.
 Μῆνος δ' ἐκ πάντων σὺ τὸν ἀνέρα πένθερον ἔξιδε
 Ὃς ῥά περικλείει Θ' πᾶρ μερόπεισι τὰ νῦν,
 Ὃς πορὶ μὲν νόειν, πορὶ βάβαι, ἡδ' εὖ διδ' ἄσκειν
 Οὐκ ἄρ' τις κένω τοῖσδ' ἐρίσσει βίῃ.
 Θελξίνο Θ' καὶ αἰὲν αὐτῶ ἐνὶ χάλεσι πειθῶ
 Ἰζετ' ἀκρόντων κέντρον ἐνῆσα φρεσὶ.
 Οὐ ποτε Σιδονιὸς Ὀρφεύς, ὃς ἦ δ' ἐπερικλῆς
 Κεκροπίδων μύθοις δ' αἰὲς ἐπέσει φρένας.

Εἰτα

Εἶτα καὶ αὐθογενεῖς μῶνα μελιγῆρεε κένω
Ουκασὶ θαύμαζον θελγομένοισέ τότε.
Τὸ δὲ πολλὰ πειρὰς θέλγῃ λιγυρώτατος ὁμῶ
Τηλὲ δ' ἀποι ποτὶ τὸ δ' ἐνθορέου λόγον.
Οὐδ' ἐτις ἀχάλλωρ αὐτὸ δ' ἡρὸν πόρ' ἀκῶσαι
Φθειγομένη, αὐτὰρ κάρτα τέταρτόμηνον.
Ὡς δ' ἠ' ἀριφραδέει' αἰὲν πολυδαΐδα αλλ' αὐτὸ
Γλῶσσα συναρμόζει παρ' ἡ' μοῖραν ἐπ' ἔ.
Ὀλβιε γὰρ βρεκόρη' ἰαχέως σ' ἀνὰ λείβα μολῆσθ' ἔ.
Οἷα ἄρ' οὐτις ἔραρ λευκορέοιο πατῆ.
Οὐδ' ἔμας οὔτε φυνὴρ ἔτ' ἄρ' φρένας ἠδ' ἡ' εἶδος
Ἰλαθ' οἱ φθονερῇ ὥπασε χαρὶ θεός.
Ουποθ' οἱ αἰμυλίνης αἰδῶς ἀποβαίνει ὄψωπαῖς
Εξομένη γληνῶρ γν' Βολέησι καλαῖς.
Φθειγομένη σεμνῶς κατὰβάλλεται ὅσ' ἑ χαμᾶζε,
Παύραρ αὐτὰρ ἄγαρ γῆρυρ' ἀφῆσα λιγῇ.
Ἡδ' ὑποκυοσαμένη κατ' ἔπος σ' ἀριδιέκετορ' οἷσθ' ἔ.
Εἰς τὸ φᾶος τέκνον νόστοι τόκοιο μόγου.
Ὅς φρένας ἠ' φυνὴρ τὰ δὲ ἄλλα προσήκελος ἔσαι
Αἰδῶ μῆροπ' ἀπώ, σοι δ' ἐπ' παρὶ σφείω,
Καὶ ἔπ' παῖδ' ἰδὸς ἑὸν ἔσθ' ποτὶ γέννασι τυτθός
Παππάζωρ δάξει ἥς φρενὸς εὐφυίην.
Αἶψα τε παῖδ' ἰόθερ' ἔπ' ἀγκαλίδεσσι τοκῆος
Παύτα τε πρώτα τεχνῶν γνώσεται εὐμαρέως,
Εἶτα δ' ἀνθίστας ἀπαλοῖς σὺν δ' ἑνὸς ἰδλοῖς
Εἰσαῶθις ἀπένσαι πάντα τέλεια φρονῆν.

184
 παιδομαθὴς δ' ἐπὶ ὦρ, προγόνων ἀνὰ τ' ἔχνια
 Τόνομα Τηλεφανὴς ἔσεται θζαπίνα. (Βάινωμ
 Εὐσί δ' ἐκὰς σὺ νυὸς πασῶν πόρι ὀλβίη ἄλλων,
 Τόνεχ' ὑπὲρ πάσας κτῆσας τόνδε πόσιμ.
 Οὐχ' ὁ τυχῶν σὺ προωτύξῃ πόρικαλλέας ὥμους
 Οὐτ' ἄρ νώνυμ' σ' ἠδ' ὕφίλημα πορῆ,
 Αὐτὰρ ὁ ὅ γε γενεὴν κληνὸς, πολλόν τε λελογχῶς
 Αὐτὸς γὰρ ἀνθρώποις ἥς πραπίδεσσι κλέος,
 Οὐ νόσ, ὅτε φυνῆς, ὅκ ὀλβος, ἥ τευ ἄλλος
 Δευόμην' σ', τὸ χεῖρ ὀλβιον ἀνδρῶν δ' ἔοι.
 Εἶπα καὶ ἡρώων ἢ κλέων αἰὲρ ἀοιδῶν
 Ἀνδρῶν ἠνορέων σύν τε νόοιο φρόνιμ
 Τῶ σφι κυρῇ φίλ' σ' ὦρ καὶ τοι κημήλια πολλὰ
 Αὐτόφει, διεξόμεν' σ' γ' ὄνδε δόμονδε φέρει.
 Οὗτος ἄρ ὦ νύμφη σὺ φίλτατ' σ' ἔσαι ὁμεῦν' σ'.
 Οὐτ' σ' ἐράσῃ οἷς φαέεσιν ἴσοι.
 Καὶ τοι σεβρίσας λιπαροῖς πολυόλβος ἐέδνοις
 Θῆσῃ ἐμὴν πάσας ἥλων ὄασι μέγαρ.
 Εὐτε σε παρθενικὴν τῶρενόχρεα κεδνὰ διδ' ἄξῃ
 Ἥθεα, σωφροσύνῃ, ἠδὲ φύλαγμα δόμοι.
 Εὐδ' ἀγανοφροσύνῃ ἐν κῇ πῶσαν χαρίεσσαν,
 Εὐτ' ἄλλας ἀρετὰς, κόσμον ἀριπρεπεία.
 Τρισμάκαρες ῥ' ἄμφω σὺ τε νύμφη κῇ σὺ γε νύμ
 Συμβιοῖτε σὺν τοῖω ἔοντες ἀεὶ. (Φοι
 Αὐτὰρ ἐπὶ πλεον τοίοις τεχθέντε γονεῦσι
 Ἀμφω τρισμάκαρες καὶ πόρικυδ' ἀλίμω.

Παλὺ δ' ὑπὸ πάντας δ' ἄρ' ὅσους μακαρίζω ἄλλους
Σφῶν, ὅτι τυτθῶν ἔτ' ὄντ' οἶκος ἐνέχεν ὁμός
Νηπιάρχῳ, μόνον δ' ἐκ θάως συνιόντε τόγ' αὐτὸ
Εἰς δ' ὧν, ἐνθεν ἂν σῖτον ἔλεσθον ὁμῶς.
Αὐτόδιον δὲ κατακλήλοιμ' ἄρξαντε ἰλαῖσθαι,
Εκ τῶ ἀεξῆτον φίλτρ' ἐνὶ φρεσὶν ἂν,
Ὡς οὐκ αἰφνίδιον τυφλῇ συνελήλυθον ὁρμῇ,
Ἀλλὰ καλῶς ἔτερον γνῶνθ' ἐκ ἄτερθεν νόον. (Τῶν
Τῶ ἄρα χ' αὐτῆμαρ μὲν ἀγαλλομένην πόρῃ πάν-
Χαίροιτομ' ἢ ἐργαζομένην ἀπὸ τύποις ποσὶν.
Καὶ μετόπισθε γὰρ οὐκ ἔστιν παύσαισθαι ὁμείνων
Ἀλλὰ σὺν θαλεραῖς ξῶντες εὐφροσύνῃς.
Υμῶν δ' αὖ νεοί, ἢ δ' ἐνέαι, σφ' ἐπὶ πηρὰ φέροντες,
Καρδίῳθεν πολλὰν ἐκχέουσ' ἀγλαΐαν.
Καί γ' ἀπὸριπλέκεις χερσὶν ἡμῶν λύσμον ὁρόντες
Εἰς χορόν ἐσσύμενοι σῶσθε πόσιεσι ψόφον.
Εἶτα καὶ ἐξ ἄλλων ὅσοι τετυχήκατ' ἔοντες
Συγκλητῶν ἕννοι χαίρετε πάντες ὁμοῦ. (λαῖ
Καί τε σφῶν πάντες μιγδ' ἡμῶν εὐχοῖσθε τάδ' ἐσθ-
Οὐδ' ἀμφοῖν ὁμῶς, γὰρ φρεσὶν ἡμῶν τυχεῖν.
Εξαίτως δὲ ὁμοφροσύνῃ τῆς λώϊον ἄλλο
Οὐκ ἔστι συζυγία παρ' θεοῦ ὅστι λαβεῖν.
Τῇ καὶ ἐγὼ μὲν σοὶ νύμφον καὶ σοὶο δ' ἀμαρτῇ
Συμβαίνειν πρόφρων ἐνχομαι οὐρανόθεν.
Εἰς τῇ δ' οὐρ ἄμφω φιλέοντε τε τευχομένην τε,
Σὺν γὰρ θεῷ δαίμνι ζῆντ' αἰεὶ ἀμφιθαλεῖς.

ΕΡΙ-

EPITHALAMION AVTORE

Melchiore Acontio.

GAudia Melpomene noua dū celebramus adesto

Te sine non ullum suscipiemus opus.

Pone supercilij sanctum grauioris honorem,

Vt cythara carmen liberiore canas.

Sume nouas frondes capiti, sic postulat usus:

Impediantq; leues florida ferta comas.

Mollia de tenui faciamus carmina filo,

Qualia uel sponsus, uel noua nupta, legat.

Venit enim tempus, quo nata Melanchithone uirgo

Ducitur in thalamos docte Sabine tuos:

Quam toties uotis ardentibus ante petebas,

Vt leuis aestiuo tempore ceruus aquas.

Hanc tibi iam lucem nitido produxit ab axe,

Per coelum uolucres qui moderatur equos.

Quæq; tui semper casto flagrabat amore,

Iam uenit in thalamos Anna Sabine tuos.

Cur Hymenæe faces assuetiq; munera cessant?

Sume tuos cultus atq; Hymenæe ueni.

Te sine non ulli bene coniunguntur amantes,

Nullus ad extremum te sine perstat amor.

Ille parum felix merito torus esse putatur,

Qui caruit tædis ô Hymenæe tuis.

Quare age, cinge comam fertis, cape flammea tecum

Sume tuas tædas atq; Hymenæe ueni.

Vt noua præsentī connubia numine firmes,

Quam primum ueniens Hesperus ortus erit.

¶

Fallor?

LIBER

Fallor? an excelsis sub turribus æra dederunt

Tibiaq; & rauca tympana uoce sonum?

Insonuere, uocant stantis procul agmina turbæ,

Vtq; petat sponsus lucida templa monent.

Ite, quid hic statis iuuenes, deducite sponsum?

Et uos longæui turba uerenda senes.

Tu quoq; uirginibus comitantibus Anna sub ædem

Pauca Sacerdotis uoce monenda ueni.

Vt rata sint, coram populo sanctissima fient

Fœdera, consuetæ relligionis opus.

Dextera iam dextræ iungetur, & ante deorum

Ora, sacras uestrum fundet uterq; preces.

Numine placato feliciter omnia cedent,

Euenit aduerso nil nisi triste Deo.

Est aliquid superis cœpisse fauentibus illud

Stare quod illæsum perpetuumq; uelis.

Ite igitur quo sacra iubent, superisq; uocatis

Auspicium fausti sumite coniugij.

Hic etiam uitæ præcepta salubria uobis

Dantur, quos licito iungit amore Deus.

Vt uiridi sese uitis noua subijcit ulmo,

Et quo se teneat, quodq; sequatur habet,

Sic pia dilectum consuescet amare maritum

Vxor, & illius iussa benigna sequi.

Fidus amor paribus constringat pectora nodis,

Diligat ille suam, diligat illa suum.

Hæc ubi diuino perlegerit ore Sacerdos,

Actaq; res sacræ relligionis erit,

Linguite

Linquite cum templis superos, iam tecta subire
 Tempus, & instructæ limina celsa domus.
 Ordine dispositi longis accumbite mensis,
 Quisq; suo, iuuenis, fœmina, uirgo, loco.
 Corpora quid prohibet dapibus, recreare cibisq;
 Dulcibus, & sumpto corda leuare mero.
 Quisquis ades, cupide præsentibus utere rebus,
 Vtilis in mensa non solet esse pudor.
 Qui sapit, è multis sibi conuenientia sumet,
 Siue Ceres cordi siue Lyæus erit.
 Hæc duo si desint, hilares quis sumere uultus,
 Quisq; iocis poterit lætitiâq; frui?
 Pocula lætitiâ mortalibus addere norunt,
 Cum biberit, tristis desinet esse, Cato.
 Nunc igitur, quoniam sunt omnia læta, bibatis
 Si modo Germano uiuere more iuuat.
 Ecce quid hoc? surgunt post prandia longa puellæ.
 Forte parant solito ducere more choros.
 Tibia iam sonuit, poscuntq; sonora choreas
 Tympana, de ualidi tergore facta bouis.
 Surgite uos contra iuuenes, quibus integer æui
 Sanguis, & in forti corpore robur inest.
 Dum licet & tempus sinit, indulgete choreis,
 Nulla puellarum res magis apta gregi.
 Vestraq; non Marti tantummodo conuenit ætas,
 Esse etiam Veneris lusibus apta solet.
 Nec tamen iccirco leges soluisse pudoris
 Atq; pudicitie uincula sancta uelim.

LIBER

Absint nequitiae, scelerumq; libido creatrix,
 Quæq; solet fines transilisse Venus.
 Ite pares animis, cum castis ludite caste,
 Hoc licitus uester nomine lusus erit.
 Eligat è medio, quam quisq; probauerit ante,
 Inter enim multas una placere potest.
 Non eadem facies est omnibus, aspice, dices
 In tamen his faciem quamq; decere suam.
 Colla niuem poterunt, aurum superare capilli,
 Ora rosas, molles alba ligustra manus.
 Roma tot ac tales uix educat alta puellas:
 Ipsa sua quamuis regnat in urbe Venus.
 Magnificæ uarijs incedunt cultibus omnes,
 Nec leuis hac formæ iungitur arte decor.
 Illa niuem Scythicam referentes sumit amictus,
 Illa rosis similes induit, illa croco.
 Hæ uirides herbas cultu simulante teguntur:
 His maris arridet cæruleusue color.
 Est etiam pullæ non infima gratia uestis,
 Sæpe tegunt niueum Syrmata pulla latus,
 Delectant alias alia, & sua cuiq; probantur:
 Totaq; plebs cultu uersicolore nitet.
 Sic uarij pingunt uiridantia prata colores
 Frigida cum Zephyro flante recedit hyems.
 Sponsa tamen reliquis formosior omnibus una
 Incedit medio conspicienda choro:
 Cuius & ingenui mores, uultusq; decori
 Vix possunt muneris, ut meruere, cani.

Aspice

Aspice purpurei decus oris; ut æmula certent
 Cum cœli nitidis lumina syderibus.
 Aspice lucentum sit gratia quanta genarum,
 Ac si quis niueum sanguine tingat ebur.
 Quantus inest mēbris decor omnibus: aut ego fallor,
 Aut Venus huic caston tradidit ipsa suum.
 Iuppiter hanc Leda præponeret, optima quamuis
 Leda puellarum dicta sit esse decus.
 Huius in amplexus quam Daphnes mallet Apollo
 Ire, licet Daphnes optima forma fuit.
 Redderet Atridæ, quam sustulit ante, Lacenam
 Si præsens huius cerneret ora Paris.
 Hanc peteres certe per mille pericula Ponti
 Cui toties nandi causa puella fuit.
 O quoties aliquis iuuenum suspiria ducit
 Inscius aspectu cum stupet Anna tuo.
 Immosq; tenens oculos miratur, & herens
 Cogitat an similem uiderit ante tibi.
 Digna potes certe genitore Melanthe dici,
 Nataq; qua genitrix esse superba queat.
 Coniuge præterea dignissima uate Sabino,
 Quo nihil hic noster pulchrius Albis habet.
 Cui generosa fauens aspirat carmina phœbus
 Plenaq; castaliæ pocula donat aqua,
 Ante ministravit uel qualia sæpe Maroni,
 Vel tibi Pelignis orte Poëta iugis.
 Huic nuptura uiro, fortunatissima iure
 Diceris ô summo digna puella Ioue.

L I B E R

Iam prope uesper adest, lætisq; exacta choreis
 Candida festino cedit ab axe dies.
 Nox ruit, & toto descendit plurima coelo
 Inq; polo late splendida signa micant.
 Iamq; facies pueri manibus præferre iugales
 Incipiunt, crebro lucet ab igne domus.
 Nunc Hymenæe ueni, cupidi iungantur amantes
 Officio præsens indiget hora tuo.
 Ecce uenit, date cuncta locum, Deus ecce uocantes
 Audijt, ad munus lætus it ipse suum.
 Sydereus natum coelesti semine splendor
 Et magnum facies arguit esse Deum.
 Prima genas signat niueas lanugo, nec illi
 Vlla uetustatis tempora longa nocent.
 Semper enim iuuenis, sine barba semper, & idem,
 Qua fieri possit, nescit ab arte senex.
 Sic etiam perhibent te Phœbe senescere nunquam
 Et tibi perpetuo Bacche iuuenta manet.
 Est & in ornatu decor haud uulgaris, habetq;
 Non dubias magni numinis ille notas.
 Aurea flauentes innectunt ferta capillos
 Quæ digitis Charitum nexa fuere trium.
 Dextra facem puro rutilantem concutit igne,
 Leua tenet laxos ueste fluente sinus.
 Vocibus ut graditur, quas accipit undiq;, lætus
 Qua uenit ambrosio spirat odore locus.
 Ante Poëtarum thalamos sic iuit ad altos
 Siue tuos Naso, siue Eobane tuos.
Iamq;

Iamq; facem quassans, medium circumspicit agmen,
 Virgineos tandem deferre sponsa choros.
 Non opus est lachrimis. Ab parce tenerrima parce,
 Pulchra quid effusis fletibus ora rigas?
 Et trepidas ueluti conspecto territa quondam
 Agna lupo, matri quando relicta sue est.
 Quid subito auersans speratae gaudia noctis
 Iam strili malles uirginitate frui?
 Ne tener ab tanti tibi sit pudor, i, pete lectum,
 Quo Deus & mater nomina fida uocant.
 Ipse toro residens, Ades ô pulcherrima clamat
 Sponsus, & ô nostri pectoris ardor ades.
 Quid iuuat ardentem multum torquere morando?
 Tradite iam sponsam, tradidit ante parens.
 En Hymenæus abit, thalamus iam clauditur intus
 Molliter amborum pectora iunget Hymen.
 At uos legitimo quos foedere numina iungunt
 Egregium, letæ munus obite deæ.
 Soluite primitias Veneri, sic dulcia uobis
 Mutuus assiduo bella mouebit amor.
 Nomen ut optatum contingat utriq; parentis,
 Non tantum superi crebraq; uota dabunt.
 Vester erit potius labor hic. Iam desine plura
 Melpomene, castis hæc cecinisse sat est.
 Cætera, qui thalamum simul est ingressus, amantes
 Omnia præsentis uoce monebit Hymen.
 Nunc igitur poteris consueta reuifere Tempe,
 Siue ea Parnassus, siue ea Pindus habet,

LIBER

Ante tamen, quam diua abeas, optabis utriq;
 Possit ut exactis mensibus esse parens.
 Auspiciusq; Dijs peragendos molliter annos
 Illa Sibyllinos, Nestoris ille ferat.

ALIVD EODEM MELCHIO re Acontio autore.

NVper ad Aonij loca formosissima montis
 Diua sub ingenti platano Cytherea sedebat.
 Hic ubi Dædaleis construxerat artibus illi
 Lemnius auratis circumdans sepibus hortum,
 Coniugis inductus precibus: Sylvestria circum
 Numina nympharum stabant, passimq; per herbas,
 Ludebant teneri, grex insidiosus, amores.
 Mixta quibus comitem se leta uirago iuuentus
 Addiderat, leuitasq; & mollis numen Iacchi,
 Ridiculusq; furor, stultæq; insania mentis,
 Et plures alij cognati Dijq; Deæq;.
 Ipsa Venus nitido texebat pollice sertum,
 Ac niueis uirides miscebat floribus herbas,
 Quas neq; contigerant immitis frigora brumæ,
 Feruidus ardenti neq; sol exusserat igne.
 Dum sedet, & cepto fauet irrequieta labori,
 Exaudit strepitum nati uenientis, & arcus
 Agnoscit sonitum, quem dextera gestat amoris,
 Ille uolans summi per inania nubila cœli
 Aëra scindebat uibrantibus impiger alis.

Iamq;

Iamq; suæ gremio, demissus ab æthere, matris
 Factus erat propior: pharetram proiecit & arcum,
 Paruaq; materno circumdans bracchia collo,
 Accipe mater ait, quæ iam mihi gloria rursus
 Parta sit his ipsis, quibus omnia uincimus, armis.
 Illa sui quamuis pueri crudelia norat
 Facta, tamen ridens placido sic incipit ore.
 Quos iterum referes ô audacissime nobis
 Nate dolos, adeo qui te fecere superbum?
 Num meus est iterum genitor conuersus in durum?
 Num faciem tauri rugosaq; cornua sumpsit?
 Num Cybelen, quamuis anus & ueneranda deorum
 Sit genitrix, lentis succendis amoribus audax?
 Perq; nemus phrygia discurrere cogis in Ida
 Oblitam decoris, Gallis comitantibus ipsam?
 Forfan ut es semper nimium temerarius, astu
 Ausus es Aonias aliquo turbare sorores,
 Quæq; tuæ semper spreuerunt uulnera dextra,
 Fallor, an has etiam peregrina fraude, doloue
 Dura coëgisti sub regna Cupidinis ire?
 Quicquid id est, certe metuo uereorq; Cupido
 Ne male te subito tanta hæc audacia perdat.
 Cui puer: Est aliud quod me facit esse superbum
 Chara parens, multos deuicimus, hosq; Poëtas,
 Qui mea dicebant frustra sibi tela parari,
 Quandoquidem Musas colerent, castosq; liquores
 Pegasei fontis gelida sub ualle bibissent.
 Scis puto quale sit hoc hominū genus, æthera iactant

Ingenijs seruire suis, innataq; sese
 Semina nescio quæ diuinæ mentis habere.
 Et quia musarum pulchris operentur in hortis
 Meq; meosq; arcus & tela potentia spernunt,
 Turba cupidineo cum nulla sit aptior igni.
 Hos ego iam docui qui sint, & qualia iacent.
 Nam neq; Pierides, neq; spiritus ille superbis
 Profuit, ætherea quem sede uenire ferebant.
 Omnibus ardor inest idem mea castra sequendi,
 De rot adhuc Musas uix aspicit unus & alter.
 Utq; suis alij domiti nunc ignibus ardent,
 Sic decus Aonidum fore quem prædixerat Hæssus,
 Non leue uulnus habet transfixo corde Sabinus.
 Hunc mihi præ cunctis succumbere gloriæ unum:
 Si qua fides etenim præstantior omnibus hic est,
 Vix alius uersu meliora poemata scribit.
 Iamq; licet reges ac fortia dixerit ante
 Facta ducum, nostro meditatur carmina ludo
 Digna, suamq; canit non duris uersibus Annam:
 Annam quam genuit celeberrimus ille Melanthon,
 Sidereis flagrantem oculis, quæ uincere cignum
 Sithoniasq; nuces, & candida lilia posset.
 Insuper illius petijt connubia nuper
 Impatiens fructumq; sui quæsiuit amoris.
 Et nisi decipior, cras cum fugientibus astris
 Sydereus nitido radiabit lumine Titan,
 Anna bonis auihus docto nuptura Sabino
 Ducetur pompa celebri per amœna deorum
 Templâ,

Templa Camœnarum chorus undiq; cinget euntem,
Non aberunt Charites : nō carminis author Apollo :
Tu quoq; deducens Hymenæum, mane per auras
Mater ad hanc uenies cras cum lux alma redibit,
Formosamq; aliquo decorabis munere sponsam.
Sic ait. At genitrix iamdudum certa futuri
Surgit, & ad iuuenem cui sunt sponsalia curæ
Flectit iter : paruis hic mixtus amoribus ibat,
Longaq; fraterno ducebat tempora lusu.
Quem dea compellans, placido simul edocet ore
Quid uelit, & quæ sint uenturæ gaudia lucis.
Non ignarus erat, comes ibo dixit eunti,
Perq; leues illuc tecum dea transferar auras.
Nec tibi fas nec abesse mihi, ueniemus uterq;
Ipse facies, tuserta gerens cæstumq; potentem.
Postera uix cœlo stellas dimouerat Eos,
Ingrediuntur iter dea Cypria, cumq; Hymenæo
Paruus amor, plenam gestans de more pharetram.
Contigerant Albim, iam non uelut ante ruentem,
Sed uirides placido stringentem flumine ripas.
Sensit adesse deos subito pater Albis, & antro
Extulit os madidum, gelidosq; seniliter artus
Sustentans baculo, uiridantis margine ripæ
Constitit, atq; udo summam pede pressit arenam.
Plurima muscoso de uertice gutta cadebat
Humectans humerosq; Dei, barbamq; senilem.
Vt prope conspexit tria numina, talibus infit.
Cur uos ô superi cœlo meliore relicto

Huc

L I B E R

Huc uenisse putem? uenerunt huc quoq; Musæ,
 Fessus heri peteret cum promior Oceanum sol.
 Quo properatis? An est ueniendi causa Sabinus
 Ille meus uates, cui nata Melanchthonis Anna
 Iam dabitur iungenda toro, lectoq; iugali?
 Dicite, nam rutilo uix summos lumine montes
 Sol ferit, & pleno nondum caput extulit orbe,
 Excipiens superos sic dicitur ille locutus.
 Nec tacuit Cytherea diu, sed protinus omnem
 Rem docet, & blandis cupido sermonibus astat.
 Interea uarijs de montibus undiq; Nymphæ
 Conueniunt, secum coelestia dona ferentes,
 Ambrosios succos, gemmas, preciosaq;serta,
 Qualia uix alijs dederant mortalibus unquam.
 Pars è Saxonie properantes finibus adsunt
 Arboreis pariter præinctæ frondibus omnes.
 Ast aliæ linquunt te Marchia, quas uel Haueus,
 Vel Sprea muscosis, aut Odera detinet antris.
 His Comites aliæ uicinis saltibus ibant
 Longa quibus tergo coma dependebat, ut olim
 Virginibus Tyrijs, quæ per nemora alta Dianæ
 Exagitare feras patrio de more solebant.
 Misit & ipse Salis Duringo rure profectas
 Naiades insignes facie, calathosq; tumentes
 Floribus addiderat, telluris nobile donum,
 Quos sponso sponseq; ferant: sed uersibus omnes
 Enumerare nec est hominis: nec temporis huius
 Permittit breuitas: tot conuenere puellæ,

Omnes

Omnes uisuræ thalamum sponsamq; Sabini.
 Et iam protulerat totum sol aureus orbem,
 Conspicuoq; diem reuehebat clarior axe.
 Quod Cytherea uidēs: Quid stamus? Et ocius inquit
 Arripiamus iter, superest breue tempus eundi.
 Albi uale: sic fata Deum Dea deserit: illam
 Vndiq; Hamadryadum circū leue panditur agmen,
 Et sequitur gressu per agros ad mœnia tendens
 Urbis Leucoræ, cuius super æthera nomen
 Iuit, et extremum terræ penetrauit ad orbem.
 At formosa domi tenera cum matre sedebat
 Sponsa, pudicitia discens exempla priorum,
 Multa subinde rogās genitricem, multa requirens,
 Et similem quondam fieri se talibus optat.
 Dum rogat admirans præceptaq; discere gaudet,
 Fida dat interea nutrix, quos legerat ante,
 Ornatus capiti uarios, auroq; reuincit
 Sedula flauentes per candida tempora crines.
 Quod sit splendidius dubitares crinis an aurum.
 Lintea sumpta cutis superaret candida, si non
 Tincta rubore foret. Superant tamen omnia cultum,
 Et natura potens uix ulla uincitur arte.
 His super ingressa est subito Venus alma cubile,
 Nec non Naiades: stupuit cum uirgine mater
 Ornandiq; simul cecidit labor, ora dearum
 Mortales uix ferre queunt, oculosq; remittunt.
 Voce metus adimens quibus hæc Dea Cypria fatitur.
 Chara dijs, hominum generi ueneranda propago,
 Perpea

Perpetuum latura decus, dignissima cœlo,
 Sic tibi quo cœpit faueat sors æqua tenore
 Semper, in immensum generis sic gloria crescat,
 Parua deæ Veneris pro tempore dona benigne
 Accipe, quæq; ferunt ex ordine munera nymphæ
 Serta, rosas, aurum, distincta monilia gemmis,
 Quicquid præterea est. Sed enim meliora dedissem
 Si meus ille domi coniunx præsensq; fuisset
 Mulciber, in cœlum Ioue sic cogente profectus.
 Qui mihi iam toties manibus pulcherrima fecit
 Ornamenta suis, quibus & cœlestia sæpe
 Numina demerui, Iunonem, Pallada, Musas,
 Innumerosq; homines. Nunc hoc tibi sponsa Sabini
 Quale uides, sertum Cythereæ munus habeto.
 Pro quo, nulla mei nisi gratia numinis hic est,
 Vt decet, optatum complectere lata maritum.
 Disce thori leges me præcipiente, nec illum
 Virgo time, cui te iam despondere parentes.
 Quod uolet ille uelis, placeat mens una duobus:
 Sic cito mater eris, sic semper amaberis illi
 Cui modo sola places, sic gaudia semper habebis.
 Hæc & plura Venus laudantibus omnia nymphis
 Fata, coronauit cœlesti munere sponsam.
 Afflavitq; nouum membris decus, unde puellas
 Inter Leucoreas hac formosissima luce
 Sponsa fuit, tantum Venus aspirauit honorem.
 Nec minus interea sponsum ornauere Camœnæ,
 Vt iuuenes inter longe pulcherrimus omnes

Illa luce foret, qua uincla iugalia primum
 Accipiens, licitos erat amplexurus amores.
 Nobile præterea cecinerunt carmen alumnis
 Vnanimes, ac dulce melos, quod phœbus & ipsæ
 Miratæ Charites stupuerunt, quo stetit Albis.
 Lentus & attoniti repressit gurgitis undam.
 Illius ut possent feri meminisse nepotes
 Stigelius, uatum non infima gloria, fecit.
 Qui dictante sacros conscripsit Apolline cantus
 Aonidum, passimq; dedit uolitare per orbem
 Perpetua dignum celebrari laude poema.

IOANNES STIGELIVS

Georgio Sabino.

Docte Sabine tuas nuper missurus ad ædes
 Veste nouem comptas uersicolore Deas.
 Itæ Deæ dixi, facundi uatis ad aures,
 Vberius per quem Gorgonis unda fluit.
 Forte Melanthonidos uobis uenientibus Annæ
 Ludet in optato suauiter ille sinu,
 Aut bene compositos meditans ad tympana motus
 Concinet in medijs iubila festa choris.
 Quidquid aget, cum uos à me uenisse uidebit,
 Obuius attenta porriget aure manum.
 Huic uos optantes tædæ omina leta iugalis
 Edite sermonis nuncia uerba mei,
 Eius ut ornetis missas uos dicite pompam,
 Veste tamen digna non potuisse tegi.

At quam

LIBER

At quamuis Tyrio non sitis murice comptæ,
 Posse tamen comptas inter habere locum,
 Corporis utq; aliæ gestent insignia Nymphæ,
 Sic uos solius mentis habere decus,
 Hoc etiam exiguum quàm sit uos scire, sed usq;
 Corporis externis dignius esse bonis.
 Ad tua iam quare uenientes limina musas
 Excipe, nec duras claude Sabine fores.
 Concelebrare tuæ cupiunt spectacula pompæ
 Veste licet trita, uersicolore tamen,
 Hoc quoq; non aliqua faciunt ratione carentes,
 Vberior pictis gratia rebus inest.
 Sic pascunt oculos picti uiridaria campi,
 Nec uiridi solum prata colore iuuant.
 Sic placet explicitis ales Iunonia pennis
 Gratia cum Phœbi nulla uenustet auem.
 Forte sed hæc animo lustrans emblemata, dices
 Materia ad formam non facit ista suam.
 Vtcunq; istud erit, satis esse superq; putarim
 Hic aliquid si te quod inuet esse queat.

EPITHALAMION, IOAN-
 ne Stigelio autore.

E St nemus arboreū stagnantis ad Albidos undas
 Aspicias, certe numen habere putes,
 Non locus irriguum iucundior extat ad Albim
 Qua uidet Arctous nostra Lycea polus,

Sæpe

Sæpe meæ hic cecini præconia blanda Philetæ
Peligni uatis dulce secutus opus.

Et uidi hic Nymphas pro fertis texere uersus
Pro uersu Aonidas texere ferta Deas.

Hic ego dum tacitis solus secessibus erro
Securæ meditans carmina mentis opus,

Suauius insonuit circum concentibus aër :
Gutturis humani non erat iste sonus,

Maius erat quiddam, cœloq; agnatiùs ipso,
Humana quàm quod possit ab arte cani.

Latabar, placidaq; animum dulcedine captus
Ingenio rebar numen adesse meo.

Ecce nouem ducens forma præstante puellas
Nescio quis faciem constitit ante meam,

Os humerosq; Deo similis, cultumq; decorum
Qualem credideris posse decere Iouem.

Arcum humeris, læuaq; chelyn, dextraq; sagittas,
Pectore sed pharetram dulce ferebat onus.

Integra formoso uernabat in ore iuuentus,
Ornabant flauas laurea ferta comas.

At qualis fuerit facies, quæ forma puellis
Vix elegis uideor dicere posse meis,

Ibat odoratos hederis innexa capillos
Quelibet, & nudo conspicienda sinu.

Non sum iudicium Paridis qui credere nolim,
Sed tamen has illis præposuisse uelim.

Ibant & decuit ueneranda modestia gressum,
Lux præit & sequitur qua chorus iste uenit.

Obstupui & rigidi stabant horrore capilli,
 Vera loquor, mecum uix satis ipse fui.
 At non sic toto riguit mihi pectore sanguis
 Vt nollem uultu quamq; notare meo,
 Ab ea qui nequeat pulcherrima spectra uidere
 Hunc nihil humani cordis habere putem.
 Interea ille gradu propior uestigia torquens
 Quos dederat miti sustulit ore metus.
 Pone metus inquit Clarij cupidissime fontis,
 Aonijs iuuenis non abigende choris,
 Sum Deus, & magni soboles generosa tonantis
 Patre etiam dicor uix minor esse meo.
 Est mihi Mercurius frater, soror aurea Phœbe,
 Ambo tenent regno subdita regna meo.
 Ipse ego sydereas illustro lumine sedes,
 Occultant reliquas lumina nostra faces,
 Aurea fecerunt quondam mihi secula nomen
 Tempore quo Delphis cultus Apollo fui.
 Ingenijs præsum, facundaq; pectora reddo
 Omnibus his pure qui mea sacra colunt.
 Hinc uos ingenuus laudis mea turba Poëtæ
 Ardua Parnassi per iuga raptat amor,
 Hinc Aganippæos cupidi sudatis ad amnes
 Vestraq; Gorgoneis ora lauatis aquis.
 Iam puto non quæres, audito nomine Phœbi,
 Iste puellarum quis sit, & unde chorus.
 Si bene me quisquam nouit, bene nouit & illas,
 Diuersum sexum, numen habemus idem.

Liqui.

A D O P T I V V S.

Liquimus Aonios campos, & Phocidis amnes,
 Vestraq; Leucoreæ uenimus arua plage.
 Ut pia facundi testemur uota Philippi
 Ante suum placidos pondus habere Deos,
 Dum spondet uati connubia sancta Sabino
 Et socer huic natam iungit amore suam.
 Testis eris, nostras Albim resonasse camœnas,
 Sic tibi non duro carmine uersus eat.
 Dixit, & ad Cytharæ iungens modulamina linguam
 Edidit Heroo talia uerba sono.

A P O L L O.

VT quando Oceano roseis Tritonia bigis
 Surgit ouans, mundumq; nouo splendore salu-
 Obuelat radijs stellas per inane micantes, (tans
 Sic quemcunq; abeat tua fama Melanthon in orbem
 Virtutis propriæ, propriæ sibi conscia lucis
 Regnat, & exuperat reliquorum nomina uatum
 Quotquot habent merita non ultima præmia laudis.
 Huc ades ô summi dijs acceptissime cœli
 Digne sed in terris fato meliore morari,
 Atq; hæc legitimi dum sancis fœdera lecti
 Quæ tibi flauentes resonamus ad Albidos undas
 Carmina, non aliquo prius hic audita susurro,
 Gratantes natæq; tuæ generoq; Sabino
 Accipe, sincerum non auersatus honorem.

LIBER
CALLIOPE.

Oannis iuuenis fortis & integer
 Foelix ingenij dotibus, & potens,
 Dulcis cura ducum, nobilium fauor,
 Virtutumq; Sabine & decus & uigor.
 Qui non exiguum iure tenes locum,
 Vates præcipuos inter & optimos,
 Quos nostro pariunt sydera seculo.
 Cuius Theutonici carmine Cæsares
 Orbis nunc iterum regna per ultimi
 Victores, hæderas inueniunt suas.
 Quem sub Parrhasiæ sydere uirginis
 Tellus diues opum, Martigenis potens,
 Tollit tergeminis Marchia laudibus,
 Cui Nympharum alacres cum Satyris chori
 Iampridem ingenij præmia deferunt
 Lauros, ac hæderas, fertaq; florea.
 Quæ ripas gracili tectus arundine
 Hæuelus patriæ rura rigat tuæ,
 Te factus reliquis uate celebrior.
 Quæ spumat rapidis Odera fluctibus,
 Francfurti celebrem præteriens Scholam.
 Hoc credas superum non sine numine
 Sed fâti fieri legibus, ut tuo
 Iungatur thalamo nata Melanchthonis
 Quem uatum celebrat nulla satis Chelys
 Vobis lanificæ fila neant Deæ

Disrumpi

Disrumpi innumeris nescia seculis.
 Vobis diuitias & decus augeat
 Mundi mobilibus Diua potens rotis.
 Et uos unanimis iungat amor duos,
 Dulces sufficiens legitimi thori
 Natos, perpetui pignora foederis.

C L I O.

ET tu conspicui decus pudoris,
 Formosæ genitrix pudica nuptæ,
 Matronis alijs parentibusq;
 Tanto prosperior, beatiorg;
 Quantum præstiterit tuus maritus
 Quotquot sunt facile omnibus maritis
 Vita, moribus, eruditione.
 Qua te laude feram, sacrum iugalis
 Exemplum fidei, fuisse qualem
 Castam Sulpitiam probat uetustas
 Vxoremq; prioris Africani.
 En iam tempus adest ut annuentes
 Natam Laurigero tuam Sabino
 Materna prece consecres ad aras.
 Adsis læticiæ celebriori
 Harum quam decet esse nuptiarum
 Et sancti genitrix tuæ puellæ
 Tædas auspicijs tuis iugales,
 Sic seros uideas senex nepotes,

LIBER

Seri & te uideant senem nepotes,
Et soluant tibi gratias perennes,
Et claudant oculos mori uolenti,
Ipsi Nestoreæ pares senectæ.

THALIA.

QVale te syluis Helicon sonoris
Audijt nuper mihi personantem,
Albis ad ripas age tale redde

Barbite carmen.

Ede concentus fidium canoros,
Nos nouem quales deceant sorores,
Dum nouæ grator noua pacta nuptæ
Fœdera lecti.

Inter ô cunctas dominans puellas
Gratia, lingua, facie, pudore:
O decus, docto patre nata uirgo

Anna Philippo.

Cuius à forma uolucer Cupido
Dulcis accendit faculas amoris,
Mille comburens rapidis procorum
Pectora flammis.

Cui suam donat Venus alma cæston,
Cui mouent blandas Charites choreas,
Cui loco cedit iaculans in altis

Delia syluis.

Cui suas ponunt Satyri corollas,

Et cæ

A D O P T I V V S.

Et canunt formæ dominantis hymnos,
Dum sub ægroto capiunt edaces
Pectore flammæ.

I, subî docti thalamum mariti,
Sic potens certi iubet ordo fâti,
Vatis assuescas age nunc uocari
Anna Sabini.

Sera sic uobis ueniat senectus
Nestoris qualis fuit aut Sybillæ,
Multa quæ uobis numeret beati
Pignora lecti.

E V T E R P E.

ERgo ades Albiacæ cultor quicunq; frequentas
Docta Lycea Scholæ.

Cui caput ingenuas cordi est efferre per artes,
Quem pia fama mouet,

Quisquis es ingratis animum te affligere curis
Non finit ista dies.

Cur ita? sunt docto sua gaudia digna Philippo
Non sine teste coli.

Quo gaudente etiam gaudet natura, dolente
Hæc quoq; mœsta dolet,

Quo sine quid possunt uestre præstare palestræ
Dignum Helycone satis?

Talem igitur genero socerum gratare Sabina
Dijs genitum superis.

L I B E R

Et talem focero generum gratare Philippo
 Dulce decus Clarij.
 Sic decet, & dignum est, sic uates poscit uterq;
 Dignus honore coli.

E R A T O.

Venus creatrix gentium,
 Dulcis uoluptas coniugum,
 Et dulce amoris uinculum,
 Terræ potens & syderum.
 Seu te Gnydos tenet tua,
 Seu forte agris in Thracijs
 Martem tuo fues sinu:
 Ades pijs his nuptijs.
 Non est tibi uis nescia
 Potentis efficaciæ,
 Frustra focos nec ad tuos
 Prisci sacrarunt uictimas.
 Tibi namq; soluit gratias
 Si qua est parens foecundior,
 Tuosq; nutus inuocat
 Si qua esse mater non potest.
 Nequicquam amoris uinculo
 Duos hymen constrinxerit,
 Ni dulce tu iuues opus,
 Nascuntur unde liberi.
 En coniuges iacent noui
 Iam mutuos iuncti sinus

Stratisq;

A D O P T I V V S.

197

Stratisq; aperti mollibus
Vires uocant ambo tuas,
Hos cæsto amoris inuicem
Sic necte, sic constringito,
Vt una mens fiant duo,
Semper uolens, uolens idem.
Sic regna prouehas tua
Sed castius quàm nunc facis,
Qua sol dator lucis uenit,
Et nocte qua claudit diem.

P O L Y M N I A.

M Agne coniugij Deus
Coniugator amantium,
Dulce Cyprigenæ genus,
Dexter huc Hymenæe ades
Dexter huc Hymenæe.

Cinge floribus aureas
Myrthi odoriferæ comas,
En tibi uacat hæc dies.
Dexter huc Hymenæe ades
Dexter huc Hymenæe.

Nuptiale refer melos,
Et faces quate flammeas,
Signa coniugij noui.
Dexter huc Hymenæe ades
Dexter huc Hymenæe.

b s

Namq;

L I B E R

Namq; te sine nuptias
 Esse non aliquas ratas
 Credimus, Thalamos enim
 Prorsus abnuimus, tuæ
 Sanctionis egentes.

Tu feros iuuenes domas,
 Tu uetas coitus uagos,
 Tu pater celebrem sacra
 Lege coniugij modum
 Primus instituisti.

Si fuisset amantibus
 Pyramo & sociæ, tua
 Non sinistra potentia,
 Non doleret amans duos
 Vno ab ense peremptos.

Te uocant precibus pijs
 Vna mens duo pectora
 Et Sabinus, & auspice
 Anna numine iam tuo,
 Consecranda marito.

Huic age ergo puellulæ
 Flammeo caput obtege,
 Quod pudoris & integri
 Signa coniugij bona
 Tempore arguat omni.

Serta sic tibi florea
 Nectat Albiadum chorus,
 Et canat tua præmia

Dum

Dum nigra Oceani uada
Flauus influet Albis.

MELPOMENE.

Adeste pulchra maximi proles Iouis
Reginæ amoris Gratiæ.
Quas matris editas ab Eurynomes sinu
Testatur unda Tethyos.
Pudica quas habet Venus pedisseqnas,
Quas impudica deuouet.
Suaues amicorum duces affectuum,
Pacis parentes candidæ.
Piæ ministræ publicæ potentie.
Legumq; habentæ & urbium.
Adeste si quid arctioris fœderis
Nos inter est, ut est quidem,
Vacate quæso à fontibus Boeotiæ,
Heræq; adeste Cypriæ,
Dum seruiens duobus hic amantibus
Dulces adornat nuptias,
Et collocans uno duos ponit toro,
Nectitq; amoris cingulo.
Vestrum hic opus, nil præter hic quàm gaudium,
Lususq; amoris & ioci.
Vincite mutua duos concordia,
Vt una mens fiant duo.
Vt multa procreent beati pignora
Fœlicis ambo lectuli.

TERPSI

LIBER
TERPSICHORE.

Sic te Diua potens Sami
Aris Niliaco thure calentibus,
Et Sparthæ, & Rhodus, & Samos
Ritu quo deceat, perpetuo colant.
Sic & coniugij fidem
Et seruet thalami fœdera Iupiter.
Et nunquam illiciti, ut solet,
Affectet petulans illecebras tori.
Nec posthac fieri uelit
Aut mentitus olor dissimulans Deum.
Aut uirgo simulans Deam.
Aut fallax aries, aut rigor aureus.
Huc huc Iuno ades & tuis
Has sancti auspicijs promba nuptias.
Serues incolumem precor
Tam dignam placido sydere coniugem,
Vt fulta auxilio tuo
Asuescat parere, & reddere debitam
Consorti sobolem suo.
Immunisq; mali, atq; integra uirium
Fœlix coniuge cum suo
Longæui senium Nestoris impleat.

VRANIE.

Aonios inter iuuenis celeberrime uates
Nobis quo charius nihil Marchio clara tulit,
Qui

Qui dictante facis doctissima carmina Phœbo
 Quocunq; mundi triplicis digna sub axe legi.
 Et tu natura blande arridentis imago
 Anna omnibus quam præferat, gratia, forma, puæ
 Cuius ex oculis accendit tela Cupido (dor,
 Cui seruientes Gratia carmina blanda canunt.
 Fœlices animæ, uel supra uota beati
 Si quid peritæ syderum creditis ambo deæ.
 Si quid habent, ut habent, cœlestia sydera ueri,
 Promissa uobis est Deæ stantis in orbe fides.
 Iam pridem unanimi concordēs fœdere Parcæ
 Vobis neunt durabili candida pensa colo.
 Hæc ego uaticinor taciti Dea conscia fati
 Hæc annuit septemplex machina tota poli.
 Viuite concordēs fidi sub fœdere lecti,
 In uos uenena zoilus nullus amara uomat.
 Viuere sic sola est fœlix atq; aurea uita
 Qua nil beatius uagans Lunaq; Solq; uidet.
HAec sunt, si memini, Phœbo dictante locutæ
 Aonides tali uerba tenore Deæ.
 Quæ mandata breui paucis pro tempore chartis
 Iudicio mitto doctæ Sabine tuæ.
 Accipe quæ uestras utcunq; ornantia tædas
 Concinit Aonidum carmina blanda chorus.
 Non leuis hæc aliqua uelauit imagine fucus
 Non aliqua his falsi forma coloris inest.
 Arctior ut nostri coniunctio fœderis esset,
 Hæc tibi non fictus scribere iussit amor.

Gratulor

L I B E R

Gratulor ergo tibi foelicem Hymenæa Sabine
 Coniugioq; precor prospera fata tuo.
 Affluat ambobus largis fortuna quadrigis,
 Perstet & ad uotum certa tenaxq; tuum.
 Vos inter superi faciant rata fœdera Diui
 Lucis ad extremum non soluenda diem.
 Vos sacra non dubio conseruet amore Dione,
 Prouehat & uestrum pronuba Iuno torum.
 Illa suos tecum claudat foeliciter annos
 Legitimi custos Anna pudica tori.
 Qualis erat uindex Lucretia casta pudoris
 Inuito nondum pectore passa scelus,
 Et quæ fumantes auido bibit ore fauillas
 Coniugis æternum Portia fida decus.
 Talis in amplexus patre nata Melanthone uirgo
 Sed fato ueniat dexteriore tuos.
 Edite securi foelicia pignora lecti,
 Vt uestra crescat prole beata domus.
 Ista Deo grata est sociæ coniunctio uitæ,
 Vt sint legitimi fœdera certa tori.
 Heu nimium facilis qui uincla iugalia temnis,
 Vincula si nescis, hæc iubet esse Deus.
 Quod Deus instituit non est contemnere tutum
 Exitium est huius non timuisse minas.
 Huic, ubi de prima fabricasset origine mundum,
 Hoc opus ut faceret cura secunda fuit.
 Ver erat, & teneri florebat gratia mundi,
 Vernabatq; recens undiq; in orbe decor.

Tum

Tum primum zephyri spirabant mollibus auris,
 Tunc aliquid factum est quod fuit ante nihil.
 Aethere ridebat facies noua Solis ab alto,
 Ornabantq; nouum sydera clara polum.
 Quae fuerat non ante, suos spirabat odores
 Extendens teneras arbor opaca comas.
 Vndiq; odorato ridebant germine flores,
 Gaudebatq; suis iam Deus ipse bonis.
 In fluuijs pisces, uolucris ludebat in auris,
 Et pecus in uiridi luxuriabat humo.
 Deerat adhuc animal praestantius omnibus illis
 Quod Deus ad faciem condidit ipse suam.
 Natus homo est, sed enim non hic suffecerit orbi
 Solus, ni socio iunctus amore foret.
 Hoc sensit sapiens diuini cura parentis
 Auxiliumq; tibi mox faciemus, ait,
 Exeruitq; uiro costam, mirabile dictu,
 Materia illa tui corporis Eua fuit.
 Viuite, & ananini duo sitis corpora mente,
 Perq; suas crescant gaudia uestra uices.
 Dixit, at hinc auxit sobolis generatio mundum,
 Hinc sua nunc passim spicula mittit amor.
 Ferreus est, durasq; gerit sub pectore cautes,
 In quem non aliquis spicula torsit amor.
 Quid iuuat artificii caelata toreumata dextra
 Et premere indigno uermiculata pede?
 Quid prodest ueterum pictos ostendere fastus,
 Et generis longum stemma referre tui?

Multa

LIBER

Multa fatigatis quid uertere iugera tauris,
 Et pecori numerum uix posuisse suum?
 Quid prosunt gēmae, quid lucida concha, quid aurū
 Quæ niger Ego littore mittit Arabs?
 Horum, si desit, cui tecum suppetat usus
 Vxor sub socia conditione comes.
 Ergo alium grauib' iuuet impallescere curis
 Auri cui sedeat pectore sacra fames,
 Diuitijs inhient quos urget auara cupido,
 Me tener æternum molliter urat amor.
 Vrat amor, sed castus amor, te qualis & Annam
 Ultra legitimum non sinit ire modum.
 Non ego me summis æquari regibus optem
 Dum liceat casta coniuge posse frui.
 Sint alijs Pario suffulta marmore sedes,
 Mi sat erit parua uiuere posse casa.
 Quam uitreus gelida circumdet flumine riuus,
 Et uiridem placido murmure pulset humum.
 Sit breuis, & domino qui credita reddat agellus,
 Ille mihi campi diuitis instar erit.
 Dum modo sit simplex sed non male rustica coniunx
 Quæ me non dubiæ fœdere mentis amet.
 Tyndarides alius medijs imploret in undis
 Et uitam dubijs uendat auarus aquis,
 Me iuuet in tuto uentos audire cubili,
 Et sociam tepido sustinuisse sinu.
 Aut reptare sacri per tesqua uirentia luci
 Carminaq; innocuæ condere mentis opus.

Hic

Hic mea cum sacris habeam commertia Musis,
 Totius immensas nil moror orbis opes.
 Casta domi interea, quicquid Deus offerat ipse
 Præparet arguto chara Phileta foco.
 Sic me moroso secernant numina uulgo
 Otia priuato sub lare tutus agam.
 Tale genus uitæ mihi dextera fata ministrent
 Hinc cupiam cineres uiuere posse meos.
 Ergo uide quantum te fata Sabine bearint
 Cui tali oblatum est commoditate frui.
 Suauiolum roseis tibi quod ferat Anna labellis
 Omnibus hoc regnis si sapias ante feras.
 Viuite fœlices, ambo sic uiuere digni,
 Et facili uestrum ferte labore iugum.
 Dum licet, & locus est, dulci indulgete iuuentæ,
 Tempus abit, nec quæ præterit, hora redit.
 Et faciem, & uires, anni populantur euntes,
 Qui sapit, huic nullum tempus agatur iners.
 Nulla Venus tanti est quæ non uicietur ab annis,
 Debile forma bonum ceu rosa uerna perit.
 Ludite, quos Phœbo superisq; ita ludere uisum est,
 Numinibusq; tribus, numinibusq; nouem.
 Viue gener magni facunde Sabine Philippi,
 Te maneat Pylip iusta senectæ ducis.
 Viue toro uatis consors facta Anna Sabini,
 Aurea Cumææ secula uatis agas.
 Viuite concordī iunctissima pectora lecto
 Vestra mori nullo tempore fama potest.

LIBER
AD GEORGIVM SABINVM
ex Borussia in Saxoniam abeuntem
Felicis Fidleri propem-
pticon.

ERgo nouenarum decus immortale sororum,
O & praesidium dulce Sabine meum,
Ergo profecturus, qua uoluitur Albis, ad oras:
Culta Borussiae deseris arua soli?
Nec uetat à nostra discedere longius urbe
Hæc Schola? quæ primum te duce cœpit iter.
Nec tibi sunt curæ, qui te didicere magistro
Pierio sacram fonte leuare sitim?
Nec metuis, brumæ gelida conterritus aura,
Intempestiuæ tædia dura uiæ?
Aspice quæ coeli facies, non inde recedis
Tempore proposito conueniente tuo,
Africus insano commixtus turbine uentus
In terram largas præcipitauit aquas,
Commaduere uiæ pluuijs, nimbosus & imber
Fluminibus liquidis mollia rura tegit.
Vix etiam, sic strata iacent turbata uiarum,
Cernitur in uasto semita uera luto.
Adde quòd indomiti nondum fera bella Gradiui
Illic, quo properas, conticuisse ferunt.
Tu tamen ire paras, sobolemq; per inuia tecum
Compita, sub Martis signa cruenta uehis,
Dic mihi ne fiant scelerati præda latronis,
Quo pacto ceptum continuabis iter?

Si te

Si te bellorum nil sæua pericula terrent,
Siqui tibi nolis parcere, parce tuis.
O pueri caro date basia grata parenti,
Vtq; suæ maneat, quiq; rogate, domi,
Istud iter uobis non conuenit, horrida seuit
Aura procellosis humida facta notis,
Nondum ferre graues didicistis frigoris æstus,
Corporibus teneris uentus & aura nocent.
Si tamen ad sedes hinc ire uoletis auitas,
Hoc fieri cælo commodiore potest.
Nunc quoq; si nescitis, adhuc fera bella geruntur
In quo uos miseros uult pater esse loco.
Vos retinete patrem quoniam retinere potestis,
Instituit uestro nomine iussus iter,
Ni uos Leucoream secum deducat ad urbem
Propositam malit deseruisse uiam,
Anna tuas ora paruo cum fraire sorores
Inueniant causas quo minus ire uelint.
Dicite, care pater, non possumus esse quod optas
Pondera tam duræ qualiacunq; uiæ,
Et facile inuenies quibus ille mouebitur artes,
Docta foues animo dona paterna tuo.
Et discessuro blandire Sabina parenti:
Martha tuas uerbis, si potes, adde preces.
At uos absentis tangit pia cura sororis,
Necne suam uitam salua, timetis, agat,
Vestra soror Catharina ualet, deponite curas,
In gremio cari nempe fouetur aui.

L I B E R

Tu quoq; qui nondum cunas Alberte relinquis,
 Effice ne ceptum conficiatur iter,
 Aspera lædit hyems robustis corpora neruis,
 Tu puer incolumis frigora dura feres?
 Parue puer sæua brumæ læderis ab aura,
 Forsitan ad nostros uix rediturus agros.
 Nondum care manes, proprijsq; pericula natis
 Extruis, & uitæ cura molesta tuæ est?
 Care Sabine mane, nostraq; moratus in urbe
 Temporis expecta commodioris iter.
 Sed quid inutilibus consumo tempora uerbis?
 Effectum superi, quod uoluere, iubent.
 Quid? nisi stultitia est aduersis cedere fati
 Nolle, & cum magnis bella mouere Deis?
 Disce pati, casusq; graues euince ferendo,
 Non aliter ludi sors inimica potest.
 Fata regunt homines, his care Sabine coactus
 Tam graue cum natis ingredieris iter.
 Quando igitur fati cogentibus inde recedis,
 Et desiderij uana querela mei est:
 Quid superest, nisi fausta tibi de more precemur?
 In patrium possis sospes ut ire solum.
 Vade bonis auibus, ueteres uisurus amicos,
 Quos tibi Thesæo pectore iunxit amor.
 Di faciant, soceri cum docta Melanthonis ora
 Conspecies, uideat saluus uterq; suos.
 Huic uarios forsân narrare iubeberis actus,
 Deq; statu nostræ multa loquere Scholæ,

Sicq; roget, quibus hic Helicon habitetur alumniis,

Quæue sodalitio dedita turba tuo est:

Cum referes illi cuiuslibet ordine nomen,

Felicem reliquis annumerare uelis,

Forsitan ad nomen Felicis plura requireret,

Quodq; tibi de me dicere possit, erit.

Ille meam facili quondam tulit aure Thaliæ,

Cum colerem Albiacæ docta Lycea Scholæ,

Et solitus limam iuuenilibus addere scriptis

Insignis studij dux fuit ille mei.

Vade, nec arma feri metuas inuisa latronis,

Cinctus Apollineo numine tutus eris.

Aeole claude notos, uentosq; reconde furentes,

Spiret ab Eoa lenior aura plaga,

Vos quoq; Pierides uestrum deducite uatem,

Integra quo saluo gloria uestra manet.

I felix, et habe nostri monimenta doloris,

Vtq; queas felix ire, Sabine uale.

DE EIVSDEM REDITV,

Carmen gratulatorium scriptum

à Felice Fidlerio.

Q*uando Borussiacis à finibus ire Sabinus*

Et patrij uoluit rura uidere soli,

Cumq; uiæ certus moestis loqueretur amicis,

Tristeq; pallenti diceret ore uale;

Lucida complebit cum bis sua cornua Phoebe,

Rursus in his terræ finibus, inquit, ero.

L I B E R

Cornibus impleuit iam bis crescentibus orbem
 Vecta uolubilibus menstrua Luna rotis,
 Ex quo Prussiaca digressus ab urbe Sabinus
 Vidit arenosi Marchica rura soli.
 Nec tamen inde redit, tristesq; relinquit amicos,
 Qui dubitant faustos uiuat an ille dies,
 Multa timent, causasq; moræ mirantur, & optant
 Vt leuet aduentu tristia corda suo,
 Fallor, an oblitus promissi fœdera pacti
 Mandauit rapidis uerba fidemq; notis?
 Quodq; sit à caro semotus corpore cœtu,
 Mens ideo nostri non meminisse potest?
 Di melius, fucus non conuenit iste Camœnis,
 Candidus in sacris uatibus extat amor.
 Degeneres animos decet inconstantia linguae,
 Hic seruat stabili fœdera pacta fide,
 Aut ueniet, nostramq; petet mox impiger urbem,
 Aut suberit iustæ maxima causa moræ.
 Dum loquor, optatus reficit mihi nuncius aures,
 Atq; refert grata uoce Sabinus adest,
 Dumq; rogo dubius uelit ut mihi uera fateri,
 Iuratus meruit per sacra uerba fidem,
 Accipio calamos quibus exultantia dicam
 Gaudia, de reditu doctæ Sabine tuo.
 Ergo quod incolumis natalibus hospes ab oris
 Redditus es, lætum turba nouena canit.
 Dulichius patrijs errabat ab ædibus Heros
 Annorum spacio per loca uasta decem,

Ipsa

*Ipsa domi coniunx lachrymas absente marito
Fudit, in ingrato sola relicta toro,
Te sic Aonides fleuerunt, quando trahebas
Diuersa longas in regione moras.
Nec minus ingenuo tibi dedita turba fauore
Est desiderio languida facta tui,
Et me, qui fidis sum connumerandus amicis,
Cura tui multos torsit amara dies.
Musa mihi nullum dictauit amabile carmen,
Si quid in hoc scripsi tempore, triste fuit.
Scis bene Pierides non pectoris esse seueri,
Tristibus ingenijs Musa negabit opem,
Nunc quoq; de saluo reditu gaudere uolenti
Occurrunt animo tristia uerba meo.
Nec sunt exiguae, quibus occupor undiq; causae,
Impedit ingenium cura molesta meum.
Nauita felici quoties secat æquora uento,
Et uolat optato panda carina mari,
Letus ouat, cantumq; leues modulatur in auras,
Nec sinit in tacita gaudia mente premi:
Me quoq; cantantem placida Neptunus in unda
Audijt, ut uentis uela secunda dedi,
Nunc ubi deserui uasti caua littora ponti,
Ac uehor in medijs pene relictus aquis:
Æolus aduersis laxato carcere uentis
Carbasa quassatae concutit uda ratis.
Diffugere procul quibus hæc autoribus ire
Coepit in immensum concaua cymba salum,*

L I B E R

Inde reluctantem Musam, uersusq; coactos
 Temporis aduersi pro ratione, uides.
 Non tamen à nobis adeo fortuna recessit,
 Mersa sit insanis ut mea puppis aquis.
 Sunt quibus est curæ, ualido qui remige portum
 Monstrabunt pauide per uada cæca rati.
 At qui desertam generose Sabine uolebat
 Fluctibus è medijs ducere, primus erat.
 Et facies, tumidi subsidunt æquoris æstus,
 Aspice, sedatis motibus unda fluit.
 Ipse ratem uideo pacata per æquora ferri,
 Hic, nisi me fallunt omina, portus erit.
 Gratulor hinc reduci, pectusq; resumo uirile,
 Fortunæ cum sis anchora fida meæ.
 Expectatus ades, promissaq; tempora seruas,
 Ipse graui affectum meq; dolore leuas.
 Languit hic animus, sed te præsentè uigere
 Cœpit, & ex magna parte dolore uacat.
 Cum fueras absens, ut care Sabine ualeres,
 Non semel ad Diuos uota precesq; tuli.
 Sæpe requisitui, qua nunc regione moratur?
 Et timui uitæ non metuenda tuæ.
 Sæpe tibi cupido felix iter ore precatus
 Hoc, inquam, seruent prospera fata caput.
 Di faciant redeat, nostramq; reuersus in urbem
 Exhilaret uultu pectora mœsta suo.
 Vota placent superis, seruarunt fata Sabinum,
 Et saluus faciem sistitur ante meam.

Musa

A D O P T I V V S.

205

Musa metum posuit uestesq; dolentibus aptas:
 Mæonij gaudet tota corona chori.

Qui crucis à patribus nomen deducit auitis
 Gratatur reduci, docte Sabine, tibi.

Et frontem explicuit, cum te rediisse ferebant,
 Brismanus, uerbi præcoq; duxq; sacri.

Quando tui aduentus Erhardo nuncia uenit
 A sibi finitimis litera missa locis:

Gratia sit superis, sæuo quia tutus ab hoste
 Hoc iter absoluit corpore saluus, ait,

Ipse Borussiacæ Princeps clarissimus oræ
 (O Princeps populi Duxq; Paterq; tui)

Dicitur, ut fueras nostram uenturus in urbem
 Dulcia de reditu signa dedisse tuo.

Hæc mea Musa dedit tibi docte Sabine reuerso,
 Et sua, quo potuit, gaudia teste probat.

Vtq; minus iustum dictandi tempus habebat,
 Sic rogat, hæc æqui consuluisse uelis.

A D G E O R G I V M S A B I
 num ex Germania reuersum
 Valerius Fidlerus.

IAMNE meus uates ad nos rediisse Sabinus
 Dicitur? o animo nuncia grata meo.

An tandem superi nostro sunt carmine uicti?
 Hos lætor precibus succubuisse meis.

Quid cesso dextram charæ mihi iungere dextræ?
 Ad reducis notos protinus ibo lares.

L I B E R

Vidimus incolumem, saperis sit gratia, uatem.
 Amplius hoc saluo nil mea uota petunt.
 O bene quòd sospes nostra spectaris in urbe
 Altera pars animæ chare Sabine meæ.
 Ocyus es nostra cur non tellure receptus,
 Absentem tantæ quæ tenuere moræ?
 Non hoc pacta fides, non hoc promissa uolebant,
 Vox mea sollicito cum daret ore uale.
 His bene te memini nostrum lenire dolorem,
 Pectore quæ semper fixa fuere meo.
 Hac ego, uix binos ubi Cynthia fecerit orbes,
 Auxiliaturo sistar in urbe Deo.
 At bis completis apparuit orbibus, & iam
 Lumina de Phœbo uix habet ulla suo.
 Tempore cur tanto me passus uiuere solum?
 Vita per hos menses omnis acerba fuit.
 Et angusta domus, sacrisq; dicata Camœnis,
 Palladis attingens limine templa suo.
 Pregela iucundo uestitus gramine ripas
 Leniter humentes hanc prope uoluit aquas.
 Pons stat in opposito fulcris porrectus in urbem,
 Hæc in Marchiacos te uia duxit agros.
 Non tamen extructo domus est contermina ponti,
 Separat à tectis fluminis unda uiam.
 Hinc ego spectabam tristis, si forte uenires,
 Hac discedebas, hac rediturus eras.
 Iunctaq; iam fuerat fratri bis Cynthia Phœbo,
 Regius ex quo non mons tibi uisus erat.

Tristia

Tristia tum complens lugubribus ora querelis
Deprecor inuisæ tædia longa moræ.

Quando tuos repetes dilectæ Sabine penates,
Exhilarans reditu pectora nostra tuo?

Cur non, ut decuit, respondent tempora pactis?
Non mihi seruata conqueror esse fidem.

Ad superos tandem confugi carmine supplex,
Illi te precibus restituere meis.

Num te magnarum tardarunt pondera rerum?
Num te difficiles impediere uiæ?

Forſitan es ſoceri detentus ab ore Philippi,
Forſitan es patrij tactus amore ſoli.

Deſino quærendis conſumere tempora cauſis,
Finibus in noſtris dummodo ſaluus ades.

Hanc prius in lachrymis uitam luctuq; trahebam,
Nunc mihi mens hilaris te redeunte redit.

Si meus hac alio migraret ab urbe Sabinus,
Nulla dies nobis hoc ſine grata foret.

Hic quis me teneat? non te comitatus euntem
Perfruerer uitæ commoditate tuæ?

Plurima tu præbes animo ſolatia noſtro,
Sæpe tuam triftis ſors mea ſenſit opem.

Tu mihi uiue diu, ſiquidem tu uiuere dignus,
Multa tuo faciam nomine uota Deo.

Quicquid agis ſincerus agis, nec fallere noſti,
Conſulis occulta tu ſine fraude tuis.

Totus es humanus (cur non tibi uera faterer)
Nec tua uentoſus pectora faſtus agit.

Hinc

L I B E R

Hinc quotquot fausto sectantur Apolline Musas
 Præ reliquis uatem te coluere suum,
 Absentemq; procul mæsto sunt carmine questi,
 Inter quos & ego pars aliquanta fui.
 Ergo diu uiuat toto meus orbe Sabinus,
 Perpetuus tanti uatis alumnus ero.

AD GEORGIVM SABI-
 num de morte Petri Bembi
 Alexander Such-
 tenus.

ECquid ut audisti Petri de funere Bembi,
 Cor tibi propterea triste Sabine fuit?
 Et te credibile est sacros lacerasse capillos,
 Et nihil attonitum tunc potuisse loqui.
 At non dissimulas, & te fecisse fateris,
 Facturusq; mihi uisus es esse diu.
 Mollicies sacros non dedecet ista poëtas,
 Quos studium tales, quod coluere, facit.
 Turba sumus mitis, lachrymisq; obnoxia uates,
 Cum quid amicorum flebile rebus inest.
 Occidit Ausoniae Bembus facundia linguae,
 Bembus amicorum qui tibi summus erat.
 Huius habes similes ueris in imagine uultus,
 Perpetuum uestrae pignus amicitiae.
 Hos quoties spectas, non ut spectare solebas,
 Obluitur lachrymis picta tabella tuis.

Ergo

A D O P T I V V S:

207
Ergo nihil lati nerunt tibi fila sororum,
Fila nimis docto pernicioſa choro.
Parcere diuinis neſcit fortuna poetis,
Hos uult arbitrio ſed quoq; ſtare ſuo.
Ante ſuos annos media florente iuuenta,
Dimidium uitæ concidit Anna tuæ.
Ille dolor multos tibi ſufficiebat in annos,
Vulneribusq; nouis non agitandus eras.
Sed quia ſic rerum ſtatuit ſuprema uoluntas,
Sic illam uanum eſt conſtituiſſe queri.
Fata pati maior laus eſt quam fata dolere,
Vt doleas quid te poſt doluiſſe iuuat?
Fortiter ergo ſeras quicquid mutabile non eſt,
Nos memores noſtri nominis eſſe decet.
Ille tamen fuerat luctu digniſſimus omni,
Horum, qui ſacræ Phocidos arua colunt.
Ergo tuas reprimam lachrymas? ab poſſumus omnes
Fortia in alterius uerba dolore loqui.
Cauſa grauis te flere facit, tibi iunctior illo,
Italus Auſonio nullus in orbe fuit.
Ipſe Lycaoniam longe ſubmotus ad Arcton,
Quo poteſt extincti nomen honore colis.
Soluſ & extremi facis hoc in finibus orbis,
Namq; tibi ſoli cognitus ille fuit.
At quod in Auſonia ſublatis funera Bembi
Vberibus lachrymis ſemianimesq; gemunt?
Et decet, & meruit, iuuenes lugete ſeneſq;
Gloria Romani concidit eloquij.

Tullius

L I B E R

Tullius ante sua fuerat quod Marcus in urbe,
 Hoc Venetus nostro tempore Bembus erat.
 Et non in toto facundior extitit orbe,
 Et, nisi me fallunt omnia, nullus erit.
 Purpureum Romæ meruit uirtute galerum,
 Et poterat princeps ordinis esse sui.
 Et decet, & meruit iuuenes lugete senesq;
 Hoc iacet extincto Pontificale decus.
 Turpe sit, esse aliquem gelida sub Parrhasis Arcto
 Qui doleat, siccas uos & habere genas.
 At uos uestra docent certe monumenta dolere,
 Auxeruntq; suas Tybris & Arnus aquas.
 Nec tamen hi soli lugent, lugemus & ipsi,
 A Latio positos quos procul orbis habet.
 Ipse ego cum fueram certus de funere Bembi,
 Pallidus, & longo tempore tristis eram.
 Nam quoq; speraui quondam te Bembe uidere,
 Sed quam me miserum, spes ea uana fuit.
 Ergo consortem me docte Sabine doloris
 Hic, ubi spectatur Menalis Arctos, habes.
 Quodq; tibi scripsi me Bembi morte dolere
 Ista mei luctus littera testis erit.

DE PEGASO EQVO AVRORAE,
 & Georgio Sabino Brandeburgense,
 Petrus Lotichius.

Admonitrix operum tenebris aurora fugatis
 Vecta Meduseo præpete mane rubet.

Hunc

Hunc prior alati pedis ictibus edidit ætas
 Fontis equum uenas elicuisse noui.
 Virgineas Helicon laurus ubi, præmia uatum
 Educatur, Aonius templaq; cœtus habet.
 Pandite Pegasides, cur huius origo liquoris
 Dicitur Auroræ Pegasus ales equus?
 Tempus (ait Clio) matris sub Memnonis ortum
 Aonijs gratum uatibus esse solet.
 Tunc uigor intus agit maior, tunc pectora coelo
 Ingenijs prima luce fauente, calent.
 Inde fluunt sacri latices, studioq; perennes
 Fons matutino fundit apertus aquas.
 Cur tamen acer equus radiantibus additus astris
 Et quæ fodit aquas ungula, clara micat?
 Conspicui fulgent (dixit dea) syderis instar
 Ingeniosa mori quos monumenta uetant.
 Vatis at in clypeo cur nunc uolât ille Sabini?
 Sic ego, sic Clio protinus orsa loqui.
 Pegasus ut cunctis pernicious ocyor alis,
 Impariter iunctis sic prior ille modis.

IDEM AD GEORGIVM SABI-
 num. De Patauij celebritate, &
 studijs suis.

TV licet in patria, post bella grauesq; labores,
 Mollia securis otia rebus agas.
 Eloquioq; potens, & opum successibus auctus,
 Illustres scriptis Cæsaris acta tuis.

Et

LIBER

Et Viadrus, riguos dum præterlabitur hortos;
 Ad tua mirantes carmina sistat aquas.
 Non tamen (ut credo) memori tibi corde tot annis
 Excidit Euganei cura Sabine soli.
 Sed desiderium superest, ueterumq; locorum
 Dulcis adhuc oculis hæret imago tuis.
 Et modo Medoacum, celeri modo puppe uideris
 Adriacum solito carpere more fretum.
 Nunc subeunt Aponi fumantes sulphure lymphæ
 Inq; Antenoreis proxima templa iugis.
 Et zephyro gaudens Arquatum molle salubri,
 Quæq; rigat liquidis arua Pluicus aquis.
 Adde tot egregias animas, tot candida uatum
 Pectora, constanti quæ tibi mente uigent.
 Iam tibi se Bembus, iam se Dijs proximus offert
 Frastorius, Bembo par in honore suo.
 Et cum Flaminio puri Naugerius oris,
 Arbiter intactæ cultus uterq; lyrae.
 Molsaq; præcinctus Myrtho, quem sede piorum,
 Almus in exhausto nectare pascit amor.
 Atq; alij, quibus hic olim comes ire solebas,
 Aonas in montes, Castaliumq; nemus.
 Forsan & hæc inter nostri tibi mutua cura est,
 Quidq; sedens Veneto littore, quæris, agam.
 Scilicet hic obitus rerum contemplor, & ortus,
 Et quibus e causis ordine cuncta fluant.
 Et disco, quidquid medicos mare gignit ad usus,
 Quicquid & omnifero terra benigna sinu.

Sæpe

Sæpe iuuat Solem gelida uitare sub umbra,
 Multaq; de plantis, arboribusq; loqui.
 At me præcipue foelix delectat Hyacus,
 Et Platanus, manibus confita Bembe tuis.
 Nam Platanum Bambus patriæ non immemor olim,
 Transtulit è campis Sicelis Enna tuis.
 Sæpè leui remo Venetas lustrare paludes,
 Sæpè libet totos ducere rure dies.
 Solariq; æstus in gramine, sicubi forsan
 Laurus odoratas explicat alta comas.
 Illic Arquatum, quacunq; è rupe, saluto,
 Et ueneror cineres culte Petrarcha tuos.
 Tunc simul ad calidas Aponi descendimus undas,
 Nec piget Asphodelum uestpere ferre domum.
 Hinc traho (quam longa est) abeuntè carmine noctè,
 Dum sopor oclusas excubat ante fores.
 Carminibus solor casus patriæq; meosq;
 Abstergens mœsta lumina sæpe manu.
 Sic mihi flos æui, sic dulcis carpitur ætas,
 Labitur, & tacito clam fugit illa pede.
 Interea tamen instat Amor, nec pulsa recessit
 Osibus hæc pestis perniciesq; meis.
 Nec ratio ualuit seuas euincere flammæ,
 In summa quamuis legerit arce locum.
 Ergo ego sustinui primo sub flore iuuentæ
 Horrida difficili tempore castra sequi.
 Oceani metas uidi, littusq; remotum,
 Qua Lybiam nostro separat orbe fretum,

LIBER

Mille fatigatus rerum discrimina uici,
 Sæpe grâues æstus, frigora sæpe tuli.
 Vnius haud possum superare Cupidinis ignes,
 Nec desiderijs fortior esse meis.
 Ite procul Musæ, Lauriq; Hederæq; ualete,
 Huttenus patriæ quas tulit ante meæ.
 Carmina nil profunt, non si mihi talia Phœbus
 Præscribat moriens qualia cantat Olor.
 Nec medicæ curant Aponi mea uulnera lymphæ,
 Vlla nec Euganeis quæ uiret herba iugis.
 Hæc satis est tenera Myrthi cecinisse sub umbra,
 Desine nunc Erato plura, Sabine uale.

IN PEGASVM GEORGII Sabini Iohannes Schöfferus.

MArtia fœcundum quæ protulit ungula fontē,
 Qua iuga Parnasus clara bicornis habet.
 Hæc eadem gelidis uenam produxit in oris,
 Mons Odoacrinæ qua tenet urbis opes.
 Pegasus huc postq̃ ueloces transtulit alas,
 Aliquidvis Viadri, quas habitabat, aquis:
 Fluminis in sacrum conuersa est unda liquorem,
 Regia quod largo mœnia fonte rigat.
 Græcia dum regni deplorat mœsta ruinam,
 Templaq; uirginei Mars Heliconis habet:
 Gorgoneus nostris in sinibus elicit ales,
 Ora quibus uatum culta rigantur, aquas.

E P I T H A L A M I V M D E N V

ptijs Georgij Sabini, & Annæ, filie

Christophori Cromeri Regio=

montani. Autore Fe=

lice Fidlerio.

Cincte uolalitibus scelerate Cupido sagittis,
 Qui genus obscœni turpe parentis habes,
 Quiq; pudore cares, uetitoq; libidinis igni
 Subijcis illicitas, matre iubente, faces:
 Quæ tibi cum sancto res intercedit amore?
 Ad pia cum non sis festa rogatus, abi,
 Exerceq; tuas uires, ubi noxia regnat
 Mater, & est facibus perniciofa suis:
 Turpiter impuros ibi torreat ignis amantes,
 Vrit ut accensos Trinacris Aetna globos.
 Hic sacra legitimi panguntur fœdera lecti:
 Non facit ad castos improba flamma toros.
 Sancte pudicitie custos, diuine Cupido
 Ad pia coniugij festa rogatus, ades.
 Tu monitore Deo flexos moderaberis arcus,
 Tradita diuina sunt tibi tela manu.
 Tu facis, ut socio cum iuncta puella marito est,
 Castus in amborum pectore crescat amor.
 Sancte Cupido ueni paucos subiture labores,
 Hic tua non longum dextera præstet opus,
 Sponte secuturus ducetur uterq; nec acres
 Est opus alterutri supposuisse faces.

L I B E R

Nec tantum, castos quia sis aucturus amores,
 Ad sacra coniugij concelebranda ueni:
 Forsan & hic aliquid, quod te uidisse iuuabit,
 Quoq; tuas aures afficiemus, erit.
 Prome fides, citharamq; puer, diuina canemus
 Pacta, maritalis sanctaq; iura tori.
 Fædus init sacrum uates hac luce Sabinus,
 Sponsa petit thalamos Anna puella novos.
 Res sacra coniugium: quid te diuina potestas
 Sanctius in terris quod statuisset erat?
 Quando Deus cœlum, stellas elementa crearat,
 Et solidam medio disposuisset humum,
 Inq; globi speciem totum formauerat orbem,
 Cunctaq; sub certa condita lege forent:
 Mox ita subiectis dominantem rebus Adamum
 Dicitur ex uili composuisse luto.
 Iam quid agat, solumne uirum sine coniuge fingat?
 Vir sine coniugio non bene uiuet, ait.
 Nec mora, Somne ueni dixit, lentoq; sopore
 Membra quiescentis corripiantur Adæ.
 Iussa facit Somnus, uirgaq; humectat Adam
 Tempora, Lethæis illa madebat aquis.
 Mox quasi defessos altus sopor occupat artus,
 Clausaq; securus lumina torpor habet.
 Iam ceruice caput nutat, casumq; minatur,
 Et caret officio pesq; manusq; suo.
 Ponit humi corpus, prætensaq; bracchia mento
 Subdit, & ignauum reddit ab ore sonum.

Non

Non illum litui, non sistra canora, tubæq;
 Commoueant: somno membra sepulta iacent.
 Tunc opifex costam lateri stertentis ademit,
 Carneq; suppleuit, sumpserat unde, locum,
 Sustinuitq; manu, dixitq; potentia uerba,
 Verba quibus mundi grande creauit opus.
 Fit mulier, secumq; trahit spiracula uitæ,
 Cui nullam uidit postera turba parem,
 Flaua comas, rubicunda genas, & amabilis ore,
 Quæ nihil in toto corpore turpe gerat.
 Si spectes animum, nihil est præstantius illo,
 Puraq; diuinæ semina mentis habet.
 Interea Somnus, domino mandante, recedit,
 Excitus à mento bracchia ducit Adam,
 Distenditq; pigros lento curuamine nervos,
 Et sedet in uiridi semusopitus humo.
 Vt surgit, facieq; noua præstante puellam
 Spectat: ab amplexu uix tenet ille manus;
 Agnoscitq; genus, uitæq; iuuamen: & inquit,
 Nuper an hæc nostræ portio carnis erat?
 Hæc de carne mea certe desumpta uirago
 Dicetur thalami fida marita mei.
 Grata deo pietas non deseruisse parentes,
 Grator, uxorem non repulisse suam.
 Vna caro uir & uxor erunt, & sorte fruuntur
 .Compare, ut exactam præstet uterq; fidem,
 Conditor his actis cœlesti numine rebus:
 Fertur eis sacras imposuisse manus,

L I B E R

Et dixisse: nouos ut germinat uua racemos,
 Cultaq; formoso gramine uernat humus:
 Vos ita fœcundis implete cubilia natis,
 Duret ad extremos uestra propago dies.
 Tanta creatori, post prima exordia mundi,
 Fœdera coniugij pangere cura fuit.
 Nec pepigit tantum, studio conseruat eodem:
 Vultq; coli uera cum pietate torum.
 Ipse sub humana specie, qui morte perempta
 Traxit ab æterno corpora nostra chaos,
 Ipse Palestinis ut erat regionibus hospes,
 Intrauitq; tuas Cana uetusta domos:
 Esse sibi docuit socialia uincula curæ,
 Iuuit & officio talia pacta suo,
 Adiecitq; sacris munus laudabile tædis,
 Vinaq; de liquidis dulcia fecit aquis.
 Nunquid & istius nobis conuiuia diei,
 Humani generis Christe redemptor eris?
 Non aberis certe, potior tibi nulla uoluptas,
 Quam Patre quod fieri præcipiente uides,
 Tuq; Paterq; tuus, consolatorq; piorum
 Hæc (scio) promissa festa iuuabit ope.
 Et tu fæde puer, casti uiolator amoris,
 Hic tua fax aliquid iuris habere potest?
 Coniugij Deus autor adest, turbamq; prophanam
 Inde iubet nocuos abstinuisse pedes.
 At tu uirginei cum sis decus Anna pudoris,
 Sponsaq; iam thalamos ingrediare nouos:

Quid

Quid facias nosti : uix te studiosior extat,
 Quæ relegit sacros ulla puella libros.
 Scis bene, iungaris qua conditione marito,
 Scis, nil legitimo sanctius esse toro.
 Hunc studiosa coles, & charo dedita sponso
 Mutua coniunctæ gaudia pacis ales.
 Quamq; uir excipiet, sortem patieris eandem,
 Pars eris illius corporis, ille tui.
 Quid magis humanum? quam si communia ducant
 Fata, quibus iuncti corporis una caro est,
 Consortem reuerenter habe, caput ille maritæ
 Dicitur, & iusto debet honore coli.
 Cur tamen hæc moneo? uiridantibus adfero pratis
 Gramen, & in rapidas congero flumen aquas :
 Ipsa legis sacri quid agant oracula uerbi.
 Suspicio hic monitis non opus esse meis.
 Te quoq; chara parens summæ pietatis amatrix
 Hæc, nisi legisses, admonitura fuit,
 Si tamen ignoras quo coniuge nupta frueris :
 Pars tibi fortunæ cognita parua tuæ est.
 Ille decus patriæ, quo Teutonius ora superbit,
 Cuius in extinctum gloria nomen habet,
 Quæ procul hinc positæ gentes mirantur, & optant,
 Ne sub hyperborea contumuletur humo,
 Et qui Principibus meruit uirtute probari,
 Summus in imperio quos penes ordo fuit,
 Quo consorte tori decus indelebile famæ
 Inuenies : thalamos hic petit Anna tuos.

L I B E R

Quam multas credis, quod habes, optare puellas?
 In quibus æterni nominis extat amor.
 Non semel, ô tali felicem coniuge dicent,
 Inuidiam secum uox tamen illa trahet.
 Quo magis ad nutus tanti uixisse mariti
 Te decet, & mores composuisse tuos.
 Nec rude pectus habes, edocta parente cauebis,
 Fiat ab offensa tristior ille tua.
 Quos magis affirmes, generose Sabine, beatos,
 Quam quibus est tali prædita nupta fide?
 Quicquid in ingenua thalami consorte probatur
 Hæc habet, ô tanto digna reperta uiro.
 Mœstus eras, ut prima tibi decesserat uxor,
 Et sonuit uitæ longa querela tuæ,
 Inq; domo uidua te tristia signa gerentem
 Ter circumductis Sol repetiuit equis.
 Hoc deus ut uidit, similem tibi largiar, inquit:
 Euentu sequitur res stabilita suo.
 Nomen idem redijt, facies cognata priori,
 Hæc tibi diuina contigit uxor ope.
 Huius eris dominus, non ut muliebria tentes
 Corpora sub pedibus pressa ferire tuis:
 Hæc decet immites uis imperiosa tyrannos,
 Quos iuuat in proprium bella mouere latus.
 Illa tui pars est, potes hanc odisse figuram?
 Hanc quoq; seruari uult in honore deus.
 Forsan ob id costam medio de corpore sumpsit,
 Ne sit in abiecto scemina spreto loco.

Dum

Dum meditor, uersumq; breuem subnecto priori,

Ecce sonant celeri tympana pulsa manu,

Conuiuasq; uocant: quis me remoratur iturum?

Nunc ego me potero continuisse domi?

Et faciam uersus? Et mens distracta uagetur?

Ad thalami propero festa, Sabine, tui.

Quanta puellarum sacram procedit ad adem

Copia, quot iuuenes? uix numerare queas.

At lasciue puer, num te prius unde remoui?

O scelus, et iaculis insidiose tuis.

Aspice, pone legit tardo uestigia passu:

Cui struis insidias? hinc fuge, crimen habes,

Hem formose caue iuuenis, tibi tela minatur,

Iam leuis accensa stridet arundo face,

Lentius es ab nimium, celeri male saucius arcu

Incustodito pectore uulnus habes.

Si tamen hic aliquid tibi dat uia publica iuris,

O scelus, ad templi limina siste gradum.

Sancte Pudor teneras obducte rubedine malas,

Cui premit ornatas candida uita comas,

Tu uigilans templi custos, tu ianitor aulæ,

Coniugio sacer est hic locus, esse uelis.

Accedat Pietas, si non bene sufficis unus,

Vitabit castas, iussus abire, fores.

At ueniet summum cœlesti Numen ab arce,

Et secum comites ad pia festa uehet.

Tunc aperi posito clausas munimine portas,

Tunc pateat moto cardine tota domus,

LIBER

Fausta precabuntur socialibus omina tædis,
 Et uerbis addet munera quisq; suis.
 Candida pax aderit, Concordia mitis, Amorq;
 Sanctus, & his socio pectore iuncta Fides.
 Quæq; iuuat grauidas utero Lucina puellas
 Obsequio ueniet grata futura suo.
 Di faciant adsint, & connubialia seruent
 Gaudia, muneribus promoueantq; suis.
 Vos socialis amor, uos mutua gratia firmet
 O iungenda sacro corpora bina toro.
 Reddite fœcundi communia pignora lecti,
 Vt soboles uestræ sit numerosa domi,
 Vos pia fata regant, uos nescia uita doloris,
 Longaq; felici tempora sorte iuuent.

ALIVD EPITHALAMION DE
 ijsdem nuptijs, Authore Dauide
 Milesio Nisseno.

Dua soporiferas quæ lumine discutis umbras,
 Aethereiq; moues præuia Solis equos:
 Ecquid agis? nondum nocturna silentia cantu
 Rupit purpureæ nuncia lucis auis.
 Tu tamen humentes super æquora scandis in auras,
 Claraq; fulgenti sydera luce fugas.
 Aut properas ueteris pertæsa cubile mariti,
 Aut cupis hanc pulsa nocte iuuare diem,
 Sed non odisti ueteris connubia lecti,
 Alterius causa tam citò carpis iter.

Specta

Spectatura sacri properas noua gaudia uatis,
 Tempora iam thalami festa Sabinus aget.
 Cincta caput myrto, niueisq; inuecta columbis
 Huc quoq; suscepit mater amoris iter.
 Iam reserata tenet spaciosi limina cœli,
 Quâ patet obliquo cardine prima domus.
 Cum Ioue Phœbe sacer positu consistis eodem,
 Gorgoneus comitem se quoq; præbet equus.
 Labere ueloci per nubila labere cursu
 Pegase, nunc alis promoueare tuis:
 Nunc meminisse uelis quo te dignatus honore,
 Sacra tui fontis numina sponsus amet.
 At tibi coniugium felix faustumq; precamur,
 Et bene sit ceptis docte Sabine tuis.
 Iam tandem ueteres animi dediscere luctus,
 Et mala tristitiæ spernere iussa potes.
 Tertia lugentem quæ te conspexerat æstas,
 Est tibi lætitiæ caussa futura nouæ.
 Nam uariata suis uicibus uelut omnia pergunt,
 Sic subeunt certas tempora certa uices.
 Ac uelut obscuro lampas Phœbeia cœlo
 Quando sub æria nube retenta latet:
 Exerit auricomum tandem iubar, atq; serenum
 Exornat radio splendidior caput:
 Sic ubi uenerunt optatæ tempora lucis,
 Tristitiæ finem quæ statuere tuæ:
 Exultans animis uates clarissime letos
 Quos tibi concedunt numina, sume dies.

Induito

L I B E R

Induito faciles gaudenti pectore uultus,
 Exhilarant animum gaudia mille tuum.
 Et uos ô uolucres curas diffundite uenti,
 Ferte per extremas tristia cuncta plagas.
 At iam solennes procul en longo ordine pompas
 Ducit, & in medijs en Hymenæus adest.
 O quales memorem coetus, quo splendida luxu
 Talia uix oculis agmina uisa meis?
 En ut eat lepidis circumdata sponsa cateruis,
 En ut eant faciles ære nitente chori.
 Si propius spectas cultus uultusq; decoros,
 Nympharum certè creditur esse genus.
 Cui sensus meritò non talia spectra mouerent?
 Durius hunc saxo pectus habere putem.
 Sis hymenæe bonus, sint tædæ leta iugalis
 Omina, sint socij fœdera fausta tori,
 Hosq; dies læti mecum celebrate fauentes,
 Omnes qui Musis dedita turba sumus.
 Nam decet hæc nostro gratari gaudia uati,
 Si modo quem grati nomen habere iuuat.
 Tu quoq; Phœbe pater uatum, cui talia curæ,
 Altior in media quando uehere die,
 Cum propior nostris fundes tua lumina terris,
 Quas uidet aduerso Cassiopea sinu,
 Quæ dea uirginibus formæ placidissima nostris
 Munera ab æthereis mittit in ora plagis:
 Huc oculos (inquam) uultusq; referre serenos
 Cultoresq; tuos exhilarare uelis.

Actua

At tua mox sponsi soror inuisura cubile
 Approperat niueis Cynthia uecta rotis.
 Vos quoq; Castaliæ lepidissima turba sorores,
 Ad sacra coniugij gaudia ferte pedem.
 Ferte animos hilares, noua carmina ferte Camoenæ,
 Plectraq; cum citharis ferte sonora deæ.
 Tuq; Erato leuibus choreis quæ iungis amores,
 Officio fac sis non aliena tuo.
 Iam dudum blandæ Charites uiridantia lauro
 Mixtaq; cum myrto frondea ferta parant.
 Inter Hamadryadas pulcherrimus ora Cupido,
 Iam puer hinc rixas, iam mouet inde iocos,
 E calathis uiolas dum uertit & aurea passim
 Turbat & è fertis fila reuulsa trahit.
 Vos & in occultis nemorum quæ uallibus æuum
 Fallitis, huc faciles approperate deæ.
 Numina uestra uoco Dryades properate puellæ
 Cingite flauentes fronde uirente comas.
 Non hic cornigeri celebrabunt orgia Fauni,
 Nullaq; ductabit rustica turba choros.
 Nec uestræ Satyri tendent sua retia formæ,
 Cuncta sed ingenui plena pudoris erunt.
 Et uos ad liquidos fontes quæ ducitis annos,
 Quarum cum fama forma uenusta manet:
 Vna omnes niuæ uos huc conferte Napeæ,
 Ad pia non uacua festa uenite manu:
 Sed sponso plenis date munera uestra canistris,
 Florea diuersis dona parate modis.

L I B E R

Cana papaueribus distinguite lilia rubris,
 Mixtaq; purpureis alba ligustra rosis.
 Iungite pubenti molles uiolas hyacintho,
 Gaudentem duplici iungite flore crocum.
 Et decus exculti non desit amaracus horti,
 Nec florum quicquid mollia prata fouent.
 Vos quoq; mulcentes uos Oceanitides auræ,
 Regna quibus mundi peruia cuncta patent:
 Aspirate leues Syriæ fragrantis odores,
 Assyrius Cyprio certet honore uapor.
 Copia cum nardo non cesset olentis amomi,
 Spiret odorati quicquid Eous habet.
 Iamq; procul cano glomerantur in æquore nymphæ
 Cernitur in medijs fluctibus ire Tethis.
 Nereides circum Panopæaq; Cymothoeq;
 Cum Pholoë claudunt flaua Thalia latus.
 Intonat & concha Triton, Hymenæaq; cantat,
 Sed chorus alternis subijcit ista modis:
 Sis felix longa uates dignissime uita,
 Sit bene coniugio magne Sabine tuo.

M O R.

MORTVAE INFANTI FILIAE

Georgij Sabini, nepti Melanthonis,

Ioach. Camerarius.

Τοῦδε μικρῷ καὶ τ' ἀρτίποκθ' ὡαῖς ἡεῖς γνῶτος,
 Ρεῖ πόλιρ ἦχ' ὁδύρας μαρχίδ' ἀμοιβόμηνθ'.
 Τλὼ φραγκῶν καλίουσι πόρον, μουςῶν ἔδος ἐ-
 Σάξονος γν' κόλπῳ τυλεθάοντι χθονός. (εὐμ.
 Τλὼδε μελαγχθονίη θυγατὴρ τέκε παῖδά ποτ'
 οὔτος ἐπ' ἐκφύλα δ' ἀνοβίοιο ῥοαῖς. (ἀνδρὸς.
 Οὐ κέρως σφετέρης ποιήσας σύλλογον ἀρχῆς
 ἦλθ' ἀρ' ξυνέων αὐτοκράτωρ ρεῖθεων.
 Κῆσ' ἀρα εἰ πόθ' ἀμ' ἐπεθ' ἐπ' ἀρχοντι σαβινθ'.
 Καρ' ἔθ' δ' οἶκ' ἀλοχος γέννατο παῖδα φίλη.
 γέννατο, μήδ' ἀπὸνῆθ', πάρος δ' ἐνεογνὸν ἐκῆνο
 Εκδήμου, τέκνον μοῖρα καθῆλε παῖός.
 Τῷ ποδὶ δ' ἀγγελθ' ἦκε τεκνός οἷο γυναικός,
 ἦκε ποδὶ βρέφους σὺν δ' ἀμ' ἀπολυμνίου.
 Φεῦ βροτὴς ἀπαῖτλα τύχης καὶ νεύματ' ἀπίσα
 ἦσπορ ὁ δ' ὤκε μία χεῖρ, τόδ' ἀφῆλ' ἑτέρη.

DE CAESARIBVS A SABINO

descriptis, Ioachimi Camerarij.

Οὐ μόνον ἀρα θεοῖς ὕμνησερ πρόδερ ὁμοῖας
 Ἀνδρας ἀφ' ἡμερτῆς χῆτος ἀοιδὸς ὁπῶς.

L I B E R

Οὐ μόνον ἀνδραγαθήματ' ᾗ θηβαΐδος ἔργοις,
 Οὐ δ' ἔγε ναυτιλίῃ νηὸς ἰσονίης.
 Ἀλλὰ τ' ἠγεμόνων ἀρετὰς ἄσπε σαρβῖν^Θ,
 Γερμανῶν ῥώμης οἷς παρ' ἔγεντο κρᾶτ^Θ.
 Οὐνοματ' ὅρ' παρ' ἔγεντο, τὸ δ' αὖ ἱερεῦσιν ἄλκῃ
 Δόλυσεν σαράϊς δ' ἑσμία ἀκελίης. (θεός
 Καὶ τόγε δ' ἡ βασιλῆων, ἅλλατ' ἐπολλά σαβῖνος
 Ηἴσεν γλυκερῷ καλλιόπης σόματι.

VITI AMERBACHII.

Ἡμιθέος λαῶν τιμῆσαι δ' αὖ βασιλῆας,
 Οὐνεκα τοῖς κρατερὸς σκῆπτρα ἔδωκε θεός.
 Δ' αὖ καὶ μισάων τιμᾶν ἱερῆας ἀοιδ' ὄς,
 οἷμας γὰρ γλυκερὰς τὸς δ' ἐδίδ' αἶξε θεός.
 Εἶτοχ' αὖ βασιλῆς ὑμᾶς τιμῶσιν ἀοιδοί,
 Ἀδελφὴν ἡρώων ὅτ' ἱ φιλῶσι κλέα.
 Ταύτης ὅρ' χάριτος βασιλῆς ἀπαμέβετ' ἀοιδ' ὄς
 Οἱ καλῶν ἔργων ὅρ' ἐδ' ὄσαν καλ' ἔπη.

ΕΠΙΤΑΦΙΟΝ ΙΟΑΝΝΙΣ ΚΑ-
 ριονίς, authore Matthia Illyrico.

Ἡσπαστε φεῦ ἡμῖν σ' ὦ καρτεροῦ ὧκα πρὸ μοίρας,
 Ἡ τάγε τ' ἄσπερ ἀμφιέπσσα θεᾷ.

Τόνει

Τὸνε κα σ' ἑσομλύνω ἡμῖν βάσκηνε προφήτῳ,
 Ἡ ὅπ' ταρπῆναι σοι παρεόντι θέλε.
 Νῦν ἄρα νιμ παρεῶν τὸρπῆς σὺν Τάρτ' ἐρευνῶν,
 Ἡμᾶς δ' αὖτε πόθ' σ' ἀπείοντο ἔχα.

EPITAPHIVM BARBARAE

filiae Georgij Sabini scriptum à
 Iohanne Chesselio.

Αἰ αἰ τῆς κακούκτιος, γν' ἀνδράσιρ ὡς Βραχὺς αἶ-
 ὠσε Ἐλπίτοκου πολλάκις ἐνθὺ θανῆν. (ὦρ,
 Ἡνίδ' ἐν νῦν σκληρῷ θανάτου δεδμημένη ὑπνώ.
 Ενθάδε κοιμᾶται βαρβάρᾳ ὠκύμορος,
 Βαρβάρᾳ ὠκύμορος, τὴν μήτηρ τίκτε βεβίω,
 Οὐ κλέος ἐκ μουσῶν γῆρ ἢ πᾶσαν ἔχθ.
 Ερ θνητοῖσι κόρη μόνον ὠκτωμήδρος ἔζη,
 Αυτίκα δ' ἡ τύμβος τῆς δ' ἐκάλυψε δέμας,
 Χυχὴ δ' ἐχραιοῖο ἰάενετ' ἐρ ἀγκαλίδεσσιν,
 Ωγε μέλ' τυτθῶν πάντοτε νηπιαχῶν.
 Καὶ τόδε κλαίεσσιν πᾶσιν ἀμύθιον ὅσι γονεῦσιν,
 Οτ' ἱέσσιν ἔμεν καιρὸν ἀνασάσεως,
 Δὴ τότε καὶ ζωῆς ἀναβοῖσιν ἐλεύσεθ' ἑορτῇ
 Ουρανίου. σὺ τε χρίσθ' ἱλαθῇ, τήν τε δίδ'.

FINIS.

GEORGII
SABINI EPI
STOLARVM
LIBER.

GEORGIVS SA
BINVS ARNOLDO BV
renio Ducis Megalburgen
sis præceptori,
S. P. D.

Mitto tibi Arnolde doctissime, Elegiam ad Prin
cipem tuum scriptam, ac abs te pro nostra
coniunctione, & amicitia peto, ut illi munus exhibe
as nostro nomine, ac uerbis accurate ornes. Quan
quàm enim uirtus illius merebatur maiora Encomia,
tamen speraui non ingratham ei hanc significatio
nem iudicij nostri de ipsius ingenio ac studijs futu
ram esse. Si quid in carmine offendet, non tam me,
quàm tempora accusare conuenit. Sunt enim, ut ui
des, conterritæ musæ hoc misero fataliq; tumultu,
qui omnium honestarum artium studia debilitat. Ete
nim

nim nimis quàm uerum est, quod inquit Ouidius:

Carmina proueniunt animo deducta sereno.

Sed si Principi tuo non dispicebit munus nostrum, addet nobis animum ad hæc studia colenda: & multos alios nostri ordinis homines eriget in bonam spem, ut polliceri sibi ausint non defuturos esse principes qui suscipiant defensionem rei literariæ contra uulgi amentiam, quod uidetur in perniciem bonarum artium conspirasse. Quamuis autem abundet Princeps tuus alijs ornamentis bono Principe dignis tamen hæc laus non erit inferior cæteris, nec inter postremas numerabitur: si spretas hac tempestate camœnas respexerit, & pro uirili dederit operam ut literas conseruet. Nulla enim alio officio melius

isti qui tenent Respublicas de rebus humanis

mereri possunt. Itaq; publicam literarum

causam, & nos ipsos diligen-

ter Principi tuo com-

mendabis.

Vale

Anno M. D. XXX.

L I B E R

GEORGIUS SABINVS ILLV^s

strisimo Principi Ioachimo II. Mar^z

chioni Brandenburgensi,

S. P. D.

Descripsi paucis uersibus Germanicos Caesares,
ut dissipatas historias nostrorum Principum
in breue compendium contraherem. Nemo enim
unus ullius Imperatoris integram historiam com=
plexus est: credo, quod in Germania hi qui pluri=
mum ingenio, iudicio, ac doctrina ualuerunt hacte=
nus, impediti occupationibus non potuerunt ea, quae
gerebant, scribere. Interim, dum nemo perpetuam
historiam conscribit, alius aliud annotauit, ne maxi=
marum rerum memoria prorsus intercideret. Quare
ex uarijs monumentis & seriem nostrorum Princi=
pum, & res gestas collegi, idq; non eo tantum feci li=
benter, quod arbitrabar libellum gratum fore no=
stris hominibus propter res patrias: Sed quia uere ita
iudico, nostros Imperatores fere omnes sapientia,
& magnitudine consilij atq; animi, pares fuisse lau=
datissimis principibus Graecis ac Romanis: iusticia
uero, religione, & fide etiam superiores. Enituit
enim uirtus eorum in maximis totius Europae moti=
bus, in disidijs religionum componendis: in defen=
denda Italia atq; Germania aduersus barbarorum in=
cursiones: in constituenda perpetua imperij forma,
quibus in rebus apparet nullam eis artem defuisse
aut

aut domi aut foris regendæ Reipub. Quare facile se
 uindicare à conuicio barbariei uarietate & magni-
 tudine rerum gestarum possunt. Neq; uero sine in-
 signi uirtute in hanc nationem hoc Augustum im-
 perij nomen inferre poterāt, quod in terris summum
 est, & cuius tutelæ præcipua pars orbis Christiani
 commendata est. Huius operis specimen tibi mitto
 clarissime Princeps: Nulli enim rectius putauit tanto-
 rum Heroum historias dedicari, quam tibi: non so-
 lum, quod in his plæræq; res tuæ, ac maiorum tuo-
 rum domesticæ continentur: Sed etiam quia te pro
 tua sapientia sciebam in primis harum rerum magni-
 tudinem intelligere, & commemoratione earum
 magnopere affici atq; delectari. Itaq; rogo, ut cle-
 menter hunc libellum accipias, quem nunc non edidi
 integrum, quodam studio declarandi mei terga te
 officij properans, nuniū fortasse: sed tamen habeo
 quandam mei consilij rationem. Nam si hæc ini-
 tia boni consules, addes mihi animum, non
 solum addendi cætera, sed etiam
 ut meliora efficiam tuo
 fauore excitatus,
 Vale,

Anno M. D. XXXII,

GEORGE

LIBER
GEORGIUS SABINVS

eidem Ioachimo II.

Marchioni,

S.P.D.

Cum uniuersa patria & tibi & Reipub. uictoriae & felicem reditum hoc tempore merito gratuletur, non potui me in communi omnium leticia continere, quin ego quoque significationem aliquam mei cum erga te, tum ergo patriam studij ostenderem. Postquam enim quod uotis omnibus expetebant boni omnes, re praecclare feliciterque gesta aduersus Turcas, donis etiam militaribus à Carolo Augusto uirtutis causa ornatus, in patriam & incolumis, & parta immortalis gloria, reuersus es: ita letamur omnes, ut magnitudinem gaudij uix capere animi possint. Primum enim quid accidere tibi gloriosius in hac aetate potuit, quam ut in maximo huius Imperij periculo exercitum duceres. Deinde ut tantum consilij, ducum aliorum consensu, tibi tribueretur, ut cum celeritate summa opus esset, ad opprimendam magnam partem Turcici exercitus, quae ferro ignique fines Austriacos uastauerat, et multos mortales captos in miserrimam seruitutem abducebat, te potissimum deligeret, cuius ductu atque auspicijs res gereretur. Nec sefellit eos iudicium: Etenim non solum nullo te uoluptates remoratae sunt, sed ne quidem naturali

rali desiderio cibi somniq; concessisti. Itaq; celeritate maxima consecutus hostes, fauces Noricarum Alpium, intra quas hostes se uelut intra uallum tenebant, undiq; obsedisti ac prouidisti, ne aut elabi, aut diu pugnam detrectare possent. Ac postquam ex suis latibris magna ui eruperunt, consilio & diligentia tua inclusos ac uictos, facile reliquus exercitus trucidauit. Ea q; in pugna cum fortiter ipse dimicasti, tum hoc quoq; seu prudentiae, seu foelicitatis tuae fuit, quod cum uidisses Turcas desperata salute iratos & ulciscentes suam uicem, in miseram turbam puerorum ac mulierum quam abduxerant, arma uertere, captiuos recipi ac tegi curasti: qua in re uere ciuicam coronam meritus es, qua nulla fuit ullius generis honestior apud ueteres, propterea quod seruasse ciuem longe pluris faciebant, quam hostem interfecisse. Porro tantum attulit haec uictoria momenti ad profligandum atq; conficiendum hoc totum bellum, ut Tyrannus Turcicus amissa illa parte copiarum, fracto ac debilitato animo, non solum ex Austria, sed etiam ex tota Pannonia fugiens, in Thraciam se receperit. Proinde optimus Imperator Carolus Augustus testimonio suo uirtutem tuam ornandam esse duxit, quod tu quidem recte plurimorum triumphis antepones. Nam ut apud Poëtam quendam letatur Hector se laudari, sed à laudato uiro: ita iure tibi gratulari debes, contigisse tibi tam grauem uirtutis tuae testem Imperatorem sanctissimum ac foelicissimum,

Quo nihil maius meliusue terris
Fata donauere, bonique Diui
Nec dabunt, quamuis redeant in aurum

Tempora prisicum.

Deinde quantam uoluptatem sapientissimus princeps pater tuus ex his rebus gestis, atque honoribus tuis capit? qui cum pro sua sapientia recte intelligat, in quibus rebus uera gloria posita sit, haud dubie magnitudine harum rerum mirifice mouetur, ac gaudet hoc decore nobilissimam familiam uestram cumulari. Postremo tota patria, etsi te semper amauit plurimum: multa enim praeclari ingenij ac uoluntatis optima signa in te perspexit antea: tamen postquam tua uirtus quasi ex umbra in solem, ac uere in aciem producta, multo illustrior facta est, longe maiore studio te complectitur. Iure igitur et tibi et nobis omnibus gratulamur talem tuum reditum, qui et tibi gloriosus est, et cum salute totius ditionis tuae coniunctus. Et oramus Christum ut hanc foelicitatem tuam in rebus gerendis perpetuam esse uelit, teque patriae et uniuersae Reipublicae seruet incolumen. Hanc meam leticiam, ut et tibi et patriae declararem, edidi hoc tempore reliquos Caesares tibi antea promissos, in quibus posteriores, quod res eorum minus celebratae sunt, descripsi pluribus uersibus. Et extat in his alicubi nobilissimorum maiorum tuorum mentio, et praedicantur tuae res gestae: quod cum propter institutum operis modum breuius fiat, decreui

creui res easdem alio in loco pro mea uirili integras
describere. Nam hic honos debetur uirtuti, ne patiamur
eam obliuione obrui. Et prodest ad posteros ex-
tare huius belli Turcici memoriam, quod initium est,
& quasi primus actus inclinatae tyrannidis Turcicae:
multa enim signa sunt breui regnum Turcicum rui-
turum esse. Rogo autem, ut clementer accipias hoc
scriptum, ac meum studium pro tua excellenti huma-
nitate boni consulas, in quo uides, me ingenium non
ad nocendum, sed ad rerum honestarum cognitionem
conferre. Talibus studijs, ut scis, Principes fauere
non est alienum ipsorum loco ac munere, cui omni-
um honestarum artium tutela commissa est. Postre-
mo cum haec tempora sint iniquissima nostris studijs,
oro ut me confugientem ad tuam fidem atq; hu-
manitatem, clementer tueri ac defende-
re uelis. Vale. Mense

Nouembris,

Anno M. D. XXXII.

GEORGIVS SABINVS

Christophero Turco

S. P. D.

NON eram grauissimas occupationes tuas in-
terpellaturus, nisi me officij ratio suauissimis
tuis literis respondere cogeret. Non obscure cog-
nou

e s noui

noui antea summa te humanitate præditum esse, sed
 postquam nunc in tanta mole negotiorum non gra-
 uatus es rescribere, mirifice confirmasti meam de tua
 excellenti humanitate opinionem. Quod uero addis,
 etiam præconium meorum uersuum, etsi non adeo
 sum ineptè *φιλαυτὸς* ut quicquid genui protinus
 illud amem, libet enim Ouidij uerbis uti, tamen gau-
 deo studium tibi meum probari. Propemodum de-
 creueram hoc totum genus literarum atq; exercen-
 di ingenij abijcere, cum hæc tempora adeo iniqua
 sint his artibus, sed rursus erigor tua authoritate atq;
 iudicio, ut hoc mihi studium nullo modo deponendū
 esse statuam, in quo si quid ualiturus uideor, referent
 olim ipse tibi Musæ gratiam, qui me in hoc genere
 artium retinueris. Illud etiam in beneficij loco po-
 no, quod illustrissimo Principi exhibuisti legendos
 meos uersiculos, in quibus etsi nullo modo expressi
 ipsius uirtutes: quis enim hoc possit? tamen uolun-
 tatem meam probari optimo Principi ualde opto.
 Nihil enim ipsius beneuolentia maius, nihil duco an-
 tiquius. Quare te oro ut quod facis pergas mea stu-
 dia & tua authoritate tueri, & illustrissimo Princi-
 pi per occasionem commendare: qua de re scri-
 berem pluribus uerbis, nisi scirem te homi-
 nem doctissimum atq; humanissimum
 ultro bona ingenia complecti, &
 summa fide iuuare ac pro-
 uehere. Vale.

GEORGIUS SABINVS ILLV^s

strissimo Principi Alberto, Cardinali, E^s
 lectori, Archiepiscopo Mogunti^s
 no, Madeburgensi, Primati Ger^s
 maniae &c. S. P. D.

Quanquam nulli iustius dedicant sua scripta
 clarissime Princeps studiosi omnes, quàm ti^s
 bi: quia uix quisquam alius principum melius in^s
 telligit studia aut benignius fouet eruditos, quàm
 tu: Tamen ego præter hanc causam, & aliam quan^s
 dam in hoc opere tibi dedicando propriam sequu^s
 tus sum. Exhibeo enim tibi orationem Isocratis,
 in qua uir illis temporibus autoritatis summæ in
 uniuersa Græcia, & concordie publicæ cupidissi^s
 mus, hortatur Philippum Regem Macedonum, qui
 ad id tempus bellum cum Atheniensibus gesserat, ut
 pacem cum Græcis ciuitatibus omnibus faciat, &
 constituta domi concordia bellum in Asiam cum so^s
 cijs transferat: & non modo Græcos, sed etiam pa^s
 triam metu seruitutis liberet. Imperabant enim eo
 tempore in Asia Persæ, qui colonias Græcorum cru^s
 deli seruitute oppressas tenebant, quiq; sepe in Eu^s
 ropam traiecerant, & Græcos maximis cladibus
 affecerant, & quotidie bellum uicinis gentibus in
 Europa denunciabant. Itaq; grauissime conme^s
 morat Isocrates hanc futuram esse rem maximo
 Rege, ac foelicissimo Imperatore dignam, si con^s
 stituta.

stituta domestica concordia ciuibus ac socijs parcat,
 & pro patria aduersus externos ac barbaros bellum
 gerat. Ac profecto diuinitus admonet Isocrates, se,
 si quid boni dixerit, non esse autorem existimandum,
 quia confectus senio propter ætatis imbecillitatem
 res tantas perficere non potuerit: sed Deum subie-
 cisse, sollicitum de Græciæ salute, & uolentem Græ-
 cos præsentibus malis tandem liberare, & Macedo-
 num gloriam augere. Nam hac oratione ceu fatali
 uoce Persicum regnum concidit, Philippus enim au-
 toritate huius orationis excitatus omnia ad tantum
 bellum necessaria comparare cœpit: sed morte im-
 peditus successionem huius gloriæ filio Alexandro
 reliquit. Quem Græci scribunt, & si domesticis bel-
 lis implicitus erat, tamen hac oratione lecta accen-
 sum esse, ut rebus domi compositis, citius in Asiam
 traiecerit. Hanc orationem cum his proximis die-
 bus legerem, & illorum temporum motus cum præ-
 sentibus conferrem: non inuitus latinam feci, sperans
 multos bonos uiros de repub. cogitantes, libenter
 eam lecturos esse. Tibi autem præcipue dedicaui,
 quod uidere mihi quandam in ea imaginem tuorum
 consiliorum uidebar. Nam ut Isocrates Philippo, ita
 tu Philippi filio Carolo Cæsari, qui & imperij fasti-
 gio, & felicitate par est illius Philippi filio Alexan-
 dro, autor esse soles, ut constituta domi concordia
 pium & necessarium aduersus externos hostes bel-
 lum suscipiat. Cumq; alij nonnulli incitent optimum
 princi-

principem aduersus patriam, non obscure cognouimus te auctoritatem tuam omnem ad pacem tranquillitatemq; Germaniæ conferre. Quod quidem hoc tuo loco dignissimum est, & Deo gratissimum: & à bonis ac prudentibus uiris ad omnem posteritatem amplissimis laudibus uehetur. Nam hoc tuum beneficium latissime patet. Cum enim tales extiterint in hac natione controuersiae, ut sine summo periculo Ecclesiae, dijudicari armis non possint, si res non agatur ciuilitate, sed uiolentis consilijs: nulla ad posteros Ecclesia, imo ne posteritas quidem futura uidetur ulla. Proinde omnium in te bonorum uirorum oculi in uniuersa Germania coniecti sunt. A te secundum deum pacem atq; salutem expetunt. Quid autem tibi inter homines maius atq; gloriosius his iudicijs bonorum contingere queat? quibus tibi tribuitur tantum, ut in summo periculo plurimum reipub. praesidij in tua uirtute ac sapientia positum esse credatur. Ego igitur, ut hanc de te nostri ordinis opinionem cognosceres, Isocratem ad te misi, qui uidelicet hac ipsa de re interdum pro nobis tecum quasi colloqueretur, & nostra studia ac salutem nostram tibi commendaret. Cuius orationem ut spero, cum intelliges cum tua sententia congruere, non aspernaberis. Porro quemadmodum ipse Isocrates inquit, Deum sibi consilij autorem fuisse, qui Graeciae calamitatibus afficiatur, eamq; praesentibus malis liberare cupiat, ita speramus te quoq; diuinitus ad pacis consilia

LIBER

consilia duci, & precamur ut Christus ea gubernet ac fortunet. Vale.

Anno M. D. XXXII.

GEORGIUS SABINVS

Christophoro Turco,

S. P. D.

QUum uiderem hoc Hutteni carmen ubiq; desiderari, dedi typographis recudendum, ne studiosis exempla deessent. Cum autem huius mei consilij rationem extare uellem, duxi potissimum ad te scribendum esse, quod arbitrabar te ualde hoc poemate delectari: non solum, quia Principis tui laudes continet, quas & si Huttenus adumbravit tantum, non expressit, propterea quod primos tantum aditus illius ad summos honores, & ad res gerendas, descripsit. Postea uero Principis tui sapientia in maximis huius Imperij periculis ita enituit, ut longe uicerit hæc præconia: tamen dicas poetam prorsus uaticinatum esse, qui cecinit hunc Principem aliquando salutem allaturum esse, uniuersæ Germaniæ. Sic enim inquit:

Quos reget hic, pacem populis dabit, omnia tutæ
Reddet, & è medijs bellorum faucibus urbes
Eriget.

Sed

Sed ut omittam argumentum : delectari te ingenio Poëtæ & operis forma statuebam. Quis enim omnia eloquentiæ studia melius intelligit, quàm tu, cui abunde adsunt omnia, quæ tum à natura, tum à doctrina ad eloquentiam requiruntur. Et accessit ad hæc non solū illa forensis exercitatio leuium ac uulgarium negociorū, sed ingens usus maximarum causarū in summorū principum consilijs. Est autem, ut scis, magna Poëticæ cum Oratorum facultate atq; eloquentia cognatio. Quare scio te & prudentissimè iudicare de poëmatibus, & libenter ea quæ mediocriter scripta sunt legere. Videtur autem mihi Huttenus plurimum ingenio ualuisse, id quod in hoc carmine perspicui potest. Miro enim consilio in unius principis pompa, omnes ueterum Germanorum atq; Imperatorum nostrorum res gestas complectitur. Et sicut Homerus in Catalogo nauium, totius Græciæ quasi quandam $\chi\omega\sigma\epsilon\gamma\gamma\alpha\phi\acute{\iota}\alpha$ pingit: Ita Huttenus aptissime describit omnes Germaniæ partes, regiones, gentes, flumina. Hanc rationem explicandi ornatus, & quasi Oeconomiam non sine uoluptate spectari à doctis arbitror. Et addidit sonū rebus tantis conuenientem, & grande genus uersuum: in quo etsi desiderare aliquid critici fortasse queant, & in ipso quædam ætas suauiora reddidisset: tamen nemo tam iniquus censor fuerit, quin fateri cogatur, multa in hoc carmine egregia lumina esse uerborum ac sententiarum: Sed tibi iudicium de toto scri-

pto permitto. Ego quidem eò tibi dedicaui, ut cum tibi probari existimarent cæteri, tua autoritate commoti auidius legerent & ipsi. Itaq; te etiam atq; etiam oro, ut hanc nostram inscriptionem boni consulas, & fauore tuo hæc nostra studia tuearis. Neq; enim ignoras hanc ætatem in primis ferream esse litteris, quibus certe isti præcipue debent opem ferre, qui earum uim ac dignitatem maxime intelligunt. Ac si cognatio est, ut ante dixi, his meis studijs cum illa præstantissima arte, in qua tu uersaris, iure me tibi propter commune fœdus artium commendo: quod quidem sanctissimum esse duces, si cogitabis id quod res est, diuinam quandam his artibus inter se cognationem esse, quia neutra existere in hominum ingenijs potest, sine afflatu aliquo ac motu diuino. Etenim quod Plato inquit de Poëtis, magis eos diuina quadam ui, quàm arte moueri, planeq; deorum interpretes esse, ac deorum ueluti dictata ad homines perferre: idem uere potest de eximia ac perfecta eloquentia affirmari, non posse eam sine aliquo diuino motu constare. Quare cum in utraq; arte quædam insit diuinitas, spero te nostrum hoc genus studiij non solum libenter, sed etiam religiose defensurum esse.

Bene uale.

Anno M. D. XXXIII.

E O B A

IOBANVS HESSVS, IV.

sto Iona Theologo,

S. P. D.

Georgium Sabinum, oro te mi Iona, ut magno in honore habeas, iuuenem & absolutæ iam eruditionis, & maioris in posterum spei: quem & admonebis, ut ad me scribat sæpius:

Qui nunc utilibus cum floreat integer annis

Et mistas clario nectare potet aquas,

Me sacri nemoris iam penè extrema tenentem,

Audaci studeat præterijssè gradu.

Quamq̃ talis est & tam fecunda istius ingenij felicitas, ut mearum me sordium ad istius mundiciem colatarum, penè suppudeat. Vale. Anno,

M. D. XXXIII. Norimb.

GEORGIVS SABINVS ILLV.

strissimo Principi Ioachimo I. Electori &

Sacri Rom. Imperij Archicamerario,

Marchioni Brandeburgensi,

Duci Pomeraniæ, &c.

S. P. D.

ET si nemini obscurum est, te magnopere fauere literis & bonarum disciplinarum studijs: tamen nondum hactenus ausus sum aliquid ad te scribere,

f

cum

LIBER

cum quidem nulli optarim magis studia mea probari
quàm tibi: non solum quia in ditione tua natus, Prin-
cipem diuinitus meritū de patria, omni officij genere
colendum mihi esse statuo: sed etiam propter admi-
rationem sapientiæ ac uirtutis tuæ, quæ ita eminet, ut
non solum in hoc imperio his laudibus excellere te
omnes intelligant, sed etiam præstantiss. Principibus
Græcis ac Romanis comparent. Nam & sapientiam
tuam & animi magnitudinem declarasti statim initio
cum accepto principatu patrio, latrocinij ditionem
purgasti summa cum uirtute: qua in re, quod difficili-
mum est, & domesticas insidias consilio uicisti, &
sepe magnas coniuratorum copias, parua manu, acie
dimicans ipse oppressisti. Postea ea moderatione ac
iusticia in dicendo iure usus es, non solum ut neminem
Imperij tui pœniteret: sed ut, id quod res est, intelli-
gerent te omnes diuinitus his gentibus cōtigisse, tan-
quam patriæ patrem. Postquam enim tua diligentia
ac iusticia, pax prouinciæ constituta ac munita est, in-
credibile dictu, quàm feliciter bonæ res omnes in pa-
tria florere ceperint: mores in ciuitatibus cultiores
atq; humaniores facti sunt, opes publicæ priuatæq;
creuerunt: studia etiam cum literarum, tum aliarum
artium excitata sunt. Academiam regij sumptibus
in qua omnes ingenue artes publice traderentur
condidisti: propterea quod iudicares bono principi
qui de tota Repub. bene mereri cuperet, præcipue
tuenda, & ad omnem posteritatem propaganda esse
studia

studia literarum, quæ religionis atq; humanitatis, deniq; omnium uirtutum quasi nutrices atq; custodes sint. Deniq; nulla pars est Reipublicæ, quam non singulari consilio ac uirtute ornes, ac meliorem reddas, ut, quod ait Rex sapientissimus Cyrus: nihil interesse inter patrem bonum, ac bonum Principem: nusquam alibi conspici clarius possit, quàm in tua administratione, in qua cum uere patrio animo, consilia tua omnia ad publicam utilitatem ac salutem tuarum gentium referas, uicissim ita boni omnes te amant ac uenerantur, ut parentem. Nulli autem sunt honores ueriores, ac uirtute digniores, aut præmia recte factorum gratiora prudentibus, quàm hæc bonorum iudicia, studia, ac uoluntates: Etsi tu quidem pro tua sapientia atq; animi magnitudine, magis uirtute ad bene merendum de alijs, quàm fructu uirtutis aut præmijs adduceres. Neq; uero tantum lucet uirtus tua in domestico imperio & in patria: Sed habet aliud theatrum maius ac dignius, totum illud summum Romani imperij senatum, quem uelut Nestor, magna ex parte consilio atq; eloquentia tua gubernas. Quid enim ille summus in terris senatus de te iudicet, ex eo existimari potest, quod causas grauissimas omnes dicendas ad te desert: qua in re non solum eloquentiam tuam censet egregium imperij ornamentum esse, sed etiam tibi prudentiæ ac fidei laudem tribuit. Porro sicut ait Cicero ad Demosthenem audiendum magnam multitudinẽ ex tota Græ-

ciam solitam Athenas confluere, ita uidi ipse in celeberrimo ac frequentissimo conuentu Augustæ π α γ γ ο υ μ α κ ρ ῖ ο ῦ maximos ad te audiendū concursus fieri, & quidem doctissimorum & disertissimorum hominum, qui cum iudicare de hoc genere possent, prædicabāt omnes uere in orationem tuam competere, id quod Homerus de Nestore suo prædicat, fluxisse de lingua eius orationem melle dulciorem: in quo præconio & copie & suauitatis laus est. Nam & fluere orationem dicit, quod non potest accidere, nisi in natura ubere & copiosa: & melle dulciorem esse inquit, quod est suauitatis præconium. Habent autem hæ tuæ uirtutes in eloquentia sine cōtrouersia præcipuam laudem. Vidi eloquentissimos homines attonitos admiratione, cum audirent incredibili facilitate fluentem orationem tuam uelut illaboratam, cum tamē summo consilio dici & diligentissime distribui omnia intelligerent. Sed sunt aliæ tuæ laudes maiores, ac principis propriæ, quod ad tranquillitatē imperij tuas rationes, tuaq; consilia accommodas. Cum autem & Heroicæ naturæ præstantia (constat enim te à summis heroibus ortum esse) & domestica maiorum disciplina ad excellentem uirtutem excitatus esses, illud etiam magnæ cuiusdā prudentiæ fuit, quod nunquam studia literarum atq; optimarum artium deponenda esse duxisti. Itaq; in præstantissimis artibus omnibus ita uersaris, ut cum doctissimis professoribus certare possis. Nullam latine dicenti ornamētum deest.

est. Philosophiam ita tractas, ut ex schola & puluere, ad Rempublicam & ad uitæ usum transferas, quod isti in Scholis professores facere non norunt. Et quidem illi philosophiæ te dedisti, quæ & præcipua est, & ut ueteres Historiæ testantur, digna regibus: quia & uiros bonos efficit, & ad gubernanda uitæ pericula consilium præbet. Versaris enim in naturæ inquisitione: in cognoscendis motibus syderum, ac uiribus. Huic doctrinæ addis etiam iuris humani ac diuini studium. Itaq; sæpe mihi uenit in mentem illud quod Plato scripsit, Respub. beatas fore, si aut Philosophi imperent, aut illi qui imperant philosophentur. Id plane accidit in patria, quæ beneficio Principis dediti philosophiæ, rebus bonis omnibus floret. Talem principem iure conferre possumus cum laudatissimis Græcorum ac Romanorum principibus. Itaq; iniuriam Germaniæ faciunt exteri, qui ita sibi arrogant ingenij laudem, ut detrahant nostris omnem uirtutis intellectum, omnia honesta studia. Atqui apparet plurimos in hac natione extitisse Heroes, quibus nulla uirtus, digna uiro magno, defuit. Quam multos numerare possumus in hac una familia tua, ut de alijs in præsentia non dicam. Tanta est ingenij præstantia, tantum consilij in rebus gerendis, tanta in omni officio moderatio, deniq; etiam doctrina tanta rerum maximarum in te & fratre tuo principe Alberto Cardinale, ac Electore, Archiepiscopo Moguntino, ut optimis Græcorum ac Romanorum principibus

f 3 pibus

pibus iure conferri possitis. Sed de hac re aliàs di-
 cendum erit copiosius. Non enim institui nunc Pa-
 negyricum: tantum hæc dixi, ut causas scribendi ad te
 commemorarem. Ego itaq; cum & propter admi-
 rationem uirtutum tuarum, & propter officium me-
 um diu iam cuperem aliquid ad te scribere, ut meam
 obedientiam, gratitudinem, ac pietatem tibi debitam
 declararem: tamen quia mihi conscius sum infirmita-
 tis meæ, pudore impeditus sum hactenus, quo minus
 id facerem. Neq; adeo ridicule ineptus sum, ut nunc
 ad te scribam, fiducia doctrinæ: sed malui subire in-
 genij periculum, quàm diutius differre significatio-
 nem meæ obediētiae atq; officij: præsertim cum sciam
 te non solum ea humanitate esse, ut officia tuorum
 ciuium quantumuis exigua boni consulas, sed etiam
 ea sapientia, ut statuas iuuenilia ingenia facilitate ac
 benignitate tua excitanda esse, ut intelligant sibi spes
 studiorum suorum in bonis Principibus positas esse.
 Quæso igitur Princeps clarissime, ut hoc carmen, in
 quo descripsi reditum filij tui principis Ioachimi in
 patriam, depulsis summa uirtute Turcis, clementer
 accipias, tanquam testimonium mei erga te studij atq;
 obedientiæ. Quod si fauebis nostris studijs, scribam
 olim ut spero, meliora. Ego etsi uersor in alijs arti-
 bus, quæ maiorem usum in Republica habere putan-
 tur, tamen hoc quoq; scribendi genus exercendum mi-
 hi puto. Et habet fortassis aliquam publicam utilita-
 tem. Prodest enim extare monumenta rerum præ-
 clare

clare gestarum. Et ob hanc causam ueteres Principes aluerunt Poëtas, sicut ille inquit:

Cura Ducum fuerant olim Regumq; poëtae.

Cum autem tua uirtus dignissima sit memoria posteritatis, non erit alienum humanitate tua fauere huic generi studiorum. Quare me tibi commendo, atq; oro, ut quod facis, me & studia mea clementer tueri uelis. Vale, Calen-

dis Iunij Anno

Anno M. D. XXXIII.

GEORGIUS SABINVS

Christophoro Turco,

S. P. D.

Cum meum consilium de adeunda Italia, quam studiorum causa uidere cupiebam, tibi exposuissem: memini te non solum probare animi mei seu cupiditatem, seu sententiam, eò quod ingeniorum ac doctrinae principem Italiam esse iudicas: sed etiam studia mea summa diligentia ac fide illustrissimo Principi tuo, commendare, apud quem auctoritas tua merito ualet plurimum. Quam in re cum illud mihi iucundum fuit, quod cognoui te cum excellenti doctrinae laude singularem humanitatem coniunxisse, cum me antea ignotum propter quandam studiorum

diorum opinionem tam amanter complecterere: tum uero hoc gratissimum est, quod re ipsa comperi eam in te comitatem minime fucosam esse, sed à uirtute ac uera humanitate proficisci. Postquam enim semel me complexus es, summa fide & constantia tueris. Itaq; & uirtutem tuam amo & admiror, & plurimum me tibi debere libenter profiteor. Et quoniam scio te hæc officia uirtute, non fructu metiri, spero me tibi satisfacturum esse animi gratitudine. Quare cum descripsissem iter meum Italicum, et si argumentum est pertenuæ, tamen testificandæ uoluntatis meæ causa, tibi dedicandum esse duxi. Sperabam enim tibi & iter illud tuum & Italica studia recordanti, lectionem huius carminis non ingratam fore. Nam cum Italia non solum erudierit te, sed etiam ingenij tui theatrum in illo ætatis tuæ flore fuerit, non potest fieri, quin de ea honorifice sentias. Inclaruit enim ibi primum eloquentia tua, cum te hominem Germanum doctissimi homines in ipsa Italia magna cum admiratione atq; approbatione audirent. Cicero sibi præclarum illud fuisse dicit, cuius ob os Graij ora obuertebant sua. Ferendum igitur & in tuis laudibus hoc, quod illius ingeniosissimæ nationis iudicijs ornatus es. Sed habes nunc multo illustrius theatrum, non solum doctrinæ & eloquentiæ, sed excellentis cuiusdam prudentiæ uniuersum hoc imperium Germanicum, in quo omnium ordinum homines magno consensu laudant dexteritatem ingenij tui, fidem, prudentiā, eloquentiam tuam.

tuum. Omnes te φύσῳ τεχνῶν τε τύχῃ πολι-
τικῶν esse prædicant: Et habes ingenij tui testem,
Illustrissimum Principem, Albertum Cardinalem &
Archiepiscopum, qui ingeniorum acutissimus iudex
ac censor est: apud quem cum ijs rebus inter sis, quas
ipse gerit maximas, & huic imperio & ad publicam
tranquillitatem utiles, præclare de uniuersa Germa-
nia mereris. Nam quod Plato dicit, magnum uirum
in Republica omnes actiones, omnia consilia ad hæc
duo referre debere, ut ciues & beati sint, & inter se
concordes: hoc si quis alius, certe maxime præstat
Princeps Albertus, qui toties iam pacis autor in uni-
uersa Germania fuit. In his rebus, ut modestissime di-
cam, industria et fides tua cum ipsi Principi, tum cæ-
teris magnis uiris perspecta est. Quid est autem di-
uinius? quæ laus amplior cogitari potest, quam in-
genij uim & industriam conferre ad res patriæ salu-
tares? Ego igitur, uelut unus de populo, te propter
has uirtutes & admiror & amo. Huius meæ uolunta-
tis si specimen possem illustrius tibi exhibere, facerẽ.
Nunc præter uersiculos nihil possum præstare: quos
tamen, cum literis te fauere maxime sciam, spero tibi
gratos fore. Quæso igitur, ut hoc qualecunq; carmen
accipias, uelut significationem mei erga te studij,
atq; officij, & me Principi optimo com-
mendes. Vale, Mense Mar-

tio, Anno

M. D. XXXV.

f s

P E

LIBER

PETRVS BEMBVS AL

berto Cardinali & Archiepisco

po Moguntino,

S. P. D.

GEorgium Sabinum Germanum Iuris ciuilis ad-
discendi causa istinc ad nos profectum, in meam
beneuolentiam & fidem libentissime recepi, cum mi-
rificum adolescentis ingenium & in literis humanio-
ribus, præsertimq; in poëtices studijs singularem in-
dustriam & præclara studia cognouissem: eiusq;
consuetudine, perlegendisq; carminibus magnopere
sum delectatus, charissimumq; illum habui. Neq; ul-
la quidam in re tam egregio et præstanti iam poëta,
cuius artis nomen apud omnes gentes celebre sanctis-
simumq; semper fuit: si meis uti fortunis uoluisset,
Sabino defuissem. Vbi uero is in sermonibus collo-
quutionibusq; nostris tuas mihi literas ostendit de se-
se amantissime scriptas, quibus eum Italii hominibus
commendas: non maiore quidem illum beneuolen-
tia, uix enim mihi ad pristinum meum erga illum a-
morem quicquam addi posse uidebatur: sed multo
libentius, multoq; diligentius sum complexus, cum
uiderem illum abs te tanto uiro, eo splendore, ea
dignitate, tot oppidorum & populorum principe
honestari ac diligi. In quo uno rem te maxime om-
nium dignam facis. Nihil est enim præclarius ma-
gnis principibus ac regibus, quàm fouere ingenia,
quæ ad magnam sint frugem, si excolantur, peruen-
tura:

tura: quæq; memoriam eorum multa sua cum laude in omnem posteritatem proferant. Quod quidem iam uideo in te atq; in tuos Sabinum ipsum splendidis ac duraturis carminibus poematibusq; fecisse. Hæc cum ita se habeant, etsi existinem nihil illi apud te mea commendatione opus esse, quia iam tibi per se ipse et optatus sit et gratus: ego autem in tuam familiaritatem nulla ex parte adhuc quidem uenerim, tamen ut meo in illum amoris, qui me plane urget, satisfaciam, tibi eum non tam sane commendo (quanquam commendo quidem diligentissime) quam uolo his literis testatum apud te facere, me de Sabino ita sentire, ut si eum à poeticis studiis fortuna, quæ plurimum in humanis rebus potest, non abducat, magnum sis hominem atq; antiquis illis, qui tantopere laudantur, propemodum æquandum habiturus. Neq; enim cognoui ullum pangendis carminibus eruditum his temporibus hominem, quibus omnino temporibus Latine literæ prope reuixerunt: aut etiam ullius scripta legi, qui mihi uideretur styli facilitate ac genere ad Ouidianam scriptionem atq; facundiam tam proxime accedere. Sed tenenda illi eadem orbita est, stylusq; ipse assiduitate diligentiaq; muniendus: neq; tam quantum uiæ fecerit, quam quo progredi cum potest, tum uero etiam debet, singulis prope horis cogitandum. Neq; enim si aut in *Batrachomyomachia* Homerus, aut in *Culice* Virgilius à scribendo se continuissent, eorum nomen

LIBER

men seculis omnibus clarum celebreq; uiguisset. De
me autem sic existimes uelim, tuam à me dignitatem,
quæ quidem apud omnes homines amplissima clarissi-
maq; est, eo pluris fieri, quod optimarum artium stu-
dia, quæq; ijs se ingenia cum prouentu dedide-
runt, tibi amanda fouendaq; duxisti.

Vale, quinto Calendas

Martias,

M. D. XXXIII. Patauio.

PETRVS BEMBVVS IOACHIMVS

mo I. Romani imperij Electori, Mar-
chioni Brandeburgensi,

S. P. D.

LEgi ad Italos literas de Georgio Sabino tuas ali-
quanto post, quàm eius ingenium in bonarum
artium atq; poëtices studijs egregium ac præstans
adamauissem. Itaque qui mihi erat per se ipse plane
iam perfamiliaris, quemq; pro eius eximia excellen-
tiq; uirtute magnopere diligebam (ualde enim mihi
eius carmina probabantur) factus est mihi tua cōmen-
datione etiam charior; gratulatusq; Sabino sum, qui
te tantum hominem eo splendore eaq; dignitate ha-
beat, cui sua studia curæ sint, cuiusq; in patricinio de-
gere securus et beatus possit. Caue enim putes cla-
ros illos poematibus conscribendis uiros, quorum

ruvic

nunc libros tam libenter in manibus habemus, quiq;
 Romæ Octauiani Augusti tempore floruerunt, ad il-
 lud artis culmen euasisse, nisi magni principes extia-
 tissent, qui studia eorum coluissent, ingenia fouissent,
 industriam, diligentiam, laborem, maximis propo-
 sitis præmijs, adauxissent. Quod quidem de Sabino
 tuis auspicijs futurum plane uideo. Est enim iam eo-
 cum ingenio, tum studio prouectus, ut si perrexerit,
 neq; se aliò flecti ac propelli sinet, clarum sit poetam
 nostra se ætate præstaturus, tuumq; nomen atq; me-
 moriam unâ cum suis scriptis magna cum tua laude
 & gloria immortalitati commendaturus. Hæc ad te
 scribenda mihi esse duxi, non eo quidem, ut qualis
 quantusq; sit Sabinus, tibi ostenderem: quis enim id
 te uno melius intelligit, qui adolescentem in tuis ha-
 bes familiaribus, testimonioq; tuo apud externos ornas
 homines, commendasq; nobis omnibus? sed ut illud
 assequeretur, ut quàm libenter morem in eo tibi gera-
 mus, Sabinumq; tuum beneuolentia & omnibus offi-
 cijs complectamur, ex meipso cognosceres, simul ut
 tuam à me amplitudinem præter cæteras tuas uirtu-
 tes ob id etiam plurimi maximiq; fieri, quod do-

ctis hominibus faues, meq; tui esse studio-

sißimum, scire posses. Vale.

Calendis Martijs.

M. D. XXXIII, Patavio.

BAPTIS

LIBER
BAPTISTA EGNATIVS

Erasmo Roterodamo,

S. P. D.

CUr tibi Sabinum etiam atq; etiam cōmendem
meis hisce literis, multæ plane sunt & eadem
honestissimæ causæ, uel quia omnes Germanici san-
guinis tacita quadā animi inductione diligo, uel quod
ille præcipuo quodam amore ac religione, quod qui-
dem apud me plurimum ualeat, te colit: uel quod ita
bonis artibus instructus, bonisq; moribus ornatus est
mihi uisus, ut enixe hoc illi petenti negare non potue-
rim. Tu uero plane fœlix ac beatus, quem certatim
sic omnes boni ac studiosi uiuentem diligunt & ob-
seruant. Hic enim fructus uirtutis eximius atq; ex-
cellens est, ut non tam mortuo quàm uiuenti homini
tantum studium, tantus debeatur amor. Nam de meo
erga te amore, deq; tuo in me uicissim, aliquid uberi-
us dicerem, ni Sabini suscepta me commendatio pro-
hiberet. In hoc igitur iuvene, nisi me mea fallunt præ-
sagia, multa sunt quæ ad illum amandum excitare
quemuis possint. Primum pudor egregius, qui mi-
rifice hanc ætatem commendat. Accedit deinde mo-
destia, quam uultu, quam oratione maxime præfert.
Nam de eximio illius literarum omnium & poëticæ
in primis studio, nihil amplius dixero, κομικὸς
μαγτὺς ipse esse poteris, uel potius ἀττικὸς. Cer-
te in hoc sic mihi excellere uisus est, ut cum multos
Germa-

Germania tulerit, his annis huiusce laudis avidos, illi penè omnes errare uelut umbræ, hic ueram gloriam assequi posse uideatur. Tu igitur, qui Germanis tuis princeps hanc literarum facem prætulisti, tanto successu, ut omnia tibi polliceri de illis posses, nisi alio foelicia transfulissent ingenia, hanc saltem scintillam reliquam ita foue, ut tuo excitata atq; animata spiritus, multum splendoris plagæ huic tuæ afferat, ut quando tu tantam primus excitasti gloriam, hoc ueluti altero secundum te sydere illustretur & eminet. Bene uale Erasme mi amantissimè

me. Venetijs. 3. Cal. Septembris. Anno

M. D. XXXIII.

ERASMVVS ROTERODAMVS,

Philippo Melanthoni

S. P. D.

Literæ tuæ & hospitii tui seriùs ad me perlatae sunt iniuria illius cui eas commiseras. Damianus à Goës iam quatrìduo hinc discesserat: sed paulo post ex itinere remisit ad nos alterum è famulis qui ceperat egrotare Thermopoli, unà cum Sabaudo deductore conducto. Per hunc mox recurrentem misi Damiano tuas & hospitii tui literas. Verum hoc uix à nobis digresso, redijt ipse Damianus, sollicitus de pue
ro

ro suo, cui tradidi tuas ad me literas, ex quibus rem omnem cognouit. Rursus à nobis digressus, Schafbusiæ per dictum Sabaudū accepit literas tuas, post id temporis nihil ab eo literarum accepi, nisi quod arbitror illum iam esse in Italia. Hunc Georgium Sabinum literis acuratè scriptis adeo prædicauit Baptista Egnatius, ut nunq̃ antehac ulla de re scripserit diligentius: & profecto iuuenis præ se fert eximias & morum & ingenij dotes, ut certa spes sit illum aliquando præcipuum Germaniæ decus futurum. De Luthero nunc nihil scribam, nisi mirari me quod ad instinctum Amsdorffij, hominis, ut audio, indocti et inepti sic debacchatus sit in me: eaq; obiecerit, quæ etiamsi nihil respondiſsem, tamen ex meis lucubrati onibus liquebat esse uanissima. Non deerant mihi aculei, nec deerant qui me instigarent ad acerrimè respondendum: sed ego id malui, quod à doctis & bonis uiris probari mereretur. Illa epistola non nocuit famæ meæ: quantum ipsius negotio profuerit nescio. Ambrosius Pelargus scripsit aduersus Anabaptistas librum, in quo subinde perstringit Lutherum ac te nominatim satis acriter, ac me nonnunq̃: sed moderatius ac sine nomine. Commentarios tuos in Paulum ter emi, Vnum codicem misi Episcopo Augustano, alterum Sadoletto Episcopo Carpenteractensi, tertium mihi seruauit. De eo quid sentiam, fortassis aliàs indicabo. Bene uale. Friburgi pridie Nonas

Octo. An. M. D. XXXIIII.

VIGLIUS

233

E P I S T O L.
VIGLIUS ZVICHEMVS

Georgio Sabino,
S. P. D.

Quarto idus Septembris, Sabine doctissime, li-
tera tuae quas è Salinis Saxoniciis XXIII. die
Iulij ad me dedisti, redditae mihi fuere. Quamobrem
si tardius forsitan respondere tibi uidebor, ei, cui ip-
sas commisisti, imputa. Nam ego profecto qui mu-
tuo semper erga te animo fui, & cui saepe antea ad te
scribere cogitanti idonea tantum occasio & argu-
mentum defuit, minime equidem literis tuis tam ami-
cam erga me uoluntatem prae se ferentibus, quaeque ple-
nū honoris, clarissimi uiri Christophori Turci de me
iudicium continerent, ac de illustrissimi principis Ele-
ctoris Brandeburgensis beneuolentia & conditione
cum primis honesta certiorē me facerent, respondere
distulissē. Et si enim conciliandae amicitiae breue
spatium Patauij habuimus, cum sub idem ferē tempus
& tu eo aduenires, & ego sarcinulas colligerē, Chri-
stophorus tamē Carleuitius ātīqua mihi familiaritate
iunctissimus, ea literis suis beneuolentiae fundamenta
iecit, ut cum ego illius amicitiam plurimi semper fece-
rim, sic me ei chariorem uicissim fore existimarem, si
te qui mihi ab eo plurimis nominibus commendatus
fueras, aut officio aliquo meo demereri, aut amore de-
uincire possem: quod quo minus hactenus fecerim,
non uoluntas mihi unquā, sed tantum opportunitas de-
fuit.

fuit. Tibi uero ad retinendā confirmandamq; ami-
 citiam eo auctore initam præsentissimum philtrum
 suppetit proprium uidelicet uirtutis & eruditionis :
 quas quo magis in te incrementum suscipere audiui,
 eo ad meum animum in tui amorem inflammandum
 plus uirium habuisse scias. Ac ut etiam, aut temporis
 intercapedo, aut locorum interuallū, quo separati se-
 iunctiq; fuimus, aliquid forte isti mutuo affectui detra-
 xisset, id totum tamen proxima tua epistola plenissime
 restabiliuisset, quæ non tui modo in me animi aman-
 tissimum testimonium, sed mearum etiam laudum, quas
 agnoscere nunq̃ audeo, nimis amplum præconium cō-
 tinet. Sed de illis aliās : nunc ad id tibi respondebo,
 cuius gratia illa tibi ad me epistola scripta est : quid sci-
 licet animi habeam ad conditionem de qua illustrissi-
 mi Principis Electoris Brandeburgensis nomine me-
 cum egisti. Non potest aut in eo mihi non esse gra-
 tissimus tuus affectus, magnamq; uoluptatē ex Chri-
 stophori Turci de me iudicio & prædicatione cepi,
 qui illustrissimi Principis animum ita erga me inflama-
 uit, ut idoneum esse crederet qui Academiæ suæ
 (uti scribis) collapsæ instaurator fierem. Ipsorum
 autem studiorum causa multò maxime gaudeo, tantū
 Principē literis honestisq; artibus fauere, & eis pro-
 uehendis sedulo operam dare. Christophori certe
 Turci nomen à te olim mihi prædicatum, deinceps
 etiam magis uenerabor, quod auctoritatem illam qua
 apud principes uiros pollet, reparādis literarum stu-
 dijs,

dijs, quæ nunc miserandum in modum labi uidentur,
deesse nõ sinat. Faxit Deus optimus Maximus, ut tam
honestæ principis uoluntas, prudentissimiq; uiri fide-
lissimum atq; optimum consilium, felicem, et bene fã-
uentibus Musis, optatum habeat successum. Cur ego
autem in præsentiarum in oblatam conditionem cõ-
sentire nequeam, coram tibi exponere mallet: sed
quando id mi Sabine non licet, fãxo ut intelligas non
temere tantum honorem me recusare. Fungor in iu-
dicio Camerae Imperialis assessorio munere, Casaræ
Maiestatis spontanea clementia eo promotus, unde
mihi quotannis amplissimum stipendiũ numeratur:
facile autem ipse æstimare potes an consultò præsentì,
fortunæ, conditionem istam ab illustrissimo Principe,
oblatam præpositurus fuerim: & quanq̃ hoc munus,
uulgo & dignius & utilius habeatur, ego tamen non,
grauatè in tuam sententiam concederem, atq; ijs ra-
tionibus quas diserte adduxisti, pertrahi me paterer,
nisi aliæ essent quæ me magis mouerent. Nã mihi pro-
fecto ea semper mens animo sedit, ut si tantum profic-
cissim, ut de meo lumine alijs accendere possim, &
ad scholasticam illam docendi tranquillitatẽ aliquan-
do mihi redire liceret, mediocri honorariũ in quieto,
literarum otio splendidis istis et simul negotiosis cõ-
ditionibus haud illubẽter prælaturus fuerim. Verum
mi Sabine quantum quidem ego intelligo quicunq;
iura cũ auditorum utilitate docere uoluerit, eaq; siue
ad priuatas clientulorum causas defendendas, siue
publicas

LIBER

publicas arduasq; res administrandas prudenter feliciterq; accommodare, & dignitatem olim in otio tueri cogitauerit, ei non satis erit quemlibet magnum in Scholis fecisse iuridicæ scientiæ profectum: Verum in primis necessarium esse, ut iuris scientiam in foro, iudicijs, consilijsq; exercuerit, eaq; ratione motus aliquantisper in foro hæerere decreui, quo ad docendum si quādo idonea deinde conditio oblata fuerit instructior descendere possim. Cum uero haud ita dudum huc uenerim, necdum tantum quantum constitui didicerim, haud temere ab hoc iudicio discedendum mihi puto, in quo longe amplissima discendi occasio est quando & hoc supremū Sacri Imperij tribunal censetur, in quo & maximæ causæ controuertuntur: & tot selectissimos habeo collegas, à quibus & in scientia & peritia iuris permulta discere queam. Cuius etiam consilij non illaudatos habeo autores Franciscum Curtium, quo Patauij præceptore usus sum: item Zasium, Alciatum, atq; alios non uulgaris notæ uiros, qui aliquando me cohortati, ut animum ad profitendi munus adijcerem: illud tamen ante omnia suaserunt, ut prius per aliquot annos forum & iudicia sequerer: sic quippe me ad docendum longe magis instructum idoneumq; fore. Nam qui nunq̃ in foro uersatus est, etsi forsitan in Iure non infeliciter doctus sit, nequit tamen satis utilia ab inutilibus, & abolita à consuetis discernere, cum eorum quæ alijs traditurus sit usum ipse ignoret. Quæ quidem me causa potissimum

sinum mi Sabine mouet, ne adhuc è foro ad Scholas redeam, ac tantisper in eo persistam, quoad me ad profitendum magis idoneum esse cognouero, forensiumq; actionum usu instructus, felicius fortassis aliquando destinatum munus exequi potero. Quod si uero hac una in re animo meo satisfecissem, etsi ipse satis dijudicas pergraue mihi fore desertam meliore conditione, in tam longinquam & ignotam regionem abire: attamen cum antea ad nullam rem æque quàm ad literarum professionem animum inclinatum habeam, non leuiter me in præsentiarum, tanta illustrissimi Principis Electoris beneuolentia, clarissimiq; uiri, Christophori Turci autoritas, ac tua tam amica exhortatio permouet. Quando itaq; mea consilia aliter nunc ferunt, te etiam atq; etiam rogo, ut qua fieri potest ciuilitate illustrissimo Principi renuncies hoc tempore isthac conditione uti mihi non esse integrum. Si qua uero alia in re illustrissimæ eius Celsitudini mea opella obsequi potero, id ea me facturum promptitudine, ut concepta erga me ex Turci prædicatione beneuolentia, non omnino indignū esse cognoscat. Bene uale doctissime Sabine, & clarissimo Cancellario Turco, qui tali me apud illustrissimum Principem eulogio ornauit, uicissim meum deserto officiū, significatoq; me deinceps inter eos futurum, qui merito suo eum uenerantur. D. Christophoro Carleuitio, si quando opportunum fuerit salutem quoq; à me dicito, quam proprijs illi literis nuntiare

maluisssem, si ubi locorum ageret compertum habu-
isssem. Datum Spiræ XVII. Septembris.

Anno M. D. XXXVI.

PETRVS BEMBVVS GEORGIO

Sabino Brandeburgensi, S. P. D.

ELegos tuos missos abs te mihi legi non solum li-
bentissime, sed etiam cupidissime pluries: mag-
namq; ex ijs uoluptatem cepi, cum quia et docti sum-
mopere sunt & culti, & omnino eiusmodi, ut delecta-
re mirum in modum ingenia eruditorum hominũ pos-
sint: tum propterea, quod te mei memorem ostendũt
testesq; sunt & tanquã prædes nostræ necessitudinis,
quo nihil mihi potest accidere optatius. De uxore,
quam duxisse te scribis Philippi Melanchthonis do-
ctissimi uiri filiam, lætor. Dij tibi matrimonium for-
tunent. Socerum quidem habes eum, qui tibi in bona-
rum artium disciplinis magister fuit: ita te mihi dicere
solitum uideor recordari: ut tibi etiam eo nomine esse
charus & optatus debeat. Reliquum est, ut intelligas
id, quod te scire etiam tacente me puto, mihi te cha-
rissimũ iucundissimũq; esse, atq; à me propter poë-
tices, in qua excellis, studia, reliquasq; tuas uirtutes
fieri sanè plurimi. Quibus à studijs ne te distrahi per-
mittas ualde te rogo. Vale, septimo

Calen. Quintiles. Anna

M. D. XXXV.

Patauio.

EPISTOL.
GEORGIUS SABINVS

236

Petro Bembo,

S. P. D.

Nihil in uita mihi contigit optatius ac iucundius
consuetudine atq; amicitia tua, uir clarissime.
Quod enim singulari me beneuolentia complexus es
quodq; me liberalissime ornasti testimonio tuo ad
Principes meos perscripto, imprimis honorificum mi-
hi duco. Ac quemadmodum ille laudari se à laudato
uiro letatur, ita ego mirifice gaudeo, me probari tibi
uiro optimo, summa cum eloquentiæ ac prudentiæ,
tum grauitatis ac uirtutis laude florenti. Huc acce-
dunt alia non minora beneficia, quod sæpe mihi frui,
eruditissimis ac sapientissimis sermonibus tuis licuit:
teq; audire cum de literis, tum uero de cæteris reipub-
licæ partibus prudentissime iudicantem. Quos tuos
sermones longe omnibus scholis atq; Academijs an-
tepono: quia ijs me & de optimis artibus et de mul-
tis alijs rebus ab homine qui nō in umbra tantum hæc
didicisset, sed quem usus iam & Respublica erudiisset
præclare moneri sensi. Itaq; cum oratione tua ad uir-
tutem excitabar, tum uero ad illam formam ratio-
nemq; discendi, quam probari tibi intellexi, studia
mea quantum in hac ingenij infirmitate possum diri-
go. Postremo quandam felicitatis partem esse iudico,
uidisse eum uirum, qui ad cæteras excellentes uirtu-
tes hanc laudem adiunxit, ut unus fuerit uniuersæ Ita-

liae autor ac princeps ueteris eloquentiae restituendae.
 Quare quod me tam amanter complexus es, quodq;
 officijs omnis generis ornasti, tantum tibi debeo, quā-
 tum mortalium nemini: teq; summa pietate tanq̃ pa-
 trem per omnem uitam colendū mihi esse sancte sta-
 tuo. Hac sum usus commemoratione inepta fortassis
 & breuiore quam magnitudo tuorum beneficiorum
 postulabat: sed tamen cum nihil possit accidere mihi
 acerbius, quam si de meo animo secus sentires, existi-
 mabam ad officium meum pertinere ut significationē
 aliquam gratitudinis meae ad te perscriberem, quam
 utinam tibi coram declarare possem. Verum me
 magno cum dolore meo, subito isthinc auulsit quaedā
 negotiatorum perfidia, quibus res meas curandas cō-
 miseram. Hanc infelicitatem non raro deploro. Mi-
 hi tamen semper obuersatur oculis imago tua: semper
 aures personant tuis doctissimis sermonibus: nec ulla
 in re magis acquiesco, quā in recordatione tuarum
 uirtutum. Cuius rei testes habeo, multos doctos ui-
 ros & principes, apud quos de nemine saepius ac lu-
 bentius, quam de te loquor. Quare non solum de
 studijs tuis, sed fortunis etiam interdum confabula-
 mur. Cumq; nuper uiro praestantissimo Christopho-
 ro Turco, Alberti Cardinalis & Archiepiscopi Mo-
 guntini Cancellario narrassem, certas pensiones in
 Pannonijs tibi non solui, quae sint in potestate regis
 Ioannis, Cancellarius tui amantissimus, causam illam
 exponit Principibus nostris Cardinali Alberto &

Marchioni

Marchioni Ioachimo II, qui habet coniugem natam ex sorore Regis Ioannis. Hi quod præclare de te sentiunt, suum studium multis uerbis ea in re polliciti sunt, iusseruntq; tibi à me significari, ut ad Cardinalem Moguntinum de tota re scribas, quo in loco pensiones illæ soluendæ sint. Nam mihi non erat nota integra causa. Scribes igitur omnia quæ pro tua excellenti prudentia profutura esse existimabis ad hanc rem perficiendam. Hæc tibi de sententia illustrissimi principis Moguntini significo, qui quidem propter excellentem doctrinam et uirtutem tuam ostendit se causam tuam diligenter acturum esse. Et ualet auctoritate hæc familia apud Regem Ioannem propter affinitatem. Tu quid fieri uelis, aut quomodo se res habeat, uicissim significa. Postremo ut me ames, te etiam atq; etiam oro. Vale. Datæ Lipsiæ

Calend. Ianuarijs, Anno
M. D. XXXVIII.

GEORGIUS SABINVS

Petro Bembo Cardinali,

S. P. D.

ET si ijs ornamentis, in quibus uera dignitas posita est: uirtute, consilio, auctoritate, ita cumulate ornatus es, uix ut fortuna splendoris aliquid addere tibi possit. tamen postquam audiui te in amplissimum ordinem,

dñem, et summum senatum orbis terrarum lectū esse
 multis de causis gauisus sum. Quamquam enim antea
 noram auctoritatem tuam apud summos principes
 fuisse præcipuam: tamen postquam Romam accersis-
 tus es, uidebam te consilijs gubernationis orbis terra-
 rum magis interfuturum esse. Gratulabar igitur to-
 ti Christianæ Reipublicæ, te tali sapiētia uirum in eo
 ordine sententias dicere, à cuius consilio tota Europa
 pendet. Neq; enim dubitabam, quin tua uox atq; au-
 toritas aliquando huic etiam nationi Germanicæ, cō-
 cussæ domesticis discordijs, aliquid opis allatura
 esset. Deinde eo gaudebam tuæ uirtuti honorem ha-
 beri in illo fastigio imperij orbis terrarum: ac bene
 precabar auspicijs amplissimi honoris. Nec tamen de
 meo studio ad te scribere audebam. Sed tandem mihi
 humanissimæ significationes beneuolentiæ erga me
 tuæ animum addiderūt, ut hanc epistolam ad te mit-
 terem. Ex tuis enim ad Vergerium, & Ludouicum
 Beccatellum literis intellexi, tibi nondū excidisse mei
 nominis memoriam. Porro hanc siue beneuolentiæ,
 siue iudicij tui significationem erga me, tanti facio, ut
 me totum tibi debere statuam. Semper uirtutis in te
 excellentiam admiratus sum: Amaui scripta tua, quæ
 sola uerum & natium decus latine linguæ etati no-
 stræ instaurarunt. Accessit autem erga me priuatim
 singulare studium tuum. Quare nisi te summa obser-
 uantia colerem, prorsus alienus ab humanitate iudi-
 candus essem. Te igitur oro, ut hanc meam epistolam
 boni

boni consulas : meq; semper inter eos numeres, qui te
 uelut decus huius sæculi præcipuum uenerantur &
 amant. Opto autem ut honoris accessio, quo auctus
 es : cum cæteris nationibus, tuum uero etiam Germa
 niæ salutaris sit. Fiet in hoc Ratissponensi conuentu,
 ut speramus, ad communem concordiam aditus : qua
 in re multum adiuuare Rempublicam & sapientia
 & æquitas tua poterit. Vale. Dat. Rati-

sponæ Idib. Maijs,

Anno M. D. XLI.

PETRVS CARDINALIS

Bembus, Georgio Sabino,

S. P. D.

Gratulatio de Cardinalatu meo, quam tue ad
 me perhumaniter scriptæ literæ attulerūt, sane
 grata mihi ac iucunda accidit : non propterea, quod
 mea magnopere aucta est eo magistratu dignitas, quā
 etiam, quod de tua erga me beneuolentia tam longo
 utriusq; nostrum silentio nihil detractum esse uideo :
 quo mihi esse optatius nihil potest. Amaui enim te ab
 ipso amicitiae nostræ initio constantissime, teq; mihi
 in eo parem esse semper uolui. Iudicium autem de me
 tuum, hominis cum omni doctrina politissimi : tum
 apud magnum principem claro loco positi : etsi quæ
 prædicat, in me non agnosco, ac humanitate te tua
 potius,

potius, amoreq; erga me singulari in eam de me opinionem duci uideam: est mihi tamen uel propterea quam maxime gratum. Quid enim probo homini gratius, quam diligi? ab ijs præsertim, quos ipse in primis diligas, faciasq; plurimi? Spem communis concordiae, quam ex isto Ratissponensi conuentu nobis affers, accepi equidem perinde ac debui, libentissimè. Qua tamen in re Melanthonem socerum tuum rem Christianam multum iuuare & posse scio, et eum facturū confido: fretus cum excellenti eius uirtute, atq; in omni literarum genere eruditione: tum uero etiam ea, quam cum illo contractam habes, necessitudine. Erunt igitur tuæ quoq; pietatis partes curare, ut si quid in Melancthone adhuc fuit, quo nostrorū animi nonnihil offendi potuerint, id temporibus totū potius, quam ab alienatæ à nobis uoluntati ascribatur. Occasio dari uobis ulla uberior nunquā poterit, unde uel gratiam à Deo opt. max. maiorem ineatis, uel ab hominibus gloriam honestiorem cōsequamini. Illi tu meis uerbis salutem impartias uelim, quæq; à me proficisci possunt omnia pollicearis ac deferas. De carminū tuorum libello elegantissime conscripto, quæ ad me perferendum curasti, te multum amo: quæ quidem ego maxima cum animi uoluptate perlegi: ingenijq; tui facilitatem, naturæq; probitatem, quam præ se expressam fert, amplexus, deosculatusq; sum.

Vale. VI. Cal. Iun. M. D. XLI.

Roma.

GEOR.

E P I S T O L A

GEORGIUS SABINVS CAR.

dinali Gaspari Contareno, S. P. D.

CVM Ratissponæ in comitatu Marchionis Electo
 Cris essem, & cætera, quæ agi uidebamus, mag-
 num mihi dolorem adferrent: unum hoc erat iucun-
 dum, uersari cum doctissimis uiris in familia tua, Lu-
 douico Beccatello, Adamo Tumano, & Philippo
 Gherio: ad quos etiam eò libentius accedebam, ut de
 tua excellenti uirtute, deq; tuis studijs aliquid audirẽ.
 Gaudebam enim te intuens, ac de te cogitans, non pe-
 nitus effcetam esse rerum naturam: Sed adhuc giga-
 nere uiros magnos, ueterum similes. Cum enim in
 Veneta republica inter principes locum præcipuum
 tenueris: deinde uero propter sapientiam, uirtutem
 & doctrinam, Romã accersitus, & in summũ sena-
 tum orbis terrarũ lectus sis, & maxima negotia Rei-
 pub. gubernes: consilio, uitæ instituto, grauitate, dig-
 nitate, te cum ueteri illo Lælio, aut Atheniensi Aristi-
 de comparabam. Sed eruditione te longe antecellere
 intelligebam: quo in genere mihi quidem hoc in pri-
 mis iucundum fuit auditu, te & totum orbem artiũ
 in Philosophia complexum esse: & doctrinam Chri-
 stianam optime intelligere, ac toto pectore colere.
 Assentior Platoni, qui ait, Deum gratam de se famam
 in artibus sparsisse. Itaq; cum uera Philosophia mon-
 stret Dei uestigia naturæ rerum impressa, quid magis
 decet hominem Philosophum cognitione religionis?
 Hæc ego Ratissponæ cum & audiuissem differentes
 doctiss.

LIBER.

doctiss. viros, & ipse mecum exempla similium virorum ex omni antiquitate colligerem, mirifico studio tui intentus sum: quod tunc uerecundia impeditus declarare non audebam. Nunc aut, ut de absente multo sepius cogitarem, ea quæ conuentum secuta sunt, me monuerunt. Videbam te acerrimam adhibere contentione, ut discordiæ Germanicæ dirimerentur: & constituta pace, cõmuni consilio atq; animo Turcis in uestibulo Germaniæ grassantibus arma inferremus. Mox ut discessisti, cum tuis consilijs non obtemperaretur, & discordia secuta est. Amisimus exercitum: Pannonias occupauit barbarus hostis, arcem belli facturus ad reliquam Europam, seu uexandam, seu occupandam. Hic euentus & mihi, & summis uiris in aula nostra, sepe tuarum actionum memoriã renouat. Quare cum in hoc luctu patriæ sepe de tuis monitis cogitarem, et desiderio quodam fouendæ noticiæ talis uiri flagrarem: tandem duxi ad te scribendum esse. Nec recuso ineptus uideri, dum studium tibi meum quo modo significem: idq; ut auderẽ facere, eò etiam impulsus sum, quod propter Philosophiæ studia arbitrabar te facilius complecti studiosos. Quare & ut meam epistolam boni consulas, te etiam atq; etiã oro: & cum nihil sit boni Principis beneuolentia optabilius, maxime cupio me tibi & Principi optimo, & uiro doctissimo, uere commendatum esse. Vale. Dat.

VIII. Cal. Aprilis, Anno M. D. XLII.

Francofordiæ ad Oderam.

CARO.

CAROLVS

QVINTVS ROMANORVM

Imperator semper Augustus, Georgio Sabino Brandenburgensi Gratiam Cesaream, & omne bonū. Etsi antea propter doctrinā et uirtutem non solū clarus, sed etiā equestris ordinis gradu ornatus es ab alijs: tamen & nos extare aliquam significationē nostrę, & uoluntatis & opiniōis de tua uirtute uolumus. Nam illos præcipue dignos honore iudicamus, qui ingenio & doctrina excellunt. Quare cum in omnibus honestarum artium studijs summa cum laude uerferis, nos sponte lubentiq; animo eadem ornamenta nobilitatis tibi decernimus authoritate imperiali: approbante Principum, Comitum, Baronum, aliorumq; procerū nostrorum, ac sacri Romani imperij senatu. Adhæc liberos utriusq; sexus ex te legitime aut natos aut nascituros, eorundemq; posteros omnes, creamus uere nobiles: atq; in numerum, nostrorū ac sacri Romani imperij nobilium, cooptamus. Te igitur Sabine, liberosq; ac posteros tuos omnes, harum literarum testimonio renunciamus uere nobiles, tanquam de domo ac prosapia nobilium à quatuor paternis ac maternis auis procreatos. Tales itidem nobiles ab omnibus, uniuersis ac singulis, cuiuscunq; cōditionis, eminentiæ, status, gradus, aut dignitatis existant, uos dici, nominari, & haberi uolumus. Facimus etiam tibi, librisq; tuis, ac posteris omnibus potestātē, nunc et deinceps in

LIBER

ceps in perpetuum, ubicunq; locorum ac terrarū in
 iudicijs et extra, in rebus spiritualibus ac temporalibus,
 Ecclesiasticis & profanis: Deniq; in quibuscunq;
 rebus, quarū mentio diserte hic fieri deberet: nec non
 in omnibus et singulis honestis exercitijs, negotijs, et
 actionibus, ut illis honoribus, dignitate, studiis, officijs
 immunitatibus, libertate, insignibus, & priuilegijs,
 gaudere, uti, & frui possitis: quibus ceteri nostri, &
 sacri Romani imperij uere nobiles, de equestri prosa-
 pia à quatuor paternis & maternis auis geniti &
 procreati, utuntur, fruuntur, ac gaudent quoquo mo-
 do, uel de consuetudine, uel de iure. Porro ad hunc
 equestris ordinis gradū addimus etiam tibi insignia
 quibus nobilitas tua latius inclarescat: uidelicet cly-
 peum caruleum, & in eo pegasus candidum, ex nu-
 bibus uolantem, alis in altum porrectis. Galeam ue-
 ro cancellato ore, qualis solet esse nobilitatis non po-
 strema: Et in Galea alium pegasus cum nubibus,
 simili figura qua est in clypeo. Postremo tegumenta
 clypei & galeae distincta duobus coloribus, caruleo
 & albo: quemadmodum hæc omnia exactius picto-
 ris ingenio ac manu depicta, in medio harum literarū
 cernuntur. Id uero insigne apte cōuenit homini, non
 ignauo, sed ad gloriam excitato, cui est uirtute effici-
 endum, ut alios omnes tantum post se relinquat, ante
 citos quantum pegasus ibat equos. Nos igitur & il-
 lud ipsum insigne tibi & heredibus tuis tradimus,
 perpetuum uirtutum tuarum monumentum, quo ad
 uirtutem

uirtutem et gloriam p[ro]ferri tui incitentur, illud per-
petuo in omnibus honestis actionibus & expeditioni-
bus, in serijs uel ludicris certaminibus, in prælijs, duel-
lis, & quibuscunq; pugnis, uexillis, tentorijs, scutis,
sigillis, & annulis, monumentis, sepulchris, prædijs,
ædificijs, tabulis & picturis, nobilium armigerorum,
pro arbitrio ferre ac gestare poteritis & debetis.
Cessante omni impedimento : nec obstantibus qui-
buscunq; consuetudinibus, statutis, priuilegijs, præ-
sentibus, aut futuris, quæ quoquo modo contra hu-
iusmodi nobilium creationem, aut priuilegium no-
strum, facere possint : quibus omnibus diserte per has
litteras derogamus, & derogatum esse uolumus.
Nulli ergo hominum liceat nostrum hoc decretum
rescindere. Si quis autem id attentauerit, illum iudi-
camus, nostram & sacri Romani imperij grauissi-
mam indignationem ipso quidem facto incurrisse. Et
nostram illi dicimus quinquaginta Marcarum auri
puri : partem dimidiam, unam fisco nostro Cæsareo,
alteram iniuria affectis, adiudicandam. Idq; his pub-
licis literis testatum uolumus : de quarum authori-
tate ne quis dubitaret, eas nostro tam autographo
quàm sigillo muniuimus. Dat. Ratisponæ in urbe
nostra imperiali die XIII. Iulij. Anno

M. D. XLI. Imperij nostri XXI.

Aliorum regnorum nostro-
rum XXVI.

L I B E R

GEORGIVS SABINVS

Stanislao Diadufio, Polono

S. P. D.

ET si magna est uitæ humanæ, morumq; confusio: tamen ut pars aliqua generis humani, disciplina regatur: diuinitus nerui disciplinæ hominibus traditi sunt, leges, doctrina de præmijs & poenis, & legum, præmiorum ac poenarum exempla. Et ut leges uere à Deo ortas esse constat: ita sentiendum est, exemplorum memoriam diuinitus conseruatam esse. Ac ineptum est disputare, utra res ad excitandos, flectendos, & assuefaciendos animos sit efficacior: leges, an exempla, cum sit una uirtutis doctrina, constans utraq; parte: quæ cum summum uitæ decus sit, semper curæ fuit, magnis et sapientibus gubernatoribus, uetera monumenta, ac res gestas maiorum, & inquirere, & late propagare: ut & suam ætatem erudirent, & posteritatem magna illustrium exemplorum copia instruerent. Ideo primi generis humani duces, causas maximarum in mundo mutationum, exordia imperiorum, poenas Tyrannorum, & pleraq; alia, certissimis monumentis posteritati tradiderunt: quæ singulari Dei ope ac beneficio, et conseruata sunt inde usq; ab initio mundi, & mansura sunt usq; ad rerum finem. Græca historia, quæ nunc quidem extat recentior est: sed multa sunt in ea rerum uetustiorum, & antea gestarum uestigia. Et si enim nunc extat

tat non aliud carmen Græcum, Homérico uetustius, tamen & antea fuisse monumenta uetustiora non dubium est. Nam & ipse Homerus narrat Achillem, cui præcipuam uirtutem inter Duces tribuit: cum ociosus in tentorio sederet, Heroum res gestas ad ciatharam cecinisse. Et apparet eo in admiratione & gratia nomen Poëtarum initio fuisse, quod eorum ingenijs & arte, memoria rerum gestarum conseruabatur, ut significat Lucanus cum inquit:

O sacer & magnus uatum labor, omnia fato
Eripis: & donas populis mortalibus æuum.

Sed multa utilia monumenta, partim temporis diuturnitate consumpta perierunt, partim alijs casibus deleta sunt: cum uel in bellis euerse sunt ciuitates ubi studia colebantur: uel propter migrationes gentium uetus disciplina mutata est. Callimachum Poëtam, qui in familia Ptolomei Philadelphi, & postea Euergetis diu uixit: cum alia multa antiquitatis uestigia inquisita, conscripsisse ferunt: tum etiam librum reliquisse de urbium, & gentium originibus & nominum mutationibus: Item de mutatis gentium sedibus. Credibile est autem Callimachum, & bibliotheca Alexandrina, & multis sacerdotum monumentis adiutum esse. Hic thesaurus si extaret, omnibus historijs quantum lucis adderet? Nunc in tanta insecitia antiquitatis, sequimur obscura rerum
b 2 uestigia.

uestigia. Sed tamen prudentibus grata esse diligentia eorum debet, qui quantum possunt, studium conferunt ad historię conseruationem. Magnopere igitur laudandi sunt uestri homines, Io. Dulogosius, Mechouius, & Iustus Decius, qui suorum regum seriem annotarunt: quorum cum res mihi uiderentur magnę, uarię, et dignę cognitione, cum instituissem Epithalamion scribere inclyto Regi Sigismundo Augusto, uisum est intexere eas huic argumento, ut carmine celebratę magis legerentur. Et cum in hac solenni pompa, precari omnes fausta regno debeant: quid auspicius dici cogitariue potest, quam de regni primordijs, & incrementis? quod cum singulari Dei ope ad hoc fastigium euectum, & inter ferocissimas nationes defensum esse cogitabimus: precemur ut nunc quoq; in tanto uniuersę Europę discrimine, Deus opti. max. hoc domicilium religionis Christianę, uirtutis, disciplinę & literarum, diutius protegat, ac tueatur. Quis nostrum cum uel Asię urbes, uel Grece gentis Respublicas ueteres animo intuetur & reputat, quę ibi studia doctrinę fuerint: quantum decus uerę religionis: cumq; uidet euersis urbibus, interfectis, & dissipatis indigenis, deleto Christi nomine, abolitis omnibus literarum & uirtutis studijs, tantum immanem et spurcam barbariem in illis locis uagari, ignaram Dei, & uniuersę ciuilis consuetudinis: non deplorat interitum laudatissimarum gentiũ? non de reliquo orbe Christiano angetur? Quare &

NOTA

uota faciamus omnes pro Republica: & uiri fortes
 sciant, sibi maiorum exemplo pro patria dimican-
 dum esse: ad quod uos pietas erga Deum, patriæ cha-
 ritas, amor coniugum, liberorum, ac totius huius le-
 gitimi status, quo nunc floret Polonia, & maiorum
 decora hortantur, qui toties Tartaros & Turcas à
 Valachia, Pannonia & Polonia depulerunt. Mul-
 tum enim natura, & disciplina uestre gentis, differt
 à uicinis, quod ex multis rebus intelligi potest. Nam
 & regnum domi legibus et iudicijs, præclare consti-
 tutum & ornatum est: & ad bella gerenda copijs
 equestribus & pedestribus, & omni apparatu, mag-
 no consilio instructur: est. Descripti sunt ordines,
 qui omnes unius imperio parent: mores uero, disci-
 plina domestica et ciuili, grauissime reguntur, iuuen-
 tus uel ad militiam, uel ad literas instituitur, uel agri-
 culturam exercet, uel alijs se honestis opificijs in
 ciuitatibus dedit. Hos mores quoties uidi in ciuita-
 tibus uestris, de antiquitate uestra cogitau. Non
 enim dubium est Polonos Henetam gentem esse, quæ
 & in Asia uicina fuit genti omnium laudatissimæ &
 cultissimæ Ionice, et postea duce Antenore in Euro-
 pam ducta, propinquas Græciæ sedes in Illyrico oc-
 cupauit, ac tenet etiam nū annos ad hoc tempus post
 bellum Troianum circiter bis mille sexcentos. Inde
 progressi septentrionis oram ad Istulam compleue-
 runt. Nec de Henetis, obscura sequor indicia. Gen-
 tium origines præcipue ex appellationibus, et lingua

iudicantur. Quos uero hodie dicunt Venetos seu Venedos: hos esse Henetos ostendunt appellatio & locus. Nam Henetos in Illyrico, ubi manet appellatio Venedorum, consedisse affirmat Herodotus. Deinde linguam Polonorum congruere cum Illyrica manifestum est, & multarum urbium appellationes cognationem cum Polonis ostendunt. Cum autem in Asia genti Ionicae, quae sine ulla dubitatione, omnibus nationibus toto orbe terrarum omni ciuili cultu antecelluit, admixti fuerint Heneti: & postea in Europa Graecis: consentaneum est eos, & propter coeli ac regionum temperiem, & consuetudinem humanissimae gentis, & natura ad uirtutem idoneos semper fuisse, ac disciplinam, & ciuilia officia intellexisse atque coluisse. Potest autem de naturis ingeniorum optime ex doctrinarum studijs iudicari: quorum possessionem magna cum laude tuetur Academia uestra, quae longo tempore praecipuum uniuersae Philosophiae domicilium fuit. Nunc uero postquam uestri homines latinam eloquentiam admirari coeperunt, adeo pure ac uenuste multi apud uos scribunt, ut uiri doctissimi in Italia, qui hanc ueram scribendi rationem renouarunt, illorum genus dicendi maxime probent. Extant enim scripta Stanislai Hosij, Orichouij, Cromeri, & aliorum: in quibus lineamenta Tullianae dictionis comparent. Et nuper editis tribus elegiarum libris, Iamnius Poeta praeclarum sui specimen dedit. Nec uero barbarae gentes, quibus

bus natura repugnat, hanc scribendi elegantiam uel
intelligere, uel assequi possunt. Sape igitur scrip-
toribus illis succenseo, qui nec nomen Henetum, nec
linguam considerantes, fingunt recens effusam esse
uestram gentem, ex horrida aliqua septentrionis
regione. Illud enim uerius est, uos & Ionice &
Græcæ gentis uicinos, progressos ex Illyrico ad Car-
pathum, bonam Germaniæ partem quondam oc-
cupasse: repressis ad ortum & septentrionem alijs
barbaris, qui hæc loca mitiora appetebant. Inde
Venedicus sinus, in quem Istula influit, nominatus est.
Hanc meam de gentis uestre origine narrationem,
non tanquam fabulosam recensui: ut Britanni se ab
Hectoris filio ortos fingunt. Sed iudico ueram es-
se, & perspicuis testimonijs confirmari posse. Cla-
ra est igitur antiquitas uestre gentis. Nam Heneti
celebrantur Homeri carmine, & Herodoti moni-
mentis: Et regnum uetus in Illyrico tenuerunt pri-
usq̃ Roma in Illyrico potiti sunt. Polybius enim men-
tionem facit Regis Agronis & reginæ Teutæ. Po-
stea regnum in Polonia constitutum est, quod aliquot
iam seculis reliquæ Europæ tanquam murus &
propugnaculum fuit aduersus Tartarorum ac Tur-
carum irruptiones. Pro his honestis certaminibus ue-
stris, gratia uobis à reliquo Christiano orbe debetur:
qui utinam tandem, & uestro & communi periculo,
affici se ostendat, & socia arma iungat. Nos quidem
grata uoce prædicare merita uestra decet.

h 4 libenter

LIBER

libenter huic carmini gratulatorio has res intexui,
 quod auspicio tui nominis duxi edendum esse: cum
 quia sæpe humanissimas significationes dedisti tuæ er-
 ga me beneuolentiæ, pro qua uicissim hoc testimoni-
 um mei in te studij extare debet: tum propterea, quod
 unus omnium de literis bonisq; artibus optime mere-
 ris. Nam ad excolenda earum studia, non solum hor-
 taris ingenuos adolescentes, sed etiam præmijs inui-
 tas, tuaq; liberalitate in publicis gymnasijs fœues: quo
 nihil potest à te fieri præclarius. His de causis scri-
 ptum hoc qualescunq; in tuo nomine apparet: quod si
 ut spero, tibi erit gratum, uirisq; doctis non impro-
 babitur: peto à te, ut inclyto Regi Sigismundo Au-
 gusto exhibeas, meq; ei commendes, precantem ex
 animo, & ipsi, & uniuerso regno Poloniæ, ac Rei-
 publicæ Christianæ salutarem tranquillitatem.

Vale. Mens. Aprili. Anno

M. D. XLIII.

Francofordiæ ad Oderam.

PETRVS BEMBVVS CARDINA-

lis Georgio Sabino Brandeburgensi,

S. P. D.

E Legos tuos, quos postremo ad me misisti, liben-
 tissime legi, uel potius cupidissime. Redolēt enim
 ut nō semel me dixisse tibi memini, Ouidianum morem
 & leni-

Et lenitatem illam scribendi. Itaq; debeo tibi, quod ea me uoluptate affeceris, addiderisq; ad eos elegos etiam tua carmina, quæ me apprime delectarunt. In quibus illud te præclare affecutum esse uideo, quod difficillimis rebus non lumen modo, sed etiam facilitatem ac amabilitatem plurimam contulisti. Quas ob res si te Germani tui non maximi faciunt, non in cœlum ferunt laudibus, non in te honestando certatim studia sua conferunt, indigni sunt qui te habeant, à quo laudentur, Et quorum benefacta labore et ingenio æternitati commendos tuo. Mea carmina quod requiris, facis ex tui erga me amoris abundantia. Ego autem ab eiusmodi scriptis nunc quidem absum plane longissime: Sed iussi ut tibi aliqua transcriberentur, Et mitterentur, ne à me quicquam frustra petijisse uideare.

Vale Et te à me amari magis noperere existima. VI. Calend. Maias

M. D. XLIII.

Roma.

GEORGIVS SABINVS

Petro Bembo Cardinali,

S. P. D.

Post meum ex Italia discessum, etsi patriam amo, tamen nihil accidit mihi tam iucundum cui consuetudinem tuam non anteferrem. Et quo plus accedit

b s dit

dū etatis, eo magis Italiæ desiderio propter sapien-
 tissimorum hominum sermones teneor. Nec uero ul-
 la in re, etsi procul à te absum sic acquiesco, ut in co-
 gitatione uirutis & sapientie tuæ. Quare si non aut
 pudore, aut assiduitate nostrarum operarum impedi-
 rer, scriberem ad te sæpius: teq; magnopere oro, ut,
 quod te toties interpellauī, meas ineptias boni censu-
 las. Nunc autem ad te scribo, adductus non solum
 amore meo, sed etiam publica literarum causa, quam
 arbitror te, cui uni summam doctrinæ et eloquen-
 tiæ laudem merito omnes tribuimus, non grauite su-
 scepturum esse: Breuiter autem exponam negotium.
 Etsi ueteres Scythæ, ut est in fabulis, gloriati sunt, se
 hominum omnium longe præstantissimos esse, quod
 primi essent siue ex aqua, siue ex igne terra exiluisset,
 dissoluta illa confusanea mole, quam dixere chaos: ta-
 men res ostendit, & magnam esse Scythicæ gentis fe-
 ritatem, & uix in uicinis regionibus ciuilem uiuendi
 rationem, legibus, disciplina, et imperijs retineri pos-
 se. Multum tamen Principum quorundam diligentia
 proficitur, ut gentes istæ fiant mansuetiores. Hoc cō-
 silio Illustrissimus Princeps Albertus Dux Prussiæ,
 ad literarum studia huius Balthici sinus accolas inui-
 tare conatur: & homines ad docendam latinam lin-
 guam & Philosophiam, atq; ad iuris interpretatio-
 nem idoneos accersit: estq; iam conuentus mediocris
 docentium & audientium in oppido, quod nostra
 lingua Regium montem dicimus. Si uidisses has re-
 giones,

giones, dices summa laude dignum esse, quisquis ex-
colere has gentes, & ad Dei agnitionem, & uirtutis
intellectum mediocriter traducere conaretur. Vere
autem affirmare possum, nulla hunc Ducem priuata
cupiditate, nulla alia causa moueri, ut literas hic doce-
ri cupiat, nisi ut semina uirtutum spargat & animos
iuuentutis ad rerum uere bonarum intellectum atq;
amorem, & ad disciplinam, assuefaciat. Ornare au-
tem & munire hunc conuentum literatorum summa
& ordinaria authoritate cupit, ut usitato more gra-
dus in publicis doctrinae testimonijs decerni possint.
Quare te oro, propter tuum erga literas amorem, ut
priuilegium Pontificium Regiomontanae Scholae im-
petres, quo, gradus eo loco decreti comprobentur.
Quod si feceris late patebit hoc tuum beneficium, ac
multis gentibus profuturum est, ad quas ex hoc Gym-
nasio, si confirmabitur, literae & leges propagabun-
tur. Nec uero dubito, quin praeserim in isto fastigio
rerum humanarum, ad quod diuino consilio euectus
es, maxime cupias de multis gentibus benemereri. Ni-
hil opus est me apud te uirum sapientissimum dispu-
tare longius, quam utile sit in talibus locis semina lite-
rarum spargere: tantum oro ut pro tua excellenti
sapientia, & uirtute rem literariam hac in re adiu-
ues, ac priuilegium Scholae Regiomontanae impetres:
idq; primo quoq; tempore nobis mittendum cures.

Vale. Dat. ex mente Regio Borussorum.

Anno M. D. LV.

P E T R V S

L I B E R

PETRVS CARDINALIS BEM.

bus, Georgio Sabino,

S. P. D,

QUOD serius quam tu fortasse expectabas ,
 & ego certe uoluisssem ad tuas literas rescri-
 bo : tum negligentia tabellariorum factum est : quas
 enim IIII. Calend. Ianuarij dedisti , ad VIII.
 Calend; Maias reddiderunt : tum etiam difficultate
 temporum, in quæ ipsæ tuæ literæ inciderunt. Nam
 qui meus est in te amor , animum inducere non facile
 poteram, ut ad te nisi perfectæ re, quicquid rescriberem :
 uerum cum id longius fieret, malui ut te res habeat
 te certiolem facere, quam officium ob te desiderari
 meum. Itaq; cum primum de Regiomontana Acade-
 mia cõstituenda Alberti Marchionis, ad Pontificem
 maximum, uoluntatem detuli, qua is est mansuetudi-
 ne & liberalitate præditus, & Marchionis postulata
 benigne accepit , & consilium laudauit : Sed cum in
 ipso Pontifice non sit prudentia humanitate minor,
 perspiciebat inconsulto Carolo Cæsare statuendum
 sibi nihil esse noui in ea præsertim ciuitate , quæ etsi
 immunis est à Cæsarum Augustorum iure & impe-
 rio, tamen est in illorum patrocínio & quasi tutela,
 idq; eo tempore cum de Cæsaris à nostra Republica
 alienatione, nonnulli se suspicandi causas habere dice-
 rent. Factum est deinde, & Pontificis erga illum
 charitate, & illius erga Pontificem obseruantia , ut
 nemo

nemo sit qui neget, nihil esse cur de mutua in eos uoluntate dubitetur. Quam ego occasionem nactus, adij hac de re Pontificem denuo, qui quidem Marchioni tuo satisfacere magnopere uult: sed quā prius causam afferebat, ne scilicet Cæsar offenderetur, si quicquid quod ad istam provinciam spectaret, ipso inscio decretum hic esset: eandem etiam nunc apud se causam residere significauit: Sed ex ea tamen parte faciliorem, quod & Cæsarem admoneri, & suam de ista Academia sententiam subodorari commodius possit. Nam non modo ut offensio uitetur, uerū ut gratia quoque conseruetur, ad Cæsarem deferendum esse iudicat. Adhæc ego ex N. ad me literis Cæsarem suis quoque decretis rem omnem confirmaturum affirmari, quod Pontifex libenter arripuit, sequi si ita sit, moram omnino nullam interpositurum, quin eadē omnia rata habeat, ac autoritate confirmet & cohonestet sua: cupere se tamen, etsi illius literis fidem tribuat, Cæsariani decreti exemplum uidere, atque interim etiam de omni re Cæsarem certiores fieri. Itaque ut faceret suo apud illum internuntio mandauit. Habes quo minus Diploma confectum adhuc non sit. Tu si decreti exemplum ad me quam primum miseris, efficiam ut neque Pontificis liberalitatem, nec officium meum diutius desideres. Ad reliquas epistolæ tuæ partes amoris & suauitatis plenas, & ad eam, quam Albertus Marchio humanissimam mihi gratissimam dedit, tunc satisfaciam, cum Diploma una mittam. In
terim

L I B E R

terim & illi & tibi meo nomine gratias per plures
ages, & salutem plurimam dices: meq; & illius erga
me uoluntatis, & tuorum in me officiorum, nec ingra-
tum, nec immemorem ullo unq; tempore futurum
spondebis: dabo enim operam ne pro
me dependas. Vale. VIII. Id.

Iul. M. D. XLV.

Romæ.

LVDOVICVS BECATELLVS

Georgio Sabino,

S. P. D.

Literas tuas idibus Februarij datas, Romæ idibus
Nouembris accepi, unâ cum elegantissimo poë-
mate tuo mi suauissime Sabine, quibus sum maximo-
pere letatus, atq; eas sic amplexatus atq; exosculatus
ac si te habuissem, quem ego ob elegantissimos mores
& doctrinam humanitatemq; singularem summa
persequor beneuolentia. Caue enim dubites me tui
memoriam amoris ac laudū tuarum cumulatissimam
non conseruare. Sed ad te si minus fortasse crebras,
quàm expectabas, literas dedi, non hoc obliuione aut
negligentia aliqua factum existimes uelim: uarij enim
casus quadrienno hoc roto, quo à te discepsi me agi-
tarunt. Amusinus ut audisti amplissimum atq; præ-
stantissimum Contarenum, tibi atq; omnibus bonis
ami-

amicissimum, post cuius mortem ego ueluti scapha sine remige diu fluctuauī, dum uaria munera uarijs et imperantibus obiui: non enim mihi licuit, ut optabam in patria conuiescere. Sed Regij Lepidi Venetijs, Patauī, Tridenti, diu cum legatis concilij fui: Vnde nuper iussu Pauli Pont. Max. accersitus Romam ueni, ut apud Farnesium designatum Archiepiscopum Neapolitanorum, optimæ indolis adolescentē, essem: Quo factum est ut literas cum libro tuo tarde susceperim. Non enim facile à Bartholomeo tuo conueniri potui, neq; adhuc illum uidi: Nam Patauī, ut ipse ad me scribit, studiorum causa cōmoratur. Dabo tamen operam, ut per amicos meos absenti illi, quando præsens non possum, rem gratam faciam, paratissimus illum iuuare, si quando illi opera mea opportuna fuerit, ut is intelligat & cæteri, quos mihi commendabis te à me plurimum amari atq; obseruari: de cuius secundis rebus atq; optimo statu magnam, ut debui, cepi uoluptatem: Deumq; opt. Max. oro, ut tibi, uxori, ac liberis illa fortunet, uotisq; tuis omnia felicissima annuat. Oro autem te atq; obtestor, mi iucundissime Sabine, te à me fraterne amari ut persuadeas tibi, tāq; recentem apud me tui memoriam uigere, ac si una semper uiueremus. Romæ uel ubicunq; locorum me esse contigerit, semper in ære tuo futurus sum. Bemus tuus ætate quanq̃ ingrauescente, tamen commoda utitur uoletudine, nisi cum illi interdum podagra est molesta: te, ut solet, amat, de teq; mecum multa cum amoris

amoris significatione est locutus. Historiam suam in lucem prodere adhuc non patitur: cum primum illius mihi copia fiet, operam dabo ut tibi satisfaciam. Atq; ut aliquid de contubernalibus nostris Ratisspouensibus ad te scribam: Adamus Tumanus Veronæ est in patria sua, nec admodum ualet: Philippus Gerius apud Reuerendiss: Cardinalem Moronum, Bononiæ legatum, est à Secretis, is & in rebus agendis & in studijs literarum multum profecit. Triphon Bentius mecum superiori æstate fuit Tridenti, ibiq; stationem seruat à Secretis Reuerendissimi Legati. Vale mi carissime Sabine, nosq; interdum, cum commode id poteris, de toto statu tuo redde certiores. Romæ

X. Cal. Decemb. M. D. XLV.

PHILIPPVS MELANTHON GEORGIO Sabino genero suo charissimo,
S. P. D.

Magnam uim esse paterni amoris erga natos, etiam de tuo animo te existimare non dubito. Quare mihi facile credas affirmanti, ualde me dilexisse filiam meam Annam. Cum autem de te præclare sentirem propter scribendi facultatem eximiam, ut alij multi docti uiri in Italia et Germania, qui de ijs studijs, in quibus uersaris, iudicare possunt: & ex eo iuditio beneuolentia erga te singularis in animo meo nata esset, non inuitus tibi uolenti filiam despondi, & ut tibi & nobis hæc coniunctio fausta & felix esset, optaui.

optavi. Sed cum ex doctrina cœlesti causas didicerimus præcipuas humanarum calamitatum, et earum remedia: feramus ea, quæ acciderunt, sapienter. Etsi igitur magno in dolore sum, propterea quod filia extincta est, & quidem procul à parentum complexu, & priusq̃ de rebus necessarijs cum ea colloqui potui: tamen eas consolationes mihi propono, quæ diuinitus traditæ sunt, quarum hæc præcipua est, quod signa ueræ in filia pietatis erga Deum & erga te, mortem præcesserunt: propter quæ spero eam iam dulcissima cōsuetudine Dei et Filij eius domini nostri Iesu Christi frui, cui eam sæpe lachrimans commendavi, & paulo post ibi rursus eam complectar. Nostram uero inter nos amicitiam uolo perpetuam esse, & ego fideliter eā si quibus potero officijs tuebor. Tuos certe liberos ducā meos esse, ut re uera mei sunt, quos quidem non minus diligo q̃ dilexi matrem. Fuisse aut̃ magnum incendiū amoris mei erga filiam multi norunt, nec id morte ipsius extinctum est, sed dolore & desiderio alitur: Cumq; fuisse eam admodū φιλότεκνον sciā, ipsius in me adfectū deriuare me iā debere iudico. Quod igitur de filiabus & de filio deliberas, nō solū consilium do, ut ad me mittas puellas seu oēs seu aliquas, sed etiā te ut id facias, ualde oro. Educabuntur enim à me & fideliter & amanter: & ad agnitionē Dei, & honesta officia sedulo instituentur. Hæc de meo animo erga te liberosq; tuos tibi persuadeas uelim. Bene ac feliciter uale. Die VI. Aprilis, Anno M. D. XLVII.

LIBER

PHILIPPVS MELANTHON GEOR.

gio Sabino genero suo, S. P. D.

ET si non dubito sanis omnibus iucundissimā fore
lectionem historiae Bembi: sic enim scripta est, ut
eruditae antiquitati graecae & Latinae opponi possit,
& haud dubie superet omnium scripta in hoc genere
quae inde usq; à Liuiana aetate nata sunt: tamen tu ex
ea uoluptatem eò maiorem capies, quia & hāc ipsam
orationis formam rectius iudicare potes, quā alij,
& legens recordabere ipsius erga te beneuolentiam,
& quasi colloquentem audies. mīto igitur tibi exem-
plum libri Bembi nitidissime excusum: mihi quoq;
aliud emam. Vere in hoc uiro dotes illae fuerunt, quas
in historico esse uolunt, uidelicet, *σύνεσις πολιτι-*
κή, & δύναμις ἐγκυκλιεύτικη. Valde te oro, ut mi-
hi scribas, an & Bembi librum, & has literas acce-
peris. Filia dei beneficio recte ualet, et habet honesta
exercitia precum, & oeconomica. Tuas literas et fla-
gito & expecto. Deus conditor generis humani ser-
uet te & honestissimam coniugem tuam, & dulcissi-
mas filias, & charissimos filios. Bene & feliciter
uale. XV. Octobris, Anno M. D. LI.

Vitenbergæ.

PHILIPPVS MELANTHON GEOR.

gio Sabino genero suo, S. P. D.

Nihil dubium est diuinitus insitas esse hominibus
σοφίας erga natos, ut sint commonefactrices
de amore

de amore Dei erga filium & erga nos. Hæc & mecum
 sæpe cogito in ipsa precatiōe, et alijs sæpe cōmemoro.
 Itaq; cum uelit deus adfici nos desiderio nostrorū, &
 ne possit quidem natura in homine mediocri non do-
 lere extinctis natis, magnum uulnus accepi cognita
 morte filij nostri Alberti, quo in luctu me et recorda-
 tio matris, & cogitatio de tuo dolore ualde excruci-
 ant. Elsi autem difficile est mederi talibus uulneribus,
 tamen letis temporibus facilius acquiescit, cū & no-
 stræ & aliorum familiæ certum & mediocre sedem
 habituræ uidentur. Nunc in his ruinis imperiorum
 quæ potest esse leuatio? Ac te quidem pro tua pru-
 dentia scio multa prospicere quæ moesticiam tuā au-
 gent. Cum autem hæ consolationes quæ humana di-
 ligentia à doctis collectæ sint, tantis uulneribus exi-
 guam opē adferant, intueamur diuinitus propositas.
 Scimus nos deo curæ esse, quem inuocemus ut regat
 & protegat superstites: et statuamus eos quos ex hac
 ærumnosa uita euocauit, frui iam consuetudine coele-
 stis Ecclesiæ. Plura iam scribere non potui, ac ne qui-
 dem sciebā an ad te hæ literæ peruenturæ sint, quas
 nisi Placotomo. Marcellum collegam nostrum, &
 Bernardum Ciglerum, deus quoq; euocauit ex hac
 uita. Bene uale, die VII. Ianuarij, Anno M.D.LI.
 Lipsiæ. Honestissimæ coniugi tuæ & filio Christo-
 phoro & filiabus salutem opto: quibus mi-
 sisset munera, si certos nun-
 cios habuissem.

LIBER
GEORGIUS SABINVS

Ioanni Sledano,

S. P. D.

CVM in hanc nostram aetatem et horribiles bel-
lorum motus, & uariae mutationes religionis
inciderint, laudanda est uoluntas eorum, qui ut po-
steritati consulant, hanc tanta negotia recte describere
student: quam ad rem non illa tantum requiruntur,
quae nominantur à Thucydide, σύνεσις πολιτικὴ,
καὶ δύνάμις ἐρμηνευτικὴ: sed etiam ueritatis &
inquisitio & amor, ne aut odio gentis seu partis ali-
cuius, aut nimio amore, peccemus. Oderat Timaeus
historicus Agathoclem Siciliae Regem: ubiq; igitur
eum uituperauit, et cum alijs multis malediceret, no-
minatus est ἐπιτιμαῖος, id est, uituperator. Acer-
bissime etiam conuiciatus est Theopompus Philippo
Macedoni eiusq; exercitui: quapropter cum Alexan-
der Magnus Philippi filius eum ad supplicium dedi-
posceret, confugit ad aram Dianae Ephesiae ritu sup-
plicis. Daphitas cruci affixus, & Cassius proprijs
libris ambustus fuit, quorum uterq; de illustribus uiris
detrahendi causa maledice contumelioseq; scripserat.
Timagenes Augustum offendit, nescio qua narratione
sed sapiens Princeps, tantum familiaritatem ei pristi-
nam interdixit: postea Tiberius eum occidit, cū qui-
dem eius historia à posteris laudata sit. Hac nostra aeta-
te, Paulus Iouius Nouocomesis, Episcopus Nucerinus
ut alia omittam, de magna parte gentis Germanicae
iudicat

251
iudicat iniquius, propterea quod, ut Deū recte inuo-
cent, falsa monachorum dogmata exploserunt. Detra-
hit & de laudibus Illustrissimi Principis Electoris Io-
achimi, I I. Marchionis Brandenburgensis, quo uix
alius in Germania præclarius meretur de republica.
Huic ascribit attribuitq; ea, quæ cōstat omnino esse
falsa: nempe, quod anno M. D. XLII. cum Roma-
ni Imperij nomine duceret exercitum in Vngariam,
segnitie & inertia transmiserit tempus gerēdis rebus
opportunum: cunq; tandem oppugnaret Pestum, &
cuncta armis ac tormentis perstreperent, se ab omni
periculo ita subduxerit, ut nusquam conspiceretur.
Verum est quidem, segni & inutili mora tempus ab-
sumptum esse, non sine detrimento & ignominia rei-
publicæ: sed inique facit louius, quod huius rei culpā
transfert in principem innocentissimum, dissimulans
difficultates, quibus ille impeditus nō potuit iusta ra-
tione bellum administrare. Pleraq; enim prouinciæ
& ciuitates Imperij, aut nullam contulerunt pecuni-
am, unde numerarentur stipendia exercitui: aut nul-
lum miserunt militem: aut miserunt quidem, sed tar-
dius & non plene. Id uero factum est artificio Regis
Galliæ, qui cum eo tempore nouas res moliretur con-
tra Carolum Imperatorem, quem naufragio ad Al-
gieram periisse acceperat, prouincias Imperij gra-
uissimo implicuit bello præter expectatiōem. Immisit
enim maximos exercitus in Brabantiam, in Atreba-
tes & Morinos, ductoribus Longeuallo & Martino

Rossemio. Ipse diuersa parte bellum mouens, obsedit Parpinianum, oppidum ad pyrenæos montes situm. Ac Aurelianus princeps Regis filius, principatū Luceburgensem inuasit. Eodem quoq; tempore, Saxo et Lantgrauius intulerunt arma Henrico Duci Brūsiucensi, eumq; è principatu suo eiecerunt, cum tamen cautum esset decreto imperij, ne arma sub id tempus domi mouerentur. Adhæc defecerunt Marchioni Ioachimores res ad tormenta bellica necessariae, quas nonnulli se curaturos, & ad castra missuros promiserant. Nec Vngarica auxilia in tempore adfuerunt: difficulter enim pertracti sunt Vngari in societatem belli, postquam cognouerunt ordines Imperij inter se dissidere: terq; euocati fuerunt, antequam se Germanorum copijs adiungerent. Hæc nimirum fuit causa istius moræ & cunctationis. Quis autem ducum nõ factus esset tardus & parum efficax, ad hunc modum auxilijs, pecunijs, & rebus ad tormenta necessarijs, destitutus? Nemo ignorat, pecunias esse nervos belli: hisq; deficientibus recusari Imperium: & absq; Imperio rem militarem administrari non posse, idq; ita esse, re ipsa tunc compertum fuit: nam impedita stipendiorum solutione, miles adeo contumaciter recusauit Imperiū, tamq; grauiter indignari cepit, ut paulam diceret, se non processurum in pugnam, si uel unica sanguinis gutta uictoriam consequi possit. Has difficultates Iouius silentio præterit, de quibus extant ipsius Marchionis Electoris literæ, grauissimis querimo=

rimonijs plenæ, ex castris datæ ad Ferdinandum Regem Romanorū, ordinesq; imperij Norimbergæ congregatos. Tam uero timidum & nullius animi principem hunc esse, ut se extra periculum infami loco abdidit, magnum & impudens mendacium est. Nam egregia eius uirtus antea in adeundis belli periculis conspecta est, cum Turcæ anno M. D. XXXII. ex Austria profligarentur. Si igitur adferat scriptor & facultatem exponendi, et inquisitionis diligentia, & in enarrando fidem, et candorē, non κακὸν ἔργον profecto utiliter consulet posteris.

Tuam quidem uoluntatem Sledane ut laudem eo moueor, quia uideo te splendidum genus sermonis ad scribendum attulisse: palam etiam in religione ueram sententiam probare, tuiq; iudicij de doctrina interdum causas intexere. Itaq; quod constantiam laudasti Principis antecellentis sapientia & uirtute Ioannis Marchionis Brandeburgensis in repudiandis corruptelis religionis, quibus inepte titulum fecerunt Interim, neq; à te ipso neq; à ueritate dissentis: tibiq; gratiam habeo. Prodest enim ad posteros extare iudicia sapientum principum de tantis controuersijs in Ecclesia. Sed ut talium principum autoritas ad omnem posteritatem maior sit, plurimum refert etiam intelligi cætera eorum consilia in publicis negotijs congruere. Fuit Marchio Ioannes in castris Caroli Imperatoris anno M. D. XLVI. Ea de re scribis accusari eum à foederatis principibus cum quibus Im-

perator tunc bellum gessit, ac haberi pro ruptore fœderis & uiolatore fidei. Nec addis ipsius responsionem grauiſſime scriptam. Non exiſtimo conſulto omiſſam eſſe: ſed tamen negligentia reprehendenda eſt ſi non inquiſiuiſti, cum quidem publice edita et typis excuſa ſit, tamq; grauiter ac modeſte ſcripta, ut omnes prudentes intelligant, Marchionem Ioannem pro ſua ſapientia dignitati cognatorum ſingulari conſilio parcere. Affirmauerat Imperator ſe non mutaturum eſſe doctrinam in his Eccleſijs, ſed alias habere belli cauſas. Non igitur obijci potuit, quòd deſenſioni doctrinæ deeſſet. Nec ego nunc de arcanis principum negotijs diſputo: tantum admono te, ut commentarijs iſtis tuis, ubi denuo excudentur, ſimul inferas laudatiſſimi principis reſponſionem. Legat integrā cauſam poſteritas, nec tantum ex unius partis narratione iudicet. Non ſolum in Attica lege in ligneis tabulis, ſed in omnium hominum mentibus hoc ſcriptum eſt, $\delta\mu\omicron\iota\omega\varsigma\ \acute{\alpha}\mu\phi\omicron\tau\epsilon\ \acute{\alpha}\kappa\rho\acute{\alpha}\delta\alpha\iota$. Deus enim iuſtus, hunc radium ſuæ lucis indidit omnium mentibus, ut intelligant non pronuntiandum eſſe niſi utraq; parte audita. Non eſt igitur occultanda deſenſio, præſertim in re tanta, ubi non ſolum tanti Principis & nobiliſſimæ familiæ fama perclitatur, ſed etiam autoritas teſtimonij de religione. Sciat poſteritas nequaquam eum uoluiffe unquam gerere arma cōtra ueram doctrinam, quam et poſtea conſtantiſſime defendit contra imperatoris uoluntatem. Semper hic ſapiens

Prin

Princeps hanc diuinam normam consiliorum, quam
& uexillo inscriptam tunc habebat, secutus est,
DATE DEO QVAE DEI SVNT,
QVAE SVNT CAESARIS, CAESARI.
Id discrimen & intelligit, & uera pietate & summa
grauitate tuetur: ueris officijs Deum colit, & sin-
gulari uigilantia in Ecclesijs doctrinae puritatem, &
in populo disciplinam conseruat. Nec deest commu-
ni saluti Germaniae in publicis negotijs. Eius consi-
lio multae deliberationes publicae reguntur, & mul-
tae Principum controuersiae tolluntur. Vita interior
casta & modesta est, & non uoluptatibus sordidis
agitur. Sed ordine tempora distributa sunt: alia le-
ctioni sacrae & precationi tribuuntur, alia delibera-
tionibus, & cognitioni causarum suae ditionis, alia
peregrinorum principum negotijs. Exiguum super-
est, quod corporis necessitati tribuitur. Talem esse
hunc Principem & nostrae aetati & posteris scire
prodest, ut intelligatur, non timore, non errore, sed
grauissimo consilio amplexum esse doctrinam à pon-
tificia consuetudine dissentientem, plurimum enim
refert scire, quales sint in Ecclesijs nostris principes:
ac uera de eis testimonia posteris tradenda sunt. Hæc
ad te scripsi bono studio: teq; hortor, ut (quod ius-
tum est) defensionem Marchionis Ioannis illi parti
operis tui inferas, ubi sic scribis: Eo dato responso,
illi publicum scriptum edunt, & inter alia, quod de
Augustana Confessione dixerat, refutant: & ipsius

LIBER

literis docent, eum sibi socijsq; teneri opem ferre, si res in eum casum deueniat, & si quis aliam contra se belli causam obducatur atq; simulet. Itaq; diligenter monent omnes, praesertim tribunos, centuriones atq; milites, ne suam operam illi, qui fidem uiolarit, addicant. Huc (inquam) inferas illius defensionem publice editam & grauissime scriptam, qua crimen sibi obiectum uere diluit, atq; ita depulit, ut ea defensione foederati etiam ipsi acquieuerint. Id omnino intexendum est, ut & integra narratio plus fidei habeat, & non laedatur princeps sapientia & uirtute excellens, quem quidem in parte operis, uera laude ornasti, ubi commemoras, eum anno XLVIII tanta animi magnitudine & constantia defendisse causam Euangelij in conuentu post uictoriam Caesaris acto, ut consternatis ac uacillantibus caeteris, ausus sit solus reclamare decreto isti, quo imperij ordines iuebantur assentiri libro de religione, qui eo in conuentu conscriptus & approbatus est. Nam cum caeteri huic decreto subscripsissent, & ipse quoq; ad subscribendum sine intermissione urgeretur, fecit id, quod pium, cordatum, & constantem in tuenda ueritate Principem decet: Accessit Caesarem omnibus imperij ordinibus iam tum formidabilem, eumq; praesente Ferdinando Romanorum Rege admonuit pacti & promissi, quo ante bellum sibi cauisset: estq; intrepide professus, se potius uitam amissurum esse, quam discessurum ab illa incorrupta

E P I S T O L.

254

rupta Euangelij doctrina & religione, quam professus esset ante illius uictoriam. Hæc certe confessio, magni & constantis animi indicium est, satisq; probat, eum falso actusari, quod sefellerit fidem Augustanæ Confessioni datam, aliaq; ratione addixerit Cæsari operam suam in bello, nisi ut salua religione dignitatem supremi magistratus sui tueretur. Vale.

Dat. Cal. Sept. Anno Christi,
M. D. LVI.

Francofordiæ ad Oderam.

ALIQVOT

ALIQVOT LOCA IN HIS
 Poematibus explicata, quæ non facile
 intelliguntur, à lectore rerum
 Germanicarum impe-
 perito, per
 CRATONEM MYL.
 IN HODOEPORICO.

ADuce, quæ Brenno condita nomen habet.
 Brenniburgum. Sic enim à ueteribus appella-
 tur. Sed uulgus Brandeburgum pronunciat. Bur-
 gum uero significat propugnaculū, ἀπὸ τοῦ πύργου
 Et Brennus idem est nomen apud Germanos, quod
 Galeatius, ut ueteres ille cantiones testantur, quæ in
 Theodoricum regem Gothorum extant. Significat
 igitur Brenniburgum, equitum seu Galeatorum ur-
 bem.

Nomen ubi parue urbi
 Campus & asperitas fecit amara loci.
 Bitterfeld, πιρροπεδ'ίου, oppidum est Saxonie.
 Pharmaca quo nemo miscente peritius ægris,
 Pœonia medicas applicat arte manus.
 Philippus Bucchemerus, cuius hic meminit, Alberti
 Cardinalis Moguntini medicus est, uir eximia doctri-
 na & suauitate ingenij præditus.
 Clarus ab antiquo sanguine natus eques,
 Inclyta magnanimi quo regia principis ullum,

Vix

Vix habet ingenio candidiore uirum.

Ioannem Iordanum Hertzhemerum intelligit, Alberti Cardinalis Camerarium.

Vrbs uetus à Drusi coniuge dicta ducis.

Agrippina.

Mauortis habentia nomen moenia,

Mersburgum, oppidum Misniae, ad tertium miliare à Salinis.

Assirij regis gaudentem nomine Belum,

Baldasaremq; &c. Ioannes Belouu, & Baldasar à Volde, equites Pomerani.

Neopyrgū, urbs Turingiae, ad Salam, Neuuenburg.

Venimus huc, sacro coniunx ubi diua sepulchro,

Coniugis Henrici regis humata iacet.

Diua Chunigundis Henrici Claudi coniunx, Bombergæ sita est.

Hinc undose tuam Pegnese petiuimus urbem.

Pegnesus Norinbergā perlabitur, uulgo die Pegnitz.

Sunt ubi Danubij moenia iuncta uadis,

Thunenuerd, ciuitas imperialis.

Cuius, ubi bello Veneti petiēre Tridentum,

Perdedit ad flauas signa Robertus aquas.

Anno Domini M. cccclxxxvij. ingenti praelio uictus est ad Athesin Robertus Sanzeuerinus Venetorum dux à Sigismundo Archiduce Austriae.

Lucas Bomphius, clementis VII. Pontificis cubicularius, extant epistolæ Erasmi Roterodami ad eum scriptæ.

Caëlius

Coelius Calcagninus, Ferrariae bonarum artium
professor.

Nec iuuenis, quo se domus Augerspergia iactat,
Volphgangus de Augersperg Baro.

IN ELEGIA DE REDITU
tu Marchionis.

Vicinaq; gerit præclarum nomen ab arcto,
Berlin, oppidum Marchiae à minore ursa cognomi-
natum.

IN ELEGIA DE SPECTRO
Spirensi.

Cæsareis sedes fuit illa cohortibus olim,
Nomen ob id Graium Spira uocata tenet.
ædæ cohors.

IN CAESARIBVS.

Mogus ubi Rheni cornua miscet aquis,
Mogus prope Moguntiam influit in Rhenum.
Quæ de uirginibus nomen adepta tenet,
Madeburga, quæ et Parthenopolis.

Ascaniae principibusq; dedit.
Ascania arx est principum ab Anholt, ab ea domini
Ascaniae appellantur.

Qui

Qui duo cum gemino cornua pisce gerit,
 Ducis Vuirtembergensis insignia sunt cornua ceruina
 et pisces.

A crucis et nomen monte uocata tenet.
 Creutzberg.

Vrbs à Francorum nomen adepta uado.

Francofordia.

IN EPITAPHIO

Misneri.

Atque Ducem nigri qui bouis ora gerit.
 Taurinum caput, insigne Ducum Megala-
 burgensium.

FINIS.

Inst. 205/178/173

Operac.

Revelat.

Mag. gu 10 2-754

✱KSIEGARNIA✱

ANTYKWARIAT



≡ E 530001 ≡

XXXXXXXXXXXXXXXXXXXXXXXXXXXX



u hiasem welikým ku pánu Bohu svému. **V**
zešli lewytowé **J**ozue a **E**zedmišel **B**on
i: a **S**erebia. **A**rebia. **O**daya. **S**ebua **F**ara
a. **W**staňte chwalte pána Boha nasseho
od wieku až naw. ety. **A** dobrozeczste gme//
nu sláwy twe vysokému: we wsssem dobro
zecenij a chwałę. **T**y gsy pane sám: ty gsy
uczynil nebe: y nebe nebes: y wesssen za//
stup geho: zemi y wssseczko goz wnyc gest:
morze y wssseczky rzeky se wsssemi wieczni kte
ręz wnich gsu: a ty obżywugess ty wssseczky
wieczy: a zastup nebesty tobie se kłanię.
Ty gsy pane Boże kterýzs wywolil **A**braha
ma: a wywedł gsy gey z ohnie **H**aldeystého: i. mo
a dal gsy mu gmeno **A**braham a nalezl gsy
srodze geho wiernę przed tebu: a uczynil gsy
s nym umiřwu: aby dal gemu zemi **K**ana
anstu: **E**theystu. **E**weystu. **A**moreystu:
a **S**erezeystu: y **T**ebuzeystu: a **B**ergezey
stu: aby dal gi semeni geho. **A** naplnil i. mo
gsy słowa swa neb sprawedliwy gsy. **W**
widiel gsy traapenije otzuow nassych w
Egyptie: a křyz gich slyssal gsy v morze ru
dneho: a uczynil gi **W**ymv a **J**ezraty nad **F**a
ra. **I** v na
*To dusa nalo jadlausy rad' w gytu a fange
podssel w dymy nad risske toj yslm duss po
sacil se dely wry galy. y slasy tal. duss
w mil pty am nad dymy am na sobostost se*



7

XVI, 8
111